

الكتاب : جزئية
الصيغة : PDF
المساحة : ٢٠ ميجا

منهج التربية الكنسية - اسقفية الشباب
الصف الخامس الابتدائي

حمل الان

كتاب منهج الكنيسة و اسقفية الشباب لسنة ابدائي

عشاء في كتابك كثير مش بتقدر توصل لمنهج الكرازة في أقاليم مصر
و بلاد خارج مصر في الدول العربية في خدمتها ييه ايديك دلوقتي **كتاب منهج الكرازة ل ه ابدائي**
الكتاب فيه: أفكار وسائل إيضاح جميلة و دخلات و طرق عرض شيقه للمناقشه
و باقلات جاهزه للخدمة و مسابقات اجمل 😊
حملة و شارك ييه كل الي محتاجه في خدمته 😊

Share
Like

الصف الخامس الابتدائي



تقديم
الأنبا موسى
الأسقف العام

سبتمبر - ديسمبر

المحتويات

شهر سبتمبر (كثيستي عافية)

- ١ - Copy CD - ماذا طبعت المسيحية داخلي؟ ١٦
- ٢ - جسر مش خشبي - كيف تكسب ثقة الآخرين؟ ٢٦
- ٣ - ابحث عني - العالم والعلم يشهدان بوجود الله ٣٦
- ٤ - رحلة بيتي - هيكل سليمان ٤٥

شهر أكتوبر (إبائات)

- ٥ - أنت إنسان - الاحتياجات الإنسانية (هرم ماسلو) ٥٨
- ٦ - شايف من غير عيون - القديس ديديموس البصير ٦٧
- ٧ - نبح لا ينتهي - الرب يسوع يسد جميع احتياجاتي ٧٦
- ٨ - حسبها صح - حكمة سليمان ٩٣

شهر نوفمبر (انطلق نحو الهدف)

- ٩ - عامل ولا عاطل؟! - مثل الإبنان ١٠٢
- ١٠ - معايا حصانة - نسعى كسفراء ١١٠
- ١١ - اتعرفه؟ - أعمالي تشهد لي ١٢٢
- ١٢ - إيد لوحدها ما تصقفش - الإيمان العامل ١٣٣

شهر ديسمبر (سبح الملك)

- ١٣ - جمّد قلبك - كيف تحقق هدفك؟ ١٤٤
- ١٤ - حلى لسانك - الصلاة بالمزامير ١٥٥
- ١٥ - لقطات سماوية - ترتيب التسبحة ١٦٣
- ١٦ - حلاوة العشرة - تسبحة التلاميذ والرسل ١٧٤

طرق مختلفة لتحفيظ الآيات

أولاً: مبادئ عامة يجب الالتفات لها :

لا تنسى الشاهد الكتابي - الشاهد هو الكلمة الأخيرة في الآية - يجب الإلتزام بقراءة نص الآية جيداً من الكتاب المقدس.

- لتحفيظ الآية يجب أن تعتمد على :

❖ التكرار : للمساعدة على تثبيت الحفظ.

❖ الإيمار : لجذب الإنتباه وشحذ الذهن.

- لا يجب أن يفهم الطفل خاصة سن (5-8) سنوات كل ما يحفظ: مثلاً: "رشم الصليب وقانون الإيمان".

- الطفل أول 5 سنوات من عمره يمكنه أن يحفظ معجم أو قاموس، فلا تضع عليه فرص الحفظ.

- اقرأ الآية من الكتاب المقدس، ليعرف الأولاد مصدرها، وليتعودوا على التعامل مع الكتاب المقدس.

- لا يجب أن يخرج الطفل من سنة رابعة دون أن تكون قد أعطيت له الكتاب المقدس (خاص به) كإهداء من مدارس الأحد.

- يجب أن يكون لديك منهج موازي للآيات المتعلقة بالعقيدة والطقس والإيمانيات.

- اشرح كيف نطبق هذه الآية عملياً في الجزء الخاص بالتطبيق العملي على حياته الشخصية.

ثانياً: استخدم الآية في الدرس :

يمكن اختيار أحد المجالات التالية :

- في التمهيد : أبداً تهيد الدرس، بأن تجعل الأطفال يحفظون الآية بواسطة لعبة، ثم

ناقش معهم معنى الآية، ثم قل "درس اليوم عن شخص نفذ هذه الآية"، كمثال على

ذلك مثلاً آية: "كان الرب مع يوسف.. عارفين ده مين يا حبايبي..".

- في الفصّة : ردد الآية أثناء القصّة عدة مرات، على لسان الشخصية الرئيسية في القصّة، أو اقرأها بعد

كل فقرة، أو استخدمها كتعليق على الأحداث، ولا تنسى أن تطلب منهم ترديدها معك.

- الإستجابة : في وقت الصلاة يمكن ترديدها مع الأطفال، فيسهل حفظها.

- في أسئلة الفهم : اسأل من الذي نفذ الوصية؟ كيف نفذ هذه الوصية؟

- في التدريب : ١- أعط مواقف من الحياة، واسأل كيف ننفذ هذه الآية في هذا الموقف.

٢- أعط موقفاً ورنود فعل بعض الأشخاص، ثم اسأل من الذي نفذ الوصية من هؤلاء.



ثالثاً: بعض الطرق المقترحة :

١- الاسكتش بورد : أهم نقطة فى هذه الطريقة هى :

الاعتماد على التكرار مع الإبهار وهذا من خلال :

- اللوحة بالحروف الناقصة:

وتكمل حرف واحد، ثم يقوم

الأطفال بمحاولة تخمين الكلمة.

- اللوحة والأيس كريم: وفيها يتم

تكميل الجملة بأكملها، ثم أطلب منهم تخمين الحرف

الناقص، وأول من يكتشف الآية يأخذ مكافئة (انظر

الطريقة على الـ CD).

٢- جبل الغسيل : المشابك والهدوم بحيث يتم وضع الآية على

ورق على شكل هدوم (بنطلون - شورت - قميص...).

٣- الرايات : الورق بالشاليموه بحيث يتم كتابة ورقة عليها الآية، ثم يقوموا الأطفال بترتيبها.

٤- البالونات المفترقة :

- كلمة داخل كل بالونة وينفخها إلى أن تنفجر، ويجمع الطفل الورقة من كل بالونة ليكون الآية.

- كلمة على كل بالونة منفوخة، وعندما تفرقع يقولوا الآية كلهم.

٥- الآيات الموسيقية : نوقف الأولاد على شكل مربع ، ويدوروا على لحن كنسى، وبمجرد إنتهاء الموسيقى، اللي

عليه الدور يقول الآية.

٦- الرموز والصور : بالشفرة أو اللغة المرسومة كل كلمة عليها رسمة مثل : "أنا الرب شافيك" أنا - أبدا أشاور

على، الرب - يمكن لزق صورة للرب يسوع، شافيك - صورة لسماعة أو حقنة.

٧- التمثيل : - التمثيل المسرحى.

٨- الأشياء المنظورة (بمعنى يسكوا شئ مادي) :

- الغسل: "مَا أَحَلَّى قَوْلَكَ لِحَتِّكَ! أَحَلَّى مِنَ الْعَسَلِ لَفْمِي" (مز ١١٩: ١٠٣).

- الثمبة: "كلمة الله تنير خفايا القلوب..." - تليفون: "صَلُّوا بَلَا انْقِطَاع.." (١ تس ٥: ١٧).

- المال: "لَا يَقْدِرُ أَحَدٌ أَنْ يَخْدِمَ سَيِّدَيْنِ..." (مت ٢٤: ٦). - رمال وصخور: "البيت المبنى على الرمل والصخر".

٩- المتابعة :

- بالكتاب المقدس: طفل حضانة أو أولى الكتاب المقدس الخاص به هو: الآيات التى حفظها (يمكن تجميعها له

على شكل علبة كبريت).

- بالأطلس: صفحات كبيرة بكل صفحة آية.

- باللوحة: المعلقة على الحائط.

- بالكشكول: الشخصى.

- بالميدالية والكروت المغلفة: لكل مرحلة ميدالية.

- بعمل إمتحان شفهي أو تحريري: كل شهر أو ٣ أو ٦ شهور.

التعلم بالخبرة

عزيزي الخادم.. بدءًا من الصف الأول الابتدائي إلى الصف السادس الابتدائي سوف تجد أن هناك من ضمن أفكار التمهيد "لعبة مهدفة" أو "تجربة علمية".. وحيث أن هذا السن يحب بكثرة أن تناقشه أفضل من أن تُسرد له فقط (تعليم تكويني وليس تلقيني)، فقد قال كونفوشيوس مرة "أخبرني وسوف أنسى، ارنني وربما أتذكر. اشركني وسوف أفهم".. فمن هذا المنطلق عزيزي الخادم فإن التعلم بالخبرة يمر بأربع مراحل هي :

- ١- **مخدومك وخوض التجربة** : ودور الخادم هنا فقط أن يقوم بشرح التجربة التي سيخوضها المخدوم.
- ٢- **مخدومك وتكوين استنتاجات** : نتيجة خوضه هذه التجربة، ودور الخادم أن يسأل أسئلة Reflection.
- ٣- **وصول مفهوم مجرد للمخدوم** : ودور الخادم أن ينصت لما توصل له من خلال الأسئلة وخوضه التجربة.
- ٤- **تطبيق حياتي ووصول الهدف من الدرس** : ودور الخادم أن يربط بين اللعبة أو التجربة والهدف المراد، وعمل ملخص لما توصلوا له.

فماذا ستجد في الكتاب ؟

- ستجد شرح اللعبة كما سشرحها لأطفالك.
 - ستتعرف على كيفية عمل Reflection.
 - ستتعرف على المفهوم المجرد الذي وصل للأطفال (من خلال أننا سنخبرك في آخر شرح اللعبة عن المتوقع أن يفعله الأطفال).
 - تطبيق حياتي ووصول للهدف (هذا هو مدخل قصتك المخدوم والعكس الرئيسي)
- الخادم يلخص
- الخادم ينصت
- الخادم يسأل
- الخادم يشرح
- الوصول لهدف من الدرس
- الوصول لمفهوم مجرد
- المخدوم تكوين استنتاجات
- المخدوم والعكس الرئيسي
- الذي ستستخدمه بالفعل من خلال قراءتك للقصة من الكتاب المقدس، ومناقشة مخدومك في العلاقة بين القصة والهدف الذي توصلوا له).



إذن فما هو ال Reflection ؟

هو عبارة عن :

- تذكر نشاط معين.
- التحدث بصوت عالٍ عن خبراتى وأحاسيسى التى مررت بها من خلال هذا النشاط.
- تحليل تفاصيل هذا النشاط والأحاسيس المصاحبة له.
- ربط أحداث النشاط بالحياة الواقعية وبأمثلة حية.

خطوات عمل ال Reflection :

- What : دورك كخادم : تجميع مخدوميك فى دائرة حولك، اسأل أسئلة مفتوحة الإجابة، اسمع ولا تعلق وإنما اعمل على مشاركة الكل، وسؤال كل مخدوم.
- (أمثلة للأسئلة : مين عجبته اللعبة؟ - إيه كان دورك فى اللعبة؟ - حسيت بإيه؟..)
- So what : دورك كخادم: معرفة ما توصل إليه مخدوميك، شجع كل فكرة، اسأل أسئلة مرتبطة بهدف اللعبة.
- (أمثلة للأسئلة : هتعمل إيه لو ٢٠٠ - لو لعبت اللعبة دى تانى، هتعمل إيه مختلف؟..)
- Now what : دورك كخادم: تتأكد أن كل واحد وصل له الهدف من اللعبة، وكيف سوف يطبق الهدف فى حياته؟
- (أمثلة للأسئلة : هل واجهت موقف زى ده فى حياتك ؟ - ناوى تعمل إيه ؟

كلمة أخيرة

عزيزى الخادم.. التعلم بالخبرة هى فرصة جديدة لك للتعرف على مخدوميك، ولكى تؤثر فى حياتهم، فأحرص دائماً على أن تكون ضابطاً لنظام اللعبة أو التجربة، وإذا لم يتسنى لك جعل كل مخدوم يقوم بالتجربة بنفسه (بسبب استخدام النار أو شيئاً خطراً)، فعلى الأقل كل خطوة تقم بها شاركه بأسئلة وأطلب توقعاته عن ما تفعله..

دروس شهر سبتمبر

- ١- ماذا طبعت المسيحية داخلي ؟ (من أنا ؟)
- ٢- كيف تكسب ثقة الآخرين ؟ (أنا والآخر)
- ٣- العالم والعلم يشهدان بوجود الله (الإيمانيات)
- ٤- هيكل سليمان (درس كتاب)



هدف دروس هذا الشهر حول :

- ١- أنا أفتخر بكوني مسيحياً.
- ٢- أسعى دائماً لأكون محل ثقة الآخرين.
- ٣- أشعر بوجود الله في كل شئ من حولى.
- ٤- عرفت المعنى الحقيقي للكنيسة وهو وجود ربنا وسط شعبه، وإزاي كان لها صور كثير من بداية الخليقة حتى الآن.



ماذا طبعت المسيحية داخلي؟

- عنوان مبتكر: كويبي سي دي
Copy Cd - طباعة روحية

- محور الدرس: (من أنا؟) - أنا مسيحي
وأعترف بمسيحيتي لما طبعت في.

- الآية: 'فَشْكُرًا لِلَّهِ عَلَى عَطِيَّتِهِ الَّتِي
لَا يُعْبَرُ عَنْهَا' (٢كو ٩: ١٥).

- المراجع: هل أنا حقًا مسيحي -
د. عادل حلیم.

- هدف الدرس: ١- الهدف المعرفي: أن يعرف الطفل ماذا طبعت المسيحية فيه من صفات جعلته صورة مميزة وسط العالم كله.
٢- الهدف الوجداني: أن يشعر الطفل بإعترازه وفخره بكونه مسيحيًا.
٣- الهدف المهاري: أن يتدرب الطفل على إبراز جميع الجوانب الجميلة التي طبعتها فيه المسيحية، كما فعل أبائنا الشهداء، حتى قيل أن دماهم كانت بذار الكنيسة على مدى العصور.

- عندما نصف شخص ما بأنه مسيحي، فإن معنى ذلك أنه منسوب للمسيح، نائب عنه، سفير له، له ملامحه وصفاته.
- المسيحي ليس إنسان مولود بالفطرة مسيحي، أو أنه في أسرة مسيحية، بل هو من يسعى ببساطة الأطفال نحو المسيح: الكلمة المتجسد،



ليرتبط به ارتباط وثيق، ويعرفه كابن بالطبيعة لله (أي المسيح)، ويثد به بالإفخارستيا ويصير معه واحدًا ليحقق بنوته لله، الذي نالها بالمعمودية، بالخبرة في حياته اليومية، متذوقًا شركة الآلام مع المسيح، فيحمل الصليب كل يوم ويتبع مخلصه الصالح بكل صدق وأمانة: 'وَقَالَ لِلْجَمِيعِ: إِنْ أَرَادَ أَحَدٌ أَنْ يَأْتِيَ وَرَائِي فَلْيُنْكَرْ نَفْسَهُ وَيَحْمِلْ صَلِيبَهُ كُلَّ يَوْمٍ وَيَتَّبِعْنِي' (لو ٩: ٢٣).

- من أقوال القديس يوحنا ذهبي الفم: 'لا تقل أنك لا تستطيع أن تؤثر في الآخرين.. فإنك مادمت مسيحيًا.. يستحيل ألا تكون صاحب تأثير.. فهذا هو جوهر المسيحي.'

- إن قلت أنك مسيحي ولا تقدر أن تفعل شيئًا فذلك كقول: أن الشمس لا تقدر أن تهب ضوءًا.

- إن كانت الخميرة لا تخمر العجين، فكيف تكون خميرة؟ وهكذا المسيحي الذي لا يعمل من أجل خلاص غيره فهل يكون مسيحيًا؟

اختار تمهيد للدرس



١- الهدف من هذا التمهيد حث الأطفال على تكوين صورة مسيحية جميلة
لربنا قدام كل من حولهم (لازم صورتهم تكون حقيقية مش مصطنعة (كن نفسك)).
يعرض الخادم أمام الأطفال صور لهذه الأشياء (مرايا - كاميرا صور - كاميرا فيديو).. ثم يقوم
بتوزيع ورقة عمل كما مبين في شكل (١).

أُسئلة الحوار	مرايا	كاميرا تصوير	كاميرا فيديو
صفاتها			
صورتك تحب تكون إيه			

وبعدها يبدأ الخادم يحكى لهم عن صفات كل أداة من الأدوات السابقة ومن خلال شرحه
يقوموا هم بمملئ الجدول...

- **المرايا**: دى بنشوف فيها ملامحنا، وتبقى هي بالضبط زي أنا، بعنى لو رفعت
إيدك اليمين تترفع ولو نزلتها تنزل.

- **والكاميرا**: دى بنشوف فيها نفسنا، ممكن الصورة تبقى واضحة قوى لو مقربين،
أو مش واضحة لو بعدا لكن اللقطة بتاعتها مجرد ما تطبع هتبقى ثابتة.

- **كاميرا فيديو**: دى بنشوف فيها نفسنا وننفرج، لكن ممكن ببساطة
نقص الفيلم ونشيل حاجات منه ونسيب حاجات.

بعد ما تشرح كل حاجة فيهم أسأل مخدوميك دلوقتي لو عرفنا إن دى صورتنا
اللى الناس هتشوفك فيها.. تحب تكون صورتك ملقطة بأى طريقة؟

- **المرايا**: صورة بتعبر عنى بكل وضوح وتبقى أنا بالضبط.

- **كاميرا صور**: صورة ثابتة لو اتلقطت مش ممكن تتغير.

- **كاميرا فيديو**: صورة ثابته وممكن نخلى اللى عايزينه، ونشيل اللى مش عايزينه.

تحبوا يا ترى صورتكم كأولاد ربنا اللى تتأخذ لكم تكون: صورة مرايا (صورة بتعبر عن شخصيتك
بالضبط وممكن تتغير) - صورة كاميرا (صورة ثابتة لا يمكن تغييرها) - صورة فيديو
(صورة مختلفة عن الأصل بتجمل فيها علشان تطلع حلوة لكنها مش زي الحقيقة).. اترك
فترة للمناقشة والتفكير.



١- إذا قرر المخدم إنه عاوز صورته تكون جاية من المرايا: معناها إنه بيحب إن

الناس تشوفه زى ما هو، ولو غلط بيحاول يصلح الغلط فى ساعتها..

٢- إذا قرر المخدم إنه عاوز صورته تكون جاية من كاميرا الصور: معناها إنه بيحب إن الناس

ياخدوا فكرة ثابتة عنه، ولا يحب يغيرها (بس خللى بالك ممكن الكاميرا تلقط لك صورة مش حلوة

وبالتالى مش هاتعرف تغير حاجة فيها) دايماً تركز إن صورتك اللي الناس تعرفها

عندك تكون صورة ابن ربنا.

٣- إذا قرر المخدم إنه عاوز صورته تكون جاية من كاميرا فيديو:

معناها إنه بيحب يعرض حاجات للناس ويخبي حاجات ثانية (وطبعاً ده

مش حلو لأنك كده هاتعيش بشخصيتين واحدة الناس بتشوفها وفكريين

أنك حلو، وواحدة ثانية إنت اللي عارفها وعارف إنها مش حلوة بدليل إنك قطعتها وخبتها).

ملحوظة للخادم: اسع إجابة واختيار كل طفل قبل أن توضح نتيجة

كل إختيار فهذا يساعدك على معرفة بعض صفات مخدميك.

٢- الهدف من هذا التمهيد هو: (أنا صورة إلهية - هذا ما طبيعته فى مسيحيته) لأننى

إنسان ربنا ميزنى بحاجات كتير، تعالوا نعرفها مع بعض: (حاول أن تذكر الأربعة أسباب وإذا

لديك وقت اختر أى مثال توضيحي منهم وإعرضه لمخدميك لتصل لهم فكرته):

١- أنا ربنا خلقتنى على صورته مهما كانت المؤثرات الخارجية مش هتأثر فى:

تجربة: قم بإحضار بالونة منفوخة وإبرة: ثم قم بلسق شريط لاصق سميك فى البالونة من أسفل

(بلاستر طبي) ثم قل لمخدميك إنهم صورة الله: وبالتالي مهما كانت المؤثرات الخارجية صعبة

ثق أن الله سيحافظ عليك لأنك موضع إهتمامه، لأنك مخلوق على صورته (وهنا قم بتدخيل

الأبرة برفق داخل البالونة من ناحية البلاستر فلن تؤثر فى البالونة وستجد إن البالونة لن تفرقع).

٢- الله خلقتنى بأحب اللي حولى علشان أكون شخصية حلوة، ومصدر هذا الحب هو الله:

تجربة: أحضر كشاف - مرايا - ورقة سوداء.


قم بتسليط الضوء على المرايا بحيث تنعكس على الورقة السوداء.. واشرح لمخدميك أن اللبة تمثل

(الله) الذى أحبنى وأعطانى أن أحب غيرى لأنى صورته، و(المرايا) تمثل كل واحد فينا، وهذه

التجربة توضح إنه مطلوب من كل منا أن يكون كالمرايا، ويعكس حب الله لكل من حوله حتى

تكون صورة حلوة لربنا.

٣- الله خلقني يا'عرف افكر (العقل): يمكنك عرض أى سؤال من هذه الأسئلة ليعرف الأطفال مهارة التفكير السليم، أى صندوق من الشكل (٢) يكون أكثر شيها الموجود للصندوق فى الشكل (١) :
الإجابة: (الشكل E) لأن بها خيطاً معلقاً به كرة سوداء - بيضاء - سوداء، وخيطاً معلقاً به كرة بيضاء - سوداء - بيضاء.



٤- حرية الاختيار : احضر (طبق به (ملح ممزوج بفلل أسود) - معلقة - قماش صوف).

اذكر لمخدومك أن الشيطان يخدعنا فلا تميز الصح من الغلط لكن لأننا صورة الله وبالروح القدس اللى فى داخلنا يرشدنا.. علشان كده بنعرف نميز (قم بمغنطة المعلقة بالصوف ثم قرب المعلقة من الطبق، ستجد إنك جذبت الفلل الأسود تاركاً الملح).. ناقش مع مخدومك فكرة أن الله أعطانى حرية الاختيار والتمييز.. ثم لخص لمخدومك الـ ٤ صفات التى تميزك كصورة إلهية.

الهدف الأساسى من هذا الدرس أن نؤسس فى الأطفال مفهوم اعتزازه بمسيحيته التى طبعت فيه صورة مميزة وسط العالم كله.. ولأنى مسيحي ده خلانى مميز بمجموعة صفات طبعت فى من يوم ميلادى الثانى من جرن المعمودية..

يعرض الخادم أمام الأطفال إسطوانة الـ CD، ويوزع على كل منهم ورقة على شكل الإسطوانة.. ثم يبدأ الخادم فى شرح الدرس.

وسيلة الإيضاح



الجزء الأول اهذا الجزء جزء تمهيدى للدرس يمكنك أن تبدأ شرح

الدرس بدونه فى حالة معرفة الأطفال لمعنى كلمة (أنا مسيحي) :

فيهدف هذا الجزء توصيل معنى كلمة أنا مسيحي وهو (ربنا يملأنى + ربنا ساكن جوايا + إيمانى وثقتى بأن الرب تجسد لأجلى وصلب وفدائى + ومعموديتى تؤكد إيمانى بكل ما سبق).. ولكى تكون هذه القيم عملية للطفل ومفهومة قمنا بتوصيلها بطريقة تناسب الطفل على النحو التالى :



قم بتوزيع الآتى : (ورقة يمكن عملها من الأوريجامى كما فى شكل (١) على شكل كوباية + ورقة لونها أزرق + ورقة لونها أسود + صورة لميلاد الرب يسوع + صورة لقيامة الرب يسوع + صورة لطفل بيتعمد + مادة لاصقة) (انظر الـ CD) على كل مخدوم بحيث يشارك فى عمل تصميم يكتب عليه عنوان: أنا مسيحي.

شكل (١)



قم بمسك كوب حقيقي على أن يكون أمام مخدوميك ورقة عمل على شكل (كوب) :



شايقين ده كوباية... الكوباية وهى فاضية خفيفة ممكن أى هواء بطيرها وتقع تنكسر لكن لو جواها ماية (قم بملأ الكوب بالماء بينما يلصق مخدومك الورقة الزرقاء على الكوب).. وبكده هاتبقى أنقل ومش شوية هواء يوقعوها.. ومن حب ربنا للإنسان خلقه فى شركة مع ربنا (زى الكوباية دى المليانة بالمائة) وكانت صورته جميلة تشبه صورة ربنا.. لكن المشكلة حصلت لما آدم قدر يسبب ربنا (هنا يدلق الخادم الماية) كده أصبح آدم قاضى، الشيطان ضحك عليه بكلام مش صحيح عن ربنا (وهنا يقوم الخادم بملئ الكوب بماء ملون باللون الأسود بينما يلصق المخدومين ورقة سوداء ويكتبوا عليها خطية أو غلطة).. لكن هل ربنا هاسبب آدم فى الصورة الوحشة دى.. أكيد لا.. ربنا من حبه كان عاوز يرجع آدم لصورته الحلوة اللى كان عليها (صورة الكوباية المليانة بالمائة البيضاء)، علشان كده إتجسد وإتصلب ومات وقام وبكده رجعنا زى الأول وهنا يسكب الخادم اللى موجود فى الكوباية ويملأها من تانى بالماء كالصورة الأولى، وهكذا يقوم المخدومين بلصق ورقة زرقاء فوق الورقة السوداء، ويكتب عليها (مسيحى رجعتى للصورة الأولى) وبكده بقينا مسيحيين لأننا :

١- نؤمن أن الرب يسوع هو الله. ٢- متأكدين أنه جه وفدانا ومات على الصليب وقام.

٣- وبالتالي اتعمدنا وبقينا ولاد ربنا بالمعمودية.. وكل ده ببساطة.. يعنى إيه "أنا إنسان

مسيحى" تعالوا نلصق مع بعض خطة ربنا لخلصنا على الكوباية اللى معنا.. علشان أكون

إنسان مسيحى حقيقى لازم أؤمن بتجسد الرب يسوع (هنا يلصق كل طفل

على الكوباية الخاصة به صورة لميلاد الرب يسوع) ويكتبوا عليها "الرب

يسوع هو الله"، وبعدها يمد الطفل خط تحت ويكتب: "لأنه بيحبنى مات

علشانى" ويلصق صورة صليب، "وقام وصالحنى" وهنا يلصق صورة الرب

يسوع القائم، وبعدها يلصق ختم وفى الوسط صورة لمعمودية طفل.



الجزء الثاني : الذي يتحدث عن هدف الدرس نفسه وهو 'ماذا طبعت فى مسيحيتى' ؟

إيه دى؟ صح إسطوانة.. تعالوا مع بعض نطبع على الأسطوانة دى من جهاز الكمبيوتر فولدر كبير هاتسميه:
'أنا مسيحي' وجواه هاتطبع ٤ ملفات : تعالوا نعرف إيه هى الملفات الاربعة مع بعض :

١- حب مسيحي 'أغابى'. ٢- إيمان بجد. ٣- حماية. ٤- صلاة.



أول صفة طبعتها فىنا مسيحيتنا هى الحب المسيحي البازل :

لكن علشان أعرف أطبع الملف على الإسطوانة لازم أعرف الصورة الللى أطبع بها
الحب المسيحي البازل على الـ CD تفكروا أطبعها على صورة إيه؟ وليه؟.. (اسمع الإجابات)..
فعلًا على صورة الصليب .. لأن الصليب هو أجمل صورة حب عرفتها البشرية كلها من أول
ألم لغاية آخر واحد فى العالم كله، لأنه بصليب ربنا يسوع ليّنا وضح قد إيه بيحب الإنسان، علشان كده قبل إنه ينزل
ويتجسد ويتصلب ويسدد الدين الللى على.. وبكده رجع الإنسان لصورته الحلوة الللى خلقه عليها، وشال عنه حكم
الموت الللى كان عليه، علشان كده بنسمى حب ربنا ليّنا حب حقيقى كامل، لأنه كان حب باذل من أجل غيره،

يطلب الخادم من كل طفل أن يرسم ملف على شكل صليب على الإسطوانة الموجودة فى يده
ويكتب عليها كلمة (حب مسيحي حقيقى حب باذل 'أغابى').. كده أول حاجة اطبعها على الـ CD.




تاني ملف اسمه : إيمان بجد :

ودى قصة عمرنا كله.. إحنا من صغرنا واتقين إن ربنا موجود، ويمكن لم نسال إزاي؟
ولما كبرنا شوية ابتدينا نؤكد من كده حتى لو ماكانش شايقين ربنا.. وبالتالي أصبح سهل جدا
إننا نطمئن ونكلم الناس عن أن ربنا موجود حتى لو هم مش مؤمنين.. تعالوا أحكى لكم
عن قصة مدرس ملحد (يعنى بيقول استحالة يكون فيه إله) كان بيحاول يؤكد للأطفال
عدم وجود ربنا.. فسال الأطفال مرة: أنتم شايقين الشجرة.. قالوا: أيوه.. فقال لهم: يبقى كده فيه شجرة،



- سألهم تاني: إنتم شايقين السماء.. قالوا له: أيوه.. فقال لهم: يبقى كده فيه سماء.
- وسألهم بعدها: إنتم شايقين ربنا.. قالوا له: لأ.. قال لهم: يبقى كده مافيش ربنا.
لكن فى الفصل كان موجود ولد صغير مؤمن بوجود ربنا.. فطلب من الأستاذ إنه يسأل الأطفال
بطريقة ثانية.. فوافق الأستاذ :

- فسألهم الطفل: أنتم شايقين الورد؟.. قالوا له: أيوه.. قال لهم: يبقى كده فيه وردة.
- فسألهم تاني: إنتم شايقين الأستاذ؟.. قالوا له: أيوه.. قال لهم: يبقى كده فيه أستاذ.
- وبعدها سألهم: إنتم شايقين عقل الأستاذ؟.. قالوا له: لأ.. فقال لهم: هل ينفع نقول: إن الأستاذ ما عندوش عقل؟!
تفكروا الولد هنا كان عايز يفهم المدرس إيه؟ (مناقشة وسماع آراء من مخدوميك).



فعلا إن مش كل حاجة مش بنشوفها معناها إنها مش موجودة، وده يوصل لنا إننا لازم نكون واثقين وعندنا إيمان:

- **أولاً:** من قلبنا إن ربنا موجود (إيمان من صغرى) واللى بيخلينى أومن بكل حاجة قالى عليها ربنا حتى لو ما شفتهاش هو الروح القدس الساكن جوايا، اللى أخذته يوم معموديتى يوم ما أصبحت مسيحي..
 - **ثانياً:** مش بس قلبى كمان بالعقل.. لأنى لما كبرت وفكرت فى كل اللى قاله لنا ربنا، وكمان فى وجود ربنا، لقيت حاجات كتير حوالينا بتؤكد وجوده وألوهيته.
 - **ثالثاً:** وبكده مش هأخاف وهأكون مطمئن لأن إيمانى بجد، إيمانى حقيقى.. ووقتها هأقول لكل الناس إن ربنا موجود.. عارفين قصة إيمانى دى ترتبها بيكون إزاي ؟
- تعالوا نرسم الـ ٣ دوائر:



- ✱ **اللى جوه ده قلبى** - أنا مؤمن بربنا دى أول حاجة من قلبى، ويقعل الروح القدس اللى أخذته فى معموديتى.
- ✱ **اللى فوقها ده عقلى** - بعد ما آمنت من قلبى كنت واثق لما فكرت بعقلى إنه موجود فعلاً.
- ✱ **اللى فوقه ده سلوكى ولسانى** - بقى طبيعى أنى أبقي مطمئن وأقول للناس واطهر لهم إيمانى بسلوكى.

يطلب الخادم من كل طفل أن يرسم ملف على شكل الثلاث دوائر الموضحة بالرسم على الأسطوانة الموجودة فى يده، ويكتب عليها كلمة: "إيمان بجد" (من قلبى، وعقلى، وبسلوكى).. وبكده عرفنا تاني حاجة اطبع على الـ CD).



ثالث ملف عايز اطبعه من الكمبيوتر اسمه "حماية":

تفكروا لو الملف ده قبل ما أُنقله على الـ CD دخل له فيروس (يعنى حاجة تضر جهاز الكمبيوتر كله) لازم أعمل إيه؟.. تمام أسح الفيروس.

لكن لو أصلاً أنا جهازى قوى جداً ضد أى فيروس هيقدر الفيروس يتطبع على الـ CD؟؟ أكيد لا.

وهو ده معنى الحماية إن جهاز الكمبيوتر طالما محمى كويس يقدر يحمى الـ CD.. عارفين إن مسيحتنا خلقتنا إحنا كمان ممكن نكون زى جهاز الكمبيوتر القوى ده مافيش أى فيروس ممكن يدخل لنا؟ تفكروا إزاي؟ (اسمع الإجابات).. صح الروح القدس اللى جوانا اللى أخذناه فى سر الميرون من يوم معموديتنا لما أبونا رشمنا بزيت الميرون ٣٦ رشة فى كل حبة فى جسمنا علشان نكون محميين.. وكمان بنفضل محافظين على نفسنا ضد هجوم أى فيروسات لما بنلتزم بممارسة كل وسائل النعمة: من صلاة وصوم وتوبة وإعتراف وتناول.



يطلب الخادم من كل طفل أن يرسم ملف على شكل نصف دائرة على الأسطوانة الموجودة فى يده ويكتب عليها كلمة "حماية" (بممارسة كل وسائل النعمة).. وبكده عرفنا ثالث حاجة اطبع على الـ CD)



رابع ملف اسمه صلابة :

ينفع لو الملف اللي على جهاز الكمبيوتر أنا حافظ عليه (كلمة سر) بقدر حد يجي يفكها؟ طبعا مش ممكن لأن لما نطبع الملف ده على الـ CD نتكروا كلمة السر هتطير أو ينفع أى حد يدخل؟ طبعا لا لأن الملف صلب ومش ممكن حد ما يعرفش الباسورد يدخل.. عارفين ده بيكرنى بكنيستنا الأرثوذكسية اللي فعلاً قوية جداً وصلبة ومحدش قدر يهزها أو يعمل لها Delete على مر العصور لأن الباسورد بتاعها هو إيمان قوى مؤسس على إيمان أبائنا القديسين.

يطلب الخادم من كل طفل أن يرسم ملف على شكل نصف دائرة على الإسطوانة الموجودة فى يده ويكتب عليها كلمة "كنيسة قوية صلبة".. وبكده عرفنا رابع حاجة أطبعت على الـ CD

ده بالضبط اللي حصل إننا إنطبعت فينا كل ده.. وكان المصدر اللي بنطبع منه هو الرب يسوع علشان هو اللي حبنا الحب المسيحى الحقيقى، وعلمنا نؤمن به وبكل حاجة قالها لنا، وكمان إيدانا الأمرار علشان نفضل محبين ومافيش أى أضرار تدخل لنا، وكمان إيدانا كنيستنا بكل آياتها الأقوياء علشان نفضل ثابتين وكلنا صلابه، لأننا ثابتين على إيمان شهدائنا وقديسنا اللي أسسوا بقداستهم ودماءهم إيمان كنيستنا.. وبكده أنا كمسيحى أصبح فى كل الصفات الحلوة دى..



إطبعت فى وظهرت قدام كل الناس علشان توضح لهم جمال وحلاوة إيمانى المسيحى القوى.

الجزء الثالث : إذا كان لديك وقت يمكن إضافة هذا الجزء للدرس :

الهدف منه أن نوضح للطفل كيف إن المسيحى فى المجتمع يختلف عن غيره.. لأنه طبعت فيه سمات مسيحه اللي تميزه عن غيره.

يقوم الخادم برسم هذين الخططين أمام الأطفال ويسألهم :

أنا عايزكم تركزوا فى الخططين اللي رسمتهم (الخططين عبارة عن خط مستقيم وسليم، والثانى مستقيم لكن فيه قطعة فى النص مش باينة غير لو قربنا من الرسمة تلاقى فيها عقدة) هل فى فرق كده من بعيد؟ بالطبع لا.. لكن لو قربنا هنلاقى فى إيه.. صح فى عقدة فى النصف.. عارفين أنا أقصد إيه بالعقدة دى.. أقصد إن فى فرق بين الخططين..

من زمان الإنسان بيحكمه حاجة إسمها الضمير.. ربنا خلقه جوه كل واحد فينا بيعلمنا ويقولنا "حب صاحبك"، "ماتسرقش"، "ماتكذبش كدبه كبيرة سودا" (وهو ده الخط المستقيم اللي فى العقدة).. لكن بعد ما جه الرب يسوع، الموضوع بقى مختلف لأن بعد قيامته أرسل لنا الروح القدس اللي بيوجهنى مع ضميرى.. وبكده غبرنى للأحسن.. فمبقناش فقط نحب اللي بيحبونا.. ده إيدانى معنى أوضح وخلانا نحب حتى اللي بيكرهونا، زى ما عمل الرب





يسوع نفسه.. وكمان مبقاش فى كذبة بيضاء، وكذبة سوداء.. المسيح علمنا إن كل كلمة مش صح هى خطية، ووصانا وقال لنا إن كلامنا يكون واضح "تعم أو لا بدون كذب".. بقينا مهتمين قوى إننا مانعملش حاجة ربنا يزعل منها لأننا بلحبه وده دور الروح القدس اللى ساكن جوانا.. وده أقوى ميزة فينا إحنا كمسيحيين وهو اللى ساعدنا نفهم إيماننا. وبكده نكون خلصنا رحلتنا الجميلة وعرفنا فيها أننا مسيحيين وبسبب كده اطبعت فينا صفات حلوة كتيرة.. علشان كده باعتر بمسيحتي وأفتخر بها..

أنا مسيحي سبب فخري




الترنيمه

صورة حبي هو صليبي علمه لى ربي حبيبي يعكس فيه حبيب الله وده بيضمن لى أكون فى سماه واثق ربنا موجود عارف إنه ملوش حدود عندي أسرار بتحميني من كل شر تجينني عندي كنيسة قوية وصلبة دايما ثابتة بإيمانها راسخة

١- أنا مسيحي وده سبب فخري حب بأزل مش مزيف القرار: كل واحد فينا مراهب صورة حقيقية مش مصطنعة
٢- أنا مسيحي وده سبب فخري حتى لو كنت مش شاف
٣- أنا مسيحي وده سبب فخري ولما بأمارس ومناظرة النعمة
٤- أنا مسيحي وده سبب فخري محبش بقدر بهزيمها

تأليف وتلحين: أ. نيفين ولیم - كنيسة مارجرس أسيوط

ال CD يحتوى على (الترنيمه + وسائل إيضاح الدرس + وسيلة (أنا مسيحي) + لعبة التطبيق + الكلمات القبطية)



اعرف لغتك

"فَشْكُرًا لِلَّهِ عَلَى عَظِيمَتِهِ الَّتِي لَا يُعْبَرُ عَنْهَا" (٢كو ٩: ١٥).

Παμοτ δε ἡμεῖς ὡνι ἐξερν
ἐχεν τεϋλωρεὰ ἡατσαχι ἡμοσ

بالحقيقة نؤمن بإله واحد ἡεν οὐμεῶμνι τεπναστ ἑοτνοτ ἡοτωτ

ἡωοτῶοτ ἡμοι ἡταμετῡχριστοσ أنا اعتر بمسيحتي

Ἀνοκ οὡῡχριστιανος πε أنا مسيحي



اقتفى آثار الغنم





التطبيق العملي ١

كل قديس وأب من آباء الكنيسة كان ماشى على خطى الرب يسوع وإحنا
كمان محتاجين ده.

اللعبة : قم بتقسيم الأرض إلى ٩ خانات باستخدام حبل أو البلاط المتاح. وقسم

الفصل إلى فرقتين ، واطلب من كل فريق أن يحاول استنتاج الطريق

الصحيح لحل هذه المربعات (وهو حسب الرسمة الموجودة في يدك) بحيث يبدأ أحد الأطفال في السير في المربعات
بحيث يدخل من بداية معينة ليصل لمربع النهاية، فلو داس على مربع ليس به سهم في الورقة التى معك يخرج
ويدخل التلى بعده، ويكون واخذ باله على الطريق التلى مسى فيه التلى قبله وهو يكمل عليه إلى أن يصلوا للرسمة
الموجودة في يديك، ثم يحسب الخادم الوقت الذى استغرقه الفريق فى الوصول للرسمة الصحيحة للحل، ويبدأ الفريق
الأخر فى اللعب برسمة جديدة، ثم يحسب له أيضا الوقت الذى استغرقه.. والفريق الفائز هو الفريق الأسرع..



مطبعة المسيحية



التطبيق العملي ٢

كل شهيد من هؤلاء أكيد المسيحية طبعت فيه حاجة مهمة حتى مهما كان
يتعرض للألم يعتبره فرح وإكليل حتى لو أدى الألم للموت وتركه العالم، أكيد
لأن نفسه متعلقة بالمسيح والسماء على طول بكون فرحان .. تعالوا النهاردة
نكتب على كل صورة لشهيد صفة انطبعت فيه بسبب المسيحية.

- الصفات : حب وتضحية - صلابة - تغير للأحسن ...

- شهداء : مارجرجس - الأنبا موسى - القديسة رقيقة وأولادها....

كيف تكسب ثقة الآخرين؟

- عنوان مبتكر : جسر الثقة - هل
تثق في؟ - جسر مش خشبي.

- محور الدرس : (أنا والآخر) - كيف
تكون شخص موثوق فيه من الآخرين؟

- الآية : تَمَسَّكَتْ خُطَوَاتِي بِأَثَارِكَ
فَمَا زِلْتُ قَدَمَايَ (مز ١١٧: ٥).

- المراجع : منخل إلى التربية وعلم
التفكير (إصدار أسقفية الشباب) - تفسير
سفر التكوين؟

- هدف الدرس : ١- الهدف المعرفي: أن يعرف الطفل كيف يصبح شخصًا موثوق فيه ممن حوله.
٢- الهدف الوجداني: أن يشعر الطفل بأن ثقته في الآخرين وثقة الآخرين فينا مهمة جدًا لحياة أفضل.
٣- الهدف المهاري: أن يتدرب الطفل على السعي لكسب ثقة الآخرين.. أو لجعل نفسه موضع ثقة
من الآخرين، عن طريق أن يكون معروفًا ومحبوبًا ومحايدًا ومشاركًا.

- كثير من المخدمين يعانون من مشاكل تتعلق بمعاملة الآخرين لهم، لذا
يجب عليك كخادم أن تبذل قصارى جهدك في كسب محبتهم وثقتهم.
- إن لم يشعر المخدم بارتياح وثقة فلن يفتح قلبه لك ليكشف عن آلامه
ومعاناته. لذا يجب خلق جو من الأمان يشجعه على كشف أسرار قلبه لك.



- من أهم العوامل التي تساعد في كسب ثقة المخدم هو تطابق السيرة مع الكلام. أما إذا تعارضت الأعمال مع
الكلام فسيفقد الكلام قوته، ويصير كلام الكذبة والفريسيين، لا سلطان له، ويشعر المخدمون في حياتهم.. لذا
يجب أن يتحلى الخادم بنزكية الضمير.. تذكر أن الثقة تكسب ولا تمنح، وإذا فقد المخدم
الثقة بالخادم لإحتاج الخادم لوقت طويل ومجهود كبير لاستعادة هذه الثقة مرة أخرى..
- يجب أن يهتم الخادم أيضًا ببناء نفسه وشخصيته، وينمي معرفته وروحانيته، ويصقل
مهارته وتدريبه، كي يكون جديرًا بالثقة.



- سنل نابليون: كيف استطعت أن تولد الثقة في نفوس أفراد جيشك؟.. فأجاب: كنت أرد
على ثلاث بثلاث؟؟

- من قال لا أقدر.. قلت له: حاول - من قال لا أعرف.. قلت له: تعلم - من قال مستحيل.. قلت له: جرب.

- تذكر دائمًا أن لك طاقات وقدرات تكون فيها أفضل من الآخرين في بعض جوانب،
والآخرون أفضل منك في جوانب أخرى.



اختار تمهيد للدرس



- وزع هذا الإستبيان على كل طفل قبل بداية درسه، وبعد أن يعرف كل طفل هل هو شخص موثوق فيه أم لا يبدأ في شرح درسه، حتى يعرف كل طفل ما هي الشروط اللازمة لكي يكون شخص موثوق فيه.. (مع ملاحظة أن نتيجة الإستبيان يعرفها الطفل وحده دون الحاجة إلى أن يعرفها للخادم) :




١- كيف تكون شخص موثوق فيه ؟

- هل كل من تعرفهم تثق بهم؟ (نعم - لا - أحياناً)
- هل تثق فقط في أصدقائك المقربين؟ (نعم - لا - أحياناً)
- لو حدث أن أخطأ شخص تعرفه جيداً في أمراً ما.. هل ستتجنب مواجهته بخطأه كنوع من الشفقة عليه؟ (نعم - لا - أحياناً)
- إذا أخطأ شخص تعرفه جيداً.. هل ستحرص على أن تخبره بخطأه، كما أنه لو فعل شيء جيد ستحرص على تشجيعه. (نعم - لا - أحياناً)
- هل دائماً ما تحرص على أن تعبر لمن تعرفه عن حبك بكلمات رقيقة: (أنا أحبك - أنا أهتم لأمرك..). (نعم - لا - أحياناً)
- إذا طلب منك شخص تعرفه جيداً خدمة معينة، هل تسرع في تنفيذها بكل جدية ونشاط؟ (نعم - لا - أحياناً)
- هل تحرص على تبادل الهدايا في المناسبات المختلفة مع كل من تعرفه جيداً؟ (نعم - لا - أحياناً)
- هل تشارك معارفك ومن حولك في جميع أحوالهم: (الفرح - الحزن - الأوقات الصعبة).. (نعم - لا - أحياناً)

التقييم : اعط لكل إجابة (نعم) ٥ درجات، وعلى كل إجابة (لا) ١ درجة، وعلى كل إجابة (أحياناً) ٣ درجات.. وكلما كانت درجاتك مرتفعة أعلم أنك تعتبر شخص موثوق فيه.. وكلما قلت درجاتك أعلم أنك تحتاج أن تعالج بعض النقاط في شخصيتك لكي تكون إنساناً موثوق فيه..

(ب) (أ) (ج)



٢- لعبة : واثق فيك : قم بتقسيم الفصل إلى فريقين : كل فريق ٣ أطفال، بحيث يقف طفلين ظهرهم في ظهر بعض (الطفل (أ) في ظهر الطفل (ب))، ويقف أمام الطفل (أ)، الشخص الثالث الطفل (ج)، على أن يقوم بتغمية عين الطفل ب، ويقوم الطفل (ج) بوصف مكان هدف معين (يقوم الخادم بإخفاء عن الطفل (ب)) بالإشارات للطفل (أ).. بحيث يقوم الطفل (أ) بشرح ما سم وصفه له من قبل الطفل (ج) إلى الطفل (ب)، ووقتها يصدر باقي الفصل أصوات

متعددة مختلفة الإتجاهات لتشويش صوت الطفل (أ).. حتى يعوقوا الطفل (ب) عن تمييز صوت الطفل (أ) في وصف المكان.. والفريق الفائز هو الفريق الذي يستطيع فيه الطفل (ب) الوصول للهدف أولاً.

تعليق الخادم : يقوم الخادم بسؤال الطفل (ب) في كل فريق الأسئلة الآتية: كيف استطعت الفوز والوصول للهدف، على الرغم من كثرة الأصوات التي كانت تحاول أن تشوش سماعتك لصوت الطفل (أ) ؟

وبعد سماع الإجابة.. قم بالتعليق على الإجابة، بأنه عندما تثق في الشخص الذي تعتمد عليه، سوف تتجح في كل حياتك... وبعدها قم بسرد الدرس.

للخادم المبدع



١- أدوات ورموز : يقوم الخادم بإحضار صندوق وضع

فيه مجموعة من الأدوات وهي: المرايا، والقلب،

حلقات متصلة، قفل معاد مفتاحه، كرة مطاطية، اللسان، صورة لطفل

نايم في سلام.. ويقوم الخادم بإخراج كل رمز ويسأل ما هي الصفة

المميزة في هذا الرمز (عندما ترى هذا الشيء ما الذي ينطبع داخلك؟) اسمع الإجابات.. وعلق

عليها من داخل الدرس كالاتي: المرايا (يكون عارفة كأنك عارف

نفسك لما تشوفه كأنك بتشوف نفسك) - القلب (يكون محبة بينك

وبينه) - حلقات متصلة (يكون لك تعاون ومشاركة بينك وبينه)

- كرة مطاطية (تكون هناك مرونة في الظروف المختلفة،

تحملوا بعض في كل المواقف) - اللسان (يكون هناك صدق


وأمانة في التعامل بينكما) - قفل ومفتاح (أن يكون كاتم

للأسرار) - طفل نايم (نتيجة الثقة الموجودة بينكما ستشعر بالأمان أثناء وجود صديقك

الذي تثق فيه).



٢- عم كى (key): تخيل (عم كى) قام بصناعة مفتاح وقفل جديدين ليعلق بهما الدواب الحاص به، ثم يحدث أن ينسى المفتاح فى أحد الأماكن. ويحاول أن يفتح القفل بمفتاح مختلف ولكنه لا يستطيع ويدور بين القفل والمفتاح المختلف حوار .. حول إله لا يستطيع أن يفتحه بسبب أنه لا يتواجد بينهم علاقة الثقة الموجودة بينه وبين المفتاح القديم، وهى كالأنى كمثل: لا يوجد ثقة لأنه لا توجد بينهم معرفة سابقة، لأن القفل لا يعرف سوى مفتاحه المصنوع من أجله.. إن المفتاح الجديد لا يوجد بينه وبين القفل محبة، لأن المفتاح مازال جديد عليه.. لا يستطيع المفتاح أن يفتح القفل بسبب أنهم لا يوجد بينهم تعاون ومشاركة سابقة، لأنهم لا يعرفون بعضهم البعض، وغير مطلوب منهم أى عمل مشترك أو حماية أى شىء مشترك.. لا يستطيع أن يفتح القفل بسبب أنه غير متناسب معه ولا توجد مرونة بينهم.. لا يوجد سوى المفتاح والقفل القديم هم فقط من يعرف ما بداخل الدواب، وهم قادرون على حفظ الأسرار.. ونتيجة لهذه الثقة يستطيع عم كى أن يضمن على ما بداخل الدواب.



وسيلة الإيضاح
استخدم لوحة وقلم
ماركر لرسم خطوات
بناء الكوبرى
أثناء شرحك.

ثمانى خطوات لبناء جسر الثقة :

هנعمل ٨ خطوات علشان تبني جسر بين مكانين.. ولأزم أعمل نفس الخطوات الثمانية علشان أبني جسر الثقة بيني وبين غيري، وأكون شخص موثوق فيه، يعنى أكسب ثقة الآخرين فى.. تعالوا نعرف إزاي نبني هذا الجسر ؟



- **الخطوة الأولى :** علشان المهندس يقدر يبني جسر بين مكانين، لازم أول حاجة يعملها هى عمل دراسات للأرض، والدراسات يعنى إننا نشوف المكان اللي هنبني فيه الجسر، بنفع إننا نبني فيه جسر ولا مش هابنفع؟؟؟ كمان الشخص اللي هيشق فى لازم يتأكد الأول إلى إنسان بنفع إله يثق فيه، وعلشان يعرف كده، لازم يتكلم معايا، ويعرفنى ويعرف طباعى، ومن كلامى معاه يقدر يقول إنه قادر يبني بيني وبينه جسر الثقة ولا لا..

يعنى علشان أكون شخص موثوق فيه: لازم أكون معروف كويس عند غيري..




- **الخطوة الثانية :** بعد ما يتأكد إنه ينفع بيني جسر في هذه الأرض.. يجي بعدها أهم خطوة وهي إنه يبدأ عمل الأساسات لبناء الجسر، وأهمية الأساسات في إنها اللي بتشيل وزن الجسر كله.. أنا كمان علشان أقدر أبني جسر الثقة بيني وبين غيري محتاج لأساسات.. والأساسات هنا في جسر الثقة هي "المحبة"..

يعنى علشان أكون شخص موثوق فيه: لازم يكون عندي محبة كبيرة لغيري..

- **الخطوة الثالثة :** ودي مرحلة عمل الأعمدة، ومن صفات الأعمدة في الجسور، إنها بتتعاون وتتشارك مع بعض علشان تشيل وزن الجسر كله مع بعض، وكمان وأنا بأبني جسر الثقة بيني وبين غيري لازم يكون في تعاون ومشاركة.. يعنى اللي هيق في أكون أنا متعاون معاه، وكمان أشاركه في كل ظروف حياته في: أفراده وفي أحزانه.

يعنى علشان أكون شخص موثوق فيه: لازم أكون متعاون ومشارك لغيري..



- **الخطوة الرابعة :** ودي مرحلة عمل الأرضيات اللي هتمشي عليها العربيات والناس، والأرضيات من صفاتها إنها كلها في مستوى واحد، يعني مافيش جزء من الأرضية أعلى من التاني.. وكمان جسر الثقة بتاعى لازم يكون بيتبنى صح، لما تكون لي نظرة واحدة لكل الناس.. يعنى أعامل كل الناس بنفس الأسلوب، بدون محاباة، وأكون محايد يعنى أقول الحق مع الكل، وفي كل وقت..

يعنى علشان أكون إنسان موثوق فيه: لازم أكون محايد في تعاملاتي مع غيري..

- **الخطوة الخامسة :** ودي مرحلة بتهم بأن الجسر يفضل على حاله فترة طويلة من السنين، يعنى لا يتدمر مع الزمن، وعلشان كده إحنا بنعمل في الجسور حاجة اسمها فواصل، علشان الجسر يقدر يتمدد وينكمش براحته، من غير ما يتشرخ ولا يتكسر، وبكده الجسر بيكون مرن ويفضل عايش سنين كتيرة، وكمان جسر الثقة بيني وبين غيري لازم تكون فيه مرونة يعنى أنقبل وأحترم رأي غيري وفي نفس الوقت أعبر عن رأيي بأسلوب كويس، مابضايقتش اللي قدامي.. ولا أصمم على رأيي أنا بس..



يعنى علشان أكون شخص موثوق فيه: لازم أكون مرن مع غيري..

- **الخطوة السادسة :** مرحلة جميلة جدًا وهي مرحلة تشطيب ورصف الجسر، يعنى نغطي الجسر بالأسفلت ونلون أرضية الجسر بالألوان البيضاء، علشان العربيات تعرف تمشي عليه بنظام، وإحنا كمان لازم نغطي جسر الثقة بحاجة مهمة جدًا، وهي الصدق والأمانة في التعامل ويكون ده نظام تعاملنا مع بعض، يعنى لا أكذب على اللي بيتق في وأقوله الصدق.

يعنى علشان أكون شخص موثوق فيه: لازم أكون صادق وأمين مع غيري..

- **الخطوة السابعة :** وهى خطوة عمل الأسوار، ودى مهمتها إنها تمنع أى عربية تخرج بره الجسر وتقع، علشان كده من أهم صفات بناء جسر الثقة إنك تكون كاتم للأسرار، يعنى إنك تحمى أسرار اللي بيتق فيك، وتمنع الأسرار من إنها تقع خارج جسر الثقة اللي بينكم، يعنى إن أى حد ثالث يعرف السر غيركم..



يعنى علشان أكون شخص موثوق فيه: لازم أكون كاتم لأسرار غيرى..

- **الخطوة الأخيرة :** ودى آخر خطوة فى الجسر، وهى عمل إختبارات للجسر علشان نتأكد إن الجسر هاستحمل لو العربيات مشيت عليه، ودى بتدى الشعور بالأمان إن الجسر سليم مية × المية..

بالضبط إذا نفذنا الخطوات السبعة اللى فانت بطريقت سليمة.. هنتجح كده فى بناء جسر الثقة بينك وبين غيرك.. ووقتها هيكون فيه شعور بالأمان بينك وبينه.. وبكده الجسر ها يتبنى صح، وتكسب ثقة الآخرين فيك.



تعالوا أحكى لكم عن شخصية فى الكتاب المقدس كانت محل ثقة غيرها..

اليعازر الدمشقى : هو كبير بيت إبراهيم أبو الآباء، والمستولى على كل ما كان له.. وفى يوم طلب إبراهيم منه أن يذهب إلى آرام بين النهرين إلى مدينة ناحور، موطن إبراهيم الأصلي، ليخطب لابنه إسحق، وإستحلفه بالرب إله السماء والأرض أن لا يأخذ زوجة لابنه إسحق من بنات الكنعانيين.

للخادم : يبدو أن المتبع فى تلك الأيام أن يتولى شخصاً كبيراً فى الأسرة إجراءات الخطبة للعريس، وهو أمر مازال قائماً فى بعض الأسر الريفية حتى الآن.. وقد إختار إبراهيم اليعازر الدمشقى لأمانته، ولثقة إبراهيم فيه.. ولاحظ إن إبراهيم رفض أن يختار لابنه من بنات الكنعانيين لئلا يتأثر بعبادتهم الوثنية، ويبعد عن عبادة ربنا..

وقبل ما ينفذ اليعازر طلب إبراهيم، دار بينهم حوار وقاله: "رُبَّمَا لَا تَشَاءُ الْمَرْأَةَ أَنْ تَتَّبَعْنِي إِلَى هَذِهِ الْأَرْضِ. هَلْ أَرْجِعُ بِإِنِّكَ إِلَى الْأَرْضِ الَّتِي خَرَجْتَ مِنْهَا؟" (تك ٢٤: ٥).

يعنى هاي عمله اليعازر إيه فى حالة إن الزوجة اللى إختارها لم ترضى أنها ترجع معه؟ هل وقتها يأخذ إسحق لأور أو لحاران اللى هى موطنهم الأصلي.. وطبعاً إبراهيم وقتها رفض عرض اليعازر، لأنه خاف إن إسحق لو رجع لأور ممكن يفضل البقاء فيها.. وطمن إبراهيم اليعازر إن ربنا هيسنده فى هذه المهمة، وهابيعت ملاكه يكون معاه.. (وهنا نلاحظ إزاي اليعازر كان مهتم بتفاصيل الإتفاق بينه وبين إبراهيم، وده بيدل إن إختيار إبراهيم لاليعازر فى المهمة دى كان فى محله).

بدأ اليعازر بنفذ المهمة وأخذ هدايا من سيده إبراهيم معاه، ومشى مسافة طويلة إلى أن وصل إلى آرام إلى مدينة ناحور. لو اخدوا بالكم إنه مشى مسافة كبيرة جداً





عشّان يوصل لبلد سيده إبراهيم.. وتعب من أجله.. أول لما وصل أليعازر للمدينة عند بير الماية اللي خارجها، وقف الجمال وعمل حاجة جميلة جدًا. صلى لربنا عشّان ربنا يرشده في المهمة اللي أرسله إليها إبراهيم.. وقال لربنا: "إيها الرب إله سندي إبراهيم يسّر لي اليوم واصنع لطفًا إلهي سندي إبراهيم" (تك ٢٤: ١٢).

تعلم أليعازر إنه يبدأ أي حاجة بيعملها بالصلاة عشّان ربنا يساعده في مهمته.. وكمان أليعازر بعد ما وقفه ربنا في اختيار زوجة لإسحق (آية ٤٨) قدم الشكر لربنا إنه ساعده في نجاح طريقه.. (آية ٢٦) يعني أليعازر مع كل نجاح كان بيقدّم صلاة شكر لله.



ولأن أليعازر أمين في كل تصرفاته، طلب علامة من ربنا، عشّان يرشده للزوجة اللي ربنا يختارها لإسحق بن إبراهيم.. أليعازر لم يعتمد على رأيه الشخصي فقط، لكنه طلب إرشاد من ربنا عشّان يكون اختياره سليم.. عشّان كده قال لربنا: "فليكن أن الفتاة التي أقول لها: أميلي جرّتك لأشرب فتقول: اشرب وأنا أسقي جمالك أيضًا هي التي عيّنتها لعبديك إسحاق. وبها أعلم أنك صنعت لطفًا إلهي سندي" (تك ٢٤: ١٤).

واستجاب ربنا لصلاة أليعازر.. وتقابل أليعازر مع رفقة اللي لما طلب منها يشرب قدمت له ماية يشرب، وقالت له إنها هاتسقى جماله كمان.. وفضل أليعازر ساكت واقف ينظر إلى رفقة ولم يقل لها أي شيء (من السر اللي جواه)، وفضل يسأل نفسه: يا ترى ربنا نجح طريقه وهي دى الزوجة ولا لأ؟ وبعد ما إنتهت رفقة من سقى الجمال.. سألها أليعازر عن اسمها وعيلتها.. وطلب منها إنه يروح يبات عندهم.. ووفقتها عرف أليعازر إن رفقة من نفس عيلة



إبراهيم، لأنها (بنت بتؤنيل ابن ملكة اللي ولدته لناحور أخو إبراهيم).. (يعني رفقة كانت بنت ابن عم إسحق) سجد أليعازر شكر لربنا لأنه نجح له طريقه، وساعده في المهمة اللي اتقدم لها.. وراح أليعازر لبنت رفقة، واتكلم مع لايان أخو رفقة وحكى له كل القصة، والكل تأكد إن ده إختيار ربنا، ووافق لايان على أن يعطي رفقة زوجة لإسحق وقاله: "من عند الرب خرج الأمر" (تك ٢٤: ٥٠).. وفرح جدًا أليعازر وسجد شكر لربنا، وقدم هدايا لرفقة وعيلتها.. وبات أليعازر عندهم هو

والرجال اللي معاه.. ولما طلب إنه يرجع لإبراهيم طلبوا منه إن رفقة تقعد معاهم كام يوم تاني.. لكنه رفض وقال لهم: "لا تعوقوني والرب قد أنجح طريقى" (تك ٢٤: ٥٦). قد إيه كان أليعازر مهتم إنه يكمل مهمته بسرعة.. ولم يهتم بضيافة لايان له، لأنه كان عنده مهمة لازم يكملها.. وفعلًا لما سألوا الفتاة تقعد ولا تمشى وافقت إنها تمشى مع أليعازر.. وأخذ أليعازر رفقة ورجع بها.. وتزوج إسحق رفقة.. وبكده يكون أليعازر أتم المهمة اللي أوتمن عليها، وكان محل ثقة إبراهيم.

تعالوا نملأ الجدول مع بعض.. علشان نعرف إزاي كان أليعازر الدمشقي شخصية موثوق فيها من إبراهيم

الصفة	كيف تنطبق على حياة أليعازر الدمشقي؟	كيف يمكنك أن تطبق هذه الصفة في حياتك لكي تكون شخص موثوق فيه من غيرك؟
المعرفة	كان كبير خدمه المسئولي على كل ما كان له (تك ٢:٢٤).	
المحبة	سار مسافة طويلة لينفذ طلب سيده محتمل مشقات السفر من أجل محبته لسيده (تك ١٠:٢٤).	
التعاون والمشاركة	شاركه في إهتمامه باختيار زوجة لابنه اسحق من نفس عشيرته.. وأصر على إتمام هذا العمل ليشارك سيده في الفرح باختيار زوجة لابنه (تك ٤:٢٤).	
المحايدة	لما طلب منه لابان أن ينتظر ويبيت ليلة أخرى رفض (تك ٥٦:٢٤).	
المرونة	كان لأليعازر رأى مختلف عن رأى سيده، ولكن لوجود مرونة في العلاقة بينهم.. اقتنع أليعازر بكلام سيده إبراهيم في النهاية (تك ٥:٢٤).	
صادق وأمين	كان صادق في وعده لسيده أن يختار لاسحق زوجة من نفس عيلة إبراهيم (تك ٩:٢٤).	
كاتم أسرار	عندما وجد رفقة.. لم يفشى سر سيده أمامها، هي ومن معها من البنات، ولم يتعجل بل طلب من الرب علامة حتى يتأكد من إنها هي التي اختارها الرب لاسحق زوجة (تك ٢١:٢٤).	
الأمان	كان إبراهيم شاعر به عندما اختار أليعازر دون غيره بسبب إنطباق السبع شروط السابقة على أليعازر.	



أليعازر الدمشقي




الترنيمة

- حب أصحابك من قلبك
حافظ على أسرارهم
القرار: تلقى بهم واتقن فيك
على شأنهم شافوا
- قولوا يا رب إديني
وانت يا رب تقويني
- دائماً أقول الحق
وأقول على الغلط لا
أشاركهم كل أفراسهم
عاش بوداعة وياها
متبصص على اللي معاهم
دايمًا بيحجروا عليك
صورة المسيح فيك
دايمًا نعمة في عينيهم
إني أحافظ علىهم
وأقول على الغلط لا
وأساعدهم ماقولش لا

تأليف: م. مينا أقمص كيرلس - كنيسة السيدة العذراء بالعاشر من رمضان

الـ CD يحتوى على (الترنيمة + استبيان التمهيد +
جدول مقارنة + خريطة + الكلمات القبطية)



"على الصخرة رفعتني: أرشدتني،
صرت رجائي" (مز ٦٠: ٢).

اعرف لغتك

Акбаст зичен отпетра:
акбимωιτ ннι: акωπι ннι
нотзελпис

отмѣени / أمانة صدق π††от† التعاون

ипертако иписноу натзеноу لا تضيع الوقت بلا فائدة

иперхон† ما ترعلش

الشخص ده أنا وائق فيه



مين من الشخصيات الآتية كان محل ثقة غيره؟

التطبيق العملى ١

الشخصية	الشاهر	محل ثقة	الموقف يثبت الثقة (الموجودة)
يوسف	(تك ٤١: ٤١)	فرعون	تفسيره للأحلام
يشوع	(تث ٨٠: ٢١)		
يونان	(اصم ١٧: ٢٠)		
نحميا	(نح ١١: ١)		
تيموثاؤس	(٢ تي ٥: ١)		

السيد المسيح هو موضع ثقتى

اكتب مواقف من الكتاب المقدس أو من حياتك تؤكد بها أن السيد المسيح هو موضع ثقتك ؟



التطبيق العملى ٢

العالم والعلم يشهدان بوجود الله

- عنوان مبتكر : ابحث عني - بالعقل كده
- مش لخبطة دى منظمطة.

- محور الدرس : (الإيمانيات) - إثبات
وجود الله من خلال كل ما حولنا.

- الآية : "السَّمَاوَاتُ تَحْدُثُ بِمُجْدِ
اللهِ وَالْفَلَكَ يُخْبِرُ بِعَمَلِ يَدَيْهِ"
(مز ١٩: ١).

- المراجع : الكتاب المقدس والعلم الأتيا
بولا - بحث الكتاب المقدس والعلم
الحديث إعداد موقع الأتيا تكلا.

- هدف الدرس : ١- الهدف المعرفي: أن يعرف الطفل كيف أن كل ما حولنا يثبت وجود الله.
٢- الهدف الوجداني: أن يتدرب الطفل على استخدام عقله في تمجيد اسم الله.
٣- الهدف المهاري: أن يشعر الطفل بوجود الله في كل حياته.



في هذا الدرس حاولنا أن نؤكد للطفل مفهوم إيماني، بأن
العالم والعلم يشهدان بوجود الله، وقد استندنا في تحضير هذا الدرس
على بعض المعلومات العلمية التي درسها الطفل في منهج
مادة العلوم بالصف الرابع الابتدائي. حتى تكون المعلومة العلمية
مفهومة لدى الطفل.

ما أجمل قول الرب لأبينا يعقوب: "وَمَا أَنَا مَعَكَ وَأَحْفَظُكَ حَتَّى تَذْهَبَ وَأَرْدُكَ إِلَى هَذِهِ الْأَرْضِ" (تك ٢٨: ١٥). كان
الرب معه بحفظه حينما يذهب.. ولم يكن يرى الرب وهو معه. ولكن ما أحلى أن تشعر
النفس بهذا، وتوقن به، فتحمي في إطمئنان دائم وفي فرح.. ولم يكن
هذا الأمر ميزة لأبينا يعقوب فقط، بل أن الرب يقول: "وَمَا أَنَا مَعَكُمْ
كُلَّ الْأَيَّامِ إِلَى انْقِضَاءِ الدَّهْرِ" (مت ٢٨: ٢٠).

إن شعورنا بوجود الله معنا، يشعرا بقوة إلهية ترافقنا وتحفظنا:
هذه القوة هي العاملة فيك ومعك، منذ أن تدخل في شركة الروح
القدس، فيشارك الروح القدس معك في العمل.. ليكون لك هذا الإيمان
وهذا الشعور، في كل تفاصيل حياتك: في خدمتك
وفي صلاتك، وفي عملك.



اختار تمهيد للدرس



١- اصنع بنفسك: قم بتقسيم الأولاد حسب ما يحبوا أن

يصنعوه مما يأتي: (أكل - نجارة - عمل فني)، بحيث

تقوم كل مجموعة بصنع شيء بنفسها، وناقشهم في هل كان من الممكن أن

تصنع هذه الأشياء لوحدها بدون أن يقوم شخص بصنعها.

٢- دور والبحث: قم بإحضار مجموعة من أخبار عن إكتشافات حديثة

وإختراعات بحيث يقوم مخدميك بالتفريق بين إكتشاف شيء موجود ولم يكن

أحد يعلم به، و"اختراع" شيء ماكتش موجود وتم عمله من أشياء موجودة.. وتركهم يبحثون عن

خلق شيء.. فلن يجدوا أن أي إنسان استطاع أن يخلق شيء لأنها عمل الله وحده.

- تخيل أن يكون يومك منقسم إلى "عالم الفضاء"،

"عالم الحيوان"، "عالم البحار" بحيث تأخذ مثال من كل

عالم بشهد بوجود الله.

- "طالما مثل شاييف عقلك تبقى معندكش عقل" هكذا رد طالب على مدرس

فماذا كان السؤال؟. تخيل الحوار.



للخادم المبدع

وسيلة الإيضاح درس تفاعلي بإجراء بعض التجارب العملية كما هو موضح (الأدوات التي

نحتاجها في كل تجربة مكتوبة مع كل تجربة).



تقوم فكرة الدرس داخل "معمل تجارب" ويقوم الخادم

بعرض التجارب ويشاركه فيها المخدمين، مع

الإستعانة ببعض الأفلام العلمية حتى توصل فكرة

الدرس بصورة مرئية.. والدرس مقسم إلى ٣ وحدات

بحيث يمكنك الإكتفاء بوحدة منهم أو أخذهم جميعاً كما يسمح وقتك.



- وحدة ١: نشأة الكون والحياة على سطح الأرض. - وحدة ٢: الكائن الحي. - وحدة ٣: الكتاب المقدس.

الوحدة الأولى

- العالم: صباح الخير يا علماء مصر.. الحقيقة إحنا موجودين في معمل المتواضع علشان

هناعمل بعض التجارب، ونملأ الورق اللي معانا بالإستنتاج بعد كل تجربة... وهنتناقش في

إستنتاجاتكم بعد إنتهاء تجارب هذه الوحدة.



تجربة (١)

احضر: ساعة أو لعبة مفكرة + صندوق شفاف.

- **مطلوب:** أن تعطى لمجموعة من التلاميذ ساعة مفككة بداخل الصندوق واطلب أن يجمعوها دون فتح الصندوق، في حين تقوم أنت أو خادم آخر بتكوين نفس الساعة باستخدام يدك ومفكات ومسامير.

- **ناقش:** لماذا استطعت أنت أن تكون الساعة ولم يستطيعوا هم؟!

- **الاستنتاج:** اترك مخدوميك يصلوا إلى استنتاجهم تكوين الساعة يحتاج إلى واحد يعملها.

تجربة (٢)

- **مطلوب:** بعض من نشارة الخشب - قصاصات ورقية.

اطلب من مخدوميك وضع كمية من نشارة الخشب أو قصاصات الورق مع بعضهم وتركهم لفترة.

- **ناقش واسأل:** هل لو انتظرنا كثيرا سيجمع الأشياء مكونة لوحا خشبيا أو ورقة مثلا؟

إذا نفخنا بعض الهواء ماذا سيحدث؟

- **استنتاج:** لا يمكن أن يحدث أن تتكون مادة ما صدفة أو بدون تدخل من أحد مقصود.

- **مناقشة:** شقنا في التجريبتين إن علشان حاجة تتعمل.. ماينفعش تتعمل صدفة لازم يحصل تدخل مقصود منا..

- **تعالوا مع بعض نفكر:** إزاي العالم ده كله تكون ووجد؟ هل هي صدفة! ولا كان لازم حد يعمل كل ده؟ تعالوا نتعرف سوا على تجربة ٣ عن العلوم "الخلية".

تجربة (٣)

- **قم بإحضار:** (بالونة - زجاجة مقصوصة من أسفل - بالونة مقصوصة من أعلى - مادة لصق).

- **الخطوات:** قم بإدخال البالونة الكاملة من فوهة الزجاجة باستخدام شاليموه كما هو موضح في الشكل (يمكن الإكتفاء بعمل بالونة واحدة داخل الزجاجة) ثم الصق في الجزء المقصوص من الزجاجة جزء مقطوع من بالون أخرى كما بالشكل.. ثم قم بجذب هذا الجزء لأسفل.. وأتركه وأنظر ماذا يحدث حينما تجذبه لأسفل.

- **استنتاج:** تشبه التجربة عملية يقوم بها جسم الإنسان.. ما هي؟ ما اسم الجهاز الذي يقوم بهذه العملية؟

- **مناقشة:** دلوقتي شقنا نموذج مبسط لجهاز التنفس، وإزاي إحنا كتا بنشد علشان يحصل كده فما بالككم كم هي عدد العضلات التي تعمل داخلنا دون تدخل منا.



وعلى أن نعرف أن الموضوع مش صدفة وإنما في 'خالق عظيم' زى ما إنتم عارفين إن جسمنا مكون من عدة أجهزة كل جهاز فيه أعضاء ترى الألف في الجهاز التنفسي" كل عضو مكون من أنسخة كل نسيج مكون من 'خلايا'.



لو فحصنا الخلية هنلاقيها بتتكون إزاي؟ صدفة كده الاقى خلية تتكون؟ ولا لازم يحصل إياها تتخلق؟ ولو عرفنا مكونات الخلية هنتأكد أكثر إن علشان تتخلق لازم يحصل إياها تحتوى على

١- نواة. ٢- السيتوبلازم. ٣- الغشاء البلازمي.



كل ده بتجمع صدفة. إزاي؟ مش ممكن طبعاً؟
والطفل وهو فى بطن مامته لسه هابتدى يتكون ويبتدى يتكون جسمه.. علشان كده لازم يكون هناك صانع بيبعمل كل ده؟
أكيد.. هو ربنا الخالق العظيم.. فالعالم لم يخلق صدفة وإلا كان سهل أننا نشترى شقة ونقعد نستريح ونسبب بقى الكراسى نتخط لوحدها والكمبيوتر يتخط لوحدة فوق الترابيزة.. وغيره.. وغيره.
وكل ده يؤكد لنا إن العالم كله ببشيد بوجود الله.

الوحدة الثانية : الكائنات الحية ونظام الحياة

فيلم ١: يتم عرض فيلم عن عملية البناء الضوئي للنبات.. انظر الـ CD.

- ناقش : ممكن تكتبوا فى الإستنتاج إجابات الأسئلة الآتية:

١- ماذا يحتاج النبات لتكوين غذائه؟

الإجابة: ١- طاقة ضوئية للشمس.

٢- ماء وأملاح التربة.

٣- غاز ثاني أكسيد الكربون.

٤- ماذا يحدث إذا حرمتنا النبات من أحد هذه العناصر؟

الإجابة: يذبل ويموت طبعاً.


٥- المناقشة: فى الحياة ممكن نصنف الكائنات الحية إلى :

أ- كائنات منتجة : كائنات حية تستطيع أن تصنع غذاءها بنفسها مثل: النبات.


ب- كائنات مستهلكة : كائنات حية تعتمد فى غذائها على كائنات منتجة. مثل الحيوانات.

ج- كائنات محللة : وهى لا تستطيع تكوين غذائها بنفسها، وتحصل على غذائها بتحليل بقايا النباتات والأطعمة الفاسدة.

مثال: بكتيريا وفطريات أو تحلل جثث الحيوانات الميتة.



هذا المخطط يوضح ملخص دورة حياة الكائن الحي:



يا ترى مين فاكّر أيام الخليقة إيه اللي حصل فى اليوم الثالث؟ ربنا خلق الأرض والنباتات بعد ما خلق النور، وكمان السما "بكل مكونات الهواء" وبعدين فى اليوم الخامس خلق إيه؟ الأسماك والطيور والحيوانات، وفى اليوم السادس خلق الإنسان. تعالوا نركب أيام الخليقة بالترتيب على السلسلة الغذائية..

استنتج ولاحظ: اترك مخدميك يستنجوا هذه الحقيقة..

- **مناقشة:** يعنى معنى كده إن الكائنات الحية كلها لما اتخلقت لقت نظامها جاهز وكل احتياج لها موجود.. إيه النظام ده كله؟ تفتكروا بعد آلاف السنين دى.. وبعد كل العلم ده الموضوع كان صدفة؟ ده حتى العلم يشهد بوجود الله.

تجربة (١)

احضر برادة حديد - مغناطيس - كراسة.

خطوات: لشرح لمخدميك أن برادة الحديد تمثل الماء الذى كان يملأ سطح الأرض..

ثم هل ينفع أن تتجمع كل برادة الحديد فى مكان واحد؟ كيف نقوم بذلك؟ باستخدام مغناطيس.

- **ناقش:** ربنا لما خلق الأرض كانت الماية بتغطى مساحات كبيرة منها.. لكن علشان الموضوع مش صدفة وعلشان يخلق فى اليوم الثالث الأرض وكل اللي عليها حصل أن الماية ابتدت تتجمع فى مناطق من الأرض منخفضة "تكوين البحار - أنهار - محيطات" وفضلت مناطق مرتفعة "الأرض بما عليها" لكن لو حصل لخبطة فى نظام الخليقة وكانت الأرض اتعملت قبل الماية كان إيه اللي يحصل؟ أو لو كان الإنسان اتخلق فى اليوم الثالث بدل الأرض كان هيعيش فين؟

- **استنتاج:** نظام الكون والعلم بياكدوا أن موضوع الخليقة تم بنظام عجيب قوى ومرتب جدًا جدًا... زى بالظبط اللي بيبنى عمارة.

١- يجهز الأرض. ٢- يخطط الأساس. ٣- يبني.

- ينفع حاجة تتعمل قبل حاجة؟ - ينفع كل ده يتم لو مفيش "الله موجود"؟

الوحدة الثالثة : الكتاب المقدس



- **العالم :** الحقيقة دلوقتي لو قلت لكم أنني عالم ودارس علوم هتصدقوا ولا هاتطلبوا زيادة تأكيد تشوفوا الشهادة؟ بس الله كلامه لوحده كان شهادة أننا نتأكد أنه موجود. لكن علشان الناس اللي مش بتصدق وضع لهم حاجات تؤكد إن كلامه كلام الكتاب المقدس هو كلام حقيقي قبل ما هم حتى يوصلوا للاختراعات والاكتشافات.


نشوف مع بعض:



١- **قصة الطوفان :** ناس مش مصدقة بتقول إن ده محصلش وأنها قصة

وخلص لكن بصوا العلماء اكتشفوا إيه:

أ- **لقوا أسماك محفورة في صخور على الأرض!!!** أيوه إزاي أسماك تعيش على الأرض إلا لما حصل الطوفان وغرقت الأرض، ولما




خلص الطوفان كان في أسماك كبيرة وحياتان مانت وبقت محفورة في الصخور، وكمات بأعداد كبيرة جدًا.. وكمات على قسم - ولقوا كمان آثار لفلك نوح فوق جبل أراراط..

٢- **دورة المياه :** إن مياه المنبع بتبدي توزع ميتها على النهر اللي يصب في البحر ونتيجة الشمس.. المياه تتبخر وبعد كده تتكون سحب وتنزل مطرة عند المنبع وهكذا (يتم عرض فيلم) انظر لا CD.

تعالوا نشوف سليمان قال إيه في (جا ١: ٧-١١) ، (جا ١١: ٢) ، (إي ٢٧: ٣٦) مش ده نفس الكلام اللي العلم لسه مكتشفه من فين سليمان يقول كده الكلام ده موحى به من الله.. لأن مين اللي يعرف الحقائق دي قبل ما حد يعرفها غير ربنا.

٣- **القمر :** تفكروا القمر زى الشمس مضى؟ ولا مجرد بيبعكس نور؟ فعلاً القمر جسم معتم ونوره ده مجرد أنه بيبعكس نور الشمس وده اكتشفوه لما بعثوا سفينة فضائية للقمر لكن بصوا في (إي ٥: ٢٥) "هُؤذَا نَفْسُ الْقَمَرِ لَا يُضِيءُ وَالْكَوَاكِبُ غَيْرُ نَقِيَّةٍ فِي عَيْنَيْهِ" إيه معنى ده ؟

٤- **الأرض كروية :** إكتشف العلماء هذه الحقيقة قريباً لكن الكتاب المقدس قالها لنا قبل إكتشاف العلماء بقرون كثيرة.. تعالوا نفتح مع بعض (إش ٢٢: ٤٠): "الْجَالِسُ عَلَى كُرَةِ الْأَرْضِ وَسُكَّانُهَا كَالْجُنْدَبِ. الَّذِي يَنْشُرُ السَّمَاوَاتِ كَسَرَادِقٍ، وَيَبْسُطُهَا كَخِيْمَةٍ لِلسَّكَنِ".



٥- الأرض مثبتة في مكانها بقوة غير مرئية (قوة الجاذبية الأرضية) : فضل

كثير العلماء يقولوا إزاي الأرض مثبتة على لا شيء؟... وتخيلوا إنها مثبتة على قرني ثور ضخمة أو مثبتة عن طريق الجبال، ودارت الأيام وقدروا يكتشفوا الجاذبية، وبكده إتحقّق اللي قاله الكتاب المقدس إن الأرض متعلقة في السماء على لا شيء بواسطة قوانين الجاذبية.. تعالوا كده نفتّح (إى ٢٦: ٧) :

يَعْمَدُ الشَّمَالُ عَلَى الْخَلَاءِ وَيَعْلَقُ الْأَرْضُ عَلَى لَا شَيْءٍ.

ملخص : اليوم مرينا بـ ٣ مراحل كلها أكدت حاجة واحدة إن "ربنا موجود" وهو خالق كل شيء،

وعرفنا كده من العالم كله "الكون" وكمان من اكتشافات العلوم "السلسلة الغذائية"

وأناكدنا كمان إنه عارف كل حاجة، وقالنا على معلومات مهمة قبل حتى ما نعرفها في "الكتاب المقدس".

وبكده عرفنا نوصل أننا ممكن نشغل مخنا صح ونقول لكل واحد إن ربنا موجود "قم بعرض فيلم أينشتاين

ورده على المدرس الملحد" (انظر ال CD).

الإنجيل من زمان



الترنيمه

- | | |
|-------------------------|------------------------|
| القرار: الإنجيل من زمان | عرف اللي ماعرفوش إنسان |
| طبيعة وكون وورود | كله بيثبت ربنا موجود |
| ١- لما تبص على الجبال | أسماك محفورة ده محال |
| الطوفان ده حقيقة | مئس ممكن يكون خيال |
| ٢- علشان تتفتح الورود | خلق الشمس نورها يسود |
| نظام الخليقة نظام عجيب | تلاقيه مترتب ترتيب |
| ٣- كل اللي حوالينا يشهد | أن إلهي خالق مجيد |
| قلبي وعقلي وجسمي بيسجد | للي خلقني ولأسمى بأمجد |

تأليف وتلحين: أ / نيفين ولیم - كنيسة مارجرس أسيوط

الـ CD يحتوى على (الترنيمة + فيلم عن عملية البناء الضوئى
للنباتات + فيلم عن دورة المياه + فيلم اينشتاين ورده على
المدرس الملحد + الكلمات القبطية)



اعرف لغتك

"السَّمَاوَاتُ تُحَدِّثُ بِمَجْدِ اللَّهِ وَالْأَرْضُ

يُخْبِرُ بِعَمَلِ يَدَيْهِ" (مز ١٩: ١).

Πικροῦτι σεσαχι ἡπῶον ἡψυ:

πιθαμιο ἡτε νεψχιχ πιστερεωμα

χιωτω ἡμοσ

†χινηφρω فصل الخريف

†πρωω فصل الصيف

†φρω فصل الشتاء

†χινηρωω فصل الربيع

πιχωω εἶσοταβ الكتاب المقدس



ويقول قَداسة البابا شنودة الثالث: إن هناك صفات
جميلة للمؤمن بوجود الله:

- ١- يستحي من الخطية : لأنه يرى الرب أمامه في كل حين،
ويعرف أن الرب يراه ويسمعه، فيستحي أن يخطئ.
لكن الذى لا يستحي يكون الله غير موجود في فكره.
- ٢- يملأه السلام : والذى يؤمن بوجود الله يطمئن
ولا يخاف، وله سلام في قلبه.
- ٣- لا يتكبر : أيضا المؤمن بوجود الله لا يتكبر. فالذى
يتكبر يشعر أنه شئ كبير وينمى أنه مجرد
تراب ورماد.

رحلة مع الكتاب والعلوم



التطبيق العملي ١

اطلب من مخدوميك استخراج هذه الشواهد، وأن يكتب بجوار كل شاهد الآية، ويكتب في الخانة الثالثة ما إكتشفه الكتاب المقدس قبل العلماء بالآلاف السنين..
(قمنا هنا بحل الخانة الثالثة لكن وزع على مخدوميك الورقة بدون حلها).

الشاهد	الآية	ما إكتشفه الكتاب (المقرس)
(اكو ١٥: ٣٩)		إن الكتاب المقدس يصرح بوضوح بأنه يوجد إختلاف بيولوجي في تركيب الخلية، وقد يعترض البعض قائلاً هذا الاختلاف غير موجود، إذ أن كل هذه الحيوانات تتكون أجسامها من خلايا لها تركيب متشابه، (جدار ونواة وبروتوبلازم). ولكن الحقيقة التي يبنيها العلم الحديث أن هناك إختلاف أساسي في تركيب الخلايا الحيوانية. إن الطبيب الشرعي اليوم يستطيع أن يميز بين قطعة صغيرة من جسم الإنسان وبين أجسام الحيوانات الأخرى.. وهكذا يثبت أن معرفتنا الحديثة مدونة في الكتاب المقدس.
(مز ١٣٥: ٧)		البرق يسبب المطر.
(اش ٦٠: ٨)		هل كان من الممكن أن يفكر إنسان في الطيران كالسحاب منذ آلاف السنين؟ كلا، ولكن هذا الشيء غير الممكن، نراه مدوناً بغاية الوضوح بيد إشعياء النبي. أنه كما لو كان من أبناء القرن العشرين ويرى الطائرات وهي تطير في الجو في جماعات مع بعضها كالسحاب أو كالحمام حسب تشبيهه.

منع في...



التطبيق العملي ٢

قم بإحضار عدد من الهدايا ملصق عليها "صنع في الصين"، "صنع في مصر"... ثم احضر كورة أرضية وناقش ماذا نلصق عليها "صنع بيد الله".

هيكل سليمان

- عنوان مبتكر : على طول معاكم - بيت
الملائكة - مسكن الله مع شعبه.

- محور الدرس : (درس كتاب) - وجود
الله وسط شعبه.

- الآية : "أَمَا تَعْلَمُونَ أَنَّكُمْ هَيْكَلُ اللَّهِ
وَرُوحُ اللَّهِ يَسْكُنُ فِيكُمْ؟" (١كو ٣: ١٦).

- المراجع : الكنيسة بيت الله - للقمص
تادرس يعقوب.

- هدف الدرس : ١- الهدف المعرفي: أن يعرف الطفل أن وجود الله وسط شعبه كان منذ تأسيس العالم
بطرق كثيرة. ٢- الهدف الوجداني: أن يشعر الطفل بالإطمئنان ويزداد في محبة ربنا
الذي لا يتركنا أبدًا ويحس بوجود ربنا في كل حياته.

٣- الهدف المهاري: أن يتدرب الطفل على الذهاب للكنيسة والإلتصاق
بها، لأنها مسكن الله مع شعبه.

الكنيسة هي مسكن الله مع الناس.. فهي كيان إلهي رباني، فيه يتم اللقاء
بين الله والإنسان، وفيها يسعد الإنسان بالله ويتحد به ويعايشه، ويتمتع
بالحياة معه، وهي أيضًا بيت الملائكة. إذن فهي مسكن ثلاثي رافع يربط
(الله) الخالق بخليقته البشرية (الناس) وخليقته السماوية (الملائكة).




لا تستطيع شركة مقاولات، أن تبدأ في بناء ناطحة سحاب ما لم تتسلم الخرائط الخاصة بالإشياء من المهندس
مصمم المبنى. الله هو المهندس الذي يصمم بناء هيكله في النفس يقدم لنا هنا الخرائط للتنفيذ، وهي السلوك في
فرائضه والعمل بأحكامه، وحفظ وصاياه بالطاعة العمليّة له، بهذا يقوم البناء فينا خلال عمل روحه القدوس.

موضع سكني الله، هو القداسة المطلوب منا تحقيقها.. وبالتالي يمكن لكل منا أن يهني خيمة الله في قلبه.. حينما
ندخل الكنيسة ننسى هموم العالم وشهوته، وفي حضرة الله نمثلي رهبة وخشوعًا وتقديسًا، نحس داخل نفوسنا يصلتنا
بالحياة الأخرى. ونشعر ببينوتنا لله...

عزيزي الخادم: أنت أهم عند الله من كنيسة مبنية.. إن تهذمت إحدى هذه الكنائس فما أسهل على البشر أن يعيدوا بناءها،
بجمع المال تبنى.. أما إذا تهدم إنسان مثلك، فلا يمكن أن يعاد بناؤه إلا بدم المسيح.. أنت كنيسة حية، أهم من الطوب
والحجارة، لقد سمح الله أن يتحطم هيكل سليمان، ولا يترك فيه حجر على حجر إلا وينقض.. أما أنت فمن أجلك أرسل

الله الآباء الرسل الأنبياء والملائكة، ورتب كل وسائل النعمة، وقدم استحقاقات الفداء العظيم
الذي أتمه على الصليب "لِكَيْ لَا يَهْلِكَ كُلُّ مَنْ يُؤْمِنُ بِهِ بَلْ تَكُونُ لَهُ الْحَيَاةُ الْأَبَدِيَّةُ" (يو ٣: ١٦).

اختار تمهيد للدرس



١- قم بإحضار الأشياء التالية: (بالونة منفوخة هواء، بالونة مملوءة ماء ثم ننفخها، شمعة مشتعلة). ستجد عند إقتراب الشمعة من البالونة المملوءة هواء هتفرقع.. وعند إقتراب الشمعة من البالونة المملوءة ماء لن تفرقع.. الإنسان اللي بيعيش بعيد عن الكنيسة وتواجهه فيه.. لا يستطيع أن يصمد أمام أى تجارب أو ضد الخطية، ولكن الإنسان الذى يواظب على حضور الكنيسة والقداسات، يستمتع بالعشرة مع الله، وينال بركات كثيرة تجعله يثبت وقت التجربة، ويستطيع أن يميز بين الأفعال التى تليق بأبناء الله، والتى لا تليق.. وبعد هذا التعليق يمكنك أن تسأل الأطفال هذه الأسئلة : ❖ يا ترى بنروح الكنيسة وبنحضر القداسات بانتظام؟

❖ يا ترى بنشعر وإحنا فى الكنيسة إنها بيت الله، وإن كل ما فيها هو مقدس؟

٢- اطلب منهم أن يكتبوا كيف يقوم بتجهيز حجرة نومهم، لتكون مكان يسكن الله فيها.. وبعدها اطلب منه إذا لم تتوفر لديه حجرة بمفرده كيف يجعل قلبه مكان يسكن ربنا فيه؟..

٣- يدخل خادم ويقول نريد أن نبني بيت لرئيس الجمهورية مثلاً ومطلوب منكم كمهندسين عظماء عمل كذا تصور لبناء هذا البيت (الخامات - الشكل - محتوياته) ثم يعلق على إمكانيات كل بيت وشكله وتصوراتيه ولماذا بناء بهذا الشكل وهذه الإمكانيات والفخامة.. النهاردة ها نحكى عن شخص تانى كان مشغول ببناء بيت يس لحد تانى تعالوا نعرف مين الشخصية دى وكانت عاوزة تبني بيت لمين؟

١- قم بدراسة للنص الكتابي بالأسلوب التحليلي عن طريق: إعادة كتابة النص المراد دراسته (١مل:٢٣:٤٠) كما هو، دون حذف أو إضافة، ولكن مع تعبير شكل وطريقة كتابة النص من الطريقة الإنسانية التى يكتب بها، إلى شكل الكتابة العملية التى يراعى فيها وضع الأفكار الرئيسية تحت بعضها، ووضع عناوين للأفكار بحسب تسلسلها..


٢- كمثال توضيحي للطريقة: لو قمنا بتحليل هذا الشاهد (٦:٤-٩) يمكن تحليله كالآتي: **فَتَحِبَّ الرَّبُّ إِلَهُكَ: مِنْ كُلِّ قَلْبِكَ، وَمِنْ كُلِّ نَفْسِكَ، وَمِنْ كُلِّ قُوَّتِكَ.** ولتكن هذه الكلمات التى أوصيك بها اليوم:

أ- على قلبك. ب- قصها على أولادك. ج- ... الخ.

٢- يسأل الخادم الأولاد ماذا فعل الرب معك فى حياتك من وعود تحققت، أو من طلبات تمنيتها وقام بتنفيذها.. الخ.. وعليه ابدأ بتطبيق هذا على حياة سليمان التى تتضح من خلال صلاته (١مل:٢٣:٤٠).

وسيلة الإيضاح

- ١- لأن محور هذا الدرس درس كتاب، فحاولنا عمل طريقة مبتكرة لدراسة الكتاب المقدس تناسب هذه المرحلة، حتى يعتاد الطفل من صغره على محبة فتح الكتاب المقدس، والتعمق في دراسته وقراءته.
 - ٢- اطلب من طفلك في هذا الأسبوع ضرورة إحضار كتابه المقدس معه، وإذا لم يكن لديه، قم بإحضار كتاب له.
 - ٣- يجلس الأولاد في شكل دائرة أو مربع ناقص ضلع.
 - ٤- اطلب من طفلك فتح الكتاب المقدس، وساعده في معرفة كيف يفتح الكتاب.
- يمكنك استخدام هذه الصورة كماكيث يكبر أمام الأطفال، حتى يساعدهم في تجميع ماكيث الهيكل على نفس الشكل (انظر الـ CD).



النهاردة هانحكي عن المكان اللي إحنا ممكن نقابل فيه ربنا.. تفكروا فين.. الكنيسة.. طيب يا ترى زمان الناس كانوا بيقابلوا ربنا إزاي وفين؟.. تعالوا نعرف مع بعض أول بيت لربنا كان فين؟ وكان إمتى؟ وكان مين اللي موجود فيه؟ ومين اللي بناه؟ وكمان إتذكر فين في الكتاب المقدس؟ أسئلة كثيرة لكن مهمة..

يقوم الخادم بتوزيع هذه الشواهد على كل طفل، ستجد إن هناك أكثر من طفل معهم نفس الشاهد، اطلب من كل طفل معاه نفس الشاهد يقوموا بالتجمع معاً في مكان واحد، واطلب من كل مجموعة قراءة الشاهد الخاص بها والإجابة على الأسئلة الموجودة معهم في كل ورقة..

الشواهد هي : (تك ٨:٢) - (تك ٢٠:٨) - (تك ٧:١٢) - (تك ٢٢:١٠، ٢٨) - (خر ٨:٢٥).

الاستئلة :

الشاهر	١- بيت ربنا كان فين ؟	٢- بيت ربنا كان أمتي ؟	٢- بيت ربنا كان مين اللى موجود فيه ؟	٤- بيت ربنا كان مين اللى بناه ؟

١- أول بيت لربنا كان هو الجنة اللى كان آدم عايش فيها مع ربنا.. ودى ربنا خلقها لأدم علشان يعيش فيها معاه ويقابله فيها، ويكون معاه على طول.

مين معاد أول شاهد عندنا (تك ٨:٢) يقولوا لنا إجابة أسئلتهم :

- فين ؟ : فى جنة عدن.

- إمتي ؟ : كان وقت آدم.

- مين اللى موجود فيه ؟ : آدم وحواء مع ربنا.

- مين اللى بناه ؟ : ربنا بنفسه.

- الشاهد : (تك ٨:٢).

بيت
ربنا
الأول
كان

٢- وبعد كده آدم غلط وخرج من الجنة يعلى أصبح بعيد عن ربنا.. انفصل عن

ربنا.. يا ترى هو ها يعرف يقابل ربنا تاتى إزاي؟.. وفين؟..

تعالوا نفتح الشواهد (تك ٢٠:٨) - (تك ٧:١٢) ونعرف إزاي رجع الإنسان يقابل

ربنا لكن بطريقة مختلفة عن اللى فانت وفين ومين كمان اللى إتقابل مع ربنا؟

وبكده بدأ يظهر المذبح اللى كان بتقدم عليه الذبيحة وربنا يقبلها، وده كان

معناه إن ربنا كان حاضر مع اللى بيقدم الذبيحة..



مين معاد تانى شاهد عندنا (تك ٢٠:٨) - (تك ٧:١٢) يقولوا لنا إجابة أسئلتهم :

- فين ؟ : فى مكان يقام فيه مذبح.

- إمتي ؟ : كان وقت نوح وإبراهيم.. وآبائنا الأولين.

- مين اللى موجود فيه ؟ : نوح وإبراهيم وآبائنا الأولين مع ربنا.

- مين اللى بناه ؟ : نوح وإبراهيم وآبائنا الأولين.

- الشاهد : (تك ٢٠:٨) - (تك ٧:١٢).

بيت
ربنا
الثانى
كان





٢- وثالث بيت لدينا كان اسمه بيت إيل.. تعالىوا نعرف قصته.. زمان في وقت كان يعقوب هريان من عيسو أخوه، تعب ونام على حجر في طريقه من بئر سبع إلى حاران، وهو نايم حلم حلم جميل جدًا.. الحلم هو إن يعقوب شاف سلم واصل من الأرض للسماء، وفيه ملايكة طالعين نازلين عليه، وربنا بنفسه كان موجود، وقال لأبونا يعقوب "وها أنا معك" (تك ٢٨: ١٥) ولما صحى أبونا يعقوب قال "ما أرهب هذا المكان! ما هذا إلا بيت الله" (تك ٢٨: ١٧) وقرر يسمي المكان ده بيت إيل علشان اتقابل فيه مع ربنا، وكمان لأنه شاف السما والملايكة.

مين معاه ثالث شاهد عندنا (تك ٢٨: ١٠-٢٢) يقولوا لنا إجابة أسئلتهم :

- فين ؟ : بين بئر سبع وحاران . - إمتى ؟ : كان وقت يعقوب .
- ربنا اتقابل مع مين ؟ : يعقوب . - مين اللي بناه ؟ : يعقوب .
- الشاهد : (تك ٢٨: ١٠-٢٢) .

بيت
ربنا
الثالث
كان

إيه اللي اتميز به هذا البيت ؟ السما والملايكة..

٤- رابع شكل لبيت ربنا في العهد القديم هو كان خيمة الأتجماع وهي اللي بناها موسى النبي، وكانت أول مرة ربنا بتقسمه بأمر الشعب أنهم بينوا له بيت في وسطهم، لموسى بالتفصيل، لأنهم كانوا بيتنقلوا من بلد لبلد، ومن مكان لمكان، فعملوا خيمة علشان ربنا يسكن وسطهم، وكانت هي المكان اللي بيتجمع فيه الكهنة واللاويين والشعب علشان يتقابلوا مع ربنا. وليه كانت خيمة يا ترى؟.. علشان يقدروا يفكوها ويركبوها تاني لما يتنقلوا، لأنهم كانوا بيتنقلوا كثير.



مين معاه رابع شاهد عندنا (خر ٢٥: ٨) يقولوا لنا إجابة أسئلتهم :

- فين ؟ : في كل مكان كانوا بيروحوه .
- إمتى ؟ : كان أيام موسى النبي .
- ربنا اتقابل مع مين ؟ : مع الكهنة والشعب واللاويين .
- مين اللي بناه ؟ : بصلتيل وأهولياي .
- الشاهد : (خر ٢٥: ٨) .

بيت
ربنا
الرابع
كان





وبعد لما الشعب وصل أورشليم وأستقر هناك، فكان لازم يكون فيه مكان ثابت لبيت ربنا وهو: الهيكل. تعالوا نشوف مع بعض دى كانت فكرة مين؟

طلعوا معايا الشاهد (أخ ١٧: ٢-١٠) .. يعنى دى كانت 'فكرة داود'، لكن ربنا قال لداود مش أنت اللى هاتبنى الهيكل علشان إنت دخلت فى حروب كثير.. لكن 'إبنك سليمان' هو اللى هابينه علشان فى عصره مش هايكون فى حروب (أخ ١٧: ١١-١٣) ..

تعالوا نطلع مع بعض كمان الشاهد (أخ ٢٢: ١٩-١٠) علشان نعرف مين اللى جهز تجهيزات الهيكل كلها ؟

'داود النبى' ساهم كثير فى بناء الهيكل، وهو اللى صمم الهيكل، وحدد مكانه قبل ما يموت، وجhez المواد اللى كانت لازمة لبناء الهيكل: من ذهب وقضه وخشب ونحاس وحجارة. وكل الحاجة اللى احتاجوها فى البناء. ولما جاء 'الملك سليمان' (أخ ٢) هو اللى بدأ فى بناء الهيكل فى السنة الرابعة من حكمه، وقعد يتبنى سبع سنوات وستة شهور بالحكمة اللى ربنا أعطاها له... قدر سليمان يجند ٣٠ ألف واحد وقسمهم إلى ٣ مجموعات: كل مجموعة ١٠ آلاف يشتغلوا شهر ويريحوا شهرين، وبعدين بدأت المجموعة الثانية والثالثة. وعارفين الهيكل ده كان أكبر من خيمة الاجتماع.. الهيكل كان مكانه فى أورشليم..



تعالوا نعرف تقسيمة الهيكل:

شافين الصورة اللى قدامكم.. عرض صورة هيكل سليمان كوسيلة الإيضاح مقسم إلى كام قسم؟.. صح ٣ أقسام وهم:


- ١- الدار الخارجية.
- ٢- القدس.
- ٣- قدس الأقداس.

تعالوا مع بعض نلعب لعبة نعرف منها إيه الحاجات اللى كانت موجودة فى كل قسم فى الهيكل...

يقوم الخادم بلعب لعبة الكنز مع الأولاد.. وتلك بتوزيع مكونات الهيكل فى أماكن متفرقة فى الحجرة، بحيث يكتب فى الورقة:

- ١- شاهد كل جزء من أجزاء الهيكل.
- ٢- وكيفية عمل هذا الجزء على شكل ماكيت.

بحيث يقوم الأطفال بتجميع هذه الأجزاء معًا لتكوين الشكل النهائى للهيكل، وهذا على النحو التالى :




المذبح
(أخ ٤: ١)

قم بعمل الورقة على شكل مذبح المحرقة.. بحيث تكون على شكل هذه الورقة (انظر الـ CD).





شكل سبت
أوريجامي. قم
بعمل الورقة
على شكل
المرحضة..
بحيث تكون
على شكل
هذه الورقة
(انظر
الـ CD).

المرحضة
(امل ٢٣:٧)



عبارة عن
ورقتين ويتم لفهم
بشكل عمودين
بحيث تكون على
شكل عمودين
الهيكل (انظر
الـ CD).


العمودين
(امل ١٥:٧)
(أخ ١٧:٢)



ورقة
مفرودة يتم
وضع عليها
أجزاء الهيكل
كقاعدة يبنى
عليها الهيكل
(انظر
الـ CD).



الرواق
(امل ٣:٦)
(أخ ٤:٣)







ورقة ونقصها
من النصف ثم
نقوم بنثيها على
شكل مروحة..
بحيث تكون على
شكل مدخل
الهيكل (انظر
ال CD).

مدخل الهيكل
الباب
(على شكل
باب مروحة)
(امل ٢٢: ٢٥)




نجيب ورقة ونثيها
على بعض أكثر من
مره ونقص فيها قطعه
على شكل مربع
هنا لاقى أنها عملت
شكل الشباك.. بحيث
تكون على شكل كوى
الهيكل (انظر لا CD).

الكوى
(الشبابيك)
(امل ٦: ٤)



المنارة هي عبارة عن
مجسم للمنارة من ورق
مرسوم بالوجه والظهر
ويتم ثنيه على بعضه ثم
يقف في مكانه.. وهكذا مائدة
خبز الوجوه، والمذبح
كما سبق شرحه.. بحيث
تكون على شكل مكونات
القدس .
(انظر لا CD).

القدس
ومحتوياته
المنارة
والمذبح
والمائدة
(امل ٧: ٤٨-٤٩)
(٢: ٧)



ويحتوى
القدس على :
تابوت العهد :
عبارة عن مجسم
من ورق مرسوم
بالوجه والظهر
ويتم تثبيته ثم
يقف فى مكانه
(انظر الـ CD).

فدس
الأقداس
(امل ٨: ١١)



انتوا عارفين كمان أن الهيكل ده كله كان متغطى بذهب، وأرضه والحيطان متغطيه
من ذهب صافى.. مين منكم يحب يروح الهيكل ده دلوقتى.. أكيد كلنا طبعاً..
هل هو موجود دلوقتى؟.. بصراحة الهيكل ده دلوقتى مش موجود لكن ممكن
نشوفه.. إزاي يا ترى؟ صح لما نروح الكنيسة..

أمى الكنيسة جذورها قوية



- القرار: أمى الكنيسة جذورها قوية
- ١- شـفـناها فى فـلـك نـوـح
وكنـيـستى حـصن سـلام
٢- زى سـلم يعقـوب
وكنـيـستى بيـت إـرـل
٣- وفـى خيـمة الإـجـتـماع
وكنـيـستى الله سـاكـنـها
٤- جـوه هيك لـسـايمان
والهـتـا جـوه كنـيـستـه
 - على مر العصور بترتيبات إلهية
اللـهى جـواه أـمـان
وأـمـان لـكـل إنـسـان
مـن الأرض للـسـماء
توصـلنى للـسـماء
وحـضـور الله وسـطـها
وملائكـته تحوطـها
تـابـوت عـهد الـديـان
يحميـها طـول الـزـمـان

تأليف : م. مينا القمص كيرلس - كنيسة السيدة العذراء بالعاشر من رمضان

الـ CD يحتوى على (الترنيمه + وسائل إيضاح الدرس: وهى صورة
ماكيت لهيكل سليمان + فيديو لهيكل سليمان + الكلمات القبطية)



اعرف لغتك

أَمَّا تَعْلَمُونَ أَنَّكُمْ هَيْكَلُ اللَّهِ وَرُوحُ
اللَّهِ يَسْكُنُ فِيكُمْ؟ (١ كور ٣: ١٦).

ΑΤΕΤΕΝΕΜΙ ΔΗ ΝΘΩΤΕΝ ΟΤΕΡΦΕΙ
ΝΤΕ ΨΝΟΥΤ ΟΤΟΣ ΠΙΠΝΕΤΜΑ
ΝΤΕ ΨΤ ΔΕΨΟΠ ΔΕΝ ΘΗΝΟΥ

ΪΕΚΚΛΗΣΙΑ الكنيسة οτερφει هيكل
ΠΙΠΝΕΤΜΑ ΝΤΕ ΨΤ روح الله

من تخدم؟ لمن تصلى؟ قدام من
تصرخ وتبكي؟ أليس قدام ذاك
الذى به تتحرك وتوجد! أليس
قدام من هو فيك مستريح كما
فى هيكله! ولماذا لم تشعر بعد
بنعيم وجوده فيك؟



آه من أجل إنك لم تخط أعمالك بهمة ولم تداوم قدام الواحد
غير المنظور.

(الشيخ الروحاني)

لعبة تلى ماتش



قم بإحضار هذه الخامات

(كل ما يتوافر من كراتين -

عصيان - فوم - شيش

طاووق... الخ)، ثم ضع

الخامات في المنتصف واطلب من مخدومك بناء "خيمة الاجتماع" للفريق الأول و"هيكل سليمان" للفريق الثاني باستخدام هذه الخامات.



التطبيق العملي ١

حوار حي مع الله

عارفين سليمان لما خلص بناء الهيكل صلى صلاة جميلة جدًا.. تعالوا

مع بعض نطلعها ونفهم معناها. صلاة سليمان (ص ٨ - سفر الملوك الأول

من ٢٢ إلى ٤٠)...



التطبيق العملي ٢

عزيزي الخادم.. هنا فرصة لتعيش مع مخدومك صلاة عميقة جدًا تحتوي على كثير من

المعاني والجمال..

وبالتالي سوف تجد الجدول باسم حوار حي مع الله حيث يكتب المخدوم في مربع الآية:

١- آية معينة، ثم يضع أمامها إذا كانت الآية: (طلب - استجابة - سؤال - قرار - وعد - تسبحة).

٢- وبعدها يكتب المشاعر التي كان حاسسها سليمان، لما قال هذه الآية سواء (فرح، حيرة، إنسحاق، خوف، ثقة).

٣- ثم في خانة (أتعلم أصلي) يكتب مخدومك جملة صلاة يحب يوجهها لربنا تكون بنفس المعنى (هاقول إياه لما أصلي؟).

٤- وأخيرًا خانة (عشرة مش قشرة) يكتب الطفل قرار يحب يأخذه بعد هذه الآية (سلوك هاعمله) مثلاً قررت أصلي - قررت أصلي علشان الكنيسة... وهنا سنعطيك نموذج واحد فقط من (٢٣-٤٠).

على أن تختار القطعة التي ترغب في دراستها مع مخدومك (امل ٨: ٢٣-٥٢) بحيث لا تزيد القطعة عن

٥ آيات ليعيشها مخدومك (المهم كيف وليس الكم)...

عشرة مش تشرة (سلوكي في حياتي مع ربنا)	(أتعلم أوصلي) هاتقول إيه في صلاتي؟	مشاعر حاسسها سليمان (فرح - حيرة - إنسحاق - خوف - ثقة)						
			طلب	استجابة	سؤال	قرار	وعد	تسبيحة
أطمئن إن ربنا معايا	أبدأ صلاتي: أشكرك يا رب على كل حاجة..	سليمان فرحان بكل اللي عمله ربنا	+					
أثق إن الله هيقض وعده	شكرا لأنك وعدتني أنك.. وفعلًا...	سليمان فرحان لأن ربنا وعد ونفذ وعده	+					
هكتب وعود ربنا في الكتاب المقدس.. علشان أقول لربنا مش إنت قلت	متكسفش اطلب من ربنا وأقول مش أنت وعدت	سليمان بيطلب إن ربنا ينفذ وعده	+					
انظف قلبي علشان يسكن فيه ربنا	يا رب فعلاً السماء مش سايعاك بس أكيد قلبي هيسيعك	سليمان بيستغرب	+					
هصلي كل يوم	ممكن يا رب تسمع لصلاتي اللي هأصلها النهاردة	سليمان بياكد على طلبه	+					
هصلي علشان الكنيسة	يا رب حافظ لنا على الكنيسة وأبونا البابا البطريرك	سليمان بيطلب علشان الهيكل مش لنفسه	+					
تطلب المغفرة من ربنا	يا رب اغفر خطايي	سليمان يطلب المغفرة من الله	+					
هاطلب ربنا وأعيش في سلام	أنا واثق من حمايتك	ثقة	+					
نحترم الله (حب وخوف)	المجد لك يا رب	فرح	+					

دروس شهر أكتوبر

- ٥- الإحتياجات الإنسانية (هرم ماسلو) (من أنا ؟)
- ٦- ديديموس البصير (أنا والأخر)
- ٧- الرب يسوع يسد جميع احتياجاتي (الإيمانيات)
- ٨- حكمة سليمان (أنا والوطن)



هدف دروس هذا الشهر حول :

- ١- أنا أعرف ما هي إحتياجاتي .. وكيف أنميها؟
- ٢- مهما كانت نقائصي فأنا قادر على تحقيق أهدافي وخدمة غيري .
- ٣- كل إحتياجاتي مهمة، وأنا أثق أن الرب يسوع يسددها لي .
- ٤- لما أفكر بحكمة .. على طول هاكون كسبان، وهاعرف
أخدم غيري صح .



الاحتياجات الإنسانية (هرم ماسلو)

- عنوان مبتكر : Needs - هرم بمزاجي
- إنت إنسان.

- محور الدرس : (من أنا؟) - التعرف على
الاحتياجات اللازمة لأي إنسان.

- الآية : كُونُوا أَنْتُمْ كَامِلِينَ كَمَا أَنَّ أَبَاكُمْ
الَّذِي فِي السَّمَاوَاتِ هُوَ كَامِلٌ (مت ٥: ٤٨).

- المراجع : كتاب الشخصية المتكاملة -
نياقة الأنبا موسى أسقف الشباب.

- هدف الدرس : ١- الهدف المعرفي: أن يعرف الطفل ما هي الاحتياجات اللازمة له.

٢- الهدف الوجداني: أن يشعر الطفل بأهمية هذه الاحتياجات وضرورتها، حتى تكون شخصيته متكاملة.

٣- الهدف المهاري: أن يتدرب الطفل على تنمية كل إحتياج من هذه الإحتياجات.

هدف هذا الدرس أن: ١- يعرف المخدمين أن مكونات الإنسان هي:
(روح - عقل - نفس - جسد) + علاقات.

٢- يعرف أن الإنسان الموى هو الذى يستطيع أن يشبع كافة نواحي
شخصيته: (الروحية - العقلية - النفسية - الجسدية - الاجتماعية).

٣- مكونات الشخصية المتكاملة كالأتي :



البيئة

الإنسان

جسد

نفس

عقل

روح

الصلاة - الإنجيل - القراءة - العلوم والمعارف - عناصر موروثية ومكتسبة - الرياضة - الغذاء - الأسرة - الإعلام

٤- لاحظ أن الناحية النفسية لدى الإنسان عبارة عن (عناصر موروثية) مثل :

أ- الدوافع (الغرائز) مثل : غريزة الطعام والشراب - حب الحياة - حب الاستطلاع - حب التملك.


ب- الحاجات النفسية مثل : الحاجة إلى الحب - الأمن - التقدير - النجاح - الإنتماء - التقود - المرجعية - الغرائز

(لاحظ أن العواطف داخلنا ليست خطأ، لكنها يجب أن توجه، والأهم أن لا تجعلها
هى التى تقودنا، ولكن تتقاد بالروح، مع مراعاة أن الروح هو الذى يقود العقل،
والعقل يقود النفس، والنفس تقود الجسد، والكل تحت قيادة الروح القدس..

ج- عناصر مكتسبة : العواطف - العادات - الإتجاهات.



اختار تمهيد للدرس



١- معنى كلمة احتياجات..



تجربة الشمعة والفتيلة: قم بإطفاء شمعة مضاءة ثم قرب من دخان الشمعة المطفية شمعة أخرى تكون مضيئة بحيث.. ستجد إن الشمعة المطفية سرعان ما أضاءت.. هكذا كل منا لديه احتياجات معينة (مثل إضاءة الشمعة)، يقوم الله (لهب الشمعة المضيئة) بتسديد كل احتياجاتنا مهما كانت حالة هذا الإحتياج.

٢- ليه عندي احتياجات: "حياة بدون إحتياج كزرع بدون ماء"..



تخيل لو: - إن اللبنة بتولع بدون كهرباء.. هل سيكون للكهرباء فائدة؟

- إن الأكل بيسوى بدون بوتاجاز.. هيكون للبوتاجاز لازمة؟

- إن زرع بينمو لوحده.. هيكون فى لازمة لعملية البناء الضوئى؟

بعد هذا اشرح لمخدوميك مقولة: "الحاجة أم الإختراع".. ثم اذكر لهم عدة إختراعات تولدت

عندما شعرنا بإحتياج لها..

للخادم المبدع



١- قم بعمل درسك فى صورة 'مصباح أستاذ فلان' بحيث

تطلب من كل طفل أن يذكر لك ما الشيء الذى يحتاج إليه.. ثم

قم بتقسيم إحتياجاتهم إلى ٥ عناصر وشرح الدرس.

٢- اشرح الدرس من وجهة نظر علماء ومخترعين، ولماذا قاموا

بإختراعاتهم، وأيضاً (أشهر أب راهب - مصمم أزياء - أشهر طبّاخ) وكيف إن إحتياج

الإنسان ولد لديهم دافع لعمل شيء.

الدرس مكون من ٥ محطات لكل محطة وسيلة إيضاح خاصة

بها سنكتبها قبل كل محطة.

وسيلة الإيضاح

يدخل خادم مرتدياً ملابس طبّاخ عارضاً مشكلته..

- الشيف: صباح الخير.. معاكم النهاردة شيف أندرو من مطعم "Fruite Salade" أنت

معانا شيعان، وده مطعم مشهور جداً وبيقدم وجبات حلوة

جداً لكن حصلت أزمة حالياً، والمطعم إذا ما أقدمش وجبة

شهيرة وحلوة ممكن يتقفل، وعشان نقدر نقدم الوجبة المطلوبة محتاجين

مساعدتكم معانا أنتم هتمروا بـ ٥ أماكن ولازم تتجسّسوا فيها، لأن نجاحكم ده

هيوذى إنكم تأخذوا شئطه فيها حاجة من مكونات الأكلة.



سوف يمر المخدومين بـ ٥ محطات بحيث يخرج من كل محطة فائزًا..
ليحصل على أحد مكونات الأكلة، وإذا لم يفوزوا في أحد المحطات لا يأخذوا هذا المكون.

أول محطة :



- **دكتور فيتامين :** لتوصيل إحتياج من الإحتياجات التي يحتاجها الطفل، وهو الإحتياج الجسدي: (أكل - شرب - نوم - لبس..)، وهنا تطرقنا لأهمية الأكل المفيد لبناء جسم سليم.

هيدخل المخدومين ليجدوا صورة لكبسولة كبيرة، وكثير من الحروف المكتوبة باللغة الإنجليزية على الأرض وهي تمثل اسم فيتامين (الكبسولة عبارة عن كارتونة ثلاثية يعمل فيها ديكور بحيث تكون على شكل كبسولة بها فتحة)، ويكون جالس داخلها خادم بحيث كل حرف هيلاقية المخدومين يقوموا بوضعه في فتحة الكبسولة.. فيجدوا معلومة عن هذا الفيتامين وأين يجدونه.. ثم يبحثوا عن أكلة توجد بها هذه الفيتامينات (سوف يتم كتابتها مع كل فيتامين سنذكره).. مع ملاحظة إنه مع كل فيتامين مكتوب وراء حرف للكلمة تكون مكون من مكونات الهدية، يقوموا بترتيب الحروف ليعرفوا هذا المكون..

(الفيتامين)	معلومة عنه وأهميته	أين نجده؟	(الحرف من)
B1	يساعد على النمو وعملية الهضم	اللحوم - البيض - البزقال	م
B15	يزيد من مقاومة الجسم للسموم الداخلية والخارجية	الأرز	و
d	يعمل على امتصاص الكالسيوم والفوسفور للعظام	اللبن	ز

بعد تكوين الكلمة يتعرفون على دكتور فيتامين..

- **فيتامين :** طبعًا يا أصدقائي عايزين تعرفوا إيه اللي جمعتوه؟

ده اسمه فيتامين وهو مهم جدًا لجسمنا.. وفي فيتامينات مانقدرش تعيش بدونها.. لأن كل جسم له إحتياجاته، ومش صح أبدًا إننا نهمل إحتياجاتنا لأننا لو أهملناها هنبتدى نضعف ونعجب..

فمثلاً: اللي بيسهر كثير وينام قليل بيضر نفسه جدًا، لأن جسمنا محتاج لراحة.

أو مثلاً ناكل أكل مش مغسول.. ده في منتهى الخطورة، وكمان جسمنا نهتم بيه لكن مش لدرجة الدلع يعنى محدش يقول: "مش ها أصوم لأكى تعبان" محدش يحدد كده غير الدكتور لأن التوازن الغذائى مهم.. الصوم مفيد جدًا للجسم.. وعشان تاخدوا الحاجة اللي إنتم جمعتوا كلمتها "موز" لازم تقولولى على المواقف الآتية صح ولا غلط.. يمكن عرض صور للأطفال ويقوموا بالتعليق عليها، أو مجرد مناقشة بدون صور :

- ولد بياكل كثير جدًا. - ولد بياكل من اللي واقع على الأرض. - ولد مش يحب اللبن.

ثاني محطة : الإنجاز :



لتوصيل إحتياج من الإحتياجات التي يحتاجها الطفل وهو الإحتياج النفسي مثل الحاجة إلى (الإنجاز - الحرية - الشعور بالأمان - الشعور بالقيمة)، وهنا نطرقنا لأهمية الإنجاز لتسديد الإحتياج النفسي لدى الطفل.

لعبة الكانزات : الأدوات : ١٠ أسائك على شكل حلقة بحيث قطرهما قطر الكانز + ١٠ علب كانز .

شرح اللعبة : اطلب من الأولاد أن يكونوا برج من الكانز بوضع الكانزات بهذا الترتيب من أسفل إلى أعلى (١-٢-٣-٤) بشرط ألا تلمس أيديهم علب الكانز على أن يبنوه في ١٠ دقائق لا أكثر.

للخادم : قرابة نهايتهم من بناء البرج قم بعمل أي حركة فتهتز الترابيزة..


فيجدوا إن كل ما بنوه قد هدم، ثم قل لهم إنهم مرتبطين بوقت ممكن يعيدوا البناء بسرعة مرة ثاني.. ثم كرر هدم ما بنوه وانتظر إلى أن يبنوه وهكذا..

كمان قم بكتابة حروف كلمة "عصير" تحت علب الكانز، وعليهم بعد أن يقوموا ببنائه أن يعرفوا الكلمة.



الخادم : علشان تحصلوا على الكلمة محتاج أناقشكم.

- ١- مين حسن بيايه في اللعبة؟
- ٢- إيه أكثر حاجة ضابقتكم؟ إيه أكثر حاجة فرحتكم؟
- ٣- حد فكر ما يكملش؟ ويا ترى اللي كمل.. كمل ليه؟



الحقيقة إنتم كنتم مصريين على إنكم بنوا الهرم.. رغم أن كل شوية كنت بوقعه

لكم.. إحنا كمان ساعات بنكون مصريين على حاجة علشان كده بنحاول

مرة واثنين وثلاثة.. ولما بننجز الحاجة اللي عملناها قد إيه بيكون طعم

النجاح حلو وينفرح بكل اللي أنجزناه، لأن الإنجاز ده إحتياج عند كل واحد فينا.. لما بيحققه في كل حياته بيكون

شخصية ناجحة جدًا.. وسوية جدًا.. عجبنى جدًا اللي لم يستسلم للهزيمة رغم الوقت ورغم الصعوبات قدرنوا تحفقوا

إنجاز وعلشان تاخذوا الحاجة هسألکم سؤال: إحنا محتاجين نحس بالإنجاز في إيه؟.. (اسمع الإجابات).

- صح.. في كل مكان نوجد فيه: "مدرسة - بيت - وطن"..

يمكن للخادم أن يقوم بعرض فيلم إختراع الطيران بدلاً من اللعبة انظر الـ (CD)

ثالث محطة: تفكير :

لتوصيل إحتياج من الإحتياجات التي يحتاجها الطفل وهو الإحتياج العقلي من (التفكير)، وهنا نطرقنا لأهمية التفكير لبناء شخصية متكاملة وناجحة.





لعبة ٦ كوبيات : نضع ٦ كوبيات جنب بعض بحيث

٣ مليونين جنب بعض و٣ فاضين جنب بعض، ونطلب

من المختومين تحريك كوب واحد فقط بحيث يكون الترتيب (كوب فاضى ثم كوب مليون وهكذا...)، ولهم عدد ٣ محاولات فقط (المحاولة تحسب برفع الكوب) الحل: نقوم بسكب الماء الموجود في الكوباية رقم (٢) في الكوباية رقم (٥).

مع ملاحظة إن ورق الكلمة لن يسلم لهم إلا إذا نجحوا في ذلك، أو بعد النقاش (الكلمة هي تفاح).

بعد ٣ محاولات يناقشهم الخادم: - تفكروا اللعبة دى حطها سهل ولا صعب؟

- إيه القى اللي بيميزنا عن باقي مخلوقات ربنا؟ - هل أن محتاج اشغل مخي؟

هل لازم أكون مبدع وأفكر بطريقة جديدة؟ أكيد لأنى محتاج كده.. تعالوا نعرف إزاي نفكر بطريقة جديدة :

١- فكر بره الصندوق!! يعنى إيه؟ يعنى ممكن أفكر فكرة خارج المربع طالما عندي فرصة لكده.

مثال: عارفين مطعم مكدونالدز أو أى مطعم تاني.. زمان كان لازم نروح ناكل من عنده

لكن دلوقتي ممكن وإحنا في البيت ناكل إزاي؟ صح تمام عن طريق Home delivery

(وهنا يوزع الخادم على من يعرف الإجابة) (حرف ت) أول حرف من الكلمة.

٢- انظر للموضوع بشكل مختلف : مثال: تعالوا نفكر في ٥ استخدامات للمسمار غير استخدامه

الأصلى (الدق عليه). مع كل إجابة يوزع الخادم على اللي يجاوبها صح الحروف الباقية لتكوين الكلمة والحروف هي: (ف، أ، ح) وبذلك يكونوا (كلمة تفاح).

بعض الأفكار: تعليق هودوم - حفر على خشبة - فتح زجاجة بيبسى - لعبة بولينج بالمسامير الألى - عمل بوصلة.

٣- مفيش فكرة اسمها غلط لكن فيه فكرة اسمها محتاجين نحسنها : مثال: لو كنت إنت وأصحابك عاوزين تجيبوا هدية

لواحد صاحبكم، وواحد قالك نجيب الهدية دى لكن هي بسيطة ورخيصة، وعلشان كده ممكن نضعها في علبة

هذايا يبقى شكلها أحلى.. هو كده فكر بطريقة أحسن..

رابع محطة : ربنا فى حياتي :

لتوصيل إحتياج من الإحتياجات اللى يحتاجها الطفل وهو الإحتياج الروحي..

علاقة كويسة مع ربنا بعمارة كل وسائل النعمة.

قصة

فى يوم من الأيام كان واحد بيحلم إنه ماشى على الشاطئ مع ربنا وبص

على الشاطئ لقي ٤ أرجل على الرمل فكان مبسوط.. بعد شوية بص على الأرض

لقى رجلين إيتين!! اتضايق جدًا.. كده يارب تسببنى.. ما أنت كنت ماشى معايا فيك دلوقتي؟! كده

أنا متضايق لأنى أنا معاك أنا مطمئن.. لقي صوت بيقول له: يا حبيبى أنا شايفك على كتفى

والخطوات اللى أنت شايفها دى خطواتى.. علشان لقيتك تعبت من المشى قلت أشيلك وأريحك.



إيه رأيكم فى القصة؟ كام مرة ربنا بيعمل كده معنا؟.. تفكروا ينفع نمشى فى حياتنا بدون ربنا؟..
أما المكون اللي ها نأخذه من المكان ده ممكن نعرفه لو حفظنا الآية الجميلة: **حَلَقَهُ خَلْقَهُ خَلْقَهُ خَلْقَهُ** وكُلُّهُ مُشْتَهَاتٌ
(نش: ١٦:٥).. تفكروا لما أكون فى علاقة حلوة مع ربنا وعلى طول مرتبط به، وعلى طول كلامه على لسانى..
يا ترى هايكون كلامى زى إيه؟ تمام زى السكر... وهو ده المكون رقم ٤: معنا (السكر).

خامس محطة : أهمية التواصل بينى وبين الآخرين :

لتوصيل إحتياج من الإحتياجات التى يحتاجها الطفل وهو الإحتياج الإجتماعى: (علاقى مع
من حولى فى: البيت (الأسرة)، المدرسة (أصدقائى)، المجتمع (جيرانى)، الكنيسة)، وهنا تطرقنا لأهمية التواصل
بينى وبين الآخرين حتى تتكون علاقة إجتماعية سليمة لبناء شخصية متكاملة وناجحة.

تعالوا نلعب : هتأخذوا كل واحد قُطْعَتَيْنِ من الورق، ومطلوب منكم أنكم تكونوا أكبر عدد من المربعات.. بدون كلام
مع بعض، وكمان لو لقيت عند صاحبك قطعة هى اللي إنت محتاجها علشان تعمل مربع ماينفعش تأخذها أنت.. لازم
هو اللي بيديها لك لما يعرف إنك محتاجها بدون ما تلمسها أو تشاورله عليها، وقدامكم ٥ دقائق.

مناقشة

- ١- إيه أصعب حاجة فى اللعبة؟ يعنى كان ممكن يفرق معاكم لو أنكلمتكم أو كنتم بتتعاملوا مع بعض؟
ماينفعش تعيش بدون ما نتواصل مع الناس، لأننا مش عايشين فى العالم لوحدها..
تخيلوا لو عالم كل اللي عايشين فيه لا شايفين بعض ولا سامعين بعض؟! (مناقشة).
استنتج من كده إنى محتاج أكيد أكون محبوب، محتاج يكون ليا بيت ليا أصحاب..
وبعد كده يوزع عليهم الخادم كلمة من الهدية وهى كلمة (عنب).
بعد كل ده يروحوا راجعين للشيف: الحقيقة كل اللي مريئوا به ده هو كل إحتياج
من إحتياجاتكم علشان تكونوا شخصيات ناجحة ومتكاملة فى كل حياتكم. والإحتياجات هى :

- ١- **إحتياجات روحية :** يعنى محتاجين نصلى على طول.. محتاجين نحضر القداس ونتناول..
وكمان نيجى مدارس الأحد.

- ٢- **إحتياجات نفسية :** محتاجين نحس بالأمان.. ونحس بالنجاح.
- ٣- **إحتياجات إجتماعية :** محتاجين نكون وسط بيت وأسرة وأصحاب.
- ٤- **إحتياجات عقلية :** محتاج أفكار وأحل المشكلات بطريقة صح.
- ٥- **إحتياجات جسمية :** محتاج أهتم بجسمى وصحتى وأكلى وشربى.



ودنه فتى تعالوا نعمل سوا من كل حاجة كنتم بتجمعوها من كل محطة وهى: (موز - عصير - تفاح
- سكر - عنب) هدية اليوم هى "Fruit salad". طبعاً كل واحد بتختلف عنده أولوية إحتياجاته حسب
شخصيته..

أنا وابنت وكل أصحابنا



الترنمة القرار:

أنا وابنت وكل أصحابنا
اللى لنا بنو شعبها
١- عندي إحتياج روحى
أما الإجماعى
٢- إن فكرت هأشبع عقلى
بالأمممان والنجاح
٣- هدى إحتياجى
لكون ربى بي شعبها

عنـدنا إحتياجنا
بتكمـل شـئ صبتنا
بأشبعه بحرأتى مع ربنا
هاتبقى سوى مع بعضنا
ولو أكلت هأشبع جسمى
بأشبع إحتياجى النفسى
اللى بى شغل أوقـاتى
لما أذكرها فى صلواتى

تأليف: أ. نيقين وليم - كنيسة القديس مارجرس - أسبوط

الـ CD يحتوى على (الترنمة + فيلم الطيران
+ الكلمات القبطية)



اعرف لغتك

كُونُوا أَنْتُمْ كَامِلِينَ كَمَا أَنَّ أَبَاكُمْ
الَّذِي فِي السَّمَاوَاتِ هُوَ كَامِلٌ (مت ٤٨:٥).

Ϡⲱⲡⲓ ⲟⲩⲛ ⲛⲑⲱⲧⲉⲛ ⲉⲣⲉⲧⲉⲛⲁⲛⲕ ⲉⲃⲟⲗ
ⲙ̀ⲡⲣⲏⲧⲓ ⲙ̀ⲡⲉⲧⲉⲛⲓⲱⲧ ⲉⲧⲃⲉⲛ ⲛⲓⲕⲡⲏⲟⲩⲓ

ⲉⲧⲁⲛⲕ ⲉⲃⲟⲗ

ⲟⲩⲱⲙⲁ جسد

ⲟⲩⲛⲟⲩⲥ عقل

ⲛⲓⲣⲉⲙⲓⲛⲓ الأسرة

ⲟⲩⲱⲁⲧ نجاح

ⲙⲟⲕⲙⲉⲕ فكر

كروت الإحتياجات



التطبيق العملي ١

بعد ما عرف مخدومك الحاجات الإنسانية عايزين نفكر إزاي نشبعها: قم وضع ٣ أنواع من الكروت في ثلاث مجموعة (أ)، (ب)، (ج).. وقسم الفصل على الثلاث مجموعات.. وبعد ذلك يتجمع كل طفل من كل مجموعة معه كارت له نفس اللون مع بعض.. وبعدها قم بمناقشة كل لون بهذه الأسئلة (أعمل إيه علشان أشبع الإحتياج المكتوب في المجموعة (أ) ستعرف الإجابة الصحيحة إذا عرفت علاقة الكارت (ب) بالكارت (ج)).

كروت المجموعة (أ) هي :

- روى صلاة (كارت أحمر).
- روى قداس (كارت أبيض).
- روى مدارس الأحد (كارت أخضر).
- نفسى نجاح (كارت برتقالى).
- اجتماعى بيتى (كارت لبنى).
- جسدى أكل (كارت نبيتى).
- اجتماعى أصحابى (كارت موف).
- عقلى مثقف (كارت بنى).
- اجتماعى مدرستى (كارت فوشية).

كروت المجموعة (ب) هي :




كروت المجموعة (ج) هي :

- اشحن كارتك (كارت أحمر).
- الحق درسك (كارت أخضر).
- افتح وابدأ (كارت فوشية).
- Login (كارت مؤف).
- اسعى لتتقيف نفسك (كارت بنى).
- احجز مقعدك (كارت أبيض).
- حقق حلمك (كارت برتقالى).
- بيت العيلة (كارت لبنى).
- كل واشكر (كارت نبيتى).
- اسعى لتتقيف نفسك (كارت بنى).
- كمثال : - مجموعة (أ) اسم الإحتياج (روحى صلاة).
- مجموعة (ب) صورة (تليفون).
- مجموعة (ج) صورة (كارت شحن).

بعد المناقشة نصل إلى :

إذا قمّت بشحن كارت التليفون سيعمل.. هكذا أشبع إحتياجى الروحى بأنى أشحن نفسى من كلامى مع ربنا..

إزاي أعبر عن إحتياجائى ؟



اشرح لمخدومك واعطهم هذه الرسمة ليكملها كالتالى:

- ١- **أشعر** : أول حاجة بتحصل لى 'شعور جوايا' مجرد شعور لسه مفكرتش أحققه "راجع من المدرسة حاسس أنى جعان".
 - ٢- **رغبة** : يتحول الشعور لرغبة فى التنفيذ يعنى أروح جرى على المطبخ أدور على أى حاجة لحد ما ماما تعمل الغذاء.
 - ٣- **إحتياج** : بحس بشدة بالأحتياج لما أروح الاقى الثلاجة فاضية محتاج أكل بس مفيش فى الثلاجة.
 - ٤- **إعلان** : أجرى على ماما أقو لها: أنا جعان.. لازم نتعود نعلن عن إحتياجائنا.
- نعالوا نطبق الرسمة دى على 'الصلاة - الأمان - النجاح - يكون لى صاحب جديد'.

ديديموس البصير

- عنوان مبتكر : عظماء بالرغم من -
إعاقتي لأن تعوقني - شاي من غير عيون.

- محور الدرس : (أنا والآخر) - التغلب
على نقائصي والسعي لخدمة غيري.

- الآية : "أَسْتَطِيعُ كُلَّ شَيْءٍ فِي الْمَسِيحِ
الَّذِي يُقَوِّنِي" (فى ١٣:٤).

- الشاهد : سلسلة آباء الكنيسة
(القديس ديديموس).

- هدف الدرس : ١- الهدف المعرفي: أن يعرف الطفل قصة القديس ديديموس البصير (الضرير) وكيف خدم غيره رغم إعاقته. ٢- الهدف الوجداني: أن يشعر الطفل بقدراته على تحقيق أهدافه مهما كانت نقائصه. ٣- الهدف المهاري: أن يتعلم الطفل أن يتغلب على ضعفاته بل يستخدم ضعفه في خدمة الآخرين أيضاً.

أهم الأهداف المطلوب الوصول إليها مع الطفل المعاق هي :

- أن تعرف الكيفية المناسبة لتحقيق التواصل بين المعاق والآخر، وهي أولى خطوات النجاح، ويكون ذلك باستخدام وسيلة التواصل الملائمة.
- تنمية إمكانيات الطفل المعاق وقدراته، لاستثمار المستوى الموجود من تلك الإمكانيات الإستثمار الأمثل، والوصول به إلى أقصى طاقاته، وبذلك يكون المجتمع قد استغل من كل طاقات أبنائه.
- دمج الطفل المعاق في المجتمع ليصبح جزءاً أساسياً فيه، وإضافة مهمة لقوته.
- ينبغي تشجيع الطفل المعاق منذ الصغر على ترشيد طاقاته، واستثمار كل إمكانياته، وفتح مجال الطموح أمامه واسعه، وتدريبه على الجراءة في التعامل مع الآخرين، والثقة في النفس، ومساعدة الطفل في اكتشاف ذاته، وإمكانياته، ومواهبه، وقدراته، فهو أحوج من الطفل العادي لأن يعرف قدراته، ورعاية مواهبه، ومن المهم أن نحكي له حكايات أناس كانت إعاقاتهم مثله أو أسوأ من إعاقته، ومع ذلك قد نجحوا في أن يتغلبوا على مشكلاتهم، بل برعوا في جوانب معينة، وأصبح لهم ذكر طيب في المجتمع، لأنهم أضافوا للبشرية رصيذاً جديداً وفريداً من الخبرات النافعة.
- بدون طاقة حب مع هذه الفئات الخاصة فلن نستطيع أن نغير أو نعدل من سلوك أى منهم.
- وعلى ذلك يمكن أن نسمى الحب فن الممكن، نعم بالحب كل شيء ممكن، ولا نكون مغالين إن قلنا أن كل مشكلات الحياة التي تحدث لنا أو منا سببها الأول هو عدم الحب أو نقصانه. ولا ننسى أنه (لا يخلص عن طريقك إلا الذي يحبك).

- استحق القديس ديديموس صاحب البصيرة الروحية أن يدعى البصير وليس الضرير..
فقد كان كفيف البصر ولكن بصير القلب والروح.

اختار تمهيد للدرس

التمهيد



- إعاقتي لن تعوقني: قم باختيار أحد الأطفال وأطلب منه أن يصل إلى هدف معين يقوم بتحقيقه زي (انقل الكوياية من مكان لآخر، شيل كورة بنج بونج بواسطة ملقعة لتضعها في سلة على الجانب الآخر.. وغيرها) بشرط أن يؤدي الطفل الطلب بدون أن يستخدم أحد أعضائه (يد (مربوطة) - عين (مغمية) - رجل (بحل)) وأؤكد عليه أن برغم المشكلة التي أنا عاملها له يمكنه مع شوية مثابرة وتشجيع أن يصل للهدف.. ومنها نبدأ في سرد القصة.

- قم بعرض هذه الأقوال للأطفال، واطلب من كل واحد أن يقوم بشرح كل قول وما الذي يعنيه (وإذا تعثر الأطفال قم بمساعدتهم بالشرح) وهذه الأقوال هي: (منتهى الرعب أن أكون عادية المستوى) - (عندما يكون لديك حلمًا فلا بد أن تحميه) - (أن تنتظر إلى الهدف وتستعد خير لك من الندم على الماضي).

ومنها يصل لفكرة.. القدرة على تحقيق هدفي مهما كانت إعاقتي، لدرجة أنني يمكنني أن أقدم المساعدة لغيري.. ويمكنك بعدها قبل البدء في شرح القصة أن تعرض فيلم قصير يوصل نفس الهدف (انظر الـ CD).

١- جروب محبي القديس ديديموس: قم بعمل شات مع أعضاء هذا الجروب حتى تستطيع أن تتعرف على القديس، وقصة حياته، وكيف تغلب على إعاقته.

٢- مش لوحذك: عرض موجز عن حياة هيلين كيلر ودورها في إختراع برايل، وإنه ينسب لها ذلك.. فيدخل رجل عجوز يشهد على إنه التاريخ وإن هناك من سبقها.. ويحكي القصة من خلال حوار بينه وبين تلاميذ القديس ديديموس وآخرين من الأحداث..

الخادم المدعو



يقوم الخادم بإحضار ٥ مأكبات ووضعهم أمام الأطفال على النحو التالي :

المأكيت الخامس



امامها موضوع ورقة عليها
(شفرة ٥) بعدد المجموعات

المأكيت الرابع



امامها موضوع ورقة عليها
(شفرة ٤) بعدد المجموعات

المأكيت الثالث



امامها موضوع ورقة عليها
(شفرة ٢) بعدد المجموعات

المأكيت الثاني



امامها موضوع ورقة عليها
(شفرة ٢) بعدد المجموعات

المأكيت الأول



امامها موضوع ورقة عليها
(شفرة ١) بعدد المجموعات



نبدأ بعمل لعبة لإيجاد شفرة التعامل مع معمل ديدموس البصير، والشفرة عبارة عن ورقة مكتوب عليها كلمات بطريقة برائل، وأول مجموعة سوف تنتهي من حل الشفرة الخاصة بها، سوف تأخذ الشفرة الثانية قبل باقي المجموعات الباقية بـ ١٠ ثواني.. والمجموعة الفائزة هي أسرع مجموعة في حل آخر شفرة.. قم بتوزيع الورقة الآتية وهي الحروف بطريقة برائل على كل طفل عند بدء الدرس.. مع تقسيم الفصل على ٥ مجموعات (١-٢-٣-٤-٥) بالترتيب.

شكل الشفرة :

الحرف	الحرف البارز	الحرف	الحرف البارز	الحرف	الحرف البارز
ت	●● ●● ●●	ب	●● ●● ●●	ا	●● ●● ●●
ح	●● ●● ●●	ج	●● ●● ●●	ث	●● ●● ●●
ذ	●● ●● ●●	د	●● ●● ●●	ذ	●● ●● ●●
س	●● ●● ●●	ز	●● ●● ●●	ر	●● ●● ●●
ض	●● ●● ●●	ص	●● ●● ●●	ش	●● ●● ●●
ع	●● ●● ●●	ظ	●● ●● ●●	ط	●● ●● ●●
ق	●● ●● ●●	ف	●● ●● ●●	غ	●● ●● ●●
م	●● ●● ●●	ل	●● ●● ●●	ك	●● ●● ●●
و	●● ●● ●●	هـ	●● ●● ●●	ن	●● ●● ●●
ة	●● ●● ●●	ي	●● ●● ●●	ي	●● ●● ●●
ء	●● ●● ●●	ؤ	●● ●● ●●	أ	●● ●● ●●
لا	●● ●● ●●	ئ	●● ●● ●●	آ	●● ●● ●●



أولاً : نشأة القديس :

الماكيت الأول (١) : يطلب الخادم من كل منهم أن يقوموا بحل أول شفرة موجودة على أول ماكيت معروض أمامهم (شفرة ١) وهي :



حل الشفرة هو (اسم قديس درسنا 'ديديموس البصير'، وسنة ميلاد قديسنا (٣١٣م) .. ثم يبدأ الخادم في التعليق ..

قديسنا الذي هانتكلم عنه النهاردة هو .. "القديس ديديموس البصير" اتولد سنة ٣١٣ ميلادياً، ومعنى اسمه باليوناني (توما) وكان زينا بيشفوف كل حاجة حتى أصيب بمرض في عينه وهو عمره ٤ سنين، فأصبح لا يرى الحروف ولا الأرقام، ولكن القديس ديديموس كان عايز يتعلم مثل الأولاد الثانية، وده دفعه إنه يعمل طريقة جديدة للقراءة والكتابة وهي طريقه النحت على الخشب، بكده قدر ديديموس يعرف يقرأ ويكتب لكن بطريقته هو، واثتوا عارفين إن الذي اخترع طريقة الكتابة عن طريق (البرايل) هو العالم الفرنسي برايل،



واتسمت باسمه لكن في الحقيقة ده كان بعد اختراع القديس ديديموس لهذه الطريقة بـ ١٥ قرن .. يعنى قديسنا كان سابق للعالم برايل في إكتشاف الطريقة دي .. (وعلى فكرة الشفرة اللي في إيديكم هي دي طريقة برايل في الكتابة البارزة)، وقديسنا ديديموس رغم إنه ماكنش بيشفوف اتعلم حاجات كتير أكثر بكثير من الناس اللي بيشفوف مثل (النحو والبيان والفلسفة والمنطق والرياضة والموسيقى ومش بس كده ده كمان اتعلم الهندسة .. اللي بتحتاج النظر أكثر من أى علم تاني).



ثانياً : علاقة القديس ديديموس بالقديس أناسيوس الرسولي :

الماكيت الثاني : يقوم الأطفال بحل الشفرة الخاصة بالماكيت الثاني (شفرة ٢) وهي :





حل الشفرة هو (كلمة القديس أنثاسيوس الرسولي).. ثم يبدأ الخادم في التعليق..
طبعاً هنسألوني ليه حظينا صورة السيد المسيح هنا، وإيه علاقته بالبابا أنثاسيوس؟
صح براقو.. فعلاً لأن البابا أنثاسيوس هو اللي دافع عن لاهوت الابن ضد أريوس،
وواجه كل الإضطهادات وعلشان كده بنسميه حامى الإيمان..
بس يا ترى إيه علاقة قديسنا بالبابا أنثاسيوس؟.. قديسنا دافع



عن الإيمان مع البابا أنثاسيوس ضد بدعة أريوس، لأن بدعة أريوس في الوقت ده للأسف ناس
كثير مشبوها وراها، وعلى الرغم من تعرض كثير من الأساقفة للإضطهاد من حكام البلد اللي
بيؤيدوا البدعة، إلا إن قديسنا كان بيدافع عن الإيمان السليم، وماكنش خايف من أى إضطهادات
علشان كده قال عنه سقراط المؤرخ: "كان ديديموس حصناً متيناً، وسنداً قوياً للديانة المسيحية، حتى قبل أن يتولى
رئاسة المدرسة اللاهوتية، وهو يعد خصماً عنيداً، كسر شوكة أتباع أريوس، وأفحمهم في مناظراته معهم".

ثالثاً: القديس ديديموس مديراً لمدرسة الإسكندرية اللاهوتية :

الماكيت الثالث : يقوم الأطفال بحل الشفرة الخاصة بالماكيت الثالث (شفرة ٣) وهى :



حل الشفرة هو (مدرسة الإسكندرية)، ثم يبدأ الخادم في التعليق..

بعد وفاة مدير مدرسة الإسكندرية اللاهوتية.. إختاره الأنبا أنثاسيوس
الرسولي سنة ٣٤٦م علشان يكون مدير للمدرسة، بسبب ذكائه وقدرته
على الإستيعاب ودقة ملاحظاته وقوة تأثيره، وكان آخر معلمى المدرسة
المشهورين وقال عنه أحد تلاميذه: 'فهو فى معرفته يحمل صفات
الإيمان الرسولى وله فكر نير وكلمات بسيطة' (للخادم) وبسبب معرفته
الكبيرة وقدرته على توصيل الإيمان بطريقة مقنعة فيل عنه: 'إذا لم تكن
قد تعرفت على ديديموس فأنت لم تعرف هذه المدينة العظمى الإسكندرية
بعد، لأنه هو الذى يسكب عليها من تعاليمه لتثقيف الشعب ليلاً نهاراً"، وطبعاً هذا يدل على قدرته الكبيرة التى أثرت
فى غيره.. وإستمر ديديموس مديراً للمدرسة مدة ٥٠ سنة (من ٣٤٦ - إلى ٣٩٨م).



رابعاً: علاقة القديس بالأنبا أنطونيوس :

الماكيت الرابع : يقوم الأطفال بحل الشفرة الخاصة بالماكيت الرابع (شفرة ٤) وهى :



حل الشفرة هو (الأبنا أنطونيوس)، ثم يبدأ الخادم في التعليق..




كان القديس ديديموس في صداقة قوية مع الأبنا أنطونيوس، وفي يوم من الأيام الأبنا أنطونيوس سأل القديس ديديموس هو أنت مش زعلان أنك مش بتشوف، وقتها سكت القديس ديديموس، فكرر الأبنا أنطونيوس سؤاله عليه مرة ثانية، وساعتها رد القديس ديديموس: إنه كان حزين بسبب إنه مش بيشف، ووقتها الأبنا أنطونيوس قاله: "لا تحزن يا ديديموس لأنك فقدت العيون الجسدية.. بل طوباك (يعنى يا بختك) لأن لك عيون الملائكة التى بها ترى الإلهيات بوضوح.. وتدرك المعرفة الحقيقية".. وبعد هذا الكلام إتعزى جدًا قديسنا.. وعلشان كده كنيسةنا بتسمى

القديس ديديموس، بالقديس ديديموس البصير وليس الضيرير.

خامسة: كتابات القديس ديديموس ونياحته :

المايكث الخامس : يقوم الأطفال بحل الشفرة الخاصة بالمايكث الخامس (شفرة ٤) وهى :



حل الشفرة هو (٤٨ كتاب)، ثم يبدأ الخادم في التعليق..

وقديسنا كتب ٤٨ كتاب: منهم ٢٠ كتاب فى اللاهوت.. و ٢٨ كتاب تفسير لبعض أسفار الكتاب المقدس بعهديه. وديديموس كان عنده دفع إنه يفيد كل اللى حواليه بعلمه وبثبتهم فى الإيمان، علشان يقدروا يدافعوا عن الإيمان بناعهم ضد البدع والهرطقات..

وتنتج قديسنا بسلام (يعنى راح السماء) سنة ٣٩٨ م.



أقوى كرامة هي كرامة الرب المنحنية ،
فالرب المنحنية هي ترمومتر نجاح الخدمة

حكايتنا دى عن واحد اعمى


- حكايتنا دى عن واحد كفيف كان عايش أيام أنطاسيوس
- كان بيحب التعليم جدًا وكان صاحبه الأنبا أنطونيوس
- صاحبنا ده كان اسمه ديديموس كان بيقرأ ليل ويا نهار
- واحد جه هنا وسألنى أزاى يقرأ من غير إبحار
- رديت عليه وقلت له أن ديديموس ده من الشطار
- عمل طريقه جديدة خالص علشان يقرأ باستمرار
- وفى يوم جه الأنبا أنطاسيوس وخلاه رئيس للنظار
- على مدرسة إسكندرية اللى إتخرج منها الأبحار
- وفضل فيها ٥٠ سنة يكشف عن اللاهوت أسرار
- وهى دى قصة قديسنا اللى جذبت كل الأنظار
- (على وزن تعطيك السلام مع غبريال)

تأليف: أ. رامى جرجس - لجنة الطفولة بأسقفية الشباب



الترنيمة

ال CD يحتوى على (الترنيمة + الشفرة +
صور لقصة حياة القديس + الكلمات القبطية)



"أَسْتَطِيعُ كُلَّ شَيْءٍ فِي الْمَسِيحِ الَّذِي
يُقَوِّينِي" (فى ١٣: ٤).

اعرف لغتك

Ⲫⲉⲙⲟⲙ ⲉⲛ ⲉⲱⲃ ⲛⲓⲃⲉⲛ ⲉⲛ ⲡⲉⲥ
ⲫⲏⲉⲧⲁⲥⲧⲏⲙⲓ ⲛⲏⲓ

ⲉⲓⲱⲧⲉⲙ ⲁⲛ لا يسمع

ⲉⲓⲛⲁⲧ ⲁⲛ لا يرى

ⲡⲏⲁⲧ ⲙⲃⲟⲗ البصير

ⲉⲓⲁⲭⲓ ⲁⲛ لا يتكلم

ⲡⲓⲃⲉⲗⲗⲉ الضرير

بالرغم من



التطبيق العملي ١

١- قم بتوصيل كل جملة من العمود (أ) بعد تكميلها بالكلمة المناسبة، بالصورة

المناسبة لها من العمود (ب) .

العمود (ب)

العمود (أ)

كل أصحابي بأعترهم إخواني



بالرغم من إنى شكلى



لكن ربنا بيسمعنى لما بأصلى له



بالرغم من إنى ما عنديش



لكن بحبه لأنه متفوق وبيحبنى



بالرغم من إنى صوتى وحش



لكن عندى أصحاب كثير



بالرغم من إن صاحبي مينأ مش




٢- لعبة يقوم الخادم بإحضار مكعبات من الفلين، ويكتب الخادم الأشياء التى يمكن أن تعتبر عائق يعيق الأطفال عن النجاح مثل: (خوف - قلق - نسيان...) وبعد ذلك يطلب الخادم من الأطفال أن يقوموا برص هذه القوالب على شكل جبل، ثم يبدأ الخادم فى التعليق: "إنه برغم الإعاقة التى قد تقابل أى واحد منا فى حياته.. يستطيع أن يتغلب عليها إذا كان لديه قليل من الإرادة" وعند قول الخادم لهذه الجملة يقوم بإحضار تتر وسكبه على هذا الشكل الجبلى.. فيذوب جبل المعوقات فى الحال..

قصة حياة القديس



التطبيق العملي ٢

قم بحل هذه المأهة لتعرف تسلسل قصة حياة القديس ديدموس مع كتابة جملة على كل صورة تمثل معلومة عن هذه الصورة.



بداية

نهاية

الرب يسوع يسدّد جميع احتياجاتي

- عنوان مبتكر : بات شعبان - خدّها فور
فرى For Free - نبع لا ينتهى.

- محور الدرس : (الإيمانيات) - الإيمان
بقدرّة الله على إشباع كل احتياجاتي.

- الآية : فِيمَلَأُ إِلَهِي كُلَّ احتِياجِكُمْ بحسب
غناؤه في المجد في المسيح يسوع (فى ١٩:٤).

- المراجع : كتاب الشخصية المتكاملة -
نياحة الأنبا موسى أسقف الشباب.

- هدف الدرس : ١- الهدف المعرفى: أن يعرف الطفل أن كل احتياجاته مهمة جدًا عند ربنا، وهو قادر على تسديدها. ٢- الهدف الوجداني: أن يشعر الطفل بقيمته الكبيرة، وأهمية كل احتياجاته عند الله. ٣- الهدف المهارى: أن يتدرب الطفل على معرفة ما هي احتياجاته وكيف يشبعها.

الرب يسوع هو الذى يسدّد كل احتياجاتي، ونظرًا لأن الإنسان دائم التطلع، راغب دائمًا، وطامح دائمًا، عنده احتياجات ورغبات وطلبات مستمرة كما يقول أحد الفلاسفة (الإنسان يتر من الرغبات) أى إله لا يمتلئ أبدًا كالبنر فلا أحد يستطيع أن يشبعه غير الله وحده.. ولو تأملنا قلب الإنسان نجده تقرينا على شكل مثلث، ولو وضعنا فيه العالم كله (الكرة الأرضية) سنبقى زوايا المثلث فارغة لذا لا يشبع قلب الإنسان سوى الله مثلث الأقانيم.. لذلك فالحاجات الحقيقية العميقة لن يشبعها سوى السيد المسيح له المجد.. لذلك يقول معلمنا بولس الرسول فى رسالته: فِيمَلَأُ إِلَهِي كُلَّ احتِياجِكُمْ بحسب غناؤه فى المجد فى المسيح يسوع (فى ١٩:٤)، وأيضًا معلمنا بطرس الرسول يقول: تأمل أيضًا هذه الآية: مُلْقِينَ كُلَّ هَمِّكُمْ عَلَيْهِ لِأَنَّهُ هُوَ يَغْنَى بِكُمْ (ابط ١٧:٥).. تأمل كلمة "كل" فى كلتا الآيتين.. اطرح عليه كل همومك، وهو يسدّد كل احتياجاتك.. الرب يرى كل احتياجاتك.. فثق فيه.. سيسددها ليس بحسب احتياجاتك بل أعظم بكثير، بحسب غناه هو بالمجد..



قصة : يروى عن أحد الدكاترة أنه مر بضيق شديدة، وأضطر إلى السفر إلى أقصى الغرب، وجاء أحد أقربائه الشيوخ ليزوره، فترك فى يده ورقة صغيرة.. تطلع الدكتور إلى الورقة فوجدها شيكًا مصرفيًا يحمل اسمه، وموقعًا عليه دون أن يتم تحديد قيمته.. فسأل الدكتور قريبه: أنقصد أن تعطينى شيكًا مصرفيًا على بياض لأكتب الرقم الذى أريده.. فرد المليونير: نعم، فإنى لا أعرف ظروفك ولا ما هي احتياجاتك. لتملأه حسبما تشعر أنك محتاج إلى مال.. قام الدكتور برحلته، وعاد معه الشيك لم يكتب عليه شيئًا، لكنه كان مطمئنًا طوال رحلته أن بين يديه إمكانية سحب الملايين إن احتاج لذلك.. هكذا قدم لنا مسيحنًا فى رحلتنا فى هذا العالم، شيكًا على بياض، إذ قيل: فِيمَلَأُ إِلَهِي كُلَّ احتِياجِكُمْ بحسب غناؤه فى المجد فى المسيح يسوع (فى ١٩:٤).

اختار تمهيد للدرس



- قم بتوزيع ورقة العمل هذه على كل طفل، واطلب من كل منهم أن يوزع كل إحتياج من الإحتياجات المكتوبة أعلى الورقة في الخانة المناسبة لها، بهدف أن يعرف الطفل نوع الإحتياجات الموجودة عنده وبذلك يبدأ في إشباعها، فهذه أول خطوة في إشباع إحتياجاته، وهي أن يعرفها جيدًا، وبعد ذلك قم بسرر الدرس..

قمنا هنا بالإجابة ولكنك يمكنك طباعة الورقة من على الـ CD بدون الإجابة).

صلاة - قراءة - ثقافة عامة - أسرار مقدسة - قراءات روحية - الأصوام
الدراسة - أقاربي - الخدمة - العواطف - الحاجات النفسية - الرياضة
الغذاء - الراحة - الأسرة - المدرسة - الشارع - الأصدقاء

علاقاتي	الجسد	النفوس	العقل	الروح
- الأسرة - المدرسة - الشارع - الأصدقاء - أقاربي	- الرياضة - الغذاء - الراحة	- الحاجات النفسية - العواطف	- قراءة - ثقافة عامة - الدراسة	- صلاة - أسرار مقدسة - قراءات روحية - الأصوام - الخدمة

ورقة العمل



- وزع على كل طفل هذه الورقة واطلب منهم أن يكتب كل منهم على كل صورة نوع الإحتياج الذي تعرضه كل صورة منهم، ويكتب كل منهم فوق كل صورة كيف يشبع هو هذا الإحتياج، إذا كان لديه رغبة فيه (انظر الـ CD).

للخادم المبدع



١- إنسان آلى : تخيل إنه قام أحد المخترعين باختراع

إنسان آلى يشبه الإنسان في كل مكوناته، ولكنه

رأى إن هناك إحتياج من إحتياجات الإنسان لن تقيده، في إنشاء

تصميمه للإنسان الآلى.. فهل سينجح المخترع في إختراعه (قم بتخيل

هذا الحوار).. واختر أى إحتياج من الإحتياجات الإنسانية، أثناء شرحك بما تراه يفيد

مخدوميك، وناقش معهم ماذا سيحدث في حالة غياب هذا الإحتياج من الإنسان الآلى.. وأربط

هذا بأهمية كل الإحتياجات وضرورتها لإستمرار الحياة.

٢- فور فرى : اعمل يومك كأنه سوبر ماركت على أن توزع على

مخدوميك العروض الآتية (جعان هتشبع فور فرى -

وحيد هتلاقى اللي يشاركك فور فرى - عابز تفكر

هتلاقى اللي يشجعك فور فرى.. الخ) على أن تسمى

المنتجات كالتى: علشان تشبع منتجنا اسمه 'كل واشكر'،

وعلشان تشبع الناحية الإجتماعية منتجنا اسمه 'سكّر زيادة'

وهكذا.. وناقش مع مخدوميك بعض هذه مواقف وقم بربطها بمواقف فعلها الرب يسوع.

٣- مقابلة مهمة : اجعل يومك أن يتم سرد بعض مواقف من شخصيات تقابلت مع الرب

يسوع (المواقف من خلال الشخصيات)، بحيث تكون واقف وراء ملأية وأنت تحكى هذه

الموقف، وما هي مشاعر كل شخصية دون أن نصف مع من تقابلت هذه الشخصية (اهتم

بإظهار مشاعر الأشخاص).. و يتم في الآخر التعرف أن من قابل كل هذه الشخصيات وسدد

كل إحتياجاتهم هو شخص واحد 'هو الرب يسوع'.



وسيلة الإيضاح

قم بإحضار: (قمائشة بيضاء لعرض الخمس مشاهد، أو خمس قمائشات لكل مشهد قمائشة،

إحضار ٢ كشاف إضاءة (أو لمبتين بملك)، ملابس للشخصيات الموجودة بالقصة).

يمكنك عمل طريقة أخرى لتنفيذ هذا الدرس، وهي عرض PPT صامت، أو فيديو صامت لكل موقف أمام الأطفال (انظر الـ CD).

ويمكنك أيضًا الإكتفاء بعرض صور كل موقف، وأطلب من الأطفال الإجابة على الأسئلة الموجودة في

الدرس مباشرة.

بانوراما لقاء الحب :

- البانوراما : عبارة عن ٥ مشاهد متتالية بدون كلام (حركات فقط) مع تثبيت حركة محددة مع كل شخصية، يشترك فيهم شخصية الرب يسوع، وتنقل من حدث لحدث (وهي بالظل) ..



بطرس الرسول



نازفة الدم



السامرية



عرس قانا الجليل



نيقوديموس



المشهد ١ : الإحتياجات العقلية :

- الإضاءة : مسلطة لكن من بعيد على المشهد حتى يظهر الإثنان فقط..

شخصين يدخلان من يمين اللوحة ويجلسا جنب بعض ويدور بينهم حوار (بحركات فقط).

- الحركات : مشاورة على السماء - مشاورة على الشخص - رفع رأس لفوق.

(الحركة الأساسية: المشاورة على الرأس (العقل)).

يقوم الشخص الذي يمثل دور (نيقوديموس) ويتجه إلى اليمين، وفي نفس الوقت تسمير الشخصية التي تمثل دور السيد المسيح إلى الشمال..



المشهد ٢ : الإحتياجات الإجتماعية :

- الإضاءة : ٢ سبوت.. واحد على الرب يسوع وهو داخل الفرح،

والآخر على مجموعة ناس (أصحاب العرس)، ثم يكون سبوت

على السيد المسيح، وآخر على العذراء مريم، وهي تتكلم مع

رينا يسوع.. ثم سبوت واحد على الغلمان



و ٦ أجران، ثم واحد على رئيس المتكأ والعريس،

شخص يجرى على السيد المسيح ويرحب به، ثم يشاور له بالجلوس..

ثم تأتي السيدة العذراء لتتكلم مع الرب يسوع..



وبعدها يقوم أحد الغلمان يملأ الأجران بالماء.. ثم يملأ كوب منه ويسقى رئيس المتكأ، فتظهر الفرحة على وجهه.

- **الحركات :** سلام بنرحاب - مشاورة للجلوس - ملئ الأجران بالماء - إعطاء رئيس المتكأ ليشرّب.

(الحركة الأساسية: التصفيق).

يتحرك شخصية السيد المسيح إلى المشهد الثالث، ويجلس على بير.

المشهد ٣ : الإحتياجات الروحية :



- **الإضاءة :** عمل ٣ سبوتات.. واحد يمثل الشمس، والثاني على السيد المسيح، والثالث على السامرية.. تدخل السامرية من أقصى الشمال وهي حاملة جرتها ويظهر عليها الإرهاق، بسبب الشمس، ثم ترى السيد المسيح على البير، ويدور بينهما حوار ينتهي بأن تترك السامرية جرتها وتجري وهي فرحة لأقصى الشمال..

- **الحركات :** تنزل الجرة مرة أو إثنين في الطريق لتوضح تعبها - تتلفت لتتأكد من عدم وجود أشخاص - أثناء الحوار ترفع رأسها للسماء.. (الحركة الأساسية: رفع رأسها للسماء).

يتحرك شخصية السيد المسيح إلى المشهد ٤، ويأتي من الشمال مجموعة ناس كثيرة، تقف حول السيد المسيح.

المشهد ٤ : الإحتياجات الجسدية :

- **الإضاءة :** إضاءة واحدة على السيد المسيح..

مجموعة من الناس تقف حول السيد المسيح، وهو يعلمهم، ثم يمشى خطوتين ويقف وينظر إلى الوراء، ويسأل من لمسني؟ ثم تقف سيدة من بين الناس وترفع ايديها، ثم ينظر الرب يسوع للمرأة فقط وسط تعجب الناس..



- **الحركات :** حركة إيد شخصية السيد المسيح (وهو

ببعلهم) - لما يمشى شوية يقف مرة واحدة وينظر للوراء، ويسأل من لمسني مشيراً بيديه - المرأة تقف وتقع من التعب - المرأة ترفع ايديها - الناس تتعجب - السيد المسيح ينظر إلى المرأة (الحركة الأساسية: المرأة تقف وتقع).

يتجه كل الناس إلى اليمين ويأتي اثنين من بينهم ويمسكوا بالسيد المسيح..

المشهد ٥ : الإحتياجات النفسية :

- **الإضاءة :** ٢ سبوت واحد على السيد المسيح، والآخر على مجموعة ناس قاعدين حول نار (مجتمعين).



بعد أن أمسك الاثنين السيد المسيح وجلسوه بعيداً.. يدخل بطرس منكس الرأس، ثم تقف بجانبه سيده وتساور عليه وهو يشاور لأ يديه، ثم يتركها.. وهو ماشى يشاور عليه رجل آخر وهو يقول: لأ يديه، ثم يظهر ناس مجتمعين ويشاوروا عليه وهو يقول: لأ، ثم يظهر الديك (كصورة) وينظر السيد المسيح لبطرس فينكس رأسه، ويبيكى.. وتطفئ الإضاءة، ثم تضيئ و يظهر السيد المسيح واضعاً يديه على كتف بطرس، ويسأله سؤال فيجواب بطرس برأسه موافقاً.



- **الحركات:** مشاورة من الناس على بطرس - بطرس يشاور بيديه بعلامة النقي لأ - الديك يظهر - حركة رأس بطرس تتجه للأسفل - بطرس يهز رأسه موافقاً.. (الحركة الأساسية: الرب يسوع وهو يضع يديه على بطرس).

بعد عرض هذه المشاهد قم بطرح أسئلة للمناقشة على الأطفال :

- ١- من هو الشخص المتكرر في كل المشاهد ؟
- ٢- توقع الشخصيات الخمسة ؟
- ٣- ما هي الحركة المميزة لكل مشهد من المشاهد ؟
- ٤- كل حركة أساسية إلى ماذا ترمز ؟

اسمع الإجابات :



- ١- من هو الشخص المتكرر في كل المشاهد ؟ - فعلاً هو شخص ربنا يسوع المسيح.
- قم بمناقشة باقى الأسئلة من خلال كل مشهد على حده..

أول مشهد : الرب يسدد جميع احتياجاتى العقلية (يو ١: ٣-٢٠) :

- ١- ما هي الحركة المميزة لهذا المشهد ؟ - الإشارة إلى الرأس (العقل).
- ٢- إلى ماذا ترمز هذه الحركة الأساسية ؟ - شخص حيران أو يفكر كثير أو محتاج إجابات لحاجات يفكر فيها.
- ٣- توقع من هو الشخصية الرئيسية هنا ؟ (ممكن لا يعرفها الأطفال، لذلك قم بمساعدتهم، عن طريق الإستعانة بإخراج الشاهد من الكتاب المقدس (يو ١: ٢٠-٢٠) .. ليعرفوا من هي الشخصية التى نتحدث عنها :

- نيقوديموس: وهو من كبار رجال معلمى اليهود (فيو معلم يهودى من الفريسيين وهؤلاء مشهور عنهم جهادهم وتديقهم والتزامهم بالناموس).

٤- ما هو احتياج هذه الشخصية ؟

- احتياجه عقلى.. لأنه كان محتاج إجابات من الرب يسوع على أسئلة كثير كانت بتدور فى دماغه.. مثلاً كيف يعمل الرب يسوع كل هذه الآيات؟ وكيف يولد الإنسان مرة أخرى؟! وأسئلة كثيرة أخرى..



٥- كيف سدد الرب يسوع احتياجاته؟

- الرب يسوع رد على كل أسئلة نيقوديموس، بمعنى الرب يسوع قاله: إن الإنسان لازم يُولد من فوق حتى يدخل ملكوت السموات "أجاب يسوع وقال له: الحق الحق أقول لك: إن كان أحد لا يُولد من فوق لا يقدر أن يرى ملكوت الله" (يو ٣:٣). وهنا نيقوديموس استغرب جدا وقال: إزاي إن رجل كبير زيه (شيخ) ممكن يرجع يتولد تانى.. إزاي يدخل بطن مامته تانى ويتولد حاجة غريبة جدا؟! قال له نيقوديموس: كيف يمكن الإنسان أن يولد وهو شيخ؟ العلة يقدر أن يدخل بطن أمه ثانية ويولد؟ (يو ٣:٤) لكن ربنا يسوع لم يتركه محتار وقاله:

أنا لا أقصد الولادة الطبيعية الجسدية (اللى هى الميلاد الأول)، لكن الولادة الجديدة، ديه هى ولادة روحية يعنى لازم يتولد من الماء والروح (اللى بنسبها الميلاد التانى)، "أجاب يسوع: الحق الحق أقول لك: إن كان أحد لا يُولد من الماء والروح لا يقدر أن يدخل ملكوت الله"



(يو ٥:٢). لم يفهم نيقوديموس كلام ربنا يسوع.. علشان كده ربنا يسوع لم يتركه حيران وقاله إن الولادة من الماء والروح، اللى هى الولادة الثانية، المقصود بها المعمودية.. المعمودية هى ماء وروح، والروح هو الروح القدس اللى يبجل على ماء المعمودية، وعلى اللى بيتمد، وتخليه إنسان جديد من غير الخطية الجديدة بتاعة أبونا آدم وأمنا حواء اللى كلنا اتولدنا بها، وهى ذى الولادة للروحية، وبها بنقدر ندخل السماء.. ووضح الرب يسوع أيضا لنيقوديموس من أين تكسب المعمودية قوتها؟ فشرح له السيد المسيح هذا بفكرة أنه كما رفع موسى الحية



النحاسية.. هكذا سيرفع ابن الإنسان على الصليب ويموت وكما رفع موسى الحية فى البرية هكذا ينبغي أن يُرفع ابن الإنسان، لكى لا يهلك كل من يؤمن به بل تكون له الحياة الأبدية" (يو ٣:١٤-١٥) وهنا المسيح يشرح السماويات بمرور من العهد القديم.. فالإنسان سقط بواسطة الحية التى استطاعت أن تسرب الخطية القاتلة للإنسان. فالخطية مرتبطة بالحية. وجاءت الحيات المحرقة قديما تفكك بالشعب (عد ٣١:٧) لتصور عمل الخطية التى تفكك بالإنسان الخاطى. أما الحية النحاسية فهى حية ميتة، وهى رمز للمسيح الذى تجسد فى شبه جسد الخطية الإنسانى، بل صار خطية لأجلنا لكنه هو بلا خطية لأنه قدوس لا شر ولا خطية تستطيع أن تدخل إليه. وحمل خطايانا فى جسده ومات بها، فقتل الخطية بالجسد، والنظر للحية النحاسية هو رمز لمن يؤمن بالمسيح المصلوب الذى قام من الأموات، ليقيم من يؤمن به من موت الخطية، بمعنى:

إننا علشان نؤكد استحقاقنا لغذاء ربنا يسوع لنا على عود الصليب ونؤكد إيماننا بفدائه لازم نتعمد..

للخادم : يمكنك عمل مقارنة بسيطة بين الميلاد الأول بالجسد والميلاد الثانى من المعمودية كالآتى :

(الميلاد الأول)	(الميلاد الثانى)
أرضى	سماوى
من الجسد	من الروح
يجعلنا أبناء الجسد	يجعلنا أبناء الروح
من رجل وامرأة	من الله والكنيسة
فيه نكون حاملين الخطية الجدية (خطية أبونا آدم وأما حواء)	يحلنا من الخطية الأصلية ويعطينا طبيعة جديدة بلا خطية، ونؤكد به إيماننا بموت المسيح على الصليب وفداء الرب لنا
يولد الإنسان ورأسه لفوق ووجهه للأرض	يصعد من المياه ورأسه لفوق نحو السماء
أب وأم جسديين	المسيح أبونا الجديد والكنيسة أمنا الجديدة

نأنى مشهد : الرب يسدد جميع إحتياجاتى الإجتماعية (يو ١: ٢-١١) :

- ١- ما هى الحركة المميزة لهذا المشهد ؟ - التصفيق.
 - ٢- إلى ماذا ترمز الحركة الأساسية ؟ - فرح.
 - ٣- توقع من هو الشخصية الرئيسية هنا ؟ (ممكن لا يعرفها الأطفال لذلك قم بمساعدتهم، عن طريق استخراج الشاهد من الكتاب المقدس (يو ١: ٢-١١)) ليعرفوا من هى الشخصية التى نتحدث عنها :
- عريس وعروسة كانوا فى قانا الجليل، وكانت العذراء مريم هناك قبل مجئ الرب يسوع هو وتلاميذه.. وكمآن ربنا يسوع وتلاميذه كانوا مدعويين لهذا الفرع.

٤- ما هو إحتياج هذه الشخصية ؟

- إحتياجه إجتماعى.. أولاً إنهم دعوا ربنا يسوع وتلاميذه وكانوا مستنبيين أنه يجى الفرع.. وغير كده كمان حصلت لهم مشكلة كبيرة، وهى أن الخمر يتاعهم (شربات الفرع من عصير العنب) خلص، وفى الوقت ده ماكنش ينفع





أن يكون فيه فرح من غير خمر (المشروب الذي يوزع في الأفراح وقتها)..
ومعنى إن الخمر بخلص بتكون مشكلة كبيرة لأهل العرس وإحراج كبير
لصاحب العرس..

٥- كيف سدد الرب يسوع إحتياجاته ؟

- أول حاجة أن الرب يسوع قبل دعوتهم لفرحهم.. ولما عرف من العتراء
مريم أن الخمر اللي عندهم خلص (العتراء هي التي شعرت بأنه ليس لديهم
خمر).. وده زى ماقولنا مشكلة كبيرة جدًا.. طلبت السيدة العذراء من الرب
يسوع إنه يحل لهم المشكلة.. وقالت للناس اللي شغالين هناك كل اللي
يطلبه منكم تعملوه.



للخادم : وقول العتراء ليس لديهم خمر كأنها تقول للمسيح إعلن عن وجودك، وهذه المعجزة
تشير للاهوت المسيح فهو حول مادة إلى مادة أخرى. وراى تلاميذه ما فعل فأمسوا به إذ رأوا مجده.

وفعلًا طلب من الناس الشغالين هناك أنهم يملأوا ٦ أجران بالماء (الجرن من حجارة عبارة عن إناء أو
حوض كبير يتم ملؤه بالماء، ويستخدم في غسيل الأيدي قبل الأكل، وأيضًا غسيل الأرجل، لأن اليهود كانوا
يظهرون كل شئ (مر ٧: ٤-٥) ولا يأكلون إن لم يغسلوا أيديهم. وهم دائمًا
يغسلون أيديهم وأرجلهم).. وكانت ستة أجران من حجارة موضوعة
هناك، حسب تطهير اليهود، يسع كل واحد مطرئين أو ثلاثة. قال لهم
يسوع: املأوا الأجران ماء. فملأوها إلى فوق (يو ٦: ٧-١٠) وبعدها
ربنا يسوع قالهم: 'خذوا منها وأعطوا رئيس المتكأ ليشرب'. ولما
رئيس المتكأ شرب الخمر نادى على العريس وقاله إنه خمر حلو جدًا
أحلى من اللي شربوه في أول الفرح.. وبكده أنقذ الرب يسوع الفرح
من أنه ببوظ وكمان أنقذ العريس والعروسة من الإحراج.. فالرب
يسوع يشاركنا أفراحنا، على أن تكون أفراح مقدسة. والمسيحية هي إنفتاح على العالم، نشارك الناس أفراحهم
وضيقاتهم بقلب محب رقيق. والمسيح بالرغم من زهده، حول الماء إلى خمر، حتى لا يُحرج العريس. لذلك
نحن نتق أنه يدبر كل أمورنا ويسدد كل إحتياجاتنا.



ثالث مشهد: الرب يسدد جميع إحتياجاتي الروحية (يو ٤: ١-١٣) :

- ١- ما هي الحركة المميزة لهذا المشهد ؟ - وجود جرة مع نظر الشخصية حولها ثم النظر إلى السماء.
- ٢- إلى ماذا ترمز هذه الحركة الانسائية ؟ - إحتياجها المستمر للماء، وحجلها من أن يراها الناس.

٣- توقع الشخصية الرئيسية هنا؟ (يمكن لا يعرفها الأطفال لذلك قم بمساعدتهم، عن طريق الإستعانة باستخراج الشاهد من الكتاب المقدس (يو ٤: ١-٢٠)) ليعرفوا من هي الشخصية التي نتحدث عنها :

- السامرية.. هي امرأة من مدينة السامرة، وكان اليهود بينهم عداوة وخصام مع السامريين. وكانت هذه المرأة متجوزة خمس مرات، وكانت امرأة خاطئة، وكمثال نفسها تعرف مين هو الإله الحقيقي، وكانت مستتية المسيا علشان يخلصها هي وكل الناس. المرأة دي كانت معروفة في البلد كلها إنها امرأة خاطئة، فكانت تخجل من أن يراها الناس.. علشان كده كانت دائماً تخرج لتعلاً جرتها من الماء في وقت الظهر، علشان لا أحد يخرج في هذا الوقت.. وبذلك لا يراها أحد..



٤- ما هو احتياج هذه الشخصية؟

- احتياج روحي.. كانت مستتية المسيا علشان يخلصها هي وكل الناس، وعلشان يرشدتهم على الطريق الصحيح 'قالت له المرأة: أنا أعلم أن مسيّا، الذي يُقال له المسيح، يأتي. فمتى جاء ذاك يُخبرنا بكل شيء' (يو ٤: ٢٥).



٥- كيف سدد الرب يسوع احتياجاتها؟

- لما وصلت للبئر التي هتملاً منه الماية، شافت هناك السيد المسيح قاعد على البئر، عدت من جانبه علشان تملأ الماية، فطلب ربنا يسوع منها يشرب، لكنها استغربت إزاي يهودي يطلب من سامرية حاجة، فردت عليه وقالت له: إزاي تكلمني واليهود مش بيكلموا السامريين؟! 'فقلت له المرأة السامرية: كيف تطلب مني لتشرب، وأنت يهودي وأنا امرأة سامرية؟' (يو ٤: ٩) رد عليها السيد المسيح وقالها أنتي لو تعرفي عطية ربنا ومين هو اللي بيكلمك كنى أنتي اللي تطلبى منه وهو هديكي ماء حياً 'أجاب يسوع وقال لها: لو كنت تعلمين عطية الله، ومن هو الذي يقول لك أعطيني لأشرب لطلبت أنت منه فأعطاك ماء حياً' (يو ٤: ١٠) ردت السامرية بسرعة

وقالت له إزاي هتدبنى ماية حية وإننت مش معاك دلو تجيب بيه الماية؟ رد عليها ربنا يسوع وقال لها: كل اللي بيشرب من الماية دي هيرجع يعطش تاني، لكن اللي هياشرب من الماية اللي أنا بديها عمره ما هياعطش أبداً 'أجاب يسوع وقال لها: كل من يشرب من هذا الماء يعطش أيضاً. ولكن من يشرب من الماء الذي أعطيته أنا فلن يعطش إلى الأبد، بل الماء الذي أعطيته يصير فيه ينبوع ماء ينبع إلى حياة أبدية' (يو ٤: ١٣-١٤) - الماء الحي اللي بيقصده الرب يسوع هنا هو الروح القدس اللي بيملائنا، وبيشبع أرواحنا، وبيقربنا من ربنا - (وقتها لم تصدق السامرية نفسها يا الله لو فعلاً أداني الماية دي أنا مش هأعطش تاني خالص، وبكده مشكلتي هاتحل يعني مش هأجي للبئر تاني في الظهر علشان محدش يشوفني أو حد يعايريني (أكيد كل ده كان بيدور في فكر السامرية) علشان كده ردت عليه وقالت له: ممكن لو سمحت تتكلمي من الماية دي علشان ماجيش هنا تاني



قالت له المرأة: يا سيد أعطني هذا الماء، لكني لا أعطش ولا أتى إلى هنا لأستقي" (يو ١٠: ١٥) لكن ربنا يسوع قالها: روحى هاتى جوزك وتعالى.. وقتها قالت له: أنا مليس زوج، رد عليها الرب يسوع ومدحها وقال لها: صح لأنك كنتى متجوزة خمس مرات لكن اللى معاكى دلوقتى كمان ده مش جوزك.. إنت قولتى الصدق "هَذَا قُلْتُ بِالصِّدْقِ" (يو ١٠: ١٨)، استغربت السامرية جدا إزاي عرف كل حاجة عنى من غير



ما نقول هى حاجة فقالت له: إنت أكيد نبى لأنك فولت لى على كل حاجة أنا عملتها إزاي عرفت كل ده...؟! أنا عارفة أن فى مسيا جاي وهو ها يخلص كل شعبى ويقول لنا على كل حاجة.. السيد المسيح قال لها: أَنَا الَّذِي أَكَلْتُكَ هُوَ" (يو ١٠: ٢٦) فرحت اووى السامرية ومن كتر فرحتها سابت جرتها تحت رجله (وكأنها بتتخلى عن كل خطية عملتها فى حياتها وهاتبدى حياة جديدة).. مش كده وبس دى جريت وحكت لكل الناس على كل اللى حصل معاها

وإزاي أن الرب يسوع قالها على كل ماضيها "فتركت المرأة جرتها ومضت إلى المدينة وقالت للناس: هلموا انظروا إنسانا قال لى كل ما فعلت. ألع هذا هو المسيح؟ فخرجوا من المدينة وأتوا إليه" (يو ١٠: ٢٨-٢٩). الرب يسوع أعطاهما إحتياجهما الروحى.. فالمسيح هو الطبيب الذى أتى ليشفى مرضى الخطية، وكطبيب حكيم يعرف ما الذى تحتاجه كل نفس، فهو له طريقة مع كل نفس تختلف عن الأخرى، لكنه يسعى وراء كل نفس طالبا عودتها للأحضان الإلهية.



فالمراة السامرية لا تعرف شيئا عنه، يذهب إليها ويعرقها بنفسه، ويتحاور معها. عرفها إنه هو المسيا اللى هى كانت مستنياء، وعرفها أن الله روح عارف كل الماضى والحاضر والمستقبل، وكمكان السجود ليه يكون فى أى مكان، لأنه شايف كل الناس، وكمكان عرفها إنه هو اللى يبشع كل النفوس لما تصلى ليه، ولو

حتى فى أتعابنا أو مشاكلنا، هو هيدنا سلام وفرح عظيم.. علشان كده جريت وتركت جرتها ونسيت صنعيتها، وملأ المسيح فكرها وقلبها، هى فعلت ما لم يفعله التلاميذ. فهى كرزت بالمسيح.. فإن من يجد المسيح ينسى نفسه وينسى كل شئ من إهتماماته. قالت السامرية: "إِنْسَانًا قَالَ لِي كُلُّ مَا فَعَلْتُ" (يو ١٠: ٢٩) هذا أكثر ما أثر فى نفسيتها أن المسيح فاحص القلوب. ولكل إنسان إكتشافه الخاص فى المسيح الذى يؤثر فيه ويجذبه. هذا التلامس مع المسيح يغير حياة من يتلامس معه. شهادتها هذه وإعترافها لا يأتى إلا ممن إستار قلبه.

للخدام: فالتائب الحقيقى يسهل عليه أن يعترف علنا. وهذا يظهره دم المسيح. أما السالك فى الظلمة فلا يرى خطاياهم.



رابع مشهد: الرب يسدد جميع إحتياجاتي الجسدية (لو ٤٢: ٤٨) :

١- ما هي الحركة المميزة لهذا المشهد؟ - تقف وتقع (التعب الشديد).

٢- إلى ماذا ترمز هذه الحركة الأساسية؟ - شخص مريض.

٣- توقع الشخصية الرئيسية هنا؟ (ممكن لا يعرفها الأطفال، لذلك قم بمساعدتهم عن طريق

إستخراج الشاهد من الكتاب المقدس (لو ٤٢: ٤٨)) ليعرفوا من هي الشخصية التي نتحدث عنها :

- المرأة نازفة الدم.. وهي امرأة مريضة بالنزيف يعنى يتفقد جزء كبير جداً من دمها.. وكمان

هي مريضة من فترة طويلة من ١٢ سنة، وراحت لذلك فترة كثيرة خالص ولم يستطيع أحد منهم أن

يعالجها.. والمرض ده عند اليهود بيعتبروا صاحبه نجس.. يعنى مش طاهر، مايتقش حد يقرب منه ولا يلمسه.

٤- ما هو إحتياج هذه الشخصية؟ - إحتياج جسدى.. محتاجة إنها تخف من مرضها.

٥- كيف سد الرب يسوع إحتياجاتها؟

- هي كانت محتاجة إنها تخف.. وكانت سامعة عن ربنا يسوع إنه بيقدر يشفى أى مرض مهما يكون.. أول لما

عرفت إنه ماشى فضلت تمشى وسط الناس علشان تحاول توصله، ورغم الزحام الكبير اللي كان حوالين الرب

يسوع فضلت واثقة إنها لو وصات عنده ولمست ولو ثوبه فقط هتشفى.. وفعلت قربت منه بكل إيمان، وبفلس

منكسرة، ومن غير ما حد يشعر بها يكل إسحاق جاءت من خلفه

وحاولت تلمس ثوب ربنا يسوع وهي واثقة فى قدرته.. قربت منه جداً

وفعلت لمست طرف ثوبه.. وحالاً النزيف وقف وخفت خالص وقدرت

تقف.. لكن حصلت حاجة غريبة جداً.. ربنا يسوع بص وراءه وقال:

مين اللى لمسنى دلوقتى؟ بطرس استغرب وقاله: يارب كل الناس دى

حواليك وتسال مين اللى لمسنى؟! قاله: لأ يا بطرس فى حد لمسنى

وفى قوة خرجت منى دلوقتى فقال يسوع: قد لمسنى واحد، لأنى

علمت أن قوة قد خرجت منى" (لو ٨: ٤٦).. المرأة خافت جداً وجاءت

وسجدت عند ربنا يسوع وقالت: أنا يارب اللى لمست طرف الثوب بتاعك علشان أنا تعبانة وبقيالى ١٢ سنة

ورحت لذلك فترة كثير ولم يقدر أحد يشفينى لكن أنا كنت واثقة أنى لو لمست ثوبك فقط هأخف على طول..

ربنا يسوع طبط على كتفها وقالها لا تخافى.. إيمانك شفاكى فقال لها: ثقى يا ابنة، إيمانك قد شفاك،

أنهيبى بسلام" (يو ٨: ٤٨)..



خامس مشهد: الرب يسدد جميع إحتياجاتي النفسية (لو ٢٢: ٥٤-٦١) :

١- ما هي الحركة المميزة لهذا المشهد؟ - الرب يسوع يضع يديه على بطرس كعلامة تشجيع.

٢- إلى ماذا ترمز هذه الحركة الأساسية؟ - شخص محتاج لتشجيع.



٣- توقع الشخصية الرئيسية هنا؟ (يمكن لا يعرفها الأطفال لذلك قم بمساعدتهم عن طريق استخراج الشاهد من الكتاب المقدس (لو ٢٢: ٦١-٥٤)) ليعرفوا من هي الشخصية التي نتحدث عنها:

- بطرس الرسول... وهو من أحد تلاميذ الرب يسوع الاثني عشر.. وبالرغم من حب بطرس لربنا يسوع وكمكان أنه قال لربنا يسوع وسط كل التلاميذ يوم خميس العهد: إنه هايفضل مع ربنا يسوع للأخر وعمره مايسويه، لكن ربنا يسوع قاله: أنك هتكرني قبل ما الديك يصبح تنكرني ٣ مرات النهاردة.. وفعلا لما جاءوا يقبضوا على ربنا يسوع علشان يحكموا عليه.. بطرس راح وراه لكن من بعيد.. وكانت الدنيا برد جدا فالناس ولعت نار وقعدوا حواليتها وبطرس وياهم.. وبعد شوية واحدة من اللي قاعدين وقفت وشاورت على بطرس وقالت: ده كان



معاه، بطرس خاف وبسرعة قالها: انتي بقولي ايه؟! أنا معرفهوش فاستكره قائلا: لست أعرفه يا امرأة! (لو ٥٧: ٢٢) وتركهم ومشى بسرعة ووقف بعيد.. لكن فجأة لاقى واحد بيشاور عليه وقاله أنت برضه كنت معاه، وبسرعة رد بطرس وقاله مش أنا فقال بطرس: يا إنسان، لست أنا! (لو ٥٨: ٢٢) وراح جرى بعيد، ومرت ساعة وجه واحد بياكد ويقول: وده كان معاه ده جيلبي زيه، بطرس قاله: أنا مش عارف إنت بتتكلم على ايه! فقال بطرس: يا إنسان، لست أعرف ما تقول! (لو ٦٠: ٢٢) وأول ما بطرس أنكر أنه يعرف ربنا يسوع لثالث مرة.. صاح الديك.. ربنا يسوع بص لبطرس وساعتها بطرس إفتكر إن ربنا يسوع قاله أنك هتكرني ٣ مرات قبل ما الديك يصبح فالتفت الرب ونظر إلى بطرس، فتذكر بطرس كلام الرب، كيف قال له: إنك قبل أن يصبح الديك تنكرني ثلاث مرات! (لو ٦١: ٢٢)، بطرس زعل جدا وخرج وبكى..

٤- ما هو إحتياج هذه الشخصية ؟

- إحتياج نفسى.. لأنه بعد ما بطرس أنكر الرب يسوع ٣ مرات حس إنه خلاص مابقاش من تلاميذه.. ويأس من نفسه.. ورجع تلقى يشغل صياد لأنه كان بيقول فى نفسه إزاي بعد ما أنكرت ربنا يخلينى لسه من تلاميذه؟! وبقي عنده شعور باليأس.. يا ترى الرب يسوع يسيبه؟ تعالوا نشوف ربنا عالج نفسيته اللي مصابة باليأس دى إزاي؟



٥- كيف سد الرب يسوع إحتياجاته ؟ تعالوا مع بعض نفتح الكتاب المقدس (يو ١٥: ٢١) ؟

- بعد قيامة ربنا يسوع من الأموات ظهر للتلاميذ على بحر طبرية وعمل معجزة السمك الكثير، وطلب إنه يجتمع مع تلاميذه علشان يأكلوا مع بعض.. وكان ليه هدف تانى أنه يرجع بطرس لمكانته قدام نفسه وقدام كل التلاميذ.. وقعد بطرس جنب ربنا يسوع وهنا سأله الرب يسوع سؤال قاله : أنت بتحبني يا سمعان بن يونا أكثر

منهم كلهم ١٩ قاله بطرس : يارب أنت عارف أنى بحبك 'قَالَ لَهُ: نَعَمْ يَا رَبُّ أَنْتَ تَعْلَمُ أَنَّى أَحْبَبْتُكَ' (يو ٢١: ١٥) قاله ربنا: ارعى خرافى.. وبعدين سأله تانى يا سمعان بن يونا بتحبتى؟! رد عليه بطرس بنفس الرد: يارب أنت عارف أنى بحبك 'قَالَ لَهُ: نَعَمْ يَا رَبُّ، أَنْتَ تَعْلَمُ أَنَّى أَحْبَبْتُكَ' (يو ٢١: ١٦) قاله ربنا ارعى غنمى.. وسأله لثالث مرة وقاله: يا سمعان بن يونا بتحبتى؟ وهنا زعل بطرس علشان ربنا يسوع سأله ٣ مرات ورد عليه بطرس وقاله: يارب أنت تعرف كل حاجة وكمان تعرف أنى بحبك 'قَالَ لَهُ ثَالِثَةً: يَا سَمْعَانُ بْنُ يُونَا، أَتُحِبُّنِى؟ فَحَزَنَ بُطْرُسُ لِأَنَّهُ قَالَ لَهُ ثَالِثَةً: أَتُحِبُّنِى؟ فَقَالَ لَهُ: يَا رَبُّ، أَنْتَ تَعْلَمُ كُلَّ شَيْءٍ. أَنْتَ تَعْرِفُ أَنَّى أَحْبَبْتُكَ' (يو ٢١: ١٧).. فرد عليه

ربنا يسوع وقاله ارعى غنمى.. وهنا ربنا حب يقول لبطرس أنك بتحبتى وأنا كمان بحبك علشان كده ارجع تانى ارعى خرافى وغنمى يعنى ارعى شعبى ارجع تانى تلميذ لى.. ونلاحظ أن بطرس فى كبريائه قال: 'إِنْ أَنْكَرْتُ الْجَمِيعَ لَا أَنْكَرُ أَنَا'.

للخدام: والسيد سمح بموقف الضعف الذى وقفه بطرس أمام الخدام والجواري ليبدأ علاجه وتنكسر كبريائه وهنا يعيده المسيح لدرجته المابقة.



لقد خجل بطرس أن يفتح موضوع الإنكار مع المسيح، لكن المسيح هو الذى يعيد بطرس لدرجة الرعاية ويخلصه من حالة اليأس اللى كان بيشعر بها، بمعنى إنه غفر له خطيئته.. أما عن كلمة 'ارعى خرافى... ارعى غنمى' (يو ٢١: ١٥، ١٦). علشان يكمل الرب يسوع لبطرس الدرس وهو إن ما يجعلك يا بطرس تقبل أى ألم هو أن تحب من كل القلب. وربما يكون سؤال المسيح ٣ مرات أتحبتى هو فى مقابل إنكار بطرس ٣ مرات، وذلك لإثارة مشاعر بطرس ولزيادة محبته فيقبل الصليب. هذا ليس تأنيباً لبطرس، فالمسيح لا يؤنب أحداً بل هو لشفاء بطرس. وهذا نفهمه من قول المسيح إتبعنى، ربنا يسوع رجع الأمل تانى لبطرس وفرحه وخلاه راعى لشعبه.

للخدام: فعلاية حينا للمسيح وتلمذتنا له هو قبول ما يسمح به الرب من آلام. علامة الحب هى خدمة أولاد الله ورعايتهم فى بذل نفسى لأجلهم - إرع خرافى، وكمال الحب فى بذل النفس حتى النفس الأخير فى إستشهاد أو قبول أى صليب يسمح به الله، أى لا تحب أنفسنا أكثر من المسيح حتى نستحقه (لو ٢٦: ١٤) ولا نقارن حالنا بأى إنسان آخر، ففى هذا عدم ثقة فى أن المسيح يجينا ويختار لنا أسبب شئ، وأنسب شئ هو ما يكون وسيلة لنا لنصل للسما. لقد ظن بطرس أن محبته يُعبر عنها بحمله للسيف وضرب عبد رئيس الكهنة، والسيد هنا يقول ليس هذا هو الحب، بل هو قبول الصليب.

ليه تهتم وليه بتخاف




الترنيمة

ربى يسوع راعى الخراف
لا تعول هم ولا أحزان
نيقوديموس فى دماغه أفكار
غير حاله وبقى فرحان
فرح كبير والخمر قليل
بارك وخلق الفرح يصير
وبتدري من كل الناس
ربى يسوع وإداها خلاص
ربى يسوع قلبه حنان
وخلاله يبقى صخرة إيمان
زى نازفة الدم تمام
لمسة ثوبك يا حنان

القرار: ليه تهتم وليه بتخاف
هاخليك تبقى فرحان
١- لما زمان كان محتار
جاله يسوع وكله حنان
٢- فى مرة كان فى قانا الجليل
ربى يسوع شارك فرحتهم
٣- لو عندي خطية وتعباني
دى السامرة اللي جالها
٤- بطرس أنكره ده زمان
رفعاه يسوع وضمه لحضنه
٥- لو تعبنا هاجى بإيمان
هأصلي وأقوله أنا محتاج

تأليف: أ. أيهاب صبحي - كنيسة مارجرجس أسيوط

ال CD يحتوى على (الترنيمة + ورقة التمهيد ٢٠١ + فيديو
لوسيلة الإيضاح + صور التطبيقات + الكلمات القبطية)



اعرف لغتك

فِيمَا إِلَهِي كُلِّ احْتِيَاجِكُمْ بِحَسَبِ

غَنَاءُ فِي الْمَجْدِ فِي الْمَسِيحِ يَسُوعَ" (فى ١٩:٤).

Πανότη δε εχέμας χρία νιβεν

νωπεν εβολ κατ

τεψμετραμαδ δεν Πχс Інс

οτπνετμα روح

οτпотс عقل

χас зизен `Фпотт خليها على الله

οτψтхн نفس

أنا أشعر



لدينا الكثير من المشاعر النفسية.. ضع كل شعور من المشاعر الآتية في مكانه الصحيح. وضع رقم كل جملة على الصورة المناسبة لها.

التطبيق العملي ١

(التفرد - الجوع - المسؤولية - الكسوف - الحب الحياة - الخوف - عدم الأمن - الفخر - متميز - الفرح)



١ عندما أظل يوم بأكمله بدون أكل فأني أشعر بـ.....



٢ كل سنة أحرص على أن أذهب مصيف مع عائلتي لأني.....



٣ عندما أكون وحدي في المنزل والنور قطع أشعر بـ.....



٤ عندما أنجح في دراستي وأكون الأول على المدرسة أشعر بـ.....



٥ عندما يمدحني الناس ويقدروا عملاً بعينه فمت به أشعر بـ.....



٦ عندما تكون هناك صراعات تدور حولي أشعر بـ.....



٧ عندما أصعقتني أمي مسروقة البيت في أسبوع وقمت أنا بتدبير البيت هذا الأسبوع شعرت بـ.....



٨ عندما فمت بتصليح جهاز الكمبيوتر بمفردي وقتها شعرت بـ.....



٩ عندما نظرت لكل المخلوقات من حولي ووجدت أنني أفضل منهم جميعاً شكرت ربي لأنه خلقني.....



١٠ عندما تقابلت مع أسقف إيباشيتي لأول مرة شعرت بـ.....

حاسس إن الرب يسوع مشبعك



ويعد أن عرف كل طفل ما هي بعض الاحتياجات النفسية التي يشعر بها اطلب منه أن يقوم بالتفكير قليلاً في مواقف شعر فيها إن الرب يسوع كان معاه وده سبب له فرح كبير وقتها.. ويفكر لو ماكنش الرب يسوع معاه كان هيحصل إيه؟.. وبعد هذا قم

التطبيق العملي ٢

بإعطاء كل مخدوم ورقة مكتوب عليها "عايز أشكرك يارب على إنك مشبعني.. علشان إنت عملت لي..".

بعد هذا جمع هذا الورق، وأقرأ فقط نوع الإشباع الذي شعر كل طفل إن الرب يسوع سنده له.. ستجد إن كل طفل كتب إحتياج أشبعه له الرب خلاف غيره.. منها استنتج مع الأطفال إن الرب يسوع يشبع الكل مهما اختلفت نوعية إحتياجهم.

مسيحي فيه كفايتي



التطبيق العملي ٢

تجسد الرب يسوع لأنه يحبنا، قام وصعد إلى أعلى السموات من أجلنا، وأرسل لنا روحه القدوس المعزى، فالرب يسوع يعطينا كل ما نحتاج إليه فهو كفايتنا، كفاية كل الناس... إستخرج الآية مع كتابتها وقم بكتابة رقم الآية الصحيح على كل شخصية من الشخصيات الآتية التي جاء المسيح من أجلها لأنه يحبنا جميعاً.



١- (يوحنا ٦: ١٤)

٢- (يوحنا ٤: ١٣-١٤)

٣- (مزامير ٢: ٤٥)

٤- (يوحنا ٦: ٣٥)

٥- (متى ١١: ٢٨)

٦- (يوحنا ٦: ٦٨)

٧- (افسس ٢: ٢٠)

٨- (ملاخي ٤: ٢)

٩- (لوقا ٥: ٨)، (متى ١٣: ٣٠)، (كورنثوس ٦: ٣)

١٠- (مرقس ٦: ٥٦)



حكمة سليمان

- عنوان مبتكر : مين كسبان؟ - ابن
الأحرار عرف بختار - حسبها صح.

- محور الدرس : (أنا والوطن) - كيف
أسعى لخدمة وطني بكل إمكانياتي.

- الآية : "الْحِكْمَةُ هِيَ الَّتِي خَلَصَتْ كُلَّ مَنْ
أَرْضَاكَ يَا رَبِّ مِنْذُ الْبَدْءِ" (حك ١٩:٩).

- الشاهد : تفسير سفر الملوك الأول
(١٦:١-٣).

- هدف الدرس : ١- الهدف المعرفي: أن يعرف الطفل ماذا فعل سليمان لكي يقود مدينته بحكمة.
٢- الهدف الوجداني: أن يشعر الطفل بأهمية طلب الحكمة في كل حياته.
٣- الهدف المهاري: أن يتعلم الطفل كيف يتصرف بحكمة في حياته.

يحتاج الخادم إلى حكمة ومحبة الله في الموازنة بين متطلبات الخدمة
ومتطلبات حياته الاجتماعية. الخادم الحكيم لا يحاول جعل المخدمين
صورة كربونية منه، وبذلك ممكن أن يفشل ويؤدي إلى نتيجة سلبية..

الحكمة هي أن أحاول توصيل المخدم لربنا، ومحاولة
جعله يكتسب فضائل غير موجودة عنده.



فهناك نوعان من الحكمة:

- ١- حكمة أرضية بشرية شيطانية. هي سبب كل ما نعاليه نحن البشر على الأرض.. إن هذه
الحكمة التي تدعونها ليست نازلة من عند الله، بل هي "حكمة" أرضية بشرية شيطانية. فحيث تكون مرارة الحسد
والتحزب، ينتشر الخلاف والفوضى وجميع الشرور (يع ١٦:٣) وهذه الحكمة هي تحكم العالم الذي نعيش فيه.
٢- الحكمة النازلة من عند الله، فهي نقية طاهرة، قبل كل شيء. وهي أيضا تدفع صاحبها إلى المسالمة والترفق.
كما أنها مطاوعة، مملوءة بالرحمة والأعمال الصالحة، مستقيمة: لا تميز ولا تتحاز ولا ترائي (يع ١٧:٢) هذه
الحكمة التي ينبغي أن تحكم حياة المؤمنين 'وإنما إن كان أخذكم تغوزة حكمة فليطلب من الله الذي يغطي
الجميع بسخاء ولا يعير، فسيغطي له' (يع ٥:١).. عندما تواجهك المشاكل وصعوبات الحياة، توكل على الرب
بكل قلبك وعلى فهمك لا تعتمد. في كل طرقك اعرفه وهو يقوم سبلك' (ام ٦٥:٣). 'إن دعوت المعرفة ورفعت
صوتك إلى الفهم. إن طلبتها كالفضة وبحث عنها كالكنوز. فحينئذ تفهم مخافة الرب وتجد

معرفة الله. لأن الرب يغطي حكمة. من فيه المعرفة والفهم' (ام ٦٣:٢).

اختار تمهيد للدرس



١- يقوم الخادم بسرده هذه الفوايزر على الأطفال كتمهيد يسبق سرد الدرس:

☆ صفة موجودة مع بطلنا؟.. أنا لى وضعى وكيانى.. وتاس كثير ملكاتى..

الحل (الفلوس)

واللى يملأ بى جيبه.. عمره ما يقول كفانى..

☆ صفة اتحقققت فى عهد بطلنا؟.. خناقة والخلق بينا تحوش.. وأنا ماسك رقبته أبداً ماسيوش..

الحل (السلام)

لولا هو راجل طيب.. قالنا العبا مع بعض ماتتخقوش..

☆ حاجة بناها بطلنا؟.. مجد الله والبركة هناك.. وتقف قدامه عينيه شايفاك.. كمان قدامه سنتر

الحل (الهيكل)

كبير.. نتقدم فيه ذبيحة فداك..

☆ صفة طلبها بطلنا من ربنا؟.. يقول دايماً كلام موزون.. ويقدر يهزم أى ظنون.. ميزانه فى

الحل (الحكمة)

عقله وبين الناس رأيه وحكمه دول قانون..

٢- لعبة الطلبات: قم بتوزيع ورق على كل الأطفال وأطلب من كل منهم أن يكتب طلب محتاجة

من الرب يسوع (من غير كتابة الاسم).. ثم قم بتجميع الورق من الأولاد وقسمه إلى طلبات

جسدية: (أكل وشرب وقوة وطول العمر.. الخ)، أو طلبات روحية: (أحب كل الناس.. الخ)، أو

طلبات مادية (المال.. الخ).. وهذا بهدف أن يقارن الطفل بطلباته التى طلبها من ربنا.. وبما

طلب سليمان، وبذلك يتعلم الطريقة السليمة فى الطلب، وبعدها قم بسرده الدرس.

للخادم المبدع



١- سوپر ماركت الطلبات: سوپر ماركت مليان طلبات، كل الناس

بتجى تطلبها وتشتريها ماعدا سلعة واحدة، وهى الحكمة محدش

بيطلبها أبداً، ولا يفكر فيها، ومليان بيها السوبر ماركت، وتشتكى الحكمة من

إنها غير مطلوبة، ولا أحد يطلبها.. وتذكر إنه زمان طلبها ملك وفاز بكل حاجة.

٢- حوار لمذيع مع الصفات الأربعة: التى يطلبها أى ملك وهى: "الغنى والقوة وطول العمر

والحكمة.. وكل صفة تعرض نفسها وتعرض مميزاتها وسلبياتها، وفى النهاية الحكمة توضح

إنها تضم الصفات الثلاثة السابقة.



وسيلة الإيضاح

استخدام الصور

الآتية أثناء شرحك

للدروس:




حكايئنا النهاردة عن واحد ملك عظيم،
ملك بعد أبوه وكان اسمه جديد فى الملك،
تفتكروا يطلب إيه من ربنا؟..



- يطلب (نعرض صورة لولد عضلاته
كبيرة) قوة علشان يقدر يهزم كل أعدائه، وأى
واحد يحاربه ينتصر عليه.. صح.

- ولا يطلب (نعرض صورة شيخ ودفنه طويلة) عمر طويل علشان يقدر يحقق كل أحلامه
ويبقى ملك عظيم وعمره طويل.

- طيب يطلب (نعرض صورة أموال كثيرة) فلوس كتير كتير علشان يبنى
قصور وحصون منيعة وعالية، وبفلوسه يخضع كل
شئ له، ويشترى كل شئ..



- إيه رأيكم؟.. يطلب إيه من
المميزات دى من ربنا؟..



ولا يطلب شئ تانى؟ (اترك وقت للأولاد يفكروا فى الإجابة).

- ملكنا يا أولاد فى يوم وهو نائم فى مدينة جبعون.

للخادم: جيعون مدينة قائمة على تل، نالت شهرتها من إقامة خيمة الاجتماع القديمة فيها
ووضع المذبح النحاسى الذى صنعه موسى النبى فى البرية فيها (أى ١٦: ٢٩، ٢٩: ٢٩، ٢٩: ٢٩).

ظهر له الرب فى حلم وقال له: "اسأل ماذا أعطيك"

(امل ٥: ٢) يعنى اطلب اللي بتتمناه وأنا أدبه لك..

على طول ملكنا قاله: يارب أنت صنعت مع أبويا

رحمة عظيمة، وكنت معاه فى أوقات حياته،

كل وأبويا كان يبحبك جدًا، ولأنك بتحبه أعطيتك

بركة أنى أكون ابنه أجلس من بعده على كرسى،

الملك على مملكة أورشليم كلها.. وأنا فتى صغير

يارب ولا أعرف ماذا أفعل؟ أحكم شعبي اللى عنده

كبير جدًا إزاي؟ أسيطر عليهم إزاي؟ يكون حكمى بين الناس عادل إزاي؟.. فقال الرب: اطلب يا أبنى اللى أنت

عاوزة.. فقال له: أنا عاوز يارب قلبًا فهيما (يعنى قلب عنده فهم كبير وحكيم) علشان أقدر أحكم بين الناس، وأميز بين

الخير والشر لكن بقلبي مش بعقلى..





فرح ربنا جدًا من طلب الملك الصغير، وقال له الرب: لأنك طلبت الطلب ده، ومسألتش لنفسك طولة العمر، يعنى إن عمرك يكون طويل، ولا سألت لنفسك غنى ومال كتير، ولا سألت لنفسك قوة تغلب بيها أعدائك.. لكن سألت لنفسك قلب حكيم وفهيم وعقل، تقدر بيه تميز بين الخير والشر.. أنا هديك قلب وعقل حكيم ومميز علشان تقدر تحكم بين الناس، تقدر تميز بين الخير والشر، لدرجة إنك مش هايكون فى ملك قبلك أو بعدك فى حكمتك، وكمان هديك

اللى إنت ما طلبتهوش: الغنى والكرامة بين كل ملوك عصرك لأنك هتكون أعظم ملك وأغنى ملك فى عصرك، وأعظم ملك فى حكمتك.. وإن سلكت يا ابني فى طريقى، وسرت طول حياتك فى رضايا، أنا هديك كمان العمر الطويل..



يا ترى يا أولاد عرفتوا اسم الملك ده اللى هو (أحكم ملك)؟
برافو (سليمان الحكيم) اللى أبوه كان اسمه (داود الملك)..
فرح سليمان جدًا جدًا وصحى من نومه، وقدم ذبيحة للرب أمام

تابوت العهد، ومن فرحته بالبركات اللى الرب أعطاها له، وعمل وليمة كبيرة لكل الناس.

فكان سليمان الملك أحكم جميع الناس، لدرجة إن كل الملوك ملوك الأرض كلها كانوا بييجوا أورشليم علشان يسمعوا حكمة سليمان اللى سمعوا عنه، وإنه مافيش حد أبدًا أبدًا فى حكمته..



تعالوا مع بعض نعرف لو إقتنينا الحكمة هانستفيد إيه ؟ (يعنى إيه هى الفوائد اللي نأخذها لما نقتنى الحكمة؟)
 قم بتوزيع هذه الورقة على مخدوميك واطلب من كل منهم أن يستخرجوا من كل شاهد فائدة من فوائد الحكمة ؟
 أو يمكنك توزيع الشواهد بحيث كل طفل يأخذ شاهد ويستخرج نعمة من نعم الحكمة الإلهية

الشاعر	الكتب هنا الآية	الفائدة (التي يقتنيها الرجل الحكيم) والتي يوضحها هذا الشاعر
(امثال ٢:١١)	وَمَعَ الْمُتَوَاضِعِينَ حِكْمَةٌ	سليمان الحكيم يعلمنا أن الحكمة تأتي للمتواضعين في حياتهم
(يعقوب ١٣:٣)	مَنْ هُوَ حَكِيمٌ وَعَالِمٌ بِنَفْسِهِ، فَيُفِرْ أَعْمَالَهُ بِالتَّصَرُّفِ الْحَسَنِ فِي وَدَاعَةِ الْحِكْمَةِ	ويأتي مع الحكمة الوداعة
(حكمة ١٢-٧:٧)	حِينَئِذٍ تَمْنِيَتْ فَأَوْتِيَتْ الْفُطْنَةَ وَدُعُوْتَ فَحَلَّ عَلَيَّ رُوحُ الْحِكْمَةِ... فَتَمَنَعْتَ بِهِذِهِ كُلِّهَا لِأَنَّ الْحِكْمَةَ قَائِدَةٌ لَهَا وَلَمْ أَعْلَمْ أَنَّهَا أَمُّ جَمِيعِهَا	وكيف أنها كنز يفوق كل ما سواه؟
(امثال ٢١:٨)	فَأَوْرَثُ مُحِبِّي رِزْقًا وَأَمْلَأُ خَزَائِنَهُمْ	ثم تعطى الذين يحبونها خيرات كثيرة وتملأ خزائنها
(امثال ١٨-١٣:٣)	طُوبَى لِلإِنْسَانِ الَّذِي يَجِدُ الْحِكْمَةَ وَلِلرَّجُلِ الَّذِي يَتَالَفَهُمُ. لِأَنَّ تِجَارَتَهَا خَيْرٌ مِنْ تِجَارَةِ الْفِضَّةِ وَرِبْحُهَا خَيْرٌ مِنَ الذَّهَبِ الْخَالِصِ. هِيَ أَثْمَنُ مِنَ اللَّائِلِيِّ وَكُلِّ جَوَاهِرِكَ لَا تَسَاوِيهَا. فِي يَمِينِهَا طَوْلُ أَيَّامٍ وَفِي يَسَارِهَا الْغِنَى وَالْمَجْدُ. طَرَفُهَا طَرِيقُ نَعَمٍ وَكُلِّ مَسَالِكِهَا سَلَامٌ. هِيَ شَجَرَةٌ حَيَاةٍ لِمُحِبِّيْهَا وَالْمُتَمَسِّكُ بِهَا مَغْبُوطٌ	وتعطيه حياة وسعادة
(امثال ٩-٨:٤)	ارْقِعْهَا فَتُعَلِّيكِ. تَمَجِّدُكِ إِذَا اعْتَنَقْتُهَا. تُعْطِي رَأْسَكَ إِكْلِيلَ نِعْمَةٍ. تَاجُ جَمَالٍ تَمْنَحُكِ	وهي التي تعطى أيضا النعمة والمجد
(امثال ٢٠-١٨:٨)	عِنْدِي الْغِنَى وَالْكَرَامَةُ. قَنِيَّةٌ فَاخِرَةٌ وَحِظٌ. ثَمَرِي خَيْرٌ مِنَ الذَّهَبِ وَمِنَ الْإِبْرِيرِ وَغُلَّتِي خَيْرٌ مِنَ الْفِضَّةِ الْمُخْتَارَةِ. فِي طَرِيقِ الْعَدْلِ أَتَمَشَّى فِي وَسْطِ سَبِيلِ الْحَقِّ	وتعطى أيضا الغنى والبر
(حكمة ٧:٨)	وَإِذَا كَانَ أَحَدٌ يُحِبُّ الْبِرَّ فَالْقَضَائِلُ هِيَ أَتْعَابُهَا لِأَنَّهَا تَعْلَمُ الْعَقَّةَ وَالْفُطْنَةَ وَالْعَدْلَ وَالْقُوَّةَ الَّتِي لَا شَيْءَ لِلنَّاسِ فِي الْحَيَاةِ أَنْفَعُ مِنْهَا	تعطى جميع الفضائل والبر
(حكمة ٨:٨)	وَإِذَا كَانَ أَحَدٌ يُؤَثِّرُ أَنْوَاعَ الْعِلْمِ فَهِيَ تَعْرِفُ الْقَدِيمَ وَتَتَمَثَّلُ الْمُسْتَقْبَلُ وَتَفْقَهُ فَنُونُ الْكَلَامِ وَحَلُّ الْأَحْجَازِ وَتَعْلَمُ الْآيَاتِ وَالْعَجَائِبِ قَبْلَ أَنْ تَكُونَ وَحَوَادِثُ الْأَوْقَاتِ وَالْأَزْمَنَةِ	وتعطى أنواع المعرفة والفنون المختلفة

دائماً اطلب الحكمة

(القرار)



الترنيمة

دائماً اطلب الحكمة
وأملئ قلبي مخافة
الحكمة بيت على الصخر
مهما تجارب تعدى
٢- زى أبونا سامايمان
والهنا إلهه حكمه
٣- صلي وقوله إدينى
يارب حافظ على
على شان تعيش بأمان
لله اللى ديان
مايهما عاش رباح
تعيش بها مراتح
طلب الحكمة من قلبه
ومفـيش على الأرض آده
قلباً نقيلاً وحكيماً
فى إيمانى المستقيم

تأليف: أ. مينا القمص كيرلس - كنيسة السيدة العذراء بالعاشر

ال CD يحتوى على (الترنيمة + صور التطبيق

+ الكلمات القبطية)



اعرف لغتك

رَأْسُ الْحِكْمَةِ مَخَافَةُ اللَّهِ

(س١٦:١)

ᲪᲁᲣᲭ᲏ ᲛᲧᲥᲟᲫᲓᲁ ᲧᲉᲟᲧ

ᲛᲧᲉ ᲠᲟᲥ ᲧᲉ

ΠῑραμᲁᲟ الغنى

ᲪᲥᲟᲫᲓᲁ الحكمة

ᲧᲙᲉᲧᲛᲉᲃᲁᲗᲓ العمر

إزاي أتمرف بحكمة ؟

قم بعرض هذه المواقف أمام الأطفال، واطلب منهم أن يقولوا كيف

يتصرفوا بحكمة في كل موقف من هذه المواقف؟

كيف تكون حكيماً في ؟



التطبيق العملي ١

- ١- إذا أعطاك أبوك ١٠ حنيه هل من الحكمة أن تصرفها كلها في يوم واحد مع أصدقائك، أم تحتفظ بجزء منه؟
- ٢- إذا سمعت إشاعة عن أحد الأشخاص كيف ستعامل معها؟
- ٣- إذا عرفت إن إثنين من أصحابك متخاصمين فماذا ستفعل؟
- ٤- إذا كنت معتاد على شراء الخبز للبيت يومياً وفي يوم قابلك أحد أصدقائك وطلب منك اللعب معه بدلاً من شراء الخبز كيف تتعامل مع هذا الموقف؟

شخصيات حكيمة

كيف تصرفت هذه الشخصيات بحكمة في حياتهم ؟



التطبيق العملي ٢



حكمة الرب يسوع



التطبيق العملي ٣

استخرج من المواقف الآتية من حياة السيد المسيح: كيف تصرف بحكمة في هذه المواقف :



دروس شهر نوفمبر

٩- مثل الإبنان (من أنا؟)

١٠- نسعى كسفراء (أنا والآخر)

١١- أعمالي تشهد لي (الإيمانيات)

١٢- الإيمان العامل (درس كتاب)

عمق إيماني
(الإيمان العامل)

هدف دروس هذا الشهر حول :

١- تعلمت أن أعمالي تثبت إيماني.

٢- أنا سفير لأعظم ملك.

٣- كما أن أعمال الرب يسوع أكدت ألوهيته، هكذا يجب أن أعمالي تؤكد إيماني.

٤- عرفت كيف أجعل إيماني كاملاً.



مثل الإبنان

- عنوان مبتكر : عامل ولا عاطل - مين
ها يكسب؟

- محور الدرس : (من أنا؟) - على يثبت
إيماني.

- الآية : تَرَوْنَ إِذَا أَتَاهُ بِالْأَعْمَالِ يَتَّبِعُهُ
الْإِنْسَانُ، لَا بِالْإِيمَانِ وَحْدَهُ (يع ٢٤:٢).

- المراجع : كتاب الإيمان والأعمال لقدايسة
البابا شنودة الثالث (مت ٢٣: ٢٣-٢٢).

- هدف الدرس : ١- الهدف المعرفي: أن يعرف الطفل أمثلة من شخصيات إيمانهم عامل وآخرين إيمانهم
غير عامل. ٢- الهدف الوجداني: أن يشعر الطفل بمدى أهمية الإيمان العامل. ٣- الهدف المهاري: أن يتدرب الطفل على السلوك بطريقة سليمة في كل من البيت والشارع
والكنيسة والمدرسة حتى يثبت بأعماله إيمانه.

إن الفكرة الأساسية الواردة في هذا المثل: هي أن المسيحي الصادق
لا يرفض لله أمراً، بل يُطِيعه طاعة الابن المُحِب لأبيه الحبيب. ولا يستسلم
إلى الرياء، فيتظاهر بالطاعة من دون أن ينفذ إرادة الله. إنه يُطِيع الله
طاعة فورية مستمرة وكاملة: بالقول والعمل، ومن دون أي تردد.



إن السلوك المسيحي الصحيح هو سلوك الابن الذي خضعت إرادته لإرادة أبيه
السموي، وأطاعه طاعة كاملة لا عن ضغط ولا عن ضعف، بل عن حُباً سام
لا حدود له.

فالمسيحيون الصالحون لا يقولون لله بعناد وعصيان: "كلا" ثم يشعرون بخطيئتهم -
كالابن الأول - فيَتَوْبُونَ وينتقلون من التمرد والعصيان إلى الطاعة والعمل، ويقولون
لله: "نعم" ويعملون وفق إرادته تعالى.

ولا يقولون: "نعم" بسرعة ورياء - كالابن الثاني - ولا يعملون بما يقولون،
فينزعون عن قولهم كل قيمة وصدق وحقيقة.

بل يتصرفون - كالابن الثالث - فيقولون لله "نعم" ويعملون بمشيئته في طاعة كاملة. فالابن الثالث، وهو يسوع

المسيح، ابن الله المتجسد، هو المثال الأعلى لكل مسيحي، لأنه قال وعمل، ففَرَّقَ القول
بالعمل، وكانت حياته دوماً "نعم" لإرادة أبيه السماوي.



اختار تمهيد للدرس



- قم بعرض هذه الصور أمام الأطفال وناقش معهم كيف يمكن أن تكون

كل صورة من هذه الصور لها فائدة :



بهدف أن يعرف كل طفل أن أي شيء تكون له أهمية، ويتضح دوره عندما يكون عامل وله فائدة، وهكذا الإيمان.. ثم قم بسرد الدرس.

- لعبة بدون كلام وظائف: قم بتقسيم الفصل إلى فريقين، بحيث يخرج طفل من كل فريق ويقوم الخادم بأعطائهما اسم وظيفة معينة يقوموا بتمثيلها.. والفريق الفائز هو الذي يعرف اسم الوظيفة أولاً.. وهذا بهدف أن يعرف الطفل أن لكل وظيفة ما يميزها، وما يجعلك تشعر بأهميتها وبدورها.. هكذا الإيمان يمثل كل وظيفة منهم، فإذا لم يكن له دور فلن تستطيع أن توضحه.. وبعدها يبدأ بشرح الدرس.



- مدرس في بلاد الصين: يحكى إن فى مدرس سافر الصين وكان كل اللي هناك لا يؤمنوا بوجود ربنا.. وطلب منه إنشاء إسلامه لوظيفته إنه لا يتكلم عن المسيحية أو المسيحيين علشان الأولاد مش عاوزينهم يبقوا مسيحيين ويسيبوا الألحاد.. وفعلاً

عمل كده وبعد شوية فوجئوا بتزايد عدد الأولاد المسيحيين فى الفصل.. فاستدعوا المدرس لمعرفة السبب، ولية هو ما نفذ وعده لهم وكلمهم عن المسيح فقال لهم إنه عمره ما كلمهم عن المسيح أو المسيحية، وطلب منهم إنهم يسألوا الأولاد.. وفعلاً لما سألوا الأولاد قالوا لهم إن المدرس فعلاً عمره ما كلمهم عن المسيح لكن هم حيوة بسبب تصرفاته.. وبعدها يبدأ فى سرد الدرس.



في سرد القصة (انظر الـ CD).

٢- المصنع المفلس: تخيل مصنع على وشك

الإفلاس بسبب تعرضه للعديد من المشاكل.. وبدأ أحد أبناء

صاحب المصنع يحاول أن يبحث عن السبب وقام بحله.. أما الآن

الثاني فقرر إنه يترك المصنع يعد ما علم إنه أصبح على وشك الإفلاس.. فما رد فعل صاحب

المصنع مع كل ابن من الإبنين؟ وهل عندما كتب صاحب المصنع وصية الميراث سيعطي الابن

الثاني كما سيعطى للابن الأول.. تخيل القصة وطبقها على من في البيت.



قم بتمثيل الدرس بحيث شخص يمثل زكا، وشخص يمثل الشاب الغني وشخص

يمثل وكيل النيابة.

وسيلة الإيضاح

النهاردة يا ولاد هنلعب لعبة جديدة، هنتخيل نفسنا فى المحكمة لكنها محكمة مش زي

أي محكمة، لأنها "محكمة العمل" يعني بتحاكم أي واحد عاطل مش بيشتغل.. وهأكون

أنا وكيل النيابة (الضابط) في المحكمة، وإتعم القضاء التي هتكموا على المتهمين...

وطبقاً لقانون محكمتنا اتقدم لنا أوراق إتهام لشخصين متهمين بأنهم كسروا قانون

بلدنا، ومتهمين بأنهم عاطلين.. تعالوا مع بعض نشوف أول شخصية منهما..



- وكيل النيابة : اسمك وسنك وعنوانك؟

- زكا: أنا إسمي زكا، وإسم الشهرة زكا العشار.. وسنى كبير يعنى أنا

مَشْ مُنَاب صَغِير.. أَمَا عَنَوَانِي فَأَنَا سَاكِن فِي مَدِينَةِ أَرِيحَا.

- وكيل النيابة : إحنا عرفنا إنك فى يوم من الأيام قابلت الرب يسوع

الكلام.. هل ده صحيح ؟

- زكا: أبوه الكلام ده صحيح، أنا فعلاً قابلت الرب يسوع.

- وکیل النیابة: إنا عايزين نعرف أنت قابلته فين؟ وإيه اللي إنت قلته له؟ والرب يسوع قالك إيه؟

زكا: أنا في يوم سمعت إن الرب يسموع جاي عندنا في مدينة أريحا، وأنا كان نفسي أشوفه من زمان، وفعلًا رحت

عَلَّشَانْ أَسُوفَه لَكِنْ كَانَ فِي نَاسٍ كَثِيرٍ جِدًّا وَزَى مَا أَنْتِ شَائِفِ أَنَا قَصِيرٌ رَرَرَر، وَمَقَادِرُ تَشْ أَسُوفَه، عَلَّشَانْ كَدِهْ أَنَا

فكرت في فكرة..



- وكيل النيابة : عملت إيه؟

- زكا : أنا شفت شجرة جميلة طلعت فوقها، وقلت لما الرب يسوع يعدى من تحتها أكيد هأقدر أشوفه، وشفت ربنا يسوع وهو جاي من بعيد.. وأول ما جه ربنا يسوع وشافنى على الشجرتادى على بإسمى وقالى: يا زكا انزل علشان أنا هأقعد عندك فى البيت النهاردة.. وبسرعة نزلت.. وفعلًا جه ربنا يسوع وقعد عندى فى البيت، واتكلم معايا أنا وأهل بيتى، وقال الرب يسوع قبل ما يمشى من عندى: اليوم حصل خلاص لأهل هذا البيت.. وفعلًا آمنت أنا وأهل بيتى بالرب يسوع.



- وكيل النيابة : ويا ترى إنت عملت إيه لما آمنت بالرب يسوع ؟

- زكا : أنا وعدت ربنا يسوع إنى هاوزع نص فلوسى للفقراء والمساكين.. مش بس كده.. أنا كمان قلت له إن أى واحد أخذت منه فلوس بالظلم هارجع له فلوسه أربعة أضعاف اللى أنا أخذته منه، وكل الوعود اللى أنا وعدته بها نفذتها فعلًا.



وده كان أول شخص معانا النهاردة

فى المحكمة، وهاتسمع الحكم بعد ماتسمع تاتى شخص..

- وكيل النيابة : اسمك وسنك وعنوانك ؟

- الشاب الغنى : أنا مش هأقول على اسمى، لكن الناس بتعرفنى باسم الشاب الغنى.. وطبعًا أنا معنى صغير لأنى شاب مش راجل عجوز.. وساكن فى اليهودية.



- وكيل النيابة : إحنا عرفنا إنك فى يوم من الأيام قابلت الرب يسوع.. الكلام ده صحيح ؟

- الشاب الغنى : أبوه الكلام ده صحيح، أنا فعلًا قابلت الرب يسوع.

- وكيل النيابة : إحنا عابزين نعرف إنت قابلته فىن؟ وإيه اللى إنت قلته له؟ والرب يسوع قالك إيه؟

- الشاب الغنى : فى يوم الرب يسوع كان قاعد فى اليهودية، وكان بيتكلم مع الناس، وبيرد على أسئلتهم، وأنا كان عندى سؤال مهم جدًا، وكنت عايز أسأله للرب يسوع.

- وكيل النيابة : ويا ترى إيه السؤال المهم اللى خلاك تروح لغاية الرب يسوع علشان تسأله؟

- الشاب الغنى : كنت عايز أسأل ربنا يسوع: أعمل إيه علشان أدخل ملكوت السموات؟

- وكيل النيابة : وكان رد الرب يسوع إيه على السؤال بتاعك؟

- الشاب الغنى : رد الرب يسوع وقالى: علشان أدخل ملكوت السموات لازم أحفظ الوصايا وأنفذها، وأنا قلت له إنى حفظت كل الوصايا ونفذتها من وأنا صغير، لكن قال لى فى الآخر على وصية أنا ماعرفتش أنفذها، وكنت حزين جدًا جدًا.

- **وكيل النيابة :** يا ترى إيه هي الوصية الصعبة اللي طلبها منك الرب يسوع، وإنت رفضت تنفيذها؟

- **الشاب الغنى :** طلب مني إني علشان أكون كاملاً لازم أبيع كل أملكى وأعطيتها للفقراء، وأروح أمشي مع المسيح فيكون لي كنز في السماء.

- **وكيل النيابة :** للدرجة دي الوصية كانت صعبة عليك؟ إنت ما قدرتش تتنازل عن أملكك وفلوسك للفقراء.

- **الشاب الغنى :** أنا زى ماقلت قبل كده: أنا شاب غنى، ومعاييا فلوس كثير، لكن ماقدرتش إني أبيع أملكى، وأعطي فلوسي للفقراء.



- **وكيل النيابة :** كده إحنا خلصنا أسئلة وسمعنا دفاع الشخصين، وجه الوقت اللي نسيب القضية هما الللى يحكموا عليهم.. لكن قبل ما أسيب القضية يحكموا لازم أعرض لكم مثل قاله الرب يسوع، وأكد هابقيدكم قبل ما تقولوا حكمكم، إما أبرياء أو مش أبرياء من تهمة إنهم عاطلين، ومش شغالين، والقصة دي هي القانون الللى هنحكم على أساسه.. القصة بتقول:

إن كان فيه أب عنده إثنين قال الأب للابن الأول: روح إشتغل في الكرمة (حقل) بتاعتي، فقال الابن إني مش عايز أروح أشتغل هناك.. بس بعد كده ندم الابن الأول وراح إشتغل في الكرمة، يعني هو رفض في الأول لكن وافق في الآخر ونفذ مشيئة أباه.. وبعد كده راح الأب وقال للابن الثاني: روح إشتغل في الكرمة بتاعتي فوافق الابن الثاني بس هو ماراحش الكرمة ولا إشتغل.. يعني هو وافق في البداية بس رفض في الآخر إنه ينفذ مشيئة الأب.. تفكروا مين الللى نفذ كلام أبوه الابن الأول ولا الثاني؟.. مين الللى كان إيمانه بأبوه إيمان عامل: الابن الأول ولا الثاني؟.. مين الللى كان إيمانه عامل: زكا العشار ولا الشاب الغنى؟.. يعني تعالوا نبص على زكا بعد ما آمن بربنا، عمل إيه علشان يثبت إيمانه ده؟ صح.. كل خطية وكل حاجة غلط كان بيعملها تاب عنها، ووزع فلوسه للفقراء والمساكين، لأن إيمانه كان إيمان عامل، مش بالكلام لكن بالعمل.. لكن إيمان الشاب الغنى كان إيمان بالكلام فقط لأنه رفض إنه يتنازل عن فلوسه ويتبع ربنا، وبكده ممكن نقول على إيمانه كان إيمان عاطل مش عامل.

للخادم : لا توضح في أول الدرس إننا نتكلم على الإيمان ولكن اترك الخيال للأطفال أن يتصوروا إننا نتحدث على العمل بمفهومه المعروف وهو الوظيفة.. وفي نهاية الدرس بعد شرح مثل الإثنين توضح لهم إننا نتحدث عن العمل من ناحية الإيمان وهل هو عامل أم إيمان عاطل أو خامل.

كان مرة في راجل عنده ابنين



الترنيمة

١- كان في مرة راجل كان عنده ابنين قال لالأول روح كرمي محتاج كرمين
قَالَ مَشْ عَاوَزْ أَرْوَحْ لَكِنْ نَدَمْ يَا حَلْوِينَ وَنَفَذْ كَلَامَ أَبِيهِ زِي أَوْلَادِ اللَّهِ الْغَالِيِينَ

القرار

عَلِمْنِي يَا رَبُّ أَكُونُ مَطِيْعَ وَإِنْ مَرَّةً غَلَطْتُ وَكُنْتُ
بِالْعَمَلِ مِثْلَ مَشْ بِالْإِنْسَانِ أَنْفَذْ كَلَامَكَ هَاضِيعَ أَرْجِعْ وَأَنَا نَدَمَانِ
٢- أَمَّا الْإِبْنُ الثَّانِي قَالَ لِأَبِيهِ أَنَا رَايِحْ وَبِكَوْدِهِ هَابَقَى الْكُوسِيَانِ
يَا تَرَى مِينْ عَمَلْ إِرَادَةِ الْآبِ الْأَوَّلِ وَلَا الثَّانِي وَمَنْفَذْ الْكَلَامَ وَفَكَرْ نَفْسَهُ كَوْدِهِ فَالْحِ
يَا ابْنِي بَصْ لِقَدَامْ دِهْ الْعَالَمِ كُلِّهِ فَاثِي

تأليف: أ. نيفين وليم - كنيسة مارجرس أسيوط

ال CD يحتوى على (الترنيمة + طريقة السهم في شرح
الدرس فيديو + الكلمات القبطية)



اعرف لذلك

"تَرَوْنَ إِذَا أَنَّهُ بِالْأَعْمَالِ يَتَّبَرَّرُ"

الإنسان، لا بالإيمان وحده" (يع ٢: ٢٤).

Πεπεισμεν γε ἀγαθῶματι πρῶτον
ἐβόλθεν καὶ βροτὶ ὅτι οὗτος καὶ ἐβόλθεν

πῶς τὸ ἡμᾶς τῶς ἀν

πῶς τὸ الإيمان

البطالة πῶς τῶς

العمل πῶς τῶς

الشباب الغنى καὶ τῶς

النشاط καὶ τῶς

الكسل καὶ τῶς

أعمال تؤكد إيماني



التطبيق العملي ١

هذه بعض المهمات التي تطلبها ماما منا في المنزل، أو المدرس في مدارس الأحد، فكيف تتصرف في كل موقف منهم، حتى يكون إيمانك عامل وليس إيمان خامل؟ (اكتب بجوار كل صورة ما ستقوم به).

ارسم صورتك وانت تقوم بعمل ما طلب منك

اكتب ما تقوم به

أم تطلب من ابنها أن تساعد في شؤون المنزل



أم تطلب من ابنها ترتيب حجره نومه



مدرس في مدارس الأحد يطلب أن نقف أصلاً



مدرس الأحد يطلب منك أن تقف بعد أداء الصلاة



ها تعمل إيه ؟



التطبيق العملي ٢

ماذا تفعل في المواقف الآتية اختر الإجابة الصحيحة ثم صل كل مستطيل من العمود (أ) بالشاهد المناسب له من العمود (ب) واكتب الآية ...

(مزمور ٨٦: ١١)

١- كل يوم أثناء ذهابك للمدرسة تلاحظ أن أحد زملائك من

جيرانك لا يرتدى قفاز في أيام الشتاء فماذا تفعل؟ هل:

أ- تعطيه قفازك. ب- تعطيه أحد فرديتي القفاز وأنت تستعمل الآخر.

ج- تسأل والدك إذا كان يمكن أن تشتري لجارك قفاز من مصروفك.

(يوحنا ١٤: ١٥)

٢- في يوم وأنت خارج من محل البقالة وجدت محفظة بها فلوس (٢٠٠٠

جنية) .. وعندما نظرت وجدت أنه لا أحد يراك ، ولما فتحت المحفظة

لم تجد اسم صاحبها عليها فماذا تفعل؟ هل:

أ- تحتفظ بالمحفظة لنفسك بمبرر إن من يجد شيئاً يأخذه لنفسه.

ب- تعطى المحفظة لوالدك. ج- تعطى المحفظة لصاحب محل البقالة.

(يوحنا ٣: ٢١)

٣- يوجد جهاز كمبيوتر في حجرة نومك.. ولكنك وعدت والدك ألا تقوم

بتشغيله بعد ميعاد النوم.. وفي يوم عرفت إن هابيزعوا على موقع

الرياضة مباراة بين فريقين وغداً عندك أجازة فماذا ستفعل؟ ...

أ- تشغل الكمبيوتر وتشاهد المباراة بصوت منخفض.

ب- تستأذن والدك في السماح بمشاهدته.

ج- لا تفتح الكمبيوتر.. فالتواعد يجب أن تحترم.

(يعقوب ٢: ١٤-٢٦)

٤- أثناء أحد الإمتحانات نكتشف أنك لا تستطيع الإجابة على عدد كبير من

الأسئلة فماذا ستفعل؟ هل:

أ- تغش الإجابة من ورقة أحد زملائك. ب- تحاول الإجابة بدون غش.

ج- تشعر بالمرض المفاجيء وتستأذن المدرس لكي تذهب للعيادة.

نسعى كسفراء

- عنوان مبتكر : كلنا سفير - سفير مش
عادي - معالي حصانة - سفراء كل حين.

- محور الدرس : (أنا والآخر) - كيف
أؤثر فيمن حولي.

- الآية : "إِذَا نَسَعَى كَسْفَرَاءَ عَنِ الْمَسِيحِ
كَانَ اللَّهُ يَعْظُ بِنَا" (٢٠:٥).

- الشاهد :
(كورنثوس الثانية ٢٠:٥).

- هدف الدرس : ١- الهدف المعرفي: أن يعرف الطفل ما هي صفات السفراء، وكيف يحيا كسفير لله.
٢- الهدف الوجداني: أن يشعر الطفل بالفخر لكونه سفير لأعظم ملك.
٣- الهدف المهاري: أن يتدرب الطفل على الالتزام في كل تصرفاته لأنه أصبح
سفيرا لربنا وسط العالم.



- الخادم هو ممثل للمسيح على الأرض، ودور الخادم بالدرجة الأولى
أن يبحث عن خلاص نفسه، وفيما هو يبحث عن خلاص نفسه يصير
قدوة، ويهتدى به الآخرون فيكون بذلك سفير عن المسيح على الأرض.
- فكما أن السفير جنسيته غريبة ولغته غريبة ووطنه وطن آخر، هكذا

الخادم محب لوطنه السماوي، وجنسيته السماوية ولغته تكون لغة السامائيين.. إن جسده في العالم ولكن قلبه في
السماء، يحيا في العالم دون أن يحيا العالم فيه، يقدم صورة المسيح بسلوكه، ويكون خير سفير له أثناء حياته
اليومية على الأرض، وكما يعبر السفير تعبيراً جليلاً عن بلده مقدماً صورة حسنة وسلوكيات مثالية.. هكذا تلميذ
المسيح يجب أن يقدم للعالم معاملات كلها خير وحب وسلام.. معبراً عن صورة سيده (يو ١٣:٢٥).

عزيزي الخادم : لا تنتظر مجي رسالة لك من السماء تدعوك لممارسة أعمال السفير عن
المسيح، لأن دعوتك موجودة وحاضرة، وتنتظر منك إظهار الطاعة والخضوع والاستعداد لإتمامها
وتنفيذها، وأعود أذكرك بأن مجد الله هو مقتضى هذه الدعوة، ونعمة المسيح هي المشجع لإتمامها
والروح القدس هو المؤازر لتنفيذها، أما المكافأة على تلبية الدعوة وتنفيذها، متى أكملت حسب إرادة الروح
وفكر الإنجيل، فحتمًا ستكون المكافأة أمجاد لا تنتهي، وسعادة لا توصف، وأكائيل لا تبلى ولا تضمحل،
لك القرار والمصير.. فالخادم الروحي سفير للمسيح يقدم المسيح، ويعلم الآخرين تعاليم المسيح
وإنجيله المقدس،

اختار تمهيد للدرس



- قم بطرح هذا السؤال على أطفالك وهذا السؤال هو: إذا تم إختيارك لتكون سفير (أى مندوب أو ممثل) لمصر فى دولة ناشئة حديثاً.. هل تقول إيه عن مصر؟ وهل تعمل إيه أول لما تروح البلد دى وتتولى منصبك..

- **سفير فصلك** : قم بعمل إنتخابات فى الفصل مع الأطفال لإختيار سفير يمثل الفصل أمام أمين الخدمة فى الكنيسة خلال هذا الشهر، مين اللى هابتقدم لهذا المنصب، مع مناقشة متطلبات هذا المنصب مع الأطفال (على أن توضح للأطفال إنه سيتم عمل هذه الإنتخابات شهرنا حتى يستعد الجميع لهذا المنصب مع مراعاة عدم تكرار السفراء).



- إذا صحيت بعد نصف الليل وبصيت من الشباك ولقيت بيت جيرانك بيتحرق... هل تعمل إيه؟

هترجع تمام وتتمنى أن حد غيرك يتصل بالمطافى وينقذهم من الحريق؟. ولو جيرانك دول مش من المفضلين عندك؟ أو يمكن كانوا مضايقينك وعملوا مشاكل لك قبل كده هل تعمل إيه وإنك شايف بيتهم بيتحرق؟ (اترك فترة للأطفال للمناقشة واسمع إجاباتهم).. وبعدها قل لهم إن الحل الصحيح للموقف

ده هو أنك تتصل بالمطافى وتطلب معونة من أى حد حواليك علشان تساعد جيرانك وتحاول تخرجهم قبل ما النار تؤذيهم.. دورنا كسفراء لربنا إننا نقدم النموذج الحلو للسيد المسيح لكل الناس اللى حوالينا، ونشهد للمسيح فى كل مجالات حياتنا.. وبعد سرد هذا الموقف إبدأ فى توضيح السبب الذى جعلت لا تهتم بأى ضيق تشعر به من ناحية جيرانك فى وقت إحتياجهم للمساعدة لأنك لك صفات خاصة وهبها لك الرب يسوع منذ أن دعى اسمه عليك.. وأهم هذه الصفات إنك سفير للرب يسوع على الأرض وأى سفير يجب أن يتميز بصفات كثيرة.. فكم وكم لو هو سفير لملك الملوك.. وبعده إبدأ فى سرد درسك..

أولاد ربنا كمان هم سفراء للسيد المسيح قدام كل الناس.. الله بيرسل سفرائه فى كل مكان فى العالم علشان يمثلوه قدام كل الناس.. ويساعدوا الآخرين إنهم يعرفوا أكثر عن ربنا.

هذا التعريف للسفير يجب أن توضحه لمخدومك قبل أن تشرح درسك..

يعنى إيه سفير ؟ (من هو السفير ؟) : السفير منصب رسمى رفيع المستوى .. وهو :

- ١- شخص ترسله دولة لدولة ثانية.
- ٢- يكون هو الممثل الرسمى لهذه الدولة.
- ٣- وظيفته إنه يحافظ على العلاقات بين البلدين . ٤- ويسعى دائما للمصالحة من البلدين .. وأيضاً.
- ٥- السفير يبقى ممثل لرئيس بلده هو فى البلاد الثانية اللى يسكن ويعيش فيها.
- ٦- وأى تصرف من السفير يعتبر تعبير عن بلده مش عن نفسه.
- ٧- السفير بيمثل آراء بلده مش آرائه الشخصية.
- ٨- السفير كمان بيقدم نموذج حلو لبلده قدام كل الناس.
- ٩- وأخيراً.. يحبيب الناس فى بلده.

- قم بعرض صور لهذه الأشياء (رسالة -

برقان له رائحة - ملح - نور) واسأل الأطفال..

- هل هناك علاقة تربط هذه الأشياء مع بعضها ؟ وما هى

هذه العلاقة؟

- ثم اطلب منهم أن يستخرجوا صفة فى كل منهم، واسألهم كيف تنطبق هذه الصفة على الشخص الذى يمثل دور السفير..

وسيلة الإيضاح

درس تفاعلى بين الخادم والأطفال..



يدخل الأطفال الفصل يجد الخادم ماسك بيده ورقة وهو فرحان، ويطلب منهم الخادم الجلوس ليحكى لهم عن أغرب موقف قابله..

- الخادم : أنا عارف أنكم مستغربين إني قاعد كده

وبابن على إني مستعجل.. معلش هاقول لكم: أمبارح حصل معايا حاجة غريبة جداً، كنت قاعد على الـ Facebook بناعى بأبعث لكم إجابة أسئلة مسابقة الأسبوع

اللى فات، وبارف لكم صور آخر رحلة طلعتها مع بعض، لقيت Event جالى من جروب اسمه غريب قوى اسمه





جروب مطلوب سفير*، ولما دخلت على الـ Event ده لقيت اللي عمله

(Created by) - المسؤولين فى كوكب تم اكتشافه جديد، بيبعد عن كوكب

الأرض بأكثر من ١٠٠٠ كيلو متر، وطالب سفير لكوكب الأرض عندهم..

وقتها إستغريت كوكب إيه ده؟ أول مرة أسمع عن كوكب كده.. ما إهتمتش.. لكن

لما بصيت على عدد الناس اللي عاملين Attend، يعنى اللي قبلوا يدخلوا فى المسابقة

دى لقيتهم كثير جدًا عارفين لقيتهم حوالى ١٠٠٠ فرد، إستغريت.. وده خلاى أدخل أشوف يا ترى إيه هى

الشروط المطلوبة لقبول السفير، ولما دخلت لقيت الورقة دى اللي أنا ماسكها هاقرأها لكم:

مطلوب اختيار سفير لكوكبنا الجديد، يكون ممثل لكوكب الأرض عندنا، وسيتم اختيار السفير بناءً

عن هذه البنود:

- اللغة التى يجيدها
- الدستور الذى يتعامل به
- الثقافة التى يعرفها
- الخدمات التى يستطيع أن يقدمها
- الشخصية التى تعتبرها قوة لك فى هذه المهنة

وسيتم اختيار السفير بناءً عن أفضل عروض مقدمة، يفضل أن تكون الأستمارة مصحوبة ببعض الصور التى تثبت ما يقول، وسيتم عمل مكالمة تليفونية مع كل من يقوم بعمل Attend لهذا الـ Event بعد عمله ٢٤ ساعة.

بعدما قرأت كل ده قعدت أفكر فى كل بند من البنود المكتوبة، وقررت أجيب الأستمارة معاً علشان

تساعدونى نملأها مع بعض...

للخادم: اطلب من الأطفال مساعدتك فى ملء الإستمارة، وأنشاء ملتها حاول أن توصل هذه النقاط الموجودة فى الحوار على قدر المستطاع، بمعنى حاول توصل للأطفال نفس المعلومات بالحوار الذى يناسب فصلك.

أول حاجة طالبين نملأها هى.. اللغة.. يا ترى نكتب إيه؟ بحيث (نكون مميزين عن غيرنا) ونقدر نفوز؟

- أحد الأطفال: مش حضرتك يا أستاذ عارف أكثر من لغة.. دى فرصة حلوة قوى يبقى

اكتب اللغات اللي إنت عارفها.

- الأستاذ: المشكلة يا بتر إن أكيد غيرى هاكتب كمان كل اللغات اللي عارفها، يبقى

كده مفيش تميز لازم نكتب لغة تكون مميزة عن باقى الناس اللي كانوا متقدمين من

باقي الدول.



- خادم مساعد: أنا شايك إن اللغات مش هي اللي هتخليك تكسب، لأن الشرط المكتوب بيقول إنهم هايختاروا الأفضل. أكيد في لغة كل الناس في كل مكان بتقهمها حتى لو مش بيعرفوا يتكلموا..



- أحد القلاميذ أو الأستاذ لو لم يعرف الأطفال: أنا عرفتها.. المحبة.

- الأستاذ: برافوا.. فعلاً هي لغة المحبة.. إزاي أنسى لغتي الأصلية اللي سلمها لنا

ربنا نفسه، واللي بيميزني عن أي حد ثاني؟ دي هي اللغة الوحيدة اللي مايتخلفش

عليها أثنين وأكيد لو كتبت في الإسمارة إني بأجيدها، ده هيتخليني مميز وسط كل

اللي متقدمين للمسابقة.. بس كده فاضل الصور اللي بتأكد ممارستي للغة

المحبة.. أنا هاقولكم.. أكيد الصورة دي هاتنفع.. (ثم يعرض الخادم للأطفال صورة كانت معاه):



للخادم: هنا يقوم الخادم بلصق صورته (أو رسم ملامحه) مكان صورة الخادم الموجود

في صورة ١، ٢ ويعرضها أمام الأطفال (أنظر الـ CD)، وإذا استصعب الخادم تنفيذ هذه الطريقة،

يمكن أن يكتفي بتدعيم إجابته بسرد موقف مع كل بيان مكتوب في الإسمارة بدل من تقديم صورة،

مع العلم إن تنفيذ وسيلة الصورة سيجعل الدرس أكثر تفاعلاً مع الأطفال)..

عارفين مين ده؟ ده واحد جاري.. كان على طول بيحاول يضابقني في الطريق من غير أي سبب، وفي يوم لقيتيه شد معايا في الكلام، لدرجة إنه قال كلام صعب جداً، وحاول كل أصحابنا بيعنوه عني.. وقعت مستغرب ليه جاري ده مش بيحبني كده؟! هو أنا عملت له إيه؟ وكنت بحاول أجد طريقة أو لغة أعرف اكلمه بها علشان أكسبه.. وصليت كثير قوى علشان.. لغاية لما في يوم سمعت إنه تعب وعمل عملية كبيرة فقررت أني أروح وأزوره في المستشفى، وفعلاً روحت، وقتها كل أصحابنا استغربوا جداً من اللي عملته، وجاري نفسه لقيتيه بيعيط وبيعتر عن الغلط اللي عمله، وبستغرب إزاي أجي وأزوره بعد كل اللي عمله معايا.. ومن ساعتها بقينا أصحاب، ومن وقتها عرفت إن في لغة



تاني أقدر أكسب بها اللي قدامي، وهي "لغة المحبة"، واللي بتظهر أكثر لما يقدمها لغيري حتى لو كان عدوي، وهو ده اللي بيميز مسيحيتنا.. كده يبقى خلصنا أول خانة.. على فكرة لازم نسرع شوية دول قربوا يتصلوا..



- أحد الأطفال : تاني خانة هي الدستور الذي بتعامل به.. يعنى إيه؟!
- الخادم : الدستور بعني القانون اللي بأطبقه في كل حياتي.. دي سهلة جدًا "كتابي المقدس" هو ده دستوري اللي بأمشي به في كل حياتي، وهو اللي بيرسم لي كل طريق، وبيرشدني علشان أمشي فيه..
- خادم مساعد (أو أحد الأطفال) : لكن إزاي توضح لهم إن كتابنا المقدس ده أفضل اختيار.

- الخادم : بسيطة جدًا هابعت لهم نسخة منه مع الأستماره، وهما لما يقرأوه هابعرفوا قد إيه هو مميز جدًا.

أما عن الصورة اللي هأبعثها معاه هي دي :



للخادم : هنا يقوم الخادم بملصق صورته (أو رسم ملامحه) مكان صورة الخادم الموجود في صورة ٣، ٢، ١ ويعرضها أمام الأطفال (أنظر الـ CD) ..

الصورة الأولى دي هاتثبتت لهم إن دستوري ده (كتابي المقدس) هو اللي إتربيت عليه من صغري، أما الصورة رقم ٢ دليل على أن دستوري ده أنا عايش به وبعلمه لغيري، وكمان صورة ٣ بتقول لهم إن الدستور ده هو لذاتي، هو أكثر حاجة بحبها، هو صديقي اللي بأتلذذ بقرايته والدراسة فيه.

- أحد الأطفال (أو الخادم المساعد) : كده تمام باللا علشان تملأ الخانة الثالثة، مكتوب فيها الثقافة اللي حضرتك تعرفها.. يا أستاذ حضرتك عندك معلومات عامة كتير، وأكيد عارف ثقافة بلدنا كويس.. بس إزاي تكون ثقافة حضرتك مميزة علشان تقدر تكسب ؟
- الخادم : خللي بالكم ثقافة بلدي فعلاً مميزة جدًا.. أد إيه أنا بأحس بفخر واعتزاز وتميز إني قبطي أرثوذكسي وعلشان كده أنا هاكتب في الخانة دي ثقافتی قبطی أرثوذكسی.





- احد الاطفال : يعنى ايه ؟

- الخادم : قبطى يعنى مصرى.. أنا بتميز إني مصرى.. إن أجدادى القراعة اللي بنوا

الأهرامات اللي محيرة العالم كله ببناتها لوقتنا ده، وأرثوذكسى يعنى إيمانى مستقيم:

١- مبنى على إيمان آبائى اللي نقلوا لنا الإيمان من أول مارمرقس لغاية البابا شنودة.

٢- أرثوذكسى يعنى كمان ابن الشهداء اللي حافظ على إيمانهم عبر العصور.

٣- أرثوذكسى يعنى إني لى طقوس وأسرار بتميز بها كنيسة.. أنا واثق إن مافيش حد

هايكون مميز كده فى الخالة دى.. وأدى صورتى اللي تدل على ثقافتى:



للخادم : هنا يقوم الخدام بلبصق صورته (أو رسم ملامحه) مكان صورة الخادم الموجود

فى صورة ١، ٢ ويعرضها أمام الأطفال (أنظر الـ CD) ..



- الخادم المساعد : الخانة الأخيرة هى ما تستطيع أن تقدم من خدمة لغيرك، ودى خلّونى أنا

أتكلم عنها، وأنتم كمان يا جماعة شاركونى فيها.. أنا عمرى ما هاتسى يوم ما اتعورت لما

كنت معاك فى رحلة، وقتها تركت كل حاجة وسندتتى وفضلت ماشى بى طريق طويل جدًا،

لغاية لما أخذتلى إلى أقرب مستشفى، وفضلت جنبى لغاية لما خفيت وبعدين روحتى البيت، وفضلت جنبى لغاية

لما اطمنت على.. والصورة دى بيتر صاحبنا صورها لك وإنك ماسكنى وأنا متعور، ممكن نخطها هنا معك.

- احد الاطفال : وأنا كمان عرفت معنى الخدمة الحقيقية من حضرتك، حضرتك كنت بتعلمنا

بحيانك أكثر من كلامك، لأن كل حاجة كنت بتقولها كنا بـللايك بتعلمها.

- الخادم : كفاية كفاية الوقت خلاص.. ده مفروض ميعادهم للإتصال دلوقتى.

- احد الاطفال (أو الخادم المساعد) : لكن يتبقى سؤال فى آخر الإستمارة ما جاوبتش عليه..

- الأستاذ : قدوتى فى المهنة دى.. أنا جيت معاليا آخر بحث كنت عامله فى المهرجان عن الشخصية دى،

وكنت كاتب فيه إزاي الشخصية دى تعتبر سفيرة، وكتبت اسمه (سفير فى سلام).. طبعا عرفوه هو مين ؟



وعندها يرن جرس موبايل الخادم على رقم غريب مكتوب (Private No).

- الخادم : أكيد هم ممكن أشغل الـ Speaker علشان نسمعوا اللي هيقوله لى..

وعندها يسمع الأطفال صوت غريب كأنه صوت إنسان آلى..

للخادم : ممكن لخادم الفصل أن يتفق مع أحد الخدام يعمل هذا الصوت،
والإتصال به على الموبايل أمام الجميع حتى يكون الدرس أكثر تفاعلاً..

- صوت الموبايل (صوت إنسان آلى) : معكم مسئولى الكوكب الجديد، لقد تقدمتم بعمل Attend على الـ Invitation

الخاصة بإستمارة مطلوب سفير، هل لنا أن نعرف هل ستتقدمون للإلتحاق بهذه المسابقة؟

- الخادم : أيوه.. أيوه.. طبعاً.

- صوت الموبايل : هل ملأت الأستمارة الخاصة بك؟

- الخادم : أيوه.. مليناها كلنا مع بعض..

- صوت الموبايل : هل أجبت على كل بياناتها؟

- الخادم : أيوه.. نشكر ربنا خلصناها كلها..



- صوت الموبايل : لدينا سؤال نحتاج أن نسمع إجابتك عليه شفوياً حتى نستطيع قبول إستمارتك معنا...

- الخادم : اتفضلوا،

- صوت الموبايل : قم بالإجابة على الخانة الأخيرة شفوياً، وهى "شخصية

تعتبرها قدوة لك فى هذه المهنة، وينطبق عليها كل شروطنا، مع توضيح
لماذا إخترتها؟".

- الخادم : الشخصية التى إختارتها هى "القديس بولس الرسول".

- بالنسبة للغة : هو أجاد اللغة اليونانية لأنها كانت هى اللغة العالمية التى بيتكلم بها

معظم العالم، فكان بكده قادر يبشر كل الرعية الرومانية فى العالم كله.. وكمان عارف اللغة الآرامية واللغة العربية.

- وهنا يقاطع صوت الموبايل : لاحظ إننا بنسجل مناقشتك هذه..

- الخادم : اتفضلوا.. اللغات التى فانت ممكن تعتبرها مكررة فى أكثر من شخصية، علشان كده أنا هأكلمكم عن لغة

مميزة جداً، وهى نفس اللغة التى أنا وكل اللى زىي بنتميز بها كمان عن غيرنا وهى "لغة المحبة".. ودى كانت

موجودة فى قديسنا بوضوح جداً، كانت له علاقة حب مع كل من يتعامل معه ، فقد أثر فى ناس كثير جداً..

- الخادم المساعد أو أحد الأطفال : ياريت نقول مواقف يا أستاذ علشان تعالى درجاتك؟

- الخادم : عندك حق.. ممكن أقول موقف يدل على ممارسة القديس بولس للصفة دى، وهو : لما كان القديس بولس

مسجون هو والقديس سيلا فى سجن فيلبى، كان مهتم جداً بسجان السجن الذى كان خايف لئلا يكون بولس وسيلا

هربوا، فطمنه وقاله: ما بعملش حاجة فى نفسه لأنهم موجودين، وكمان إهتم يعرفه الإيمان هو وأهل بيته.. وكمان

إهتمامه بأعدائه ده قال عنهم إني كنت أود أن أكون محروماً لأجلهم (رو ٢: ٩).

- **وتانى نقطة دستوره :** القديس يولس الرسول كان شيعان جدًا بالكتاب المقدس لأنه كان فريسي (ع ٢٦: ٥) يعنى كان دارس كويس جدًا للتوراة والناموس، وكان بيعلم بأقوال وتعاليم ربنا، وكان دستوره بيستخدمه فى الدفاع عن الإيمان ضد (اليهود) والرومان واليونان.. والحاجة المميزة جدًا فى حياته إن دستوره ده اللي سلمه ليه ربنا يسوع نفسه، لما كان فى خلوته فى الصحراء العربية ده قال مرة لتلاميذه (اكو ١١: ٢٣) "لَأَنْتَى تَسَلَّمْتُ مِنَ الرَّبِّ مَا سَلَّمْتُكُمْ أَيْضًا..".



أما عن ثقافته :



١- لأن القديس يولس الرسول إترى فى طرسوس، وده خلاه يتعرف على جسيات كثيرة ويعرف ثقافات أكثر، لأنها كانت مدينة تجارية بيجى ليا الناس من كل مكان فى العالم.

٢- كما أنه تعلم على يد غمالاتيل أعظم معلمى اليهود فى الوقت ده أمور كثير عن الناموس اليهودى علشان كده بنسميه "فيلسوف المسيحية".

٣- كانت ثقافته يونانية.

٤- وكان عارف الطقوس اليهودية كويس، لأنه كان من طائفة الفريسيين.

٥- درس الفلسفات المعاصرة لجيله، علشان كده كان قادر يبشر وسط الفلاسفة. حتى أنه مرة كان فى ساحة بلد اسمها أريوس باغوس (وهو مكان كان بيتجمع فيه الفلاسفة ليتحاوروا فى كل فكرة أو فلسفة جديدة..)، آمن به أحد الفلاسفة اللي اسمه ديونسيوس الأريوباغي.. وده يدل قد إيه كان مقنع لكل حتى للفلاسفة..

وهنا جينا لأخر نقطة وهى خدمته: هو الوحيد اللي بنطلق عليه فى كنيستنا "رسول الأمم"، لأنه هو اللي بشر الأمم، وكان بيعهم بكل أولاده زى إهتمامه بتلميذه تيطس مثلاً، وكان إهتمامه ولطفه فى معاملته "لأسييس العبد الهارب" وحوله من عبد سارق إلى إنسان مسيحي حقيقى، وكان أسس كنائس كثيرة جدًا ورسم لهم أساقفة وخدام، وكان بيصلى على طول علشان ولاده، واهتم بالتعليم جدًا، وكتب ١٤ رسالة فى العهد الجديد.

- **صوت الموبايل :** إنتهى الوقت.

شكرًا لتعبك سيتم إفادتك بنتيجة المسابقة بعد ٤ أيام... وإعلم أنه تم إلغاء الجروب من على القيس بوك، لأن أعداد المشتركين قد تعدت الـ ٢٠٠٠ شخص، ولذلك ستعرف نتيجة المسابقة عن طريق الإيميل الخاص بك.. سعدنا بالتعرف عليك.. وإلى اللقاء..

- **الخدام :** إلى اللقاء.

وبعد إنتهاء المكالمة إتفق الأطفال مع الخدام أن يعرفهم بنتيجة الاختبار بمجرد أن يعرف الرد..



أبوياء الملك الهاءى




الترنيمه القرار

أبوياء الملك الهاءى ويعتلى هناه سفير
على شان أشهد لىلادى وعليها أرجع وأطير
١- وصلى وقالى نور فى العالم بأعظم نور
وإدائى نعممة غيرة تحمى من الشرور
٢- هافضل طول عمرى أنادى أنا هناه سفير لىلادى
والناس تشوف أفعالى ويعطوا المجد لىسوع
٣- أبوياء أدائى حسانه وقالى أمشى بأمانه
وبنى لى بيعمة سماوية كنيسة سفارة ليه

تأليف: أ. مينا القمص كيرلس - كنيسة السيدة العذراء بالعاشر

ال CD يحتوى على (الترنيمه + استمارة الدرس + صور
الخادم فى كل موقف + ورقة التطبيق + الكلمات القبطية)



اعرف لغتك

إذا نسعى كمقراء عن المسيح،

كان الله يعظ بنا (كو ٢: ٢٠).

Ανετηρεσβετην οτη εχεν Πχς ζωσ
ερε Φ† † νοτηνο† εβοληιτοτεν

πισθοι ητε Πχς رائحة المسيح

Πωτην πε φωτωινη ιπικοςμος أنتم نور العالم

Πωτην πε ημοτ ιπικασι أنتم ملح الأرض

Πιχωι εθοταβ الكتاب المقدس

مطلوب سفير



التطبيق العملي ١

اسم الدولة التي ترغب أن تكون سفير فيها لمدينة الملك :

١- الأسباب التي جعلتك تتقدم لهذا المنصب العظيم

٢- مؤهلاتك التي تعتقد أنها ستجعل الملك يختارك دون غيرك كسفير

٣- اكتب ٣ مهمات ستقوم بأدائها فور فوزك بالمنصب :



٤- أخيرًا.. هذه هي الشروط اللازمة للتقدم لوظيفة السفير، وعليك تقييم نفسك بعد

الاستماع لشرح الشروط، وكتابة قول أعجبك تحت كل شرط :

تقييمك لنفسك			القول	الشرط
جيد	جيد جدًا	ممتاز		

مين السفير ؟



التطبيق العملي ٢

- بعد أن عرف كل طفل معنى كلمة سفير وكيف يكون سفير للرب يسوع وسط العالم كله.. اطلب من كل طفل أن يجيب على هذه الأسئلة ليتعرف من خلالها على نماذج لبعض سفراء حكي لنا عنهم كتابنا المقدس.. يمكن أن يوصل المخدم كل جملة بالصورة المناسبة لها..

١- أنا قعدت ١٢٠ سنة أبني مشروع كبير إستعداداً لليوم اللي ربنا فيه هايرسل الطوفان على الأرض.. وكان الناس بيتريقوا علىّ وتجاهلوا تحذيرات الله... ولأنهم فضلوا في خطيتهم هلكوا كلهم، والناس الوحيدة اللي نجت هم عائلتي وأنا... عرفتوني أنا مين ؟ الإجابة (نوح)

٢- أنا وعظت في جمهور كبير أكثر من ٣٠٠٠ شخص بعد ما ربنا أعطانا نعمة الروح القدس يوم الخمسين .. وكلهم آمنوا بالرب يسوع... عرفتوا أنا مين ؟ الإجابة (بطرس)

٣- أنا رجموني اليهود حتى الموت.. لأنني كنت بأنكلم عن الرب يسوع.. يا ترى عرفتوا أنا مين ؟ الإجابة (أسطفانوس)

٤- أنا ركبت المركبة مع الخصى الحبشي وشرحت له اللي ماكنش فاهمه من سفر إشعيا ومين اللي كان إشعيا النبي بيتكلم عنه.. وهو السيد المسيح، ووقتها الخصى الحبشي آمن وإعتمد... أنا مين ؟ الإجابة (فيلبس)

٥- أنا كارز.. سافر بلاد كثير.. في ناس آمنت برسالتني عن السيد المسيح، وفي ناس غضبت وحاولت تاذيني.. أنا مين ؟ الإجابة (بولس الرسول)

رمى الزهر



التطبيق العملي ٣

لعبة إحضار كرثونة ونضع على كل وجه منها مكان أو مجال مختلف موجود في حياة المخدمين.

- | | | |
|------------|---------------|------------|
| ١- البيت. | ٢- المدرسة. | ٣- الملعب. |
| ٤- الشارع. | ٥- مع أصحابي. | ٦- النادي. |

ويرمى المخدم الكرثونة مثل الزهر، والمكان أو المجال اللي يطلع... يتناقش فيه الخادم مع المخدم أو المجموعة عن كيف نكون سفراء للمسيح في هذا المكان.

أعمال تشهد لي

- عنوان مبتكر: بيحكوا عني - أتعرفه؟ -
الإنجيل المعاش - أعمالى تحكى إيمانى.

- محور الدرس: (الإيمانيات) - أعمال
السيد المسيح تؤكد ألوهيته.

- الآية: "أجابهم يسوع: إني قلت لكم
وتستمؤمنون. الأعمال التى أنا أعملها
باسم أبى هى تشهد لى" (يو ١٠: ٢٥).

- المراجع: عقائدنا المسيحية
الأرثوذكسية - القس بيشوى حلمى.

- هدف الدرس: ١- الهدف المعرفى: أن يعرف الطفل أن السيد المسيح هو الله المتجسد وذلك من خلال
الأعمال التى كان يعملها والتى تؤكد ألوهيته، وبذلك يرسخ فى الطفل فكرة أن الأعمال تؤكد الإيمان.

٢- الهدف الوجدانى: أن يشعر الطفل أن الله أحبه لذلك جاء من أجله.

٣- الهدف المهارى: أن يتدرب الطفل على الإيمان

العامل بالمحبة.

قدم البابا كيرلس الرابع رداً على نسطور الذى كان يرى أن للسيد
المسيح طبيعتين ومشيتين، ولكن البابا كيرلس عامود الدين يقول
عن المسيح: "أنه كائن مركب من الإله وإنسان، ومع ذلك هو أقنوم
واحد بل وطبيعة واحدة" أى بتعبير بسيط لم يحدث أن ناسوته قد



فارق لاهوته لحظة واحدة ولا طرفة عين.. ولذلك ذكر لنا مثالين :

- المثال الأول: هى الفحمة التى توضع فى النار وتصبح بعد ذلك ذا طبيعة خاصة، ويصبح اسمها جمرة، وقتئذ
لا يمكن فصل النار عن الفحمة فى الجمرة..

- والمثال الآخر: هى قطعة الحديد الذى يدخل النار ويصل إلى درجة الإحمرار، وقتئذ لا يمكن أن تفصل الحديد
عن النار لأنها أخذت شكل آخر وأصبحت ذا طبيعة أخرى، وهى حديد محمى بالنار. ورغم أن هذان المثالين
قاصرين عن أن يشبهوا اتحاد اللاهوت بالناسوت ولكنهما كانا ولازلا هما التشبيهين الأقربين إلى المشبه،
وتستخدمهما الكنيسة القبطية الأرثوذكسية حتى الآن لتقريب فكرة اتحاد اللاهوت بالناسوت، وتقر إن ناسوته لم
يفارق لاهوته لحظة واحدة ولا طرفة عين فى كل يوم يُقام فيه القداس الإلهى.

لذلك يقول القديس كيرلس الكبير: "ولكن إذا كان المسيح بالحقيقة ابناً وليس الله بالطبيعة
بل مجرد إنسان مثلنا ومجرد أداة لللاهوت، لما كنا خلصنا بواسطة الله بالمرة".



اختار تمهيد للدرس



- اعرّفني من صفاتي: يتم عرض مجموعة من صور أشخاص على ورق حائط (ملك - إنسان عادي - نبي (موسى أو إبراهيم) - الرب يسوع)، ثم اعرض مجموعة من الصفات أمام الأطفال، بحيث من ينطبق عليه هذه الصفات هو الشخص المطلوب، وهذه الصفات يمكن أن نستخرجها من إشعياء "لأنه يُولدُ لَنَا وَلَدٌ وَنُعْطِي ابْنًا وَتَكُونُ الرِّيَاسَةُ عَلَى كَتِفِهِ وَيُدْعَى اسْمُهُ عَجِيبًا، مُشِيرًا، إِلَهًا قَدِيرًا، أَبَا أَبَدِيًّا، رَئِيسَ السَّلَامِ" (إش ٩: ٦) ونركز على ٥ صفات تجمعت في هذه الآية وهي: "عجيبًا - مشيرًا - إلهاً قديرًا - أباً أبدياً - رئيس السلام".. ونسأل الأطفال: هل ينفع هذه الصفات تنطبق على: (ملك - إنسان عادي - نبي موسى - إبراهيم).. فهي تنطبق على شخص واحد فقط هو الرب يسوع المسيح "الإله المتجسد"، والذي جعلنا نتأكد من إنطباق هذه الصفات على شخص الرب يسوع هي الأعمال التي كان يعملها، ثم اطلب من كل منهم أن يذكروا مثل على كل صفة من هذه الصفات.. وبذلك يصل للطفل هدف أن أعمال الرب يسوع ومعجزاته هي التي شهدت للاهوته. ففيه اتحد اللاهوت بالإنسانوت.

- قصة ملك معروف: تخيل قصة لملك نزل وسط شعبه، متخفياً في زي رجل عادي لكن من تصرفاته عرف الناس إنه الملك "طريقته في الأكل - سلطته التي كانت بتخليه يطعم ناس من السجن - طريقة كلامه" وبعدها ابدأ في سرد الدرس..

للخادم المبدع



١- قم بعمل خريطة تمثل معجزات معينة للرب يسوع (بحيث معجزة تتناول سلطانه على الطبيعة ومعجزة سلطانه على المخلوقات... الخ) كمثال لعبة بنك الحظ بحيثما يقف المخدم عند معجزة يسحب سؤال يدور حول أحداث المعجزة، وأيضاً سؤال علمي عن كيفية عمل هذه المعجزة (هل إنسان ينفع بطينة يفتح عين إنسان تالي؟).

٢- لعبة بازل بحيث يدخلون متاهة وفي كل محطة منها يجمعون قطعة بازل تحكي عن معجزة عملها شخص ما (الرب يسوع)، (يرجى كتابة القصة بغموض بحيث لا يعرفونه) وعند تكوين البازل يتم التعرف على شخصية الرب يسوع.

وسيلة الإيضاح

يعتمد هذا الدرس على أكثر من عالم (يمكن للخادم أن يقوم بتجسيم هذه العوالم إما عن طريق عرض باوربوينت بحيث عند الضغط على أى لينك يفتح شكل هذا العالم (انظر الـ CD)، أو حجرات (وهذا عبارة عن عمل فواصل بالكارتون فى الفصل، تفصل بين كل عالم والآخر بحيث يكون واقف فى كل جزء العالم الخاص بهذا المكان وسعه أدواته، وعندما يبدأ كلامه يزيل الخادم الستارة من أمامه حتى يراه الأطفال بصورة تكون مثيرة، وتجذب إنتباههم)، أو إذا لم يتوفر عمل هذه الحجرات يكتفى الخادم بدخول كل شخصية من هؤلاء الشخصيات وهى ماسكة أدواتها أمام الأطفال وتعرض فقرتها، ثم تدخل الشخصية التالية لها.. وهكذا.. وهذا على النحو التالى :

- **عالم البحار :** ملابسه هى : عوامة أو نظارة بحر، ويقوم الخادم بإحضار (حوض به مائة أو مائة زرقاء - سمك عليه صور الشفرة - عصا وحبل وخطاف كصنارة لصيد السمك)، الشفرات (هى عبارة عن صور ومطلوب يفهم محتوياتها) والصور دى هى: (صورة رجل على ماء - صورة شبكة ممزقة - صورة سرير).
- **عالم المواد :** كور بنج - سيشوار، يقوم الخادم بإحضار (كوب ماء - كوب عصير ليمون بدون سكر - كوب عصير ليمون بسكر).

- **عالم الطب :** سماعة أو أى أداة من أدوات الدكاترة (ماكيت أو صورة لجسم الإنسان).
- **عالم اموات :** (ورقة مرسوم عليها شخص - مسطرة بلاستيك).

- **عالم المستقبل .**

بحيث يمر الأولاد على كل حجرة (إذا لم تتوفر الإمكانيات يمكن أن يعرض الخادم صورة تمثل كل عالم أمام الأطفال، أو يتم عرض باوربوينت وبالضغط على أى عالم منهم يتم فتح صورته).

ملحوظة : الدرس مقسم إلى جزئين :

- **الجزء الأول :** يتحدث عن الأعمال التى تشهد وتثبت لاهوت السيد المسيح (الله المتجسد)، (وقد قمنا بتبسيط ذلك من خلال أكثر من عالم يعرض أمام الأطفال كلهم بيوصلوا نفس الهدف، لذلك يختار الخادم ما يناسبه من هذه العوالم حسب الوقت والإمكانيات حتى لو أكتفى بسرد عالم واحد فقط).



- **الجزء الثانى :** نتحدث فيه عن تشبيهات تثبت ألوهية الابن وأن كيف تم إتحاد اللاهوت بالناسوت (بدون إختلاط ولا امتزاج ولا تغيير) واستخدمنا لتبسيط ذلك أكثر من مثال، على الخادم أن يختار المثال المناسب ويعرضه أمام الأطفال مع مراعاة أن يكون مثل الحديد والنار من الأمثلة الأساسية التى يعرضها الخادم.

هذا الدرس درس إيمانى عقيدى حاولنا فيه أن نؤكد للطفل أن الأعمال تظهر الإيمان وهذا يتضح أيضاً فى حياة السيد المسيح.





أولاً: الجزء الأول : أعمالي تشهد لي (اختر أى معجزة)

العالم الأول : عالم البحار :

- عم سمكة : صباح الخير كيفكم.. أنا عم سمكة الصياد.. والحقيقة من خلال حياتي في عالم البحار أقدر أطلب منكم أنكم تساعدوني في صيد السمك، بس السمك اللي مكتوب عليه "شفرة" سهلة وبسيطة.

ويقوم الخادم بإحضار: حوض به مائة أو مائة زرقاء - سمك عليه صور الشفرة
- عصا وحيل وخطاف كصنارة لصيد السمك..

الشفرات (هى عبارة عن صور ومطلوب يفهم محتوياتها) والصور هى :



- عم سمكة : عارفين إيه الصور اللي قدامكم: (رجل ع الماية، وشبكة محطوطة، وسراير) صح.. وكل ده فى عالم البحار.. تعالوا نفتح مع بعض الكتاب المقدس فى (مت ٢٥: ٢٢-٢٤) بيقول إن الرب يسوع مشى ع الماية.. لكن إزاي؟ (يحضر طبق أكل مملوء ماء) أدى طبق فيه مائة لو حطيت فيها إيدى.. إيه ده أنا بغوص ببقى إزاي؟ يمشى ع الماية؟، أما بخصوص الشبكة المحطوطة دى هنلاقيها فى (لو ٥: ١١) أنا أقولكم بخبرتى العميقة إن السمك علشان تصطاده لازم يكون بره قريب من الشاطئ لكن كيف يقول الرب يسوع لتلاميذه: "ادخلوا للعمق!!" كيف يصطاد سمك كثير كده!! ده السمك بيعيش قرب الشاطئ لكن فى الغويط كيف نصطاد؟، أما السرير فهو فى (مر ٤: ٢٩-٤١) ده كان نايم.. عارفين إحنا كبخارة نخاف من الهواء "الريح" لما تشتد علشان الموج بيعلى قوى.. إزاي لما يشاور بإيدة تقف الموجة..



يمكن للخادم أن يقوم بتشغيل مروحته أمام طبق الماء.

ده بالظبط اللي حصل ربح شديدة خالص.. (علشان أوصفها أدوس على المروحة).. إزاي هو بدون ما يعمل أكثر من كده (شاو فقط) فوقت الريح فى الحال؟ ده ما يقدرش يعمله إنسان عادى أبدا.. خلونى أفكر معاكم.. ينفع حد فينا يمشى ع الماية.. أو يصطاد سمك فى مكان بالتحديد مش ممكن يكون فيه سمك، أو حد فينا يقدر يوقف الريح.. معقول!!

العالم الثاني : عالم المواد :

- العالم زيرو: Hello .. ازيكم أنا العالم زيرو عالم الذرات الشهير، وعابزكم تلعبوا معايا اللعبة دي - قدامكم ٣ كوابيات عابزكم تعرفوا الفرق بينهم،

ملحوظة: اجعل الأطفال يتوقفوا من كل كوب: (كوب ماء - كوب عصير ليمون بدون سكر - كوب عصير ليمون بسكر).

ها طعمهم إيه الكوابيات دي؟ ماية - عصير ليمون مر - عصير ليمون حلو.. أنا كعالم ذرات أقدر أقول أنى علشان أعمل عصير الليمون المر ده حطيت ليمون ع الماية، وعلشان أعمل الحلو زودت عليهم سكر.. يعنى علشان أشرب عصير حطيت كام حاجة على بعض ؟



لكن ده ماحصلش فى فرح قانا الجليل (يو ١١: ٢-١١) تعالوا كده نشوف حصل إيه: الماية يا أصدقائى مكونة من ٣ ذرات (٢ هيدروجين وواحدة أكسجين) (بمسك كور البنج ويحطها فوق السيشوار) ودى الماية.. وفجأة الرب يسوع يقول: املأوا الأجران ماية ويحولها لخمر.. افكروا كويس معايا. هو لم يضع ولا حاجة ع الماية لكن

إزاي جزئ الماية اللى هو H_2O يتحول خمر، وبدون أى إضافات.. بالضبط زى لما أعمل عصير الليمون من ماية بدون ما أحط ليمون أو سكر.. أنا كعالم ذرات الموضوع ماينفعش أبداً إن إنسان عادى يعملها أبداً..

العالم الثالث : عالم دكاترة :

- **دكتور هيرتو:** أهلاً وسهلاً وسلامتكم ألف سلامة.. اللى شافينه ده جسم إنسان.. بصوا كده لو واحد رجله مكسورة أو مش عارف يمشى عليها، لازم احطها له فى الجبس ويعمل علاج طبيعى.. لو واحد عينه وجعاه نعمله عملية.. لو واحد مش بيسمع نخط له سماعات، لو واحد مش بينكلم نكلمه بالإشارات.. لكن تقولوا لى واحد يعمل كل ده.. يشقى كل ده.. بدون ما يستخدم أى حاجة.. أهه ده اللى يخليلى استغرب..



معلش سامحوني أنى بكلمكم بحماس أصل كل كتب الطب اللى درستها مالفيتش ولا أشرط أو أعظم الأطباء يقدر يعمل اللى حصل مع المفلوج (مت ٩: ١-٨، مر ٢: ٢، لو ١٨: ٥)، يقول له قم واحمل سريرك وعلى طول فى الحال يقوم!!! وواحد زى (يو ١٢: ١-٩) اللى ماكنش أصلاً عنده مكان لعينه يتحط طين على عينه يتعمل له عين!!! وصم وبكم بسمعوا ويتكلموا؟! وبدون أجهزة.. مش ممكن اللى يعمل كده يكون إنسان عادى أبداً..

العالم الرابع : عالم الموت :

- **عم فحات:** أنا شغلتنى إننى بدفن اللى بيموتوا.. وكل واحد أدفنه لا يمكن.. لا يمكن.. لا يمكن.. لا يمكن يقوم ولو بعد ثمانية أصلاً.. لكن تقول لى واحد اسمه لعازر (يو ١١: ٢٥) يقوم من قبره، وبعد ٤ أيام بقى ده اسمه

كلام؟! ده مات وشبع موت كمان.. يجي الرب يسوع يقول له : "لَعَاذَرُ هَلُمَّ خَارِجًا" (يو ١١: ٤٣)، يقوم.. بصوا



(يقوم الخادم بإحضار ورقة لشخص).. ده واحد ميت أول لما الرب يسوع نادى عليه وقال له: "قوم" - قام!! (يقوم الخادم بإحضار مسطرة ممغنطة بقطعة صوف ويضعها أعلى الورقة ستجد الورقة ارتفعت).. معقولة كل ده بعمله إنسان عادي.. لا يمكن يكون إنسان عادي.

العالم الخامس : عالم المستقبل :

- فيوتشر : (أوشوش الودع، وأعرف بكره يجرى لك إيه؟).. عايزين الحق أنا لا يعرف ولا حاجة أنا بضحك ع الناس بكلمتين لكن الرب يسوع يقول لتلميذين على اللي هيجصل بالظبط وهم بيحضروا الفصح (لو ١٩: ٢٦-٢٢) طب كان عارف إزاي؟ إزاي شاف كل التفاصيل دي إزاي بس؟ مين بس اللي يعرف كل ده؟.. طب بلاش ده كمان كان عارف اللي بي فكر فيه الناس بدون ما ينكلمو.. وأكثر مثال (مت ٩: ٨-١٠) يعني عرف تفكيركم إزاي ده اكيد مش إنسان عادي..

يدخل خادم..

- الخادم : تعالوا يا سمكة.. ويا زيرو.. ويا هيرتو.. ويا فحات.. ويا فيوتشر.. نسمع سؤال إيسأل من الرب للتلاميذ.. "ماذا يقول الناس إني أنا".. تفكروا الناس كانت فاكده هو مين؟.. يوحنا المعمدان أو إيليا أو إرميا أو واحد من الأنبياء.. - سمكة : لا ممكن أبدا.. وهم عرفوا كده مني أن أي حد حتى لو يوحنا المعمدان ما عرفش يمشي ع الماية مكان ما كان بيعمد كل يوم ورجله لمسة الأرض يعني لو كان يعرف كان عملها. - زيرو : ولا حتى إيليا.. ده إيليا علشان يوقف المطر صلى.. لكن الرب يسوع ببساطة كده زى ما هم عرفوا مني حول الماية لخمير جيدة غير مسكرة.



- هيرتو : ولا إرميا ولا أي نبي لأن أي واحد منهم علشان يشفى حد كان لازم يصلى ويطلب من ربنا، لكن ربنا يسوع لأ.. كان بقوته هو يأمر زى ما حصل مع المفلوج.. - الخادم : وعلشان كده جاوب بطرس: "أَنْتَ الْمَسِيحُ ابْنُ اللَّهِ الْحَيِّ" (يو ٦: ٦٩) طبعا لأنه لا يمكن أبدا إنسان عادي بقدر يعمل كل ده.. يشفى مريض بأمر مباشر ويخلق لى مالوش عيون.. يمشي ع الماية اللي أصلا ده ضد كل قوانين العلوم والطفو اللي بندرسه.. أو حتى يسكت ريح؟! مش ممكن إنسان عادي يعمل خمير من ماية بدون أي إضافات.



- فحات : كله كوم وإنه يقوم ميت بعد ٤ أيام وبكلمة واحده كوم تلتى!! إيه السلطان ده.. لا يمكن يكون إنسان عادى أبداً.

الجزء الثانى: تسميات نبت إتحاد اللاهوت بالناسوت بغير إختلاط ولا إمتزاج ولا تغيير (اختر أى تشبيه)

- الخادم : إيه رأيكم لو قلت لكم أنتم صح لا يمكن يكون إنسان عادى وبالتالي هو "الله الظاهر فى الجسد" أو الإله المتجسد يعنى جمع بين كونه إله (لأن معروف إن الله لا يراه أحد قط) وإنسان (يعنى أخذ جسدنا تمام) يعنى حصل إتحاد مهم قوى بين اللاهوت والناسوت.



١- خمس شخصيات (بتعجب) : إيه ؟

- خادم : عاوزين تفهموا إزاي أتحد اللاهوت مع الناسوت.. ها يشرحه لكم عم شداد الحداد.
- شداد : يا أهلا بكم.. الحقيقة قديسنا البابا كيرلس الكبير علشان يوصل لنا موضوع إتحاد اللاهوت والناسوت شرحه ببساطة حلو خالص تعالوا اشرحه لكم.. ده إيه؟ (صورة نار) فعلاً نار.. ينفع حد بمسك النار؟ لا يمكن أبداً.. وده إيه؟ (صورة سيخ حديد) تمام سيخ حديد، لو حطينا سيخ الحديد على النار كده كثير، هيحمر ويبقى ماسك فى النار.. رغم أن الحديد لسه حديد والنار لسه نار، لكن حصل إنهم إتحدوا مع بعض.



هو ده اللي حصل جوا بطن العدرا.. النار (لاهوت الرب يسوع)،
إتحاد بالناسوت (أخذ شكلنا وجسدنا) بس الإتحاد ده كان :

- بدون إختلاط : يعنى فضل هو إله كامل وإنسان كامل.. إله كامل (زى ما شوفتوا معجزاته)، وإنسان كامل (فأكرين لما قلنا إله جاع ع الجبل) عارفين زى ما أحط زيت على مائة هانلقهم هما الأثنين لم يختلطوا، لكن الزيت عام فوق الماية.

- ولا امتزاج : (يعنى مش زى ما إمتزج الليمون مع الماية والسكر علشان يكونوا عصير الليمون).

- ولا تغيير ولا تشويش ولا انفصال : يعنى ماكنش بسبب إنه إله كامل أو إنسان كامل أن حاجة غيرت من حاجة أو حاجة شويشت على حاجة أو حاجة انفصلت عن حاجة فهو :



١- فضل بدون خطية رغم إنه إنسان يا ترى إيه؟.. صح علشان هو الله.. لا يمكن يغلط أبداً.
٢- ولا علشان هو إله كامل لم يشعر بآلام الصليب لكن بالعكس أتألم جداً.

عارفين عاملة زى إيه؟.. عارفين أستاذ (فلان) (أستاذ يكون اتخرج من كلية الطب أو يكون فى كلية الطب) ده شغلانته إيه؟ صح دكتور طيب هو دخل الجيش واختاروه يكون ضابط يا ترى لما واحد يتعب معاهم فى الجيش هيكتف عليه بايه بالمسدس ولا بالسماعة؟ صح بالسماعة طيب لما يجى يحارب هايضرب الأعداء بالمشروط ولا بالسلاح؟ أكيد بالسلاح.. لأنه فيه كل صفات



الأطباء، وكل صفات الضباط... والصفات لم تختلط مع بعضها ولا صفة فيهم غيرت صفة ثاني أو صفة منهم شوتت على صفة ثاني، أو صفة منهم انفصلت عن الثانية يعنى هو قضا ضابط ودكتور فى نفس الوقت، هو يقدر يميز إمتى يستخدم المشروط وإمتى يستخدم المسدس..



ويمكن أن نوضح هذا الإتحاد أيضًا بمثل وهو: (مثل الحديد والنار) كما هو مكتوب فى كلمة فى أنك للخادم وهنا مثل آخر: بصوا معاني كده ده إيه؟.. ورقة عادية مش مبلولة تمام، ودى مائة.. لو حطبنا الورقة جوا الماية حصل إتحاد بين الماية والورق، لأنها أصبحت "ورقة مبلولة".. بس يا ترى الورقة إتحولت لكراسة مثلاً ؟ لا..



يعنى لم تتغير وده إيمان كنيسة بالرب يسوع إنه هو الإله المتجسد.. هو إله كامل وإنسان كامل لكن الإتحاد ده بغير إختلاط ولا إمتزاج ولا تغيير. تشبيهات توضح إن نتيجة إتحاد اللاهوت بالناسوت إنه أعطى قيمة لنا :

١- تشبيه الـ CD :

- بروجرامر: ثوانى أنا كمان عندى مثال جميل خالص.. ده إيه؟ CD حلو جدًا الـ CD ده جواه إيه برامج أو كرتون أو أى حاجة.. صح لكن ينفع دلوقتى نقول أننا ممكن نفصل الـ CD عن البرامج اللي جواه؟؟ ولو الـ CD فاضى هل هيكون له لازمة أصلاً؟ طبعاً لا.. لأن اللي بيعطى الـ CD أهميته إيه؟ صح البرامج. وهو ده اللي حصل.. لما غلط الإنسان والغلط زعل ربنا.. وعلشان ربنا ينقذنا نزل بنفسه وحصل الإتحاد بين اللاهوت والناسوت ولما أخذ جسدنا إياه قيمة.



٢- تشبيه الحبوب وإختلاف تأثيرها حسب المادة الفعالة الموجودة بها :

- هيرتو: كلامكم ده خلانى أوريكم الحبوب دى إيه رأيكم؟ (يعرض قدامهم مجموعة من حبوب الدواء تختلف فى المادة المكونة منها ولكنها تتفق فى الشكل).
- خادم: شايفين.. نفس الشكل بالظبط.



- هيرتو: بس عارف إن سعرهم مختلف لأن على الرغم من إن شكلهم زى بعض لكن المهم تأثير كل واحدة إزاي.. فى فرق بين برشام ممكن ينقذ عيان من الموت، وبرشام مجرد أخده علشان عندى شوية كحة.. يا ترى أيهما أعلى؟
- خادم: اللي ينقذ طبعاً..

- هيرتو: هو ده اللي حصل معنا.. الرب يسوع أخذ نفس جسدنا بالظبط يعنى

إنسان كامل، بس هو علشان إله كان غالى قوى وإدى قيمة لجسدنا، وعلشان كده لازم نحافظ عليه.

- خادم: علشان كده قال "إذا ما عرفناش نؤمن به فكفاية نشوف ونعرف أعماله ومعجزاته اللي عملها وده هايفلينا نؤمن به بسبب أعماله".



أنا أؤمن
وأعلن
وأؤكد



الترنيمة

١- أنا أؤمن وأعلن وأؤكد إن مسيحي هو الله
أزلي أبدي إله متجسد
أصل مسيحي لوحده يقدر
يشفي ويحيى ويخلق وأكثر
هو الكلمة الله

أنا أؤمن وأعلن وأؤكد إن مسيحي هو الله

٢- ليه سلطان والريح بتطاوعه
حتى أسماك البحر تطاوعه
شجرة تين تدبل من كلمة
والأرواح تخرج ويكلمه
والبحر يبطل هيجان
ياأمر تملأ شباك سمعان
ما هو ليه سلطان ع النباتات
تصرخ يارب القنوت

أنا أؤمن وأعلن وأؤكد إن مسيحي هو الله

٣- ده خلق عين للأعمى وخلق
وشفى المرضى بكلمة ولمسه
وإدى حياة للعازر لما
قام من الموت بلاهوته وعدي
الماء خمر فى ست أجران
وكل مريض إرتاح فى يديه
مات فى القبر أربع أيام
من القبر وأبواه عليه

أنا أؤمن وأعلن وأؤكد إن مسيحي هو الله

٤- غير محدود قال لو اجتمعوا
أزلي قال للكتابة وسمعوا
عارف كل خفايا وأعطي
ديان قال الأب قد أعطى
اتنين فى وسطهم موجود
قبل إبراهيم أنا موجود
للمفلوج غفران خطاياه
الدينونة لإبن الله


أنا أؤمن وأعلن وأؤكد إن مسيحي هو الله

تأليف وتلحين : أ. أسامة حلمي - كنيسة الملاك ميخائيل - دمنهور

الـ CD يحتوى على (الترنيمه + عرض بوربوينت لوسيلة
الإيضاح ppt + الكلمات القبطية)



اعرف لغتك



أَجَابَهُمْ يَسُوعُ: إِنِّي قُلْتُ لَكُمْ وَلَسْتُمْ
تُؤْمِنُونَ. الْأَعْمَالُ الَّتِي أَنَا أَعْمَلُهَا بِاسْمِ أَبِي هِيَ
تَشْهَدُ لِي (يو ١٠: ٢٥).

Αἰχρὸτῶ ηῶοτ ἡχε Ἰησ Χε αἰχος
ηῶτεν οτοσ τετενηαζ† αη: ηἰβηοτῖ ἐ†ρα ἡμωοτ δην
ἐφραν ἡπαῖωτ ἡῶοτ ετερμεερε δαροι
Πιχριστος Πωηρι ἡΦηοτ† المسيح ابن الله
Οτηοτ† ηοτῶτ ἡله واحد οτῶφηρι معجزة
Πισωμἁ الجسد

عندما تفحص طريقة التجسر برقة يرى (العقل) البشرى
بالاشك (الإثنتين) (أى) (الطبيعتين) مجتمعتين
معاً بطريقة تفوق الوصف وبلا إختلاط فى إتحاؤ.
إلا إن (العقل) لا يقسمهما على (الإطلاق) بعد أن إتحرتا..
بل يؤمن ويعترف بقوة أن (الواحد من) (الإثنتين)
هو إله وابن ومسيح ورب.

أعمال تشهد لي

صل كل معجزة بالشاهد المناسب لها.

التطبيق العملي ١



(متى ١٧: ٢٧)



(متى ٩: ١٨)



(متى ١٤: ١٣-٢١)



(يوحنا ٩: ١-١٢)

الفيس بوك

جروب ببساطة Group Bepasata: اطلب من الأطفال عمل مجلة حائط في شكل

فيس بوك بحيث يكون فيه :

١- صورة بروفايل عن الرب يسوع. ٢- صور لأمثلة تبسيط لاهوت المسيح.

٣- كومنتات واحد ببساطة: "ليه بتقولوا المسيح هو الله؟" واطلب من كل طفل من أطفال الفصل أن يقوم بكتابة

تعليق على هذا الكومنت حتى تتأكد من فهم الأطفال للدرس وقدرتهم على التعبير عما يفهموه.

التطبيق العملي ٢

شهر نوفمبر

١٣٢

مرحلة خامسة ابتدائي

الإيمان العامل

- عنوان مبتكر : أثنين بيكملوا بعض - لوحده
ما يشتغلش - إيد لوحدها ما تصقش.

- محور الدرس : (درس كتاب) - معنى
الإيمان العامل، وكيف نعيشه؟

- الآية : "لأنه كما أن الجسد بدون روح ميت،
هكذا الإيمان أيضاً بدون أعمال ميت" (يع ٢: ٢٦).

- المراجع : كتاب الإيمان والأعمال
لقداسة البابا شنودة الثالث.

- هدف الدرس : ١- الهدف المعرفي: أن يعرف الطفل ما هو الإيمان العامل.

٢- الهدف الوجداني: أن يشعر الطفل بمدى أهمية الإيمان العامل.

٣- الهدف المهاري: أن يتدرب الطفل كيف يجعل إيمانه عاملاً.

- إن الأعمال الحية برهان على وجود الإيمان وحيويته، إذ "من ثمارهم
تعرّفونهم" (مت ١٦: ٧)، بل وبرهان على أننا سالكون حسب الولادة
الجديدة، إذ "بهذا أولاد الله ظاهرون وأولاد إبليس" (١يو ٣: ١٠). وهي
برهان ليس لكى يظهر أمام الناس، بل ويجازينا الله حسبها، إذ "يجازى
كل واحد حسب عمله" (مت ٢٧: ١٦).



- لقد أعلن اللص عن إيمانه بأعماله، إذ شهد للرب وإعترف له فى أحلك
اللحظات التى تركه فيها الجميع (لو ٢٣: ٤١).. اعترف علناً بلا خجل بصليب
الرب، وشكر وإحتمل الألم بلا تضرع.. اعترف.. أليس هذا عملاً؟
- يعلمنا البابا أنثاسيوس الرسولى ويقول:

(الإيمان والأعمال أختان مرتبطتان ببعضهما البعض. فمن يؤمن
بالرب يكون نقياً، ومن يكون نقياً فهو مؤمن بالأكثر).



- قدم الرسول يعقوب تشبيهاً جميلاً، وهو أن: (إيمان + أعمال = روح
+ جسد) ولا يمكن فصلهما إطلاقاً.. أى من لا يعمل بعد إيمانه، أى يتحرك حركة إيجابية فهو ميت، فمن
لا يتحرك هو جسد ميت.. فبالأعمال يظهر إيماننا الحى.

الإيمان كالجذور والأعمال كالثمار، ينبغى أن يكون لربنا كليهما.
المسيحية ليست فلسفة فكرية بل حياة فى نور الرب يسوع.



اختار تمهيد للدرس



- نعطي للطفل موبايل بدون بطارية، ونطلب منه أن يحاول يتصل

بأحد، ولكنه قطعاً لن يستطيع، وقتها نسأله عن سبب عدم قدرته على الإتصال؟

ستكون الإجابة: لأن اللي بيشتغل مش موجود.. وبعدها نبدأ نشرح أن الإيمان من غير أعمال، أو من غير قوة تشغله.. سيكون عامل زى الموبايل اللي من غير بطارية وبعدها ابدأ فى سرد الدرس.

٢- نحضر للأطفال صورة أو ماكيت لمجموعة من البيوت، واحد من القش (نكتب عليه يمثل الإيمان)، وواحد من الخشب (نكتب عليه يمثل الأعمال)، وواحد من الطوب (نكتب عليه يمثل الإيمان العامل) ونسألهم إذا جاءت عاصفة مثلاً من منهم سيبقى موجوداً ويقاوم الهواء والمطر.. وبعدها نبدأ فى سرد الدرس..

للخادم المبدع



١- حوار بين ٣ أشخاص أحدهم يمثل الإيمان، والآخر يمثل

الأعمال، والآخر يمثل الإيمان العامل.. وكل واحد يؤكد

بالشواهد إنه هو الأفضل فيهم...

٢- قم بإحضار لمبة زينة بتتور وتطفى، ولونها مثلاً أحمر، ونورها مش مستقر (فلاشر) (تمثل الإيمان وحده)، ولمبة أخرى مثلها، لونها مثلاً أخضر (تمثل الأعمال لوحدها)، وضح كيف إن هذه اللمبات لأن نورها مش ثابت لا تعطى إضاءة ونور ثابت ومستقر.. هكذا الإيمان أو الأعمال لوحدهما، لا يعطيان إيمان سليم.. وبعد ذلك قم بإحضار لمبة عادية زى اللي بنورها فى البيت نورها ثابت بينور على طول (تمثل الإيمان العامل) ونلون نصفها أحمر ونصفها أخضر.. وبعدها قم بتوزيع كروت بشواهد لأمثال لناس كان عندهم إيمان فقط أو أعمال فقط.. وبعدها اطلب من الأطفال أن تضغط على لمبة الزينة عندما يكون الشاهد الذى نقرأه مثل من أمثلة إيمان فقط أو أعمال فقط.. أما إذا كان الشاهد يدل على مثل من أمثلة الإيمان العامل.. وقتها نطلب من الطفل أن يضغط على الللمبة العادية اللي نورها ثابت..

وسيلة الإيضاح

١- لأن محور هذا الدرس درس كتاب، فحاولنا عمل طريقة مبتكرة لدراسة الكتاب تتناسب

هذه المرحلة، حتى يعتاد الطفل من صغره على محبة فتح الكتاب المقدس وقراءته، والتعمق فى دراسته.

٢- اطلب من طفلك فى هذا الأسبوع ضرورة إحضار كتابه المقدس معه، وإذا لم يكن لديه.. قم بإحضار كتاب له

كهذية ويكتب عليه اسمه.

٣- يجلس الأولاد فى شكل دائرة أو مربع ناقص ضلع.

٤- اطلب من طفلك فتح الكتاب المقدس وساعده فى معرفة كيف يقرأه، ومعرفة أقسامه وأسفاره.



تجربة الخل والبيكنج بودر

الخل (فى تجربتنا هنا يعتبر رمز للإيمان) نضع خل فى الكيس ونرجه، (مش هايحصل فيه حاجة) ثم نحضر كبس آخر ونضع فيه البيكنج بودر (فى تجربتنا هنا يعتبر رمز للأعمال) ونطلب من



الأطفال إنهم يرجوه.. وطبعاً (مش هايحصل حاجة).. لكن عندما نضع الإيتين على بعض سبحدث تفاعل وهذا يبين شئ مهم جداً.. هو إن الإيمان بمفرده لا ينفع وأيضاً الأعمال بمفردها لا تنفع.. وبذلك نصل لقاعدة هامة هى أهمية أن الأعمال تظهر الإيمان (الإيمان العامل).. بكده يا ترى إيه هو الإيمان؟



وأما الإيمان فهو الثقة بما يُرجى والإيقان بأمور لا تُرى (عب ١:١١).. ومعناها إنى أكون مصدق كلام ووعود ربنا اللى فى الكتاب المقدس لأنه هو إلهنا العظيم.



يمكنك أن توضح فكرة الإيمان العامل بطريقة أخرى كما يأتى :

كلنا فاكرين وإحنا صغيرين كنا بنليس (ساعة لعبة)، والساعة دى كان شكلها حلو وجميل، وفيها عقارب، وكل حاجة فيها شبه الساعة الحقيقية بالضبط.. الاختلاف الوحيد إن العقارب اللى فيها مش شغالة، وبكده تبقى الساعة مفيدة لمعرفة الوقت ولا لا؟.. أكيد طبعا غير مفيدة لمعرفة الوقت.. وده بالضبط مثل إذا لو كان عندنا إيمان من غير أعمال توضح هذا الإيمان، هابقى بكده إيماننا غير مفيد، كمان إذا كان عندنا أعمال من غير إيمان أيضاً أعمالنا هتكون غير مفيدة..

لكن تعالوا دلوقتى نقارن مع الساعة الحقيقية فيها عقارب، وبتتحرك.. يعنى ساعة مفيدة وبتعرفنا الوقت.. وده بالضبط لما يكون إيماننا عامل وبتتحرك ويعمل أعمال صالحة، وهو ده إيماننا الحقيقى مش إيمان خامل لكنه عامل.

قم بتوزيع الشواهد الآتية على الأطفال، واطلب منهم أن يستخرجوا الشواهد من الكتاب المقدس، ويقوموا بكتابة اسم الشخصية الموجودة فى كل شاهد، وهل كان عندها إيمان فقط أم أعمال فقط، أم إيمانها إيمان عامل؟ (يمكن أن تكتب لوحة كبيرة عليها كل الشواهد كما هو موضح فى الجدول الآتى، ثم توزع الشواهد على الأطفال، وكل طفل يجاوب إجابة صحيحة يقوم بكتابتها على اللوحة الكبيرة أمام باقى الأطفال).



الشواهد	الإيمان	الأعمال	الإيمان والأعمال
(اع ١٠:٤)		كرنيليوس قبل إيمانه	
(عب ١١:٨)			إبراهيم
(يع ١٩:٢)	الشياطين		
(عب ١١:٢٤-٢٥)			موسى



ثم قم بشرح كل شخصية موجودة في خانة الإيمان على النحو التالي :

- الشياطين (يع ١٩:٢) : فالشياطين يعرفون أن الله موجود ومتأكدون، ولكن كل أعمالهم شر . لذلك هم لا يعاينون الله، فلا يعاين الله سوى أنقياء القلب لأنه "طوبى للأنقياء القلب لأنهم يعاينون الله" (مت ٨:٥) فإيماننا الحى ينقى القلب، وإيمانهم الميت يجعلهم مذنبين إذ هم بلا أعمال صالحة.

ونظرًا أنهم لا يعملوا أعمال تدل على إيمانهم برينا مثلاً: (لا يصلون).. لذلك وضعنا الصور في خانة الإيمان فقط.

يكمل الخادم شرح كل شخصية موجودة في خانة الأعمال على النحو التالي:

تعالوا مع بعض نعمل هذه الخطوات: قم بإحضار كوب شاي وضع فيه سكر دون قلب، ونطلب من طفل

إنه يتذوق الشاي، سيد طعمه طبعًا مر .. تعالوا نرى الشخصيات اللتي كتبوها في خانة الأعمال :

- كرنيليوس قبل إيمانه (اع ١٠:٤) : كان قائد مئة (يعنى تحت أمره ١٠٠ جندي) .. ووصفه الكتاب المقدس أنه كان رجلاً تقياً:

للخادم : التقوى جاءت للأهم من معاصرتهم لليهود الأنقياء..



وقائد المئة ترك وثنيته وعبد الله، وكان دائماً يصلى في مواعيد صلاة اليهود، وأيضاً علم أهل بيته التقوى.. كل هذه تعتبر أعمال صالحة يعملها، لكنه لم يؤمن برينا يسوع، لكن لأن عتده إستعداد.. ربنا لم يتركه، وأرسل له بطرس اللتي عمده هو وأهل بيته..

- وبعد شرح الخادم للشخصية: يقوم بإحضار كوباية الشاي اللتي عملناها، ونزود على الشاي سكر من دون أن يقلب ونطلب من طفل إنه يدوقه.. طبعًا طعمه ها يبقى مر زى ما هو ..

ونترك الكوباية على جنب ونشرح جزء الإيمان العامل:

للخادم : يمكنك اختيار مثل واحد مما يأتي كمثال للإيمان العامل.



١- إبراهيم : "بالإيمان إبراهيم لما دُعِيَ أطاع أن يخرج إلى المكان الذي كان عتيذاً أن يأخذه ميراثاً، فخرج وهو لا يعلم إلى أين يأتي" (عب ١١: ٨).. كان إبراهيم مؤمن بربنا، عنده ثقة كبيرة في وعود ربنا له، لذلك عندما طلب ربنا منه إنه يترك أرضه التي عايش فيها ويذهب للأرض التي هايقوله عليها.. سمع كلام ربنا على طول على الرغم من إنه لم يكن يعرف أين مكان الأرض التي ربنا وعده بها، لكنه كان واثق في كلام ربنا جداً علشان كده ترك أهله ونفذ كلام ربنا، علشان كده قلنا على إبراهيم

إن إيمانه كان إيمان عامل..



٢- موسى النبي : (عب ١١: ٢٤) بالرغم من إن موسى كان عايش في قصر فرعون، ودعى عليه إنه ابن أينة فرعون.. علشان كده كان ممكن يكون ملك بعد فرعون.. لكنه بسبب إيمانه في وعود ربنا لشعبه، التي كانت أمه بتعلمها له من صغره، ده خلاه بفضل إنه يسبب قصر فرعون بكل الغنى التي كان عايش فيه ويرجع يعيش مع شعب ربنا.. علشان كده قلنا عليه إن إيمانه كان عامل..

وبعد ما ينتهي الخادم من توضيح مثل الإيمان العامل: يحضر الخادم كوباية الشاي الموضوع فيها السكر بدون تقليب.. لكن هذه المرة يقوم الخادم بتقليب الشاي.. ثم يطلب من طفل أن يتذوق الشاي.. وقتها سيجد طعم الشاي مسكر، ويعلق الخادم كما يلي: "بالرغم من إن مكونات الشاي كلها في الكوباية (الشاي والسكر)، لكن صعب إن الشاي يتشرب إلا إذا قلبنا الشاي مع السكر".. وأيضاً مطلوب أن الإيمان يختلط بالأعمال، والأعمال تختلط مع الإيمان لكي يكون مقبولاً عند ربنا.. يعني يكون إيمان عامل.



عندي سؤال : إحنا كلنا ولاد ربنا؟ ومتعلمين؟ ومؤمنين؟ لكن ليه لازم الإيمان العامل؟ كفاية إننا نكون مؤمنين فقط مش لازم نعمل أى أعمال تدل على إيماننا؟.. إيه رأيكم في هذا الكلام ؟؟..

طبعاً الكلام ده مش صح.. هاقولكم حاجة حلوة: إيه رأيكم إننا نكون متعلمين وكمان بلعرف نقرأ، يا ترى ده أحسن ولا إننا نكون مش متعلمين؟.. أكيد طبعاً الأحسن إننا نكون متعلمين..

هل كفاية أننا نكتفي بإننا دخلنا المدرسة، وأصبحنا طلبة، ومش لازم نذاكر أو نعمل أى حاجة.. هل ينفع كده؟.. أكيد لا طبعاً ما ينفعش.. لأننا إذا عملنا كده مش هانجح.. ما يتفحش نكتفي بإن أصبح اسمنا طلبة ده عمره ما هانجحنا، لن نستطيع النجاح إلا إذا ذاكرنا كويس.. علشان نطلع للسنه التي بعدها.. وده بالضبط زى إيماننا.. لازم يكون إيمان عامل.. وإلا ها يكون زى إيمان مين اللي قلنا عليهم قبل كده في (يع ٢٤: ٢) ؟

هايكون إيماننا عامل زى إيمان الشياطين هما مؤمنين بأن ربنا موجود لكن مش بيعبدوه (يمكن للخادم أن يضيف المثل الآتي لتأكيد فكرة الإيمان العامل)..

هل إيماني مجرد إنى أكون عارف إن ربنا يسوع هو إلهنا وكفاية؟.. أكيد ده مش كفاية.. أقولكم ليه ؟



هل المحبة دى حاجة كويسة ؟ طبعاً كويسة.. طيب كلنا عارفين المحبة مش كده؟
أكيد.. طيب هل بتعمل بيها وبتحب كل أصحابنا؟ الإجابة لو لا، يبقى إيه لازمة
إنى أكون عارف المحبة ولا أعمل بها.. أيضاً الإيمان إيه قايده إنى أكون
عارفه ولا أعمل به.. وقتها أكيد لن يكون له فائدة إلا إذا كان إيمان عامل.
يا ترى بعد ما عرفنا كده إزاي أخلى إيماني عامل؟

للخادم : يمكن أن يختار مثل واحد مما يلي ليوضح به للطفل كيف إيمانه يكون عامل؟

١- **فى حياتنا الداخلية (علاقتنا الشخصية مع ربنا) :** أنا بأحب ربنا جداً.. لكن مثلاً هل بأصلى؟ بأصوم؟ بأقرأ الكتاب المقدس؟.. تعالوا أحكى لكم عن بعض القصص:

داود: مثلاً قال فى (مز ١٨: ١) يا ترى الشاهد بيتقول إيه؟: "أحبك يارب".. هل داود إكتفى بإنه يقول إلهه بيبحب ربنا فقط دون أن يظهر إيمانه بأعماله؟.. تعالوا مع بعض نطلع الشاهد وإحنا هاتعرف (مز ١١٩: ١٦٤) "سُبِّحَ مَرَّاتٍ فِي النَّهَارِ سُبِّحَتَكَ عَلَى أَحْكَامٍ عَدْلِكَ".. معنى كده إنه أكد محبته لربنا بصلاته.. يعنى إيمانه كان إيمان عامل.. كان بينه وبين ربنا صلة قوية.

٢- **فى المجتمع (فى علاقتنا مع الآخرين) :** تعالوا مع بعض نفتح (يع ١٥: ١٦-١٧): ده مثل لأخين محتاجين مساعدة وما ينفعش معاهم الكلام.. دول عابزين مساعدة علشان هما محتاجين يتدفوا من البرد، يا ترى لو شفنا الأخين دول واكتفينا بأننا نزرع على حالهم ده هاخليهم يقدروا يتدفوا.. طبعاً لا لازم أحاول أعمل حاجة وأمد إيد المساعدة لهم، عن طريق إنى مثلاً أجيب لهم هدم أو أدبهم فلوس من مصروفى، فى صندوق العطاء أو.. إلخ بكده ها يكون محبتي لهم مش بالكلام لكن بالعمل، وبكده إيماني ها يكون إيمان عامل ومقبول قدام ربنا..

لكن إذا لم يكن معى فلوس ممكن نقدم إيه علشان إيماننا يكون مش بالكلام لكن بالعمل؟
تعالوا نطلع الشاهد: (ع ١٢: ١٠)، وإحنا هاتعرف طريقة تانى تخلى إيماننا عامل..



هنا بطرس ويوحنا لما عرفوا إن الراحل ده محتاج مساعدة وهم مش معاهم فلوس.. ماوقفوش ساكتين.. لكن بطرس صلى من أجله.. فاستجاب الرب لصلاته وشفاه.. وهو ده الإيمان العامل فى المجتمع وفى علاقتى بالناس.. ومعروف جداً إن المسيحية حياة معاشة، والمفروض لما حد يشوفنى.. كأنه شاف المسيح.. وده هيبان من خلال أعمالى.



٣- **فى الكنيسة (يا ترى إزاي يكون إيماني عامل؟) :** مش كفاية إنى أقول إن الكنيسة دى مكان حلو جداً وأنا بأحبها.. لأ.. لازم أروح الكنيسة وأحضر فيها قداسات وأعمل زى ما داود قال فى (مز ٢٧: ٤) "وَاحِدَةً سَأَلْتُ مِنَ الرَّبِّ وَإِيَّاهَا أَلْتَمَسُ: أَنْ أَسْكُنَ فِي بَيْتِ الرَّبِّ كُلَّ أَيَّامِ حَيَاتِي لِكَيْ أَنْظُرَ إِلَى جَمَالِ الرَّبِّ وَأَتَفَرَّسَ فِي هَيْكَلِهِ".

لازم يكون جوانا غيرة على بيت ربنا ونحب إننا نروحه دايما.. وإذا حاولنا نعمل الحاجات دى بالتاكيد ها يكون إيماننا عامل.. وربنا ها يكون مبسوط بينا.. علشان كده فى أوشية الإنجيل أبونا بيقول كلمة مهمة جداً: "أعطانا أن نسمع ونعمل بإنجيلك المقدس".. يعنى مش نسمع فقط كمان نعمل علشان يكون إيماننا إيه؟.. صح إيمان عامل..



اربنى إيمانك بدون أعمالك



الترنيمه

وأنا أربك بأعمالي إيماني
جسد بلا روح هو جسد فاني
ده ربنا اختار الفقرا ورفعهم فوق كل كبير
وتغمض عينيك أو تمشى وتقوله ده ربنا حنان
يا أبني ده الحرف يقتل والأبرار بالروح يحيون
قدم ابنه ذبيحة طاعة وبأعماله كمل الإيمان
وانقذت رجال الله فغُرف عملها فى الإنجيل

القرار: اربنى إيمانك بدون أعمالك
إيمان بدون أعمال هو ميت
- أين إيمانك لما تحابى للغنى وتهين الفقير
- أين إيمانك لما تشوف إنسان محتاج أو جوعان
- أين إيمانك لما تعرف أن الشياطين يؤمنون
- أين إيمانك لما تفكر فى إبراهيم وهو إنسان
- أين إيمانك من راحاب آمنّت بالله إسرائيل

تأليف وتلحين: كورال شباب الأنبا رويس

ال CD يحتوى على (الترنيمه + محاضرة إيمان بدون
أعمال ميت للقس انطونيوس فهمي + الكلمات القبطية)



اعرف لغتك

"لأنه كما أن الجسد بدون روح ميت،

هكذا الإيمان أيضاً بدون أعمال ميت" (يع ٢: ٢٦) ..

ἡ ἐρημία τῆς ἐπιστομῆς χωρὶς

πίστεως ὡς τῆς παρρησίας χωρὶς ἐλευθερίας

Πίστη ἡ ἀρχή الأعمال

Πιστή الإيمان

ἡ ἐρημία.. أنا محتاج أن

ἐλευθερίαν περὶ τῆς ἐπιστομῆς من فضلك

طريقة الرموز











التطبيق العملي ١

لأن محور هذا الدرس "درس كتاب"، فحاولنا عمل طريقة مبنية لدراسة الكتاب المقدس تناسب هذه المرحلة، حتى يعتاد الطفل من صغره على محبة فتح الكتاب المقدس والتعمق في دراسته وقراءته.

١- اطلب من طفلك في هذا الأسبوع ضرورة إحضار كتابه المقدس معه، وإذا لم يكن لديه قم بإحضار كتاب له كهدية مكتوب عليه اسمه.

٢- افتح الكتاب أمام أطفالك وساعد كل طفل معه كتاب في معرفة كيف يفتح الكتاب.

٣- قم بتوزيع هذه الشواهد على الأطفال، وأطلب من كل منهم أن يفتح كتابه المقدس، ويقوم بقراءة هذا الجزء من رسالة معلمنا يعقوب (الإصحاح ٢ آية من ١٤ إلى ٢٦) بحيث يقوموا برسم رمز من الرموز الآتية على كل آية من الآيات التي يقوموا بقراءتها. الرموز هي :



إيماني عامل



التطبيق العملي ٢

قم بعرض الصور الموجودة في العمود الأول على مخدميك ، واطلب من كل منهم أن يقوم بإعادة رسم الصورة مرة أخرى، بطريقة تحول الصورة من مجرد إيمان أو أعمال فقط إلى صورة إيمان عامل ..تستطيع التعرف على كل شخصية من خلال الشاهد المكتوب على كل صورة

اعد رسم الناقص في الصورة



دروس شهر ديسمبر

- ١٣- كيف تحقق هدفك ؟ (من أنا ؟)
١٤- الصلاة بالمزامير (أنا والآخر)
١٥- ترتيب التسبحة (أنا وكنيستي)
١٦- تسبحة التلاميذ والرسل (درس كتاب)



هدف دروس هذا الشهر حول :

- ١- أنا لى هدف.. ومهما كانت العوائق أستطيع أن أحقق هدفى.
- ٢- تعلمت أن أصلى بالأجبية، وأحفظ ما بها من مزامير.
- ٣- فهمت معنى التسبحة، وتعلمت أن أواظب على حضورها.
- ٤- شعرت بأهمية التسبحة وضرورتها، لأنى عرفت إن آبائى مارسوها.



كيف تحقق هدفك؟

- عنوان مبتكر : زلّط وطوب في
طريق حياتي - جمد قلبك -
ولا يهملك - خليك استيك.

- محور الدرس : (من أنا؟) - أن يكتسب
الطفل صفة جديدة هذا العام وهي كيف يتغلب
على أى عائق يقف أمام تحقيق هدفه.

- الآية : "إِنَّ إِلَهَ السَّمَاءِ يُعْطِينَا
النَّجَاحَ وَتَحْنُ عِبِيدُهُ نَقُومُ وَتَبْنِي"
(نح ٢٠: ٢).

- المراجع : مهارات التفكير - القس رافائيل
ثروت + مدخل إلى التربية وعلم النفس -
أسقفية الشباب.

- هدف الدرس : ١- الهدف المعرفي: أن يعرف الطفل كيف يحدد هدفه، وكيف يتغلب على عوائق تحقيق الهدف
٢- الهدف الوجداني: أن يشعر الطفل بقدرته على التغلب على العوائق التي تعوق طريقه.
٣- الهدف المهاري: أن يتدرب على وضع هدف لحياته.

- الحياة بدون هدف ضياع كامل.. يمكنك أن تحقق أى شيء تريده،
فقط إن كنت تريده بالفعل، فيجب أن تكون لديك رغبة داخلية قوية في
تحقيق ما تريد، بحيث تمك هذه الرغبة بالطاقة التي تجعلك قادراً على
فعل المستحيل (شيليا غراهام).



- الحياة مليئة بالحجارة.. فلا تتعثر بها! بل اجمعها وابن بها سلماً تصعد به نحو النجاح والتوفيق.

- يعلمنا نياحة الأنبا موسى (الأسقف العام للشباب) ويقول: عندما تصبح الظروف صعبة من حولك كيف تستمر ناجحاً؟

١- انظر الظروف الصعبة : باعتبارها فرصة، فقد تكون فرصة نكتشف فيها حقيقة نفوسنا، ومعادن الناس من حولنا،
وقد تظهر مقدار ما تتمتع به من صلابة لا تعرفها عن نفسك في الظروف العادية،
وقت الشدة كذلك يعطى فرصة لمزيد من الإلتجاء إلى الله، والإتكال على قوة
روحه القدوس في تغيير ما تعجز عنه بشريتنا الضعيفة.

٢- تمسك بالإيجابية : مهما كانت الروح السلبية تحاصرك، فصمم على أن تلمسك بالإيجابية.
فكر بإيجابية، وعلند سوف تتصرف بإيجابية، وسيصلح ذلك فرقاً في حياتك.

٣- احذر من ان تتنازل عن هدفك : لا تدع الظروف الصعبة تحريك عن طريقك، أو
تحرملك من أحلامك، لا تجعل هدفك يخبو أمامك، ثبت عينيك عليه في كل
وقت. حدد أولوياتك، كن نفسك وثابر إلى المنتهى والرب معك.



التمهيد

اختار تمهيد للدرس

- ١- قمنا بعمل مائش كورة ولكن بدون أجوان.. ٢- قمنا بلعب لعبة سلم وتعبان بدون النهاية.
- ٣- دخلت المدرسة وعرفت إنك ستستمر تدرس بدون أن تتخرج؟



والهدف من هذا التمهيد أن يعرف الطفل أهمية وجود هدف في كل أوقات حياتنا.. ثم قم بسرد الدرس.

- ضياع الهدف: اعرض أمام الأطفال هذه الصورة

(صورة الكلاب التي تجرى وراء بعضها لكن أول كلب فقط هو الذي يرى الهدف (العظمة) لكن باقي الكلاب تجرى لأنها رأت الكلب الأول يجرى فقط، ولهذا لأن ليس لها هدف واضح ستجدها تتكاسل عن الجرى وتتوقف) (انظر الـ CD) .. وبعده ناقش الأطفال في ضرورة أن يكون أمامنا هدف في الحياة نسعى لتحقيقه.. ثم قم بعدها بسرد الدرس.

للخادم المبدع




- لعبة الوشوش: قم بتخييل حوار بين كل عائق من العوائق التي ستعرضها في الدرس، وبين علاج كل عائق عن طريق تجسيم كل عائق وعلاجه في صورة وشوش تعبر عن كل منهم، ويتم عمل حوار بين هذه الوشوش وبعضها.

- مقابلة شخصية: قم بعمل مقابلة مع شخصية كانت لديها عوائق كثيرة، واستطاعت أن تغلب عليها. يمكن أن تقوم بعمل هذه المقابلة مع "هلين كيلر" وتطبق على حياتها كل عائق من العوائق التي سنعرضها في الدرس، وكيف تغلبت عليه، وما هي العوائق التي قابلتها في حياتها وكيف استطاعت أن تغلب عليها.

وسيلة الإيضاح يقوم الخادم بإحضار ٥ بالونات وكل بالونة مكتوب عليها "كلمة بالشفرة" تمثل العائق الذي يعرفنا على تحقيق أهدافنا، يقوم الخادم بتقسيم الفصل إلى ٤ مجموعات، بحيث يتسابق كل فريق في حل شفرة كل بالونة (يمكن أن تقدم للفريق الفائز بل كل شفرة هدية رمزية حتى ولو أن تصفق له، وبعده يقوم هذا الفريق بفرقة البلونة التي تمثل هذا العائق)، بحيث إن حل شفرة كل بالونة (العائق) مكتوب على سهم (آخره دبوس لفرقة البالونات)، وبعد فرقة الفريق الأسرع للبالونة (أي تحطيم العائق) سيدخل الطفل بداخلها ورقة مكتوب فيها اسم لعبة أو قصة أو تجربة توضح كيف يستطيع كل واحد منا أن يتغلب على حل كل عائق من هذه العوائق.. البالونات كما بالشكل (١)، وشفرة كل بلونة كما بالشكل (٢).

شكل (١)



شكل (٢)



بعد ما عرفنا معنى إيه يكون عندنا هدف نحاول نحققه (كما تم توضيح ذلك من خلال التمهيد).. لازم كمان نعرف أن ممكن تقابلنا فى الطريق عوائل تعطلنا عن الوصول وتحقيق هدفنا.. علشان كده إحنا هنتعرف على أهم العوائل اللي ممكن تقابلنا وإزاي نقدر نتغلب عليها.. لكن علشان نقدر نعرف العوائل لازم نفك شفرتها..



العائق الأول :

السلبية

ياللا ببنا نحل أول شفرة.. يحل الأولاد الشفرة الموجودة على أول بالونة باستخدام السهم الذي سيجد عليه حل هذه الشفرة. كما هو موضح في شكل (٢) برافو عليكم... العائق الأول هو "السلبية".. يعني إيه سلبية؟..

يعنى لو مثلاً حد طلب منى حاجة أعملها أقول له مثلاً وأنا مالى.. ويمكن نقول إيه كلمات تانى؟

هنا بترك الخادم الأطفال محاولة التفكير فى كلمات مشابهة لهذه الكلمة وتدل على عائق السلبية..

(وأنا مالى - مليش دعوة - أخاف الناس تتريق عليا - أخاف أنى أفشل - معرفش أعملها..) بالظبط كده يا أولاد يعنى لا أقوم بأى دور فى أى حاجة، ولو حد طلب رأيى لا أشارك لنلا الناس تتريق على، أو نقول كلام مش حلو على.. أو كمان أخاف أن رأيى ما يكونش صح ويفشل.. تفكروا ده صح؟. حاجة كمان لو أنا محدد هدف لى لكن خايف إنى أفشل.. تفكروا أنا كده هأقدر أوصل لهدفى؟. أكيد لا..

تيجوا نعرف مع بعض إزاي أقدر أتغلب على "السلبية"... ياللا نفرق البالونة (وعندما يفرق الفريق - الأسرع فى حل الشفرة - البالونة سيجدوا داخلها ورقة مكتوب فيها قصة يقوم أحد أعضاء الفريق بقراءتها بصوت عالى)..

قصة الضفدعتين



يحكى عن ضفدعتين دخلوا مخزن جوه حقل، وهناك شموا رائحة لبن كامل الدسم جوه إناء من الخزف، وكانت رائحته حلوة جداً.. فضلوا يدورا عليه حتى وجدوا الإناء الخزفى اللي جواه اللبن، وفضلوا يلحسوا فيه، ومن كتر ما هما يبحبوا اللبن نسيوا أنفسهم لحد ما وقعوا جوه الإناء الخزفى.. حاولوا يطلعوا لكنهم مش عارفين لأن الإناء كان كبير جداً.. حاولوا مرة وإثنين وما فيش فائدة.. أول ضفدعة قالت: واضح كده إننا مش هانعرف نطلع من هنا خالص، إحنا خلاص فقلنا، وأنا خلاص استسلمت.. لكن الضفدعة الثانية كانت محددة قدام عينها هدفها إنها لازم تطلع من الإناء وفضلت تحاول.. مرة تطلع مسافة صغيرة وبسرعة تقع تانى، واستمرت تحاول مرة ورا مرة، حاولت مرة كمان ووقعت كمان.. لكنها لم تستسلم للسلبية أو الفشل.. فضلت تضرب برجلها فى اللبن بكل قوتها فحصلت حاجة غريبة خالص.. إن اللبن لما الضفدعة ضربت جواه بكل قوتها إتحول جزء منه لقطعة من الزبدة طلعت عليها الضفدعة.. وبكل سهولة نطت من الإناء وقدرت تنقذ حياتها.. وبكده عرفنا إن علشان أقدر أتغلب على عائق "السلبية" لازم "أقوم وأفكر بإيجابية، ولا استسلم بسرعة عند أول مشكلة تواجهنى" يعنى ما أقولش "أنا مالى أو أنا خايف من الفشل.. وغيرها وغيرها".. لكن أقول إيه بدل الكلمات السلبية دى (أنا هأحاول على قد ما أقدر - أنا لى دور - لازم أشارك - هفضل أحاول - ربنا هيساعدنى) وبكده عرفنا أول عائق من عوائق تحديد الهدف وكمان قدرنا نتغلب عليه.

العائق الثاني :

التأجيل

لروح سوا لتأني بالونة وبالإلا نفك شفرتها (يحل الأولاد الشفرة الى موجودة على ثاني بالونة باستخدام السهم الذي سيجد عليه حل هذه الشفرة كما هو موضح في شكل (٢)) برفو عليكم.. العائق الثاني هو "التأجيل" يعني أقول إيه (هافكر - بكرة أبقى اعمل اللي ورايا - لما أفضي - مش دلوقتى - بعدين - مائش نفس دلوقتى) كل الكلمات دى معناها أنى مش هأعمل الشغل المطلوب منى دلوقتى.. بكرة أبقى أعمله ولما يجى بكرة أقول بعده، ومع التأجيل المستمر مش هأقدر أوصل لهدفى.. لكن تفكروا الحل ممكن يكون إيه؟ ياللا بينا نفرغ البالونة الثانية (وعندما نفرغ الفريق - الأسرع فى حل الشفرة - البالونة سيجدوا داخلها ورقة مكتوب عليها تجربة النار والسيبرتو (انظر التجربة على الـ CD)).. ياللا نعمل التجربة (يقوم الخادم بعرض التجربة أمام المخدمين).

التجربة عبارة عن قطعة من القماش ممثلة بالماء ثم يرش عليها سيبرتو (بارفان) بكمية جيدة، ثم أشعل النار بالقماشة ممسكاً القماشة بماسك.. سوف تشتعل القماشة لفترة ثم تنطفئ.. أعد إجراء هذه التجربة ولكن بعد ما تملأ بالماء والسيبرتو (البارفان) أتركها لفترة، وتكلم معهم لبعض الوقت.. مثلاً قل لهم هانعملها بعد ١٠ ثواني وعد معهم (الهدف أن تؤجل أداء التجربة على قدر استطاعتك)، وجرب تأني إنك تولعها هتلاقيها مش هاتولع.. لأن السيبرتو مع الوقت هيكون طار من قطعة القماش، وفضلت المايه فقط فبالتالى مش هاتولع.. وبكده نعرف أن علشان أتغلب على عائق "التأجيل" لازم أكون شخص منجز أعمل اللى مطلوب منى، أو الشغل اللى على فى وقته، وكمان لا أوجل حاجة طالما أقدر أعملها، وبكده هنغير الكلمات اللى فانتت (اللى بتدل على "التأجيل").. بكلمات ثانية زى (هعملها حالا - مش هقوم غير لما أخلص - لن أوجل عمل اليوم للغد..).

العائق الثالث :

عدم المعرفة

وتروح لتألت بالونة وبالإلا بسرعة نفك شفرتها (يحل الأولاد الشفرة اللى موجودة على ثالث بالونة باستخدام السهم الذى سيجد عليه حل هذه الشفرة كما هو موضح فى شكل (٢)).. تمام تألت عائق من عوائق تحقيق الهدف هو "الجهل أو عدم المعرفة" ياللا قولوا لى إيه الكلمات اللى بتعبر عن معنى هذا العائق "عدم المعرفة" (أنا عارف كل حاجة - لما أجرب ها أبقى أعرف - مش محتاج أعرف عنها حاجة).. والعائق ده معناه إنى بعد ما أكون حددت هدفى.. أحياناً بأكون مش عارف إزاي أوصل ليه؟، أو ممكن أكون مش عارف الهدف بتاعى أصلاً.. علشان كده عدم معرفتى أحياناً بتؤدى إلى إنى بتأصرف تصرفات مش صح.. عارفين زى إيه مثلاً.. زى لو قدامى عربية مفككة (لعبة الميكانو) ومطلوب منى أجمعها يا ترى هأحتاج إيه؟ صح كتالوج (اللى بيعرفنى الطريقة الصح لتجميع العربية).. طيب تفكروا الحل ممكن يكون إيه للعائق ده "عدم المعرفة"؟.. ياللا نفرغ



البالونة الثالثة ونعرف الحل بناعنا (وعندما يفرق الفريق - الأمرع في حل الشفرة - البالونة سيجدوا دخلها كروت وسائل المعرفة المختلفة كما هو موضح بشكل (٣)) (انظر الـ CD):



أنا لو حبيت أدور دلوقتى على أى معلومة أدور فين؟.. الإنترنت تمام.. تعالوا نشوف قبل ما يكون فى كمبيوتر كانوا بيوصلوا للمعلومات إزاي؟ (وهنا يعرض الخادم كروت المعرفة من القديم إلى الجديد (ممكن يكون مكتوب داخل البالونة اسم الصورة فقط، وبعدها يقوم الخادم بإظهار الصور من خارج البالونة)).

فى الأول خالص كانت الناس بتجيب معلوماتها عن طريق "الجرايد"، و"الكتب"، وبعد كده إيتدوا يجيبوا معلوماتهم من "قنوات الراديو"، وبعدها بسنين "التلفزيون"، وأخيراً "الكمبيوتر" والإنترنت.. كل دى طرق حلوة لجمع المعلومات، وكمان لإكتساب معرفة جديدة.. لكن زى ما كل الطرق دى حلوة لازم أنا كمان أتعلم "أكون فلتر".. هو الفلتر بيعمل إيه؟ بيدخل الماية

من ناحية ويطلعها من الناحية الثانية، لكن جواه بيفلترها.. يعنى يفصل الماية الحلوة عن أى حاجة وحشة، وفى الآخر تنزل ماية نظيفة

وحلوة، أنا كمان لازم أكون زى "الفلتر".. وأنا بدور على المعلومات أخذ اللي ينفعنى وأترك اللي هابضرنى.. وكمان لا أقبل أى معلومة من غير التأكد منها.. لازم أكون متأكد من المصدر اللي بأجيب منه المعلومة..

وبكده عرفنا إن علشان أحقق هدفى وأوصل ليه لازم أكون.. عارف أكبر قدر من المعرفة والمعلومات عن هدفى وعن الطريق الصح للوصول ليه.. (يمكن أن يطلب الخادم من الأطفال أن يقوموا بعمل بحث عن موضوع معين باستخدام أى طريقة من طرق المعرفة السابقة، وإحضاره معهم الأسبوع المقبل، حتى يعرف الأطفال كيفية البحث عن المعلومات) ويمكن يستفيد من كتاب: كيف تعد بحثاً؟ إصدار أسقفية الشباب.

العائق الرابع :

ياللا نروح لرابع بالونة ونحل شفرتها بسرعة (يحل الأولاد الشفرة الموجودة على رابع بالونة باستخدام السهم الذى سيجد عليه حل هذه الشفرة كما هو موضح فى شكل (٢)). صح العائق الرابع هو "المشغوليات والتشتت" يعنى أبقى على طول مشغول وأقول: (أنا ورايا مليون حاجة - مش عارف ابدأ منين ولا إزاي؟ - مش قادر أعمل حاجة..) يعنى بعد ما أحدد الهدف بتاعى أتشغل عنه بحاجات كثيرة وأبعد عن طريق





تحقيقه.. وكمان ممكن أكون مضطر إني أعمل كذا حاجة فى وقت واحد، وبالتالي مش هيطلعوا كويسين زى ما أعمل كل حاجة لوحدها وبتركيز.. طيب تفكروا حلها هيكون إيه؟.. تعالوا مع بعض نفرق البالونة ونشوف هيطلع إيه؟ (وعندما يفرق الفريق - الأسرع فى حل الشفرة - البالونة سيجدوا داخلها هذه الورقة).

(اختار لعبة) وهنا يقوم الخادم بتقسيم المخدومين إلى فرق ويقول للفرق عندنا ٥ ألعاب والفريق اللى هايكسب هو اللى هايقف أعلى نتيجة.. وقم بشرح كل لعبة وما هى الدرجة الخاصة بها..

عرو (اللاعبين)	عربية (الفرق)	Tanagram	(البحر)	(أوجر الشكل) (المفقود)
٢	١	١	٢	١
يسند أحد اللاعبين بيديه على الأرض ويمسك رجله اللاعب الآخر ويكون فى فمه معلقة عليها كرة بيتج بونج ومطلوب من كل فريق إنه ينقل الكرة من مكان لآخر	حل هذا البازل لتكوين الشكل مرة أخرى		يعطى الخادم الأطفال ٤ قطع كراتين تقريبا تساوى حجم رجل الطفل بحيث يعبروا من الشط للشط الآخر باستخدام هذه القطع ولا تلمس أرجلهم الأرض أبداً، وإلا رجعوا للبداية	يعطى الخادم الطفل صورة مليانة أشياء ومطلوب عند سماعه طلب معين يبحثوا عنه ويعلموا عليه
٥	١٠	١٠	١٠	٥
الدرجة				

ملحوظة :

- قبل أن يبدأ الفريق اللعب يملأ ورقة بترتيب اللعبة اللى هايلعبها ويلتزم بها طول اللعبة، لازم الفريق كله يكون متفق على نفس الترتيب..

- ناقش الأطفال فى أولوياتهم فى الاختيار ولماذا اختاروا هذا الترتيب دون غيره.

ثم بعد وقت معين صفر صفارة إنتهاء اللعبة، ثم قم بحساب الدرجات لكل فريق وحدد الفريق الفائز..

- الخادم : الحقيقة مجهودكم رائع جداً وحاولتوا تجمعوا أكبر عدد من النقاط.. بس ليه حصل تفاوت.. ليه ناس طلعت بنقاط أكثر من ناس تانية؟

اللى حصل ترتيب أولوية... كان قصادهم هدف معين... فاللى رتب أولوياته صح عرف يوصل لهدفه صح ويجيب نقط أكثر.

وعلشان نعرف نرتب أولوياتنا بسهولة تعالوا نشوف هذا الرسمة الموجودة فى شكل (A):

١- هام وعاجل : حاجات لازم تتعمل وبسرعة (مثال: واجب مطلوب بكرة بتقدم).



٢- هام وغير عاجل : حاجة مهمة جدًا لكن ينفع تتأجل شوية (مثال: امتحان آخر الشهر).

٣- غير هام وعاجل : حاجة مش مهمة لكن محتاجة تتعمل أول لما أفضى فى أسرع وقت أصلها (مثال: مائش كورة).

٤- غير هام وغير عاجل : دى حاجة ممكن تتأجل خصوصًا إنها مش مهمة (مثال: أروح النادي ولا ألعب مع أصحابي).

- تعالوا نشوف بعض الحاجات ونشوف مكان وضعها الصبح (اعرض الأمثلة السابقة واطلب منهم وضع كل مثل فى الخانة المناسبة له).




- بكده قدرنا نعرف إن علشان أنجح فى تحقيق هدفى لازم أعرف أرتب أولوياتى حسب الأهمية، وكمان حسب الوقت.. ولما ابتدى فى أى عمل لازم أركز فيه وبلاش أى حاجة تشتتني.

العائق الخامس :

عدم المرونة

بعد كده هانروح لآخر بالونة وبالا بسرعة نفك الشفرة اللى على البالونة (يحل الأولاد الشفرة اللى موجودة على خامس بالونة باستخدام السهم الذى سيجد عليه حل هذه الشفرة كما هو موضح فى شكل (٢)). وهيطلع آخر عائق وهو "عدم المرونة" يعنى أكون مُصر دايماً على رأيي، وكمان لا أفكر بطريقة جديدة، وأكتفى بالحلول التقليدية يعنى أقول: (هى كده - ملهش حل تانى - مستحيل تتحل غير كده - أنا متعود على الحل ده - رأيي هو بس اللى صح) لكن هل هذا هو الصح؟ ينفع أنى أفكر بطرق تقليدية وكمان أبقي مُصر على رأيي؟؟ أكيد لا... تعالوا نفرق آخر بالونة سوا علشان نعرف إزاي نقدر نحل العائق ده.. (وعندما يفرق الفريق - الأسرع فى حل الشفرة - البالونة سيجدوا داخلها (لعبة المربعات)).. وهى إنك هتدى لكل مجموعة مربع وتطلب منهم تقسيم المربع بالقلم إلى أجزاء متساوية بـ ١٠ طرق مختلفة.. علشان نقسم المربع لازم نفكر بـ ١٠ طرق جديدة.. كده عرفنا أننا نقدر نتغلب على العائق أننا تفكر بطريقة جديدة وغير معتادة وكمان نسمع أفكار الآخرين يعنى ماتبقاش متشددين..



الحل

وبكده عرفنا إزاي نقدر نحدد هدفنا وكمان إزاي لما يقابلنا أى عائق فى طريقنا لتحقيق هدفنا نقدر نتغلب عليه..

للخادم: هذا الدرس قد يكون أطول من وقت مدارس الأحد يمكنك أن تأخذ ما يناسب إحتياج طفلك منه، أو أن تفرد له يوم خارج مدارس الأحد (يوم روى - مؤتمر..).

مفیش حاجة ها تعوقنى




الترنيمه

يسوع يفتح لى الباب	ابلى ص
واتحدى واغلب بيه	و الانعاب
يسوع يقدر يدبر	در يغير
اللى أنا محتاج ليه	يسوع يقدر يقدر
يدى قوى لأردى	يسوع يفتح عينى
يقوينى وابجد ليه	والركب الممتحنه
ده يسوع بيقوينى	كل حاجه اقدر عليها
ده إلهى أنا كامل بيه	مفیش حاجه تعوقنى

تأليف: أ. مينا القمص كيرلس - كنيسة السيدة العذراء بالعاشر

الـ CD يحتوى على (الترنيمه + صورة الكلاب (التمهيد)
+ صورة الأسهم بالشفرة + ورقة قصة الضفدعتين +
تجربة النار والسيبرنو + الكلمات القبطية)



"سأفهمك وأعلمك الطريق التى

تسلك فيها" (مز ٩١).

اعرف لغتك

ⲛⲁⲕⲁⲧⲛⲁⲕ ⲟⲩⲟⲥ

ⲛⲧⲁⲧⲥⲁⲃⲟⲕ ⲉⲧⲉⲕⲛⲁⲙⲟⲩⲓ ⲉⲓⲱⲧⲉ

ⲛⲉⲱⲁⲧ النجاح

Ⲭⲁⲥ ⲉⲓⲱⲧⲉⲛ ⲉⲩⲛⲟⲩⲧⲧ خليها على الله

ⲟⲩⲟⲛ ⲉⲱⲧⲟⲙ ⲓⲙⲟⲓ ⲛⲧⲁⲓⲣⲓ ⲓⲙⲉⲙⲁⲓ أنا أقدر أعمل هذا

Ⲭⲟⲕⲓⲙⲉⲕ ⲓⲛⲁⲧⲉⲕⲥⲁⲭⲓ فكر قبل ما نتكلم

كرنفال الوجوه



التطبيق العملي ١

يقوم الخادم بعرض مجموعة من صور لشخصيات في الكتاب المقدس (يكون الطفل قد درسها من قبل) بحيث تكون هذه الشخصيات قد واجهت بعض العوائق (يفضل أن تكون من إحدى العوائق السابقة) ويطلب الخادم من الأطفال أن يكتبوا تحت كل صورة كيف تغلبت هذه الشخصية على هذا العائق.

"وَإِذْ قَارَبَ بُولُسُ أَنْ يَدْخُلَ
الْمَعْسَكَرَ قَالَ لِلْأَمِيرِ:
أَجُوزْ لِي أَنْ أَقُولَ لَكَ شَيْئًا؟
فَقَالَ: أَتَعْرِفُ الْيُونَانِيَّةَ؟"
(٢٧:٢١ع٤)



العائق الذي كان موجود هو

لما بنى سور أورشليم كان
شخص منجز.. ومع أن بناء
السور يأخذ وقت طويل، لكنه قدر
ببيله في ٥٢ يوم "وأكمل السور"
في الخامس والعشرين من أيلول
في اثنين وخمسين يوماً"
(نح ١٥:٦)



العائق الذي كان موجود هو

وقفوا قدام كل السبيبة التي من
شعب إسرائيل إنهم مش هيقدرُوا
يدخلوا أرض كنعان، لكن يشوع
وكالب فاضلوا واتقين إنهم هيقدرُوا
يدخلوا كنعان "لأننا نصعدُ وتملكُها
لأننا قادرُونَ عليها" (عد ١٣:٢٠)



العائق الذي كان موجود هو

لما عمل زوج أبيجايل مشكلة كبيرة مع الملك داود، وقرر
داود إنه لازم يقتله، راحت هي لداود الملك وقدرت
بكلامها الحلو وأسلوبها المرن إنها تخلى داود بعقو عن
زوجها، فكرت بأسلوب جديد إنها لا تكفى بـصبيحة أو
توبخ جوزها، لكنها فكرت بطريقة مش تقليدية وقدرت
تحل الموقف كله "مبارك عقلك" (١صم ٢٥).



العائق الذي كان موجود هو ..

بالرغم من أن داود اللهي كان عنده مهمات كثيرة
(نبي - ملك - مرمم..) لكنه كان مركز في كل مهمة
منهم، وقدر ينجح فيها جدًا: كان نبي عظيم، وكان
ملك كبير، ومملكته كانت أكبر مملكة في هذا الوقت،
وكان مرمم، وكتب لبنا المزامير الحلوة التي بنصلي
بيها وبفرحنا ونعزينا..



العائق الذي كان موجود هو

فراش ميكروسوفت



تقدم رجل لشركة مايكروسوفت للعمل لديها في وظيفة فراش "منظف أرضيات المكاتب" وبعد إجراء المقابلة أخبره مدير التوظيف بأنه تمت



الموافقة على تعيينه، وسيتم إرسال قائمة بالمهام، وتاريخ مباشرته للعمل عبر البريد الإلكتروني. فأجاب الرجل: لا أملك جهاز حاسب

وليس لدى بريد إلكتروني!!

- فرد عليه المسئول باستغراب: من لا يملك بريد إلكتروني فهو غير موجود أصلاً، ومن ثم لا وجود له، فليس لديه الحق في العمل.

خرج الرجل يجرجر أذبال الخيبة، وقد سيطر عليه الحزن. ففكر كثيراً للخروج من ظروفه السيئة، فلابد من إيجاد عمل يجعله قادراً على تغطية احتياجاته ومصارفاته.

وبعد تفكير عميق ذهب الرجل إلى محل خضروات، وقام بشراء صندوق طماطم وتنقل به لبيعها في الأحياء السكنية.. وكرر هذه العملية عدة مرات، حتى تمكن من توفير ٦٠ دولار في اليوم الواحد، واجتهد كثيراً وبدأت أعماله تزيد يوماً بعد يوم، وتوسعت حتى تمكن من شراء عربة شاحنة ثم ثاينة وثالثة.. حتى أصبح لديه أسطولاً من الشاحنات.. وبعد مرور خمس سنوات أصبح الرجل من كبار الموردين في الولايات المتحدة الأمريكية.

ولضمان مستقبل أسرته، أراد الرجل شراء بوليصة تأمين على الحياة، فاتصل بأكبر شركات التأمين وبعد الحصول على بوليصة تناسب وضعه، طلب منه موظف شركة التأمين أن يعطيه بريده الإلكتروني.

- فأجاب الرجل: لا أملك بريد إلكتروني.

- فاندش الموظف وقال له: لا تملك بريداً إلكترونياً، ولديك كل هذه الثروة والأسطول من الشاحنات!!!

تخيل إن كان لديك بريداً إلكترونياً فأين ستكون اليوم؟

- فأجاب الرجل بابتسامة ساخرة: فراش في ميكروسوفت!!

اطلب من كل طفل أن يكتب العوائق التي قابلت هذا الرجل في حياته،

وكيف تغلب عليها.. وماذا كان سيفعل لو كان مكانه؟

الصلاة بالمزامير

- عنوان مبتكر : أحفظني أحفظك - حلى لسانك -
كلام تحسه .

- محور الدرس : (أنا والآخر) -
كيف نستخدم المزامير في
صلواتنا للتعبير عن كل أحوالنا.

- الآية : متى اجتمعتم فكل واحد منكم له
مزمور له تعليم له لسان له إعلان له ترجمة:
فليكن كل شيء للبنين (١كو ١٤: ٢٦).

- المراجع : تفسير المزامير -
للقمص تادرس يعقوب.

- هدف الدرس : ١- الهدف المعرفي: أن يعرف الطفل ما هي المزامير ومن الذي كتبها؟ وما هي مناسبة
كتابتها وكيف يعيشها ؟

٢- الهدف الوجداني: أن يشعر الطفل بجمال تسيحه الله في صلاته بتلاوة المزامير .

٣- الهدف المهاري: أن يتدرب الطفل على الصلاة بالأجبية ويحفظ بعضها منها.

- إن جمال صلوات المزامير أنها صلوات توافق مشيئة الله. كان داود
يعزف على العود، وكان الروح القدس يعزف على داود، وبهذا
خرجت هذه المزامير الجميلة. ولذلك قال داود النبي: "لستأى قلم
كاتب ماهر" (مز ١٤٥: ١)... فمزامير داود لو ترجمت لأى لغة تظل
محفوظة بجمالها، فجمالها ليس فى الشعر والقافية بل فى المعانى



والروح. فالمزامير لحن جميل يقرأها الإنسان فينسى ضيقاته.

- لقد دعا القديس أنثاسيوس سفر المزامير: (خلاصة الكتب المقدسة كلها)، ويقول القديس
أغسطينوس: (أى شئ لا تتعلمه من المزامير؟)... (إن سفر المزامير هو الكنز العام لكل
وصايا صالحة... صوت الكنيسة... الحاوى لكل اللاهوت) القديس باسيليوس الكبير.

- شكّل روحك بمشاعر المزمور... فإن كان المزمور ينفث روح صلاة صل.. إن كان مملوء تنهداً:

تنهد أنت أيضاً.. إن كان مفرحاً: فأفرح أنت أيضاً.. إن كان يشجع واهباً رجاء: ترحب الله..

إن كان يدعو إلى الخوف التقوى: ارتعب أمام العظمة الإلهية.. فإن كل الأشياء

هنا تحمل مرآة تعكس سماتنا الحقيقية.. فدع قلبك يعمل ما تغنيه كلمات المزمور.



التمهيد

اختار تمهيد للدرس

- عمل قيثارة: قم بإحضار علبة مناديل ورق مفتوحة من الوسط، ثم احضر مجموعة من الأسلاك، وثبتها في العلبة لتكون قيثارة، بحيث كل اسلك يمثل وتر من أوتارها، وسمى أحد الأوتار باسم وتر الشكر، والثاني وتر الشكوى، والثالث وتر الحب، والوتر الأخير هو وتر الطلب، ثم قم بالعزف.. وبعد عزفك اسأل الأطفال.. لو في وتر من الأوتار دى مش موجود هابقى الصوت حلو ولا إيه؟ أكيد الصوت هيكون أجمل لما نعزف على كل الأوتار (وبذلك يصل للطفل فكرة إنه عندما تتضمن صلواتنا كل أنواع الطلبات ستكون صلواتنا نغمتها حلوة).. وبعد تلاوة الدرس سيستنتج الأطفال إن الصلاة بالمزامير تتضمن كل هذه الأنواع من الطلبات.. ويعرف الطفل معنى كلمة مزموّر (فهو كلمة عبرية معناها صوت الأصابع وهي تضرب على آلة موسيقية وترية).

- قاموس المشاعر: احضر لمخدوميك عدة قواميس كلما أمكن... واطلب أن يبحثوا عن معنى كلمة معينة فيها.. وبعدها ناقشهم في مدى صعوبة إيجاد كلمة ومعناها الدقيق دون الإستعانة بالقاموس... وهكذا فإن المزامير أيضا هي قاموس مشاعرنا حيث أن من كتبها قد مر بالكثير مما نشعر به و لو عايز نعرف أكثر عن المزامير تعالى نسمع درسنا النهاردة ...

الخادم المبدع



١- ترجمة أطول سفر: تخيل حوارًا بين مترجم كان يقوم بترجمة الكتاب المقدس، وفي أثناء ترجمة الكتاب المقدس دخل عليه كبير المترجمين (الذى كان يستلم منه كل يومين سفر كامل مترجم) وكان غاضبًا لأن المترجم منذ أكثر من أسبوع لم يقدم له أى ترجمة.. تخيل هذا الحوار الذى أوضح فيه المترجم لكبير المترجمين بدءه فى ترجمة أكبر جزء من أجزاء الكتاب المقدس وهو سفر المزامير، بحيث تحاول أن تتضمن إجابتك (من الذى كتب المزامير، وما مناسبة كتابتها، وكيف لمس كل جزء من أجزاء المزامير حياة المترجم، لأنه يعبر عن معظم الاحتياجات التى مر بها فى حياته).

٢- تليفون السما: قم بإعطاء هذا الرقم للأطفال وقل لهم: إن هذا الرقم يمكننا أن نتصل به مباشرة برينا لما نكون عاوزين نشكره وهو: (١٠٥١٠٦١٠٧)، موضحًا لهم إن التليفون الذى تضرب عليه هذه الأرقام هو سفر المزامير، حيث أن هذا السفر يحتوى على مزامير تعبر عن الشكر، وأيضًا لو حدث له موقف ولم يفهم لماذا سمح له الله به، ويريد أن يدخل فى عتاب مع الله بسبب ما حدث له حتى يفهم إرادة الله، ممكن يتصل برقم (١٣)، أما مزموّر رقم (١٨) نتصل به لما نكون عاوزين نقول لربنا إننا بنحبه، و(مز ٣١) لما نكون عاوزين نطلب حاجة من ربنا وهكذا.. وبذلك يفهم الأطفال أن لكل مزموّر هدف من كتابته، وكيف أنه يمكنه استخدام المزامير فى كل ظروف حياته.

وسيلة الإيضاح

عمل مسرحية كما هو موضح باستخدام هذه الشخصيات: (شاكِر - طالب - شاكي -

محب - شخصية داود - مذبة) يمكن أن يستعين الخادم ببعض الخدام في أداء

المسرحية، أو يستعين بخادمة فقط لعمل دور المذبة، ويقوم هو بتجسيم شخصيات المسرحية، على شكل لوحة بها هذه الوشوش (شكل ١) كتعبير عن شخصية كل منهم، على أن يقوم الخادم بنفسه بأداء كل الشخصيات عن طريق الوقوف خلف كل وش منهم وأداء دوره (انظر الـ CD).

شخصية داود



محب



شاكي



طالب



شاكر



تفتح الستار ويسمع صوت منادى يقول: يا أهل المدينة الكرام.. أنا جاي أقول لكم خبر تمام.. بعد التحية والسلام.. الملك عامل فرصة إنما إيه يا سلام.. وخصص ساعة من وقته علشان يسمع شعب المدينة الكرام.. دى فرصة عظيمة خالص.. أوعى حد فيكم يضيعها ولا يتأخر ليفوت الأوان.



- شاكر: سمعتوا اللي أنا سمعته.. الملك هاسمع الناس يا اااااه.. دا بقاله كثير معملهاش.



- طالب: معلش يا شاكر ما هو مشغولياته كثير وهيسمع مين ولا مين !!

- شاكي: عندك حق يا طالب.. بس إحنا كمان شكوانا كثير ونفسنا إته يسمعنا.

- محب: طيب دى فرصتنا الكبيرة لازم مانضيعهاش..

- طالب: بس في مشكلة.. الوقت قليل قوى على كل طلباتنا!! إزاي ساعة واحدة

تكفينا، وكل واحد فينا كلامه مايخلصش هنكفى ساعة إن الملك يسمع طلبه كل

واحد مننا؟ هو هاسمع مين ولا مين ؟

- شاكي: عندك حق لازم نفكر هتعمل إيه ؟؟

- شاكر: طبعاً ومن غير كلام اللي مهم فينا أكثر هو اللي يدخل الأول.. ويقول اللي عنده.

- طالب: يا سلام.. ما إحنا كلنا مهمين.. وكلنا عاوزين نتكلم.

- شاكر: بقولك الأهم.. يعنى اللي أمره هيبسط الملك ويخليه فرحان وكلامه يعجب الملك

وطبعاً مفيش غيرى أنا هأدخل علشان أشكره على كل اللي بيعمله فى المدينة بتاعتنا.. وساعتها

طبعاً هابقي طاير من الفرحة علشان بأشكره وبفكره بكل أعماله الحلوة.





- **محب:** يا سلام يا أخويا.. لأ طبعاً.. دا أنا اللي هاندخل لأنى هاقوله كلام أحلى منك..

هأقوله إني بحبه جدًا..... وهأقوله إني بحب أشوفه دايمًا.. وأكيد هي فرح مني أنا أكثر..

- شاکي : لا طبعاً.. أنا اللي لازم أدخل الأول.. أنا عندي مشاكل وشكاوى كثير ولازم يعرفها.

- طالب: لا لا بقی.. أنا معایا طلبات کثیر للناس کلها.. وکمان طلبات لی.. ولازم أنا اللی

أدخل علسان أديباله كلهم.. في صوت واحد: لالالالالالالال..

أنا.. أنا اللي لازم أدخل.. لالالا أنا لا.. أنا لا.. أنا..

وهنا يدخل شخصية داود النبي وفي يده قيثارة.

- شاکر: مین ده الی جای علینا؟ وایه الی ماسکه فی ایده؟!

طالب: دى قيثارة.. لكن يا ترى ليه؟ وداخل للملك يعمل بيها ايه؟

- **محب :** ده أكيد داخل للملك يعزف عليها ألحان.. يبقى أكيد الملك هيبقى منسوط به حدًا..

- شاکی: استنوا، استنوا لما نعرف من هو ده؟ لو سمحت یا أخ.. انت من؟ وجای تقابل الملك لیه؟ وعاوز نقوله لیه؟

- داود: أنا جاي أشكر الملك.. وأقوله إني بحبه.. وكمأن أطلب شوية طلبات.. وفي حاجات مضائقني عاوز أقوله عليها.

- طالب : هههههههههههه كل ده عاوزه؟! طيب تعالى بقى جنبنا هنا.. اينا كلنا عاوزين ندخل

ولنقله كده.. لكن الوقت قليل ومش عارفين مين يدخل الأول.

- داود: لا.. أنا أقدر أعمل كل ده في وقت واحد.

[illegible]

- شاکی: المزامیر؟؟ ایہ ہی المزامیر دی وِزای فیہا کل دہ؟

- داود: مزبور يعنى مجموعة من الصلوات والتراتيم والتسابيح.. فيها

بوصل مشاعري كلها في نفس الوقت.. وبطريقة حلوة ومرثلة.

- **شاگرد:** یعنی ممکن توصل بیہا کل حاجۃ عاوز نقولہا .

- داود: بالظبط كده.. وكمان أنا بعرف أعزف على القيثارة علشان أرنم المزمور بتاعى.

- طالب: وإيه الورق اللي في إيدك ده كله؟
- داود: دي المزامير اللي كتبتها.. وعددها ٧٣ مزمور..

- وهنا يدخل خادم الملك ويقول : ها مين جاهز علشان يدخل للملك؟

- داود : أنا جاهز بكل حاجة هاأقولها. - **خادم الملك** : اتفضل يا داود الملك مستيتك جوه..

ويَقْفُلُ السَّنَا ..

- **المذبة :** وبكده تكون خلصت المسرحية بتاعتنا عاوزين نلتقي ببطل المسرحية بتاعتنا وهو

اللي كان بيتمثل شخصية داود النبي .. صاحب المزامير : اتفضل معانا .. اجنا شوقنا المسرحية

وعجبنا جداً.. وعازرين نعرف منك معلومات أكثر عن شخصية معلمنا داود، وعن المزامير..





- المذبة : يا ترى هل دلوقت بنستخدم المزامير دى؟

- داود : أيوه طبعاً.. المزامير دى بنصلى بيها كثير :


١- فى صلوات السواعى (الأجبية) : لأن ربنا وصانا وقال : متى
اجتمعتم فكل واحد منكم له مزموّر (اكوا ١٤، ٢٦)، علشان كده كل
ساعة من صلوات الأجبية فيها مزامير بنصليها.

٢- وكمان فى القداى : قبل قراءة الإنجيل فى رفع بخور عشية وبأكر
وفى القداى، بيتقال مزموّر معين حسب مناسبة اليوم وقراءاته.

٣- هناك مزامير بيقولها الأب الأسقف عند تكشين المذبح.

٤- عمومًا نستخدم المزامير فى كل صلوات الكنيسة.

٥- ممكن كمان نستخدم المزامير للصلاة والتسبيح.. مش بس فى الصلوات الجماعية، لكن كمان فى أوضة نوسى
وأنا وحدى مع ربنا (فى العبادة الشخصية جوه مخدع صلاتنا، وكمان وقت ما بأمشى فى
الطريق وحدى، أو وأنا بأعمل كل أعمالى اليومية).



- المذبة : ممكن تقولنا إزاي نتعلم إحنا كمان نصلى المزامير ونسبح بها، ونكون صلاة من قلبنا ؟

- داود الشخصية : المزامير بتعلمنا فيها ٤ نقط مهمة قوى لو كل واحد فينا عاشهم هتبقى صلاتنا
بالمزامير صلاة من قلبنا مش مجرد كلام ينقله وهى : (ثقة - تسبيح - فرح - رحمة) الكلمات دى
إتكررت كثير جدًا جوه المزامير، فالمزامير بتعلمنا إزاي نفرح، ونكون واثقين فى ربنا، وكمان إزاي
نسبحه.. لأننا فى تسبيحنا لربنا بنشترك مع السمايين والملائكة.. وخلصى بالك لأن المزامير فيها
كل ده، لما بنصلى بها بتكون صلاتنا مقبولة قدام ربنا، لأنها حسب مشيئة (فيها الشكر والتسبيح، وفيها الثقة،
وفيها الفرح، وفيها طلب الرحمة..).

- المذبة : أنا سعيدة جدًا باللقاء مع حضرتك، وإستمعنا بالمرحبة الحلوة دى، وإتعرفنا على الشخصية العظيمة..
اللى هو معلمنا داود النبى والمرتل.. وكمان عرفنا معلومات حلوة عن المزامير اللى بنتكلم بها مع ربنا وإحنا
بنصلى له.. وإلى اللقاء مع شخصية جديدة ومعلومات جديدة.

ليكن لك محبة بلا شعب لتلاوة المزامير
لأنها غذاء الروح
(القدريس مار اسحق)

DAVID AND Goliath


ياللا مع
جدو
داود



قال ع الأرغن والأوتار ألحان حلوة ماليا مثل
عند المزامير بأولاد ١٥١ مزمور
وأساف وبني قورح وسليمان وموسى
ألقى عنده سلام وأمان ده إلهنا إله حنان

جدو داود قال فى المزامير كلام حلو وكله جميل
القرار: (ياللا مع جدو داود ياللا نرنم مع بعضينا)
واللى كتبهم عزرا الكاهن والكاتب وداود
جدو داود قال ساعة الضيق أجرى أروح لأعلى صديق

ال CD يحتوى على (الترنيمة + وشوش وسيلة الإيضاح +
أفلام فلاش + الكلمات القبطية)



اعرف لغتك

مَتَى اجْتَمَعْتُمْ فَاكُلُوا وَاشْرَبُوا

مِنْكُمْ لَهُ مَزْمُورٌ لَهُ تَعْلِيمٌ لَهُ لِسَانٌ لَهُ إِعْلَانٌ لَهُ تَرْجُمةٌ:

فَلْيَكُنْ كُلُّ شَيْءٍ لِلْبَنِيَانِ (١كو ١٤: ٢٦).

Ἐγὼ π ἄρετε πωανωοττ

πιοται πιοται οτονταϗ νοτδωρπ ἐβολ οτονταϗ

νοτασπι ἡλας οτονταϗ νοτερμηνιᾶ ζωβ πιβεν

μαροτρωπι ζεν οτκωτ

смoт تسبىح

отъепѣмoт شكر

Питовѣ طلبية

ототнoϗ فرح

Πμετανοια التوبة

ترتيب التسبحة

- عنوان مبتكر : عمل الملائكة - لغة
السماويين - لقطات سماوية - كلام
موزون - ما أحلاها.

- محور الدرس : (أنا وكنيستي) -
التعرف على ترتيب التسبحة، وربط
الطفل بها من صغره.

- الآية : 'سُبِّحُوا الرَّبَّ يَا جَمِيعَ الْأُمَمِ
وَامْدَحُوهُ يَا جَمِيعَ الشُّعُوبِ' (رو ١١: ١٥).

- المراجع : كتاب ذبيحة التسبيح - لنياقة
الأنبا رافائيل (الجزء الثاني).

- هدف الدرس : ١- الهدف المعرفي: أن يعرف الطفل ما هو ترتيب التسبحة، وإرتباط شهر كيهك بالتسبيح.

٢- الهدف الوجداني: أن يشعر الطفل بجمال التسبحة ويفهم معناها ويتذوق حلاوتها.

٣- الهدف المهاري: أن يتدرب الطفل على حفظ أجزاء من التسبحة

والتعود على حضورها باستمرار.

- التسبيح في كنيسةنا المقدسة منهج حياة متكامل، إذ أن التسبحة تشمل كل
مفردات اللاهوت والعقيدة، مقدمة إلينا في وعاء طقسى مفرح، إذا أدبناه
بروحانية نطقنا للمسيح، ونصير أعضاء حية في جسده أي الكنيسة.
- يقول أحد الآباء: "إن نمو حياة التسبيح ينمى المناعة ضد هجمات العدو".



- سأل الأنبا بيمن القديس أبو مقار قائلاً: "يا أبى، ماذا يعمل الإنسان كي يقتلى الحياة؟".

فقال الأنبا مقار: "إن أنت داومت كل حين على طعام الحياة الذى للأسم المقدس؛ اسم ربنا يسوع المسيح
بغير فتور، فهو حلو في فمك وحلقك، وبترديدك إياه تقدس وتدمج نفسك، وبذلك يمكنك أن تقتلى الحياة".

- كنيسةنا القبطية الأرثوذكسية المحبوبة تهتم جدًا بليتورجية الصلوات والتسابيح، وقد خصصت لها معظم ساعات
الليل والنهار على مدى أيام الأسبوع كله، وهي تأخذ من الكنيسة معظم وقتها وجهدها واهتمامها لأنها تعتبر
المدخل الرسمي والباطني العميق لخدمة الإقارستيا والأسرار عموماً، وهي سر الشركة التي تربطنا بالسماويين
وكل طغمتهم الملائكية الفائقة.. فالخادم الذى يتقدم للتسبيح في الكنيسة هو محسوب ضمن خورس كبير للملائكة
والقديسين، وكل الجمع غير المحصى الذى للقوات السماوية.

يقول القديس باسيليوس: إن الألحان هي هدوء للنفس، وراحة للروح، وسلطان السلام
الذى يسكن الأمواج، ويسكت عواصف حركات قلوبنا.



اختار تمهيد للدرس



- لكل كلام مناسبة: اعرض على مخدوميك صور مكتوب عليها: (Happy birthday - البقية في حياتك - مبروك النجاح...) ثم اسأل مخدوميك: ما المناسبات التي تقال فيها لك هذه العبارات؟.. وهذا يهدف أن يعرف إن لكل مناسبة كلمة خاصة بها.. منها نعرفهم إن التسبحة كمان كل حاجة بنتقال فيها ليها سبب، وكمان ليها مناسبة.. تعالوا مع بعض نعرف إيه هي مناسبة كل جزء من أجزاء التسبحة؟..

- رحلة للسماء: قم بعمل لعبة تيلي ماتش بحيث يكون بها مراحل متنوعة، من تعدية أسفل تريبيزات إلى صعود سلام.. بحيث تحتوى هذه اللعبة على: (مناهة صعبة ولكن لها حل في النهاية) (تمثل الهوس الأول) - موقف يتطلب فيه من المخدوم تجميع أشياء متعددة من الموجودات في البيئة (ماكيت شمس ونجوم...) ويقم بتعليقهم (تمثل الهوس الثاني) - إطارات من الأسلاك يمر من واحدة لأخرى، ولا يقف على الأرض كثيرًا، لأنك واضع في الأرض قماشة حمراء تمثل نار، لذلك هو عرضة للشعور بالحرارة عندما يقف كثيرًا على الأرض، ويمكن لو مرت دقيقة واقف على الأرض يخرج برة اللعبة (اليمثل الهوس ثالث) - عمل بعض الآلات الموسيقية بخامات بسيطة تكون متوفرة له (تمثل الهوس الرابع).. ثم قم بمناقشتهم في أن ما قاموا به هو أمتع رحلة ممكن يمروا بيها.

للخادم المبدع



١- باستخدام شريط فيديو للتسبحة قم بعرض جزء من كل هوس أمام الأطفال.. بحيث يكون مع كل طفل كتاب التسبحة الخاص به.. وقم بإيقاف الفيديو عند نهاية عرض الفيلم الذي يعبر عن كل هوس، وقم بشرح معانيه: من خلال رسمة توضح الموقف الخاص بالهوس، أو موقف تمثيلي، أو عمل ماكيت بالورق يعبر عن الهوس.

٢- تخيل وجود مملكة بها مسابقة بين الأطفال حول حل ألغاز عند المناطق الآتية: الجرس، البحر، الجبال، النيران، الخليفة.. وحينما يحل الأطفال كل لغز من هذه الألغاز يكتشفوا إن المسابقة كانت حول ترتيب التسبحة.. بحيث: (الجرس يرمز لـ نين ثينو)، (البحر يرمز للهوس الأول)، (الجبال ترمز للهوس الثاني)، (النيران ترمز للهوس الثالث)، (الخليفة كلها ترمز للهوس الرابع).



٣- يمكنك استخدام طريقة الإسكتش بورد أرقام في التمهيد للدرس كما بالشكل :

وسيلة الإيضاح درس تفاعلي.. يقوم الخادم بعمل :

- ١- ماكيت صغير من الفوم عليه تصميم لأربع أبواب كما سيوضح في الدرس.
- ٢- أو يستغل أربع حجرات ويجهز باب كل حجرة كما سيوضح في الدرس.
- ٣- أو ممكن الاستعاضة عن كل باب ببائز به دائرة مفتوحة يضع الخادم رأسه فيها ليمثل دور الشخصية التي تقوم بسرد قصة التسبحة، وعلى البائز مرسوم صورة للقصة.



الباب الأول :

باب ملصق عليه صورة للبحر الأحمر كما هو موضح بالرسم.

(شكل ١) صورة البحر الأحمر والشعب واقف أمامه قبل العبور..



وهذا الباب يفتح من النصف.. وهناك خادم واقف على الباب يمثل دور موسى النبي، فيرتدى ملابس موسى ويمسك عصاته.. ويبدأ الخادم بسؤال الأولاد..

- ١- إيه أول حاجة حسيتها لما شوفت البحر؟! ٢- يا ترى البحر ده بيحكرك بقصة مين في الكتاب المقدس؟
 - ٣- مين الشخصية اللي واقفة بجانب الباب؟ ٤- تفكروا ليه عملنا الباب بينفتح من النص؟
- وبعدما يجيب الأولاد..

يقول الخادم : في الكنيسة إحنا لما بنشوف البحر.. بي فكرنا بقصة (خر ١٤: ١٥) ..

موسى النبي اللي لما جه يخرج من أرض مصر هو وكل شعب ربنا.. لقي جيوش فرعون جايه من خلفه، وكمان قصاده البحر كعقبة (مستحيل تخطيها)، ووقتها خاف كل الشعب.. وقال ربنا لموسى إنه يرفع العصاية بناعته (زى ما أنا بأعمل كده).. ويمدّها ناحية البحر ويشقه. وفعلًا شق البحر، وعبر هو وكل شعب ربنا، وكان الماء عامل زى السور لهم، عن يمينهم وعن شمالهم.. وقدر يهزم فرعون وجنوده.. وبكده خلص ربنا بني إسرائيل من أيدي المصريين، وبعد خروجهم من البحر صاروا أحرار.. علشان كده وقف موسى وكل بني إسرائيل يرنموا للرب ويسبحوه على الخلاص العظيم اللي عمله لهم.. ومساعدة الله لهم على التغلب على أى عقبات أمامهم مهما كانت مستحيلة.. وكمان مريم أخت موسى خرجت قدام الشعب بالدقوف، وخرجت خلقها كل النساء وسبحوا ربنا من فرحهم بالخلاص من فرعون وقالت: "قطعا إنقطع ماء البحر والعمق العميق صار مسلكاً" ..



يقوم الخادم بثلاوة هذا اللبش بطريقة الملحنة أمام الأطفال ويكرروه معه حتى يحفظوه..



والتسبحة التي قالها لنا موسى النبي التي يقول (حينئذ سبّح موسى وبنو إسرائيل بهذه التسبحة للرب وقالوا: فلنسبّح الرب لأنه بالمجد تمجد).. وكم أن تسبحة مريم أخته.. بتصلّى بها الكنيسة كل يوم في تسبحة نصف الليل.. ويتسميها الهوس الأول (خر ١٥: ٢١). وتسبحة مريم ينسبها (لبش الهوس)، ولبش معناها (تفسير وهو على نفس معنى الهوس).



ودلوقت علشان تعدوا الباب الثاني :

١- لازم كل واحد فيكم يقول لنا قصة أو موقف كان صعب جدًا ومن المستحيل إنه يتحل.. لكن بسبب إيمانك بربنا.. ربنا وقف معاك وبنعمته ساعدك علشان تجتازه بنجاح وتتغلب عليه.. زى ما عمل مع موسى وشعب بني إسرائيل.

٢- حفظ وترديد أول ربع من لبش الهوس الأول (تسبحة مريم أخت موسى وهارون).

فكرة للخادم : ممكن عمل بحر من قماش أو ملايات لونها أزرق، يقوم بتسبيل العبور مع الفصل بعد سؤالهم الأسئلة السابقة إذا توفرت حجرة لذلك.



الباب الثاني :

باب نوار عليه صور لناس بتشكر ربنا.. الخادم يرتدى ملابس جندي، وعلى رأسه تاج الملك (داود النبي) ويمسك في يده أى آلة موسيقية.

- يسأل الخادم الأولاد.. -

- إمى ممكن نقف ونعمل زيهم كده؟! -

- تفتكروا مين هم الناس اللي فى الصورة.. ويا ترى بيعملوا إيه؟! -

عارفين مين اللي واقف قدام الباب ده؟ صح ده داود النبي.. وكل الناس على مر العصور إتعلمت منه إزاي يشكروا ربنا زى ما هو كان بيشكره بالترنيم، والتسبيح له على كل عطاياه، وكان من الطبيعى بعد اللي عمله ربنا مع شعبه فى الهوس الأول إننا نشكره على الخلاص اللي أعطاه لشعبه، وإنه خرجهم من العبودية وخلصهم من أحرار وإعتنى بهم طول فترة غربتهم.. وتسبحة الشكر كلنا بنشكر بها ربنا فى كل لحظة فى حياتنا، على أعماله العظيمة، اللي بيعملها معنا فى كل يوم (هو اللي خلصنا من عبودية إبليس بصلبه وفدائه لنا).. علشان كده اختارت كنيسة الهوس الثانى وهو عبارة عن شكر وتسبيح لربنا، وهو مزمو ١٣٦ من مزامير داود. وكم أن هنلاقي كنيسة فى لبش الهوس الثانى بتدعوا كل الناس إنها تشكر ربنا: 'فلنشكر المسيح إلهنا مع المرتل داود النبي'.. وزى ما كل واحد فينا قال حاجة صعبة ربنا عدها منها علشان يعرف يدخل للباب الثانى.



وعلى شان نقدر ندخل على الباب الثالث:

١- لازم كل واحد فينا يقول ليه أكثر حاجة بيشكر عليها ربنا.

٢- نحفظ مع بعض جزء من لبش الهوس التاني " فلنشكر...".

يقوم الخادم بتريد أول ربع من اللبش باللحن مع الأطفال حتى يستطيعوا حفظه..



الباب الثالث :

باب مقبول ومالهوش مفتاح.. وواقف بجواره ثلاث رجال شباب؟ ونلصق عليه صورة لنيران..

- ليه أول احساس جالكم لما شوفتوا النار؟

- فكرتم بيايه النار دي.. هي ممكن تأذينا ولا تفيدنا؟! - بعدما يجيب الأولاد.



يقول الخادم.. كان في ثلاثة اتحطوا في وسط النار بناء على أمر الملك نبوخذ نصر، الذي أمر بأن يسجد الناس لتمثال ضخم صنعه من ذهب، لكن هؤلاء الثلاث فتية إمتنعوا عن السجود لإله مزيف.. لأننا لا نعبد إلا ربنا الحي

القدوس مالى السماء والأرض.. وطبعاً كانت النتيجة إن أعداء الإيمان حرضوا ضده للملك.. اللى إستدعاهم وهددهم بالحرق فى أتون النار لو ما سجدوش.. لكنهم رفضوا بكل شجاعة وقالوا للملك إن إلهنا قادر ينجيننا من الأتون.. لأنه قادر على كل شئ ولا يستحيل عليه أى شئ.. كان من المتوقع إن ربنا ينجى الثلاث فتية من أتون النار.. لكن ربنا كان ليه خطة تاني.. إنهم بدخلوا الأتون وهو هاتينجهم وهم جوا



الأتون.. وفعلاً دخلوا الأتون واستمتعوا بوجود ربنا معاهم.. إحنا كمان في أوقات كثيرة بنبقى عاوزين ربنا يرفع عنا الضيقة.. لكن ربنا أحياناً بيسمح بيها.. لكن لازم نكون واثقين إننا أكيد وسط الضيقة هنلاقى معانا، زى ما كان

مع الثلاث فتية.. لدرجة إنهم سجدوا وهم في الأتون.. إحنا كمان وسط ضيقتنا لو كنا واثقين في ربنا هانقدر حتى وسط الآلام والضيق نسبحه زى ما عمل الفتية الثلاثة بالضبط.. وهاتبقى أى مشكلة أو أى ضيقة فرصة إننا نقابل ربنا.. على شان كده عملت لنا كنيسة الهوس الثالث اللى هو تسبحة الثلاثة فتية جوه أتون النار، اللى فيه بتسبح ربنا على قدرته العظيمة اللى بتخلصنا من كل ضيقة بنمر به.. وده

بيأكد إيمان كنيسةنا بحضور المسيح في حياتنا، وخاصة وقت الآلام.. على شان كده هنلاقى في الهوس ده أجمل الألحان، وأعمقها وده كله على شان تؤكد إن أجمل وأعمق فترات حياة الكنيسة وحياة المؤمن هي فترات التجارب والضيقات.. كنيسةنا بتفرح بالآلم وتفتخر به لأننا خلالها نرى الرب يسوع زى ما شافه الثلاث فتية.

للخادم : يمتاز الهوس الثالث بأجمل وأعمق الألحان فنجذ: لحن إزمو ابشويس، لحن هوس إيرف،

ولحن تينين واللى بسمعه كثير خلال تسبحة شهر كيهك، ولحن تبين أويه إنسوك اللى بيتقال

ب خمس نغمات حسب الموسم الكنسى اللى بتعتبر لبش للهوس الثالث، ومقدمة للمجمع.


وعلشان ننتقل للباب الرابع لازم نعمل حاجتين :

- ١- كل واحد يقول لى موقف ضايقة وكان حاسس بوجود ربنا معاه وقت الضيق.
- ٢- تعالوا نرتل مع بعض أول ربع من تسبحة الثلاث فتية: "أريسمالين": "رتلوا للذى صلب عنا وقبر وقام، وأبطل الموت وأهاته.. سيحوده وزيدوه علوا".

فى الطريق للباب الرابع :

فى المسافة أو الطريق بين الباب الثالث والرابع (سواء فى الحجرات أو لوفى الماكيت أو فى الباتر) هانضع صور لقسيسين.. ونرسم إلى جانبهم صورة أيدى ممتدة. يسأل الخادم: لماذا وضعنا القديسين فى هذا الطريق؟ ورسمنا أيدى ممدودة إلى جانبهم؟! وبعدما يجيب الأولاد..

يقول الخادم :



وطالما الهوس الثالث فيه بيحضر المسيح وسط كنيسة.. يبقى طالما الملك جه أكيد هاجى معاه موكبه الملوكى.. يعنى هايحضر معاه كل جمهور القديسين.. علشان كده صور القديسين دى موجودة.. وهو ده اللى بتعلمه لنا كنيسةنا بعد الهوس الثالث..



بنذكر كل القديسين بترتيبهم فى "المجمع"، وبنتشفع بيهم، وبنطلب من ربنا إنه يغفر لنا خطايانا بشفاعتهم يعنى بصلواتهم.. خليكم فاكرين إن شفاعاة القديسين لنا معناها صلواتهم عنا، وسببها الأساسى إنهم بيحبونا فيصلوا لنا.. وكمان دليل وبرهان على الشركة وعضويتنا فى جسد المسيح الواحد اللى المسيح هو رأسه.. وأعضاءه إحنا المؤمنين على الأرض، وكمان المؤمنين اللى سبقونا وراحوا السماء.. يبقى معنى كده إن كل القديسين دول اللى بنذكرهم فى المجمع بيصلوا عنا علشان يدنا ربنا توبة وغفران، وكمان يدنا إيمان ورجاء، ويدنا غفران بدمه.. عارفين زى إيه زى ما كل واحد فينا بيصلى لصاحبه.. كمان القديسين بيصلوا عنا علشان ربنا يغفر لنا خطايانا.

للخادم : يرتب صور القديسين فى المجمع بحسب كرامتهم فى السماء: فأولاً ودائماً والددة الإله العذراء، ثم السبعة رؤساء الملائكة، ثم كل القوات السماوية وقبل أن نطلب صلوات آباء العهد الجديد.. نطلب الكنيسة صلوات آباء وأنبياء العهد القديم: إبراهيم، واسحق، يعقوب، أخنوخ، إيليا، اليسع، موسى، إشعياء، إرميا، داود، حزقيال، دانيال، وكل صفوف الأنبياء، باعتبارهم الآباء الذين تعبوا فى الشهادة للخلاص الثمين الذى نلناه نحن، ولم يروه هم..



يا ترى بعد ما كل القديسين اللى ذكرناهم فى المجمع بيصلوا عنا قدام ربنا.. أكيد المفروض إننا نشكرهم.. علشان كده نظمت كنيسة صلوات الذكصولوجيات (ودى كلمة يونانية معناها تمجيد بركة) اللى فيها بنقدم التمجيد للقديسين والشكر لهم، لأنهم ساندونا فى طلبتنا لربنا إنه يغفر لنا خطايانا.. والذكصولوجيات دى بتفكر فيها فضائل هؤلاء القديسين، وتوصف فيها إيمانهم وقوتهم، وكل اللى عملوه علشان نتشجع ونتشبه بهم.. وزى ما فى ذكصولوجيات للقديسين، عندنا كمان لكل مناسبة من مناسبات الكنيسة ذكصولوجية.. وكلها بتخلينا نعيش حياة الرب يسوع لما كان على الأرض.



وعلشان ندخل للباب الرابع لازم نعمل حاجتين :

- نحفظ الربع الخاص بالعدراء من المجمع.
- كل واحد فينا يقول لى مين هو صاحبه اللى اختاره من القديسين، علشان يكون شفيعه، ويوصل طلباته لربنا.. وكل ما يقف يصلى يقف معاه.

الباب الرابع :

باب مفتوح على الآخر.. نضع بالداخل صور لأشخاص يبدو عليهم الفرحه الشديده، ورافعين أيديهم إلى السماء.

- يمسأل الخادم الأولاد..
- تفنكروا الناس مبسوطين ليه؟! -
- يه أكثر حاجة بتخلينا نحس إننا مبسوطين؟! -
- بعدما يجيب الأولاد.

أكثر حاجة بتخلينا فرحانين زى الناس دى لما طلبتنا نتحقق.. ولما نكون

فرحانين بنبقى عاوزين نرسم ونسبح ونشكر اللى كان مسبب فى فرحنا.. وهو ده اللى بيعملوه اللى معنا فى هذه الصور.. فرحانين ويسبحوا ربنا.. كنيسة بعد رحلة التسيب دى كلها، بداية من الهوس الأول إلى الذكصولوجيات.. حاست بفرحة كبيرة جدًا بسبب إحساسها بالغفران اللى حققه ربنا لها.. علشان كده الكنيسة



بتنادى كل المخلوقات إنها تشارك معاه فى تسبيح ربنا الحنون والمحب، اللى بيعمل معنا أكثر جدًا من اللى بنطلبه أو نفهمه.. وهو الهوس الرابع فى رحلتنا اللى فيه كل الخليقة بتسبح ربنا.. والهوس الرابع عبارة عن ٣ مزامير وهم (مز ١٤٨، ١٤٩، ١٥٠).. والهوس الرابع هو قمة رحلة تسبيحنا لربنا.. اللى فيه كل الخليقة بتقوم علشان تسبح ربنا..



أول لما كلنا نقف مع بعض نسبح ربنا.. على طول ربنا بيحضر وسطنا، علشان كده نبدأ نناديه باسمه القدوس وده خلال صلاة بتسميها كنيسة الإصصاليات.. وكلمة إصصالية يعنى (ترنيمه).. وهنلاقى إصصالية لكل يوم من أيام الأسبوع.. وكمكان فى إصصاليات للمناسبات.. وكل الإصصاليات دى بتخلينا نتأمل فى حياة الرب يسوع معنا هنا على الأرض.

وفى جوار الباب الرابع يجد الأطفال خادمة تمثل دور العدراء..



ويقوم الخادم بسؤال الأطفال :


- يا ترى مين الشخصية دى ؟ - طيب لشمعنى هى بس اللى مميزة كده وواقفة هنا ؟
- يسمع الخادم الإجابات.. ويعدها يكمل ويقول..




فى صلوات بعد الإبصاليات اسمها **ثيوطوكيات**.. وهى عبارة عن قطع منعمة تمجد فيها الكنيسة السيدة العذراء والدة الإله، وده معنى كلمة **ثيوطوكوس** اللى جاية منها **ثيوطوكية**.. وفيها بتشرح لنا كنيستنا سر التجسد الإلهى ومعناه بجمال روحى.. وبتوضح لنا كمان العلاقة بين أم النور وابنها الحبيب الرب يسوع. وبتفسر لنا شوية رموز من العهد القديم اللى بترشدنا للتجسد.

وبتشرح لنا فكرة التجسد وإزاي حصل.. وإيه هى البركات اللى أخذناها لما ربنا يسوع إتجسد علشاننا..

علشان كده طول شهر ديسمبر اللى فيه بنصوم صوم الميلاد كنيستنا بتزيد فى التسبيح والشكر لربنا، علشان إتجسد من أجلنا علشان كده بنصلى تسبحة كيهك اللى فيها بنقول الأربع أهواس.. ومعاهم بنقول التسبحة **ثيوطوكيات**.. علشان كده بتسمى كنيستنا الشهر ده على اسم العذراء مريم بنسميه (الشهر المريمى).. وكمان بنسموه تسبحة ٧ و٤ علشان وجود السبع **ثيوطوكيات** والأربع هوسات..



وبكده نكون وصلنا لنهاية رحلتنا.. كأننا وصلنا للسماء.. وطبعًا وصلنا للسماء.. وده بيفكرنا إن ربنا يسوع هايجى يأخذنا كلنا معاه، علشان كده بنختم تسبحةنا بصلوة بتركز فيها على إستقبال الرب يسوع، لما هايجى مرة تانى ويأخذنا لسماء.. وينصلى إننا نكون وقتها فرحانين ومستعدين وده ختام **ثيوطوكيات**.. وبعدها بنقول ختام التسبحة اللى فيها بنكون كأننا واقفين على باب السماء وعمالين نخطب بالدق والألحان علشان يفتح لنا ربنا باب السماء.. ودى كانت رحلتنا فى تسبحةنا من الأرض للسماء اللى فى نهايتها وصلنا للسماء..



لا تحل (ترك) اسم الرب يسوع بل (مسكه بعقلك ورتل به
بلسانك وفى قلبك وقل : يا ربى يسوع المسيح (ارمضى يا ربى يسوع
اعنى وقل له (أيضاً أنا أسبحك يا ربى يسوع المسيح

مرد الإنجيل للأحدين الأول والثاني




الترنيمه

تین تی تی امبی شیرى تبسموس نيم
غيريل بي ارشى أنجيلوس جي شیرى كى
خاريتو مينى أوكيزيوس ميناسو انقي
فاى تين تی اووونى هوس نينوطوكوس
انسو نيفين ماتي هو امبشويس اى
إهري ايجون انثيف كانين نوفي نان
ایفول.

نعطيك السلام مع غيريال
الملاك قاتلين السلام لك
يا ممثلة نعمة الرب معك من
أجل هـذا نمجـدك
كوالدة الإله كل حين
أسألي الرب عنا ليغفر
لنا خطايانا.

ال CD يحتوى على (الترنيمه + حوار الدف والتريانتو
فيديو + الكلمات القبطية)



اعرف لغتك

سَبِّحُوا الرَّبَّ يَا جَمِيعَ الْأُمَمِ
وَامْدَحُوهُ يَا جَمِيعَ الشُّعُوبِ (رو ١٥: ١١).

Πισθος τηροτ σμοτ επβοις
μαροτςμοτ εροτ ηχε νιλαος τηροτ

Πισως الهوس

Θεοτοκια الثيوطوكية

Πισαωτ nem πικτωτ سبعة وأربعة

جدول التسبحة



التطبيق العملي ١

قم بتوزيع هذه الورقة على كل طفل وأطلب منه أن يقوم بملأها بعد الدرس.

اسم الهوس	الهدف منه	كيف أعيشه في حياتي؟	كيف أعبّر عنه في صلاتي؟
الهوس الأول			
الهوس الثاني			
الهوس الثالث			
الهوس الرابع			

أدوات التسبحة



التطبيق العملي ٢

قم بعرض مجموعة من الخامات أمام الأطفال، وأطلب منهم أن يقوموا بتجسيم أكثر موقف أعجبهم في التسبحة باستخدام هذه الخامات..

أدوات التسبيح



التطبيق العملي ٣

صل كل عمود بما يناسبه :

تسبحة موسى وشعب إسرائيل بعد عبورهم البحر الأحمر
(خروج ص ١٥)

١- كلمة هوس

يتكون من المزامير ١٤٨، ١٤٩، ١٥٠ وهي تتكلم عن التسبيح
الذي هو عمل الملائكة وعمل الكنيسة الدائم في السماء

٢- الهوس الأول

كلمة قبطية معناها تسبيح أو تسبحة، وفي التسبحة أربعة هوسات
معناها صلاة، لا تهدف إلا لتمجيد الله، أي ليست بغرض الطلب

٣- لبش

أي مزمور أو نشيد. وهو كتاب التسبحة اليومية
وكتاب التسبحة الكيهكية.

٤- الهوس الثاني

كلمة قبطية معناها (إكليل) أو (إتمام) (إكمال) (إنجاز)

٥- الهوس الثالث

أي "المثلث"، وهي أداة موسيقية على شكل مثلث

٦- الهوس الرابع

تسبحة الثلاث فتية في الآتون وهي تمثل تجارب الحياة

٧- هلوليا | الليلويا

عبارة عن مزمور ١٢٥ وهو شكر على الخلاص

٨- تريانتو

جزءان من المعدن دائريان يخرجان نغماً لضبط
الألحان الكنسية.

٩- دُف | ناقوس

كلمة عبرية تنطق هكذا في جميع اللغات
ومعناها هللو للرب، أي سبحوا الرب أو الشكر لله.

١٠- ابصلمودية

تسبحة التلاميذ والرسل

- عنوان مبتكر : حلاوة العشرة - بعد
قيامته هنكلمه - سبحوا الرب -
هانفضل وياه.

- محور الدرس : (درس كتاب) - نماذج
من شخصيات سبحت في الكتاب
المقدس.

- الآية : 'فَلْتَقَدِّمْ بِهِ فِي كُلِّ حِينٍ لِلَّهِ
ذُبِيحَةُ التَّسْبِيحِ، أَيْ ثَمَرُ شِفَاهٍ مُعْتَرِفَةٍ
بِاسْمِهِ' (عب ١٣: ١٥).

- المراجع : كتاب ذبيحة التسبيح الجزء
الأول - لنياقة الأنبا رافائيل.

- هدف الدرس : ١- الهدف المعرفي: أن يعرف الطفل أن التلاميذ والرسل كانوا يمارسون التسبيح.

٢- الهدف الوجداني: أن يشعر الطفل بجمال التسبيحة.

٣- الهدف المهاري: أن يتدرب الطفل على المواظبة على حياة التسبيح.

التسبيح في الكنيسة هو أعظم كنز ورثته المسيحية عن العبادة بهيكل
أورشليم، حتى أنه كانت هناك وصية أساسية يقدمها الرسل لأبنائهم المؤمنين أن
يسبحوا بالمزامير والتسابيح والأغاني الروحية.. "مُكَلِّمِينَ بَعْضُكُمْ بَعْضًا بِمَزَامِيرَ
وَتَسَابِيحٍ وَأَغَانِي رُوحِيَّةٍ، مُتَرَنِّمِينَ وَمُرْتَلِينَ فِي قُلُوبِكُمْ لِلرَّبِّ، شَاكِرِينَ كُلَّ حِينٍ
عَلَى كُلِّ شَيْءٍ فِي اسْمِ رَبِّنَا يَسُوعَ الْمَسِيحِ، لِلَّهِ وَالْآبِ" (اف ٥: ١٩-٢٠).



ما أجمل هذه الروح النسكية العميقة التي كان يعيش بها آباؤنا الرسل مع الجيل الأول المسيحي 'هؤلاء كلهم كانوا
يواظبون بنفس واحدة على الصلاة والطلبية، مع النساء، ومريم أم يسوع، ومع إخوته' (اع ١٤: ١٤)، 'ولما حضر يوم
الخمسين كان الجميع معاً بنفس واحدة' (اع ١: ١٢) .. كانت حياة الآباء الرسل كلها تسبيح وصلاة وشكر، حتى في أقسى
الظروف، وكانت تسابيحهم إقتباسات من المزامير: 'فلما سمعوا، رفعوا بنفس واحدة صوتاً إلى الله وقالوا: أيها السيد،
أنت هو الإله الصانع السماء والأرض والبحر وكل ما فيها' (اع ٤: ٢٤)، وعندما كان بطرس في السجن صلت الكنيسة
بلجاجة من أجله (اع ٥: ١٢)، وكذلك كان بولس وسبلا في السجن 'وتحو نصيف الليل كان بولس وسبلا يصليان
ويسبحان الله، والمُسجُونُونَ يَسْمَعُونَهُمَا' (اع ١٦: ٢٥).

"هيا نسبح مليكنا معاً.. هيا نرنم.. هيا نهلل للرب وسط المحن والتجارب.. الرب مسبح هنا
على الأرض وهناك في الأعلى.. هيا الآن لنسبح لنخفف عنا الأحمال" القديس أغسطينوس

اختار تمهيد للدرس



- ١- يطلب الخادم من ٢ أطفال (أو إذا توافر خدام) أن يقوموا بتمثيل المواقف الآتية:
 - ١- التكرم على شخص ما بطريقة مش حلوة على أحد آخر (النميمة).
 - ٢- يقفوا صامتين بدون فعل أى شئ (مشهد صامت).
 - ٣- يقولوا نكت لبعض ويضحكوا.
 - ٤- واقفين يصلوا...
- ويسأل الخادم الأطفال.. تفكروا أى مشهد من دول هنشوفه فى السما؟ وبعدها يبدأ الخادم فى سرد الدرس.
- شخصيات ومواقف: يعرض الخادم للأولاد صور الشخصيات الآتية، ويطلب من كل منهم أن يصف ماذا سيفعل وكيف سيسعد إذا أراد أن يدخل ويقدم طلب من كل شخصية منهم.. والشخصيات هي:
 - ١- مدير المدرسة.
 - ٢- كاهن فى كنيسة.
 - ٣- أسقف بلدك.
 - ٤- سيدنا البابا (البطريك).
- وبعدها اربط بين كيفية استعداده لمقابلة هذه الشخصيات المهمة، وبين استعداده لمقابلة الرب يسوع أثناء تسميحه.. الهدف من هذا التمهيد تدريب الأطفال على كيفية الاستعداد والوقوف أثناء تسميحه الله.. وبعدها قم بسرد الدرس.

للخادم المبدع



- ١- نشرة أخبار: تطلب من كل طفل عمل نشرة أخبار لكل ساعة من سواعى الصلوات التى كانوا التلاميذ يصلوا فيها: (نشرة أخبار الساعة الثالثة - نشرة أخبار الساعة السادسة - نشرة أخبار الساعة التاسعة - نشرة أخبار أربعة وعشرين ساعة).. من خلال كل شاهد من شواهد القصة..
- ٢- آلة الزمن: نرسم ساعة على الأرض، ونوقف مجموعة من الأطفال على كل ساعة من الساعات الآتية (٣-٦-٩-١٢-١٢).. ونطلب من كل مجموعة منهم إننا نريد تصليح آلة الزمن التى من خلالها نستطيع أن نرتفع فوق الزمن.. ونفرض على شكل السماء بكل ما فيها من جمال.. لذلك مطلوب من كل مجموعة واقفة على ساعة معينة تعرف تجاوب على الأسئلة الموجودة عند كل ساعة (والتي تمثل الآية الخاصة بكل ساعة بحيث تتضمن الأسئلة طريقة تسميح التلاميذ والرسل فى كل آية، حتى يعرف الأطفال كيفية التسميح، ويرسخ فى أذهانهم أن التلاميذ مارسوا التسميح بكل طرقه).. وإذا عرفت كل مجموعة إجابة الأسئلة الخاصة بهم سيتم بذلك تصليح جزء من الآلة، أما إذا كانت الإجابة خطأ يحاول الخادم مساعدتهم حتى يعرفوا الإجابة الصحيحة وبعدها يمكن تصليح جزء آخر (الأسئلة بالتتابع بداية من الأطفال الواقفين على الساعة الثالثة حتى آخر ساعة حتى تكون الاستفادة للكل).

وسيلة الإيضاح توزيع ورق العمل الموجود فى الدرس على كل طفل كما سيتضح، أثناء شرح الدرس.

١- لأن محور هذا الدرس درس كتاب، فحاولنا عمل طريقة مبتكرة لدراسة الكتاب المقدس تناسب هذه المرحلة، حتى يعتاد الطفل من صغره على محبة فتح الكتاب المقدس، والتعمق في دراسته وقرائته.



٢- اطلب من طفلك في هذا الأسبوع ضرورة إحضار كتابه المقدس معه، وإذا لم يكن لديه.. قم بإحضار كتاب له كهدية مكتوبة عليه اسمه.

٣- اجلس الأولاد في شكل دائرة أو مربع ناقص ضلع.

٤- اطلب من طفلك فتح الكتاب المقدس وساعده في معرفة كيف يفتح الكتاب.

٥- قم بمناقشة الأطفال كما يلي: تفكروا يا أولاد بعد ما ربنا يسوع قام من الموت وصعد إلى السموات، تلاميذه كانوا يعملوا إيه؟

(يعملوا معجزات - يبشروا - يساعدوا الناس - يخدموا..) برفو عليكم.. التلاميذ فعلاً كانوا يعملوا معجزات كثيرة خالص، بقوة ربنا يسوع، وكمان كانوا يخدموا كل اللي بيحتاج لأى مساعدة، ويعلموا الناس عن ربنا يسوع.. فى حاجة ثانية مهمة جداً كانوا يعملوها مع بعض غير كل ده.. تيجوا تعرف إيه هي؟

- يقوم الخادم بتقسيم الأطفال إلى ٤ مجموعات، وتحديد قائد لكل مجموعة (المجموعات: مجموعة الساعة الثالثة - مجموعة الساعة السادسة - مجموعة الساعة التاسعة - مجموعة الساعة ٢٤ ساعة).



- بعد تقسيم الأطفال، كل فريق هيعرف اسمه عن طريق: 'لعبة الأسلاك المتشابكة' وهي: (كل قائد مجموعة يمسك طرف خيط من الأربعة، لكن الخطوط هتكون متشابكة، وكل طفل يحاول يفك الخيط بتاعه، علشان يوصل لأسم فريقه).



(٤٦:٢٤)



(١٠:٩)



(٩:١٠)



(١٥:١٢)

- تقوم كل مجموعة بفتح الكتاب المقدس على الشاهد اللي معاه، وقراءة الآية جيذاً وحفظها إذا استطاع..



- يقوم الخادم بسؤال كل مجموعة على حدى :

الساعة الثالثة :

ولما حضر يوم الخمسين كان الجميع معا بنفس واحدة، لأن هؤلاء ليسوا سُكَّارِي
كما أنتم تظنون لأنها الساعة الثالثة من النهار (اع ١٥: ١٢).

١- مين اللي قال الجملة دي؟ (اع ١٤: ٢).

٢- كان يقصد بيها مين؟ (اع ١٣: ١).

٣- كانوا بيعملوا إيه لما إتقالت الآية دي؟ (اع ١٢: ٥).

الساعة السادسة :

"صعد بطرس على السطح ليصلى نحو الساعة السادسة" (اع ٩: ١٠).

١- حصل إيه بعد ما صلى؟ (اع ١٠: ١٠). ٢- شاف إيه بعد الصلاة؟ (اع ١١: ١٠).

للخادم : يكفى أن يعرف الطفل إن بطرس شاف رؤيا.



الساعة التاسعة :

"وصعد بطرس ويوحنا معا إلى الهيكل في ساعة الصلاة التاسعة" (اع ١٣: ١).

١- مين الشخصيات اللي موجودة فى الآية؟ (اع ١٣: ١).

٢- راحوا فين؟ (اع ١٣: ١).

٣- عملوا إيه هناك؟ (اع ١٠: ٣-٤).

الـ ٢٤ ساعة :

وكانوا كل يوم يواظبون فى الهيكل بنفس واحدة (اع ٤٦: ٢).

١- مين اللي بتتكلم عنهم الآية؟ (اع ٤٤: ٢).

٢- كانوا موجودين فين؟ (اع ٤٦: ٢).

٣- بيعملوا إيه؟ (اع ٤٦: ٢، ٤٧).

عده كلنا عرفنا إن التلاميذ كانوا بيصلوا فى أوقات محددة: زى الساعة الثالثة، والسادسة والتاسعة، وكانوا مواظبين على الصلاة كل يوم.. حد عارف إحنا الأوقات

دى بنسمع عنها فين؟؟ صح.. فى الأجيبة.. كنيسة..

إستلمت من التلاميذ والرسول الصلاة فى أوقات محددة..

حد عارفها؟ براقو عليكم.. هى باكر والثالثة والسادسة

والتاسعة والغروب والنوم ونصف الليل كمان..


بنفس تقسيم الفرق هنوزع عليهم لوحة (ورقة كبيرة) فيها

لعبة (مين؟، مع مين؟، فين؟، بيعملوا إيه؟).






بحيث يقوموا باستخراج الشواهد الموجودة وملئ الجدول الآتي: (ملحوظة: لكي يستطيع الطفل ملئ هذا الجدول سيحتاج مساعدة الخادم للرجوع لبداية الإصحاح):



وزع الشواهد التالية بدون العناوين على كل مجموعة:



الإجابة:

الشاهر	مين؟	مع مين؟	فين؟	بيعملوا إيه؟
(اف ٢٠:٥)	بولس الرسول	المؤمنين	أفسس	شكر
(اع ٢٥:٢٧)	بولس الرسول	راكبي السفينة	السفينة	شكر
(اكو ١٤:٣٦)	بولس الرسول	أهل كورنثوس	كورنثوس	تسبيح بالمزمار والتراتيل
(اف ٩:٥)	بولس الرسول	أهل أفسس	أفسس	تسبيح بالمزمار والتراتيل
(يع ١٣:٥)	يعقوب	المؤمنين	أورشليم (للخادم قبل خراب أورشليم)	تسبيح بالمزمار والتراتيل
(اع ٢:٤٢)	التلاميذ	المؤمنين	الهيكل	كسر الخبز
(اع ١٦:٢٥)	بولس الرسول	سيلا	المنجن	صلاة وتسبيح
(اع ٤٦:٢-٤٧)	التلاميذ	المؤمنين	الهيكل	صلاة وتسبيح

الهدف من كل هذه الشواهد أن نوصل للطفل أن التسبيح له صور متعددة.. منها:

- ١- شكراً لله في كل وقت وعلى كل شيء.
- ٢- التراتيم والتراتيل بتلاوة المزامير.
- ٣- صلاة القديس من أجمل صور التسبيح لله الذي أعطانا جسده ودمه لنثبت فيه وهو فينا.
- ٤- الصلاة التي نقدمها لله في كل وقت هي عبارة عن تسبيح لله.

يمكن أن يكون ملء الجدول مسابقة بين المجموعات، لتعطي روح التنافس والجدية، واللى يخلص ملء جدول الأول يفوز بجائزة ولو رمزية، يمكنك بعد إستخراج الأطفال لهذه الشواهد وملء الجدول، أن تقول لهم كلمة على كل نوع كما يلي:



١- **الشكر**: كان التلاميذ دائماً يبسبحوا ربنا، وكم كان كل تسبيحهم عبارة عن شكر لربنا، وكانوا دائماً يشكروه في كل أوقات حياتهم، سواء كانت حلوة أو حتى في وقت الضيق والمشاكل.. إنا كمان لازم نتعلم إنا نشكر ربنا على كل حاجة، وفي كل وقت، وأنا فرحان أو حتى متضايق.



٢- **الصلاة بالمزامير والترانيم**: التسبيح بالمزامير والترانيم الروحية جوه كنيسةنا هو أعظم كنز وورثته المسيحية من إجتماعات الكنيسة الأولى أيام التلاميذ والرسل، لأن في الوقت ده كان فيه وصية أساسية قدمها لبنا التلاميذ والرسل، وهي إنا نسبح ونصلي بالمزامير والترانيم الروحية.. ده كمان كانت المزامير هي المادة الأساسية للصلاة في كل الإجتماعات في الكنيسة الأولى.. ده غير إن المزامير هي وسيلة للتعبير عن الفرح، وكم كان بتريح وتعزى اللي متضايق أو عنده مشكلة.

٣- **كسر الخبز**: التلاميذ زمان كانوا بيصلوا كلهم سوا في القداش، ودي كانت فرصة لتجمعهم مع بعض.. وصلاة القداش بتعتبر نوع من أنواع تسبيحنا لربنا في العهد الجديد، لأن رحلة القداش بتكلمنا عن خطة الله لخلاصنا، علشان كده من خلال صلاة القداش بنقدم تسبيح وشكر لربنا على مجيئه وقداشه لبنا، وإيه قدم لنا جسده ودمه لنثبت فيه وهو فينا، علشان كده صلاة القداش هو (ذبيحة الإقحارستيا اللي كان بيسمىها الآباء الرسل والتلاميذ كسر الخبز) وهو بيعتبر من أهم طرق تسبيحنا لربنا.



٤- **الصلاة والتسبيح**: ودي كانت حياة التلاميذ والرسل، كلها صلاة وتسبيح، بجانب حياة التبشير والكراسة باسم ربنا يسوع المسيح..

ومن كل اللي قلناه عرفنا إن التسبيح ليه صور كثيرة منها:



- الأبحان الحلوة اللي بنقولها وبتحفظها في كنيسةنا وقت تسبحة نصف الليل مثلاً..
- وكم كان ممكن تسبح ربنا وقت القداش.. مين يقولى إزاي؟ (لما أشكر ربنا - لما أقول مردات الشمس - لما أقول الأبحان الحلوة مع الشعب..) براقو عليكم..

- أسبح ربنا بإيه كمان؟ صح المزامير.. والمزامير موجودة في الأبحية.. يعني لما أصلى بالأبحية أكون بسبح لربنا.. كمان مننشاش إن كنيسةنا ربت لبنا الصلوات في ساعات محددة.. زى ما كان التلاميذ والرسل بيصلوا زمان في ساعات محددة.. كل صلاة بنقدمها لربنا بكون تسبيح علشان كده بنقول: "فَلْنَقْدِمْ بِهِ فِي كُلِّ حِينٍ لِلَّهِ ذَبِيحَةَ التَّسْبِيحِ، أَيْ ثَمَرِ شَفَاهِ مُعْتَرِفَةً بِاسْمِهِ" (عب ١٣: ١٥).

- عارفين كمان إني لما أقول ترنيمة من ترانيم كنيسةنا الحلوة بروح الصلاة الهادية.. دى تعتبر نوع من أنواع التسبيح. وبكده نعرف إن التسبيح ليه صور كثيرة: زى الترانيم والألحان، والمزامير، وصلوات الأجيبة، والقداس، وحياة الشكر.

علمنى التسبيح



الترنيمة

علمنى التسبيح بالروح مش باللسان
بوداعة وروحانية فى حفظ الألحان
علمنى التسبيح بالروح مش باللسان
بوداعة وروحانية فى حفظ الألحان

ال CD يحتوى على (الترنيمة + جدول ورقة العمل
+ الكلمات القبطية)



اعرف لغتك

فَلْنَقْدَمْ بِهِ فِي كُلِّ حِينٍ لِلَّهِ ذُبِيحَةً

التسبيح، أى نَمْرَ شِفَاهِ مُعْتَرِفَةً بِاسْمِهِ (عب ١٣: ١٥).

Μαρενῖνι οὐκ ἐξ ἑρῆς ἐβόλητο τοῦ

ἡλίου τοῦ ὡσπριῶντος ἡμῶν ἡσυχῶν νῖβεν ἡ

φύση ἔτε φαι πε ποῦτας ἡτε νενῶφοτος ἐνοῦων

ὑπερραν ἐβόλ

Πιψαλιος المزمور

Πιστιμος التسبيح

Πιῶληη صلاة

Πιχω ترنيمة



الخليقة تسبح الله

قم بكتابة أجزاء من التسبحة، وإعرضها على الطفل، وأطلب منه أن يستخرج من كل جزء من هذه

الأجزاء مین اللى سیح ربنا فی هذا الجزء، ويقوم برسم صورة له.

الهوس الرابع :



التطبيق العملى ١

<p>(سبحیه أیتها) الجبال العالية وجميع الأكام الليلويا. الأشجار المتمرة وكل الأرض</p>	<p>سبحیه یا سماء السموات .. الليلويا. وبأیتها المياه اللى فوق السموات</p>	<p>سبحیه أیتها الشمس والقمر .. الليلويا. سبحیه یا جميع كواكب النور</p>	<p>سبحوه یا جميع ملائكته .. الليلويا. سبحوه یا جميع جنوده</p>
--	---	--	---

تعالوا نلعب بأيدينا

قم بتوزيع هذه الشواهد على الأطفال. (اف ٢٠:٥، عا ٢٧:٢٥، كو ١٤:٢٦، اف ١٩:٥،
يع ١٣:٥، عا ٤٢:٢، عا ٢٥:١٦، عا ٤٧:٤٦).

وأطلب من كل طفل أن يقوم بالتعبير عن الآية بأيديهم، ويقوم برسم هذه الحركة
بجوار الشاهد فى الكتاب المقدس....



التطبيق العملى ٢



شهر ديسمبر

١٨١


مرحلة خامسة ابتدائي


نماذج سبعت في الكتاب المقدس



التطبيق العملي ٣

تعرف على الشخصيات التي سبعت في هذه الصور واكتب تحت كل صورة اسم هذه الشخصية.





فى هذا الكتاب

- | | |
|--------------------------|------------------|
| ٢- جسر مش خشبى | ١- Copy CD |
| ٤- رحلة بيتى | ٣- ابحث عنى |
| ٦- شايف من غير عيون | ٥- أنت إنسان |
| ٨- حسبها صح | ٧- نبع لا ينتهى |
| ١٠- معايا حصانة | ٩- عامل ولا عاطل |
| ١٢- إيد لو حدها ما تصقفش | ١١- أتعرفه ؟ |
| ١٤- حلى لسانك | ١٣- جمّد قلبك |
| ١٦- حلاوة العشرة | ١٥- لقطات سماوية |

أسقفية الشباب



لجنة الطفولة

اطلب

+ كتاب الطفل (ألعاب وتطبيقات)
+ CD لكتاب الخادم



+ مكتبة أسقفية الشباب، ص.ب ١٣٦ العباسية - القاهرة
تليفون ٠٢/٢٤٨٥٥٠٩٢ - ٠٢/٢٤٨٨٢٤٦٣ - فاكس ٠٢/٢٦٨٢٥٤٠٥
موبايل ٠١٢٣٥٨٢٨٣٣ - ٠١٧٨١١٤٤٥٢

+ مواقع أسقفية الشباب: www.youthbshopric.com
www.mahraganalkraza.com www.akeedaorth.com
www.kids.mahraganalkraza.com

www.coym-youthbshopric.com www.deaconessfby.org

+ جروب على Facebook : youthbshopric - مهرجان الكرازة المرقسية.

مصر امنا - أسقفية الشباب Egyptianyouthbshopric

يطلب
من

01040030051

